

**MENS DIVINITUS  
INSPIRATA  
SANCTISSIMO PATRI  
DOMINO NOSTRO  
INNOCENTIO PAPAE...**

---

Francisco : de Macedo, Cornelis  
Jansen





At 115 f v





# MENS DIVINITVS INSPIRATA

SANCTISSIMO PATRI  
DOMINO NOSTRO  
INNOCENTIO  
PAPÆ X.

Super Quinque Propositiones *Cornelij Iansenij.*

ET

Mens Diui Augustini illustrata de Duplici Adiutorio  
Gratiæ *Sine Quo non & Quo.*

*Authore P. Fr. FRANCISCO A SANCTO AVGVSTI-  
NO MACEDO Franciscano Obseruante Prouinciæ Por-  
tugallix Lusitano Conimbricensi, Magistro Artium & Theologia  
Professore, Christianissimorum Gallia Regum Annæ Matris Re-  
gentis, & Ludouici XIV. Concionatore & Consiliario, & Sere-  
nissimi Lusitania Regis IOANNIS IV. Historiographo Latino.*




LONDINI, & venundantur

PARISIIS,

Apud EDMVNDVM COVTEROT, viâ Iacobæa,  
sub signo Boni Pastoris.

---

M. DC. LIV.



THE  
DIVINE

INSPIRATION

AND ITS EFFECTS

ON THE MIND

AND CONSCIENCE

IN THE

HEART OF MAN

BY

JOHN W. FOSTER

OF THE

THEOLOGICAL SEMINARY

AT ANDOVER, MASS.

1852



AMERICAN BAPTIST ASSOCIATION

NEW YORK

1852

1852



Epistola Dedicatoria.  
EMINENTISSIMO DOMINO,  
DOMINO  
FRANCISCO BARBERINO  
S. R. E. Cardinali.



*Quod Magnus de se olim solitus dicere Athanasius, postquam Magnum Antonium Puer cognovisset Beatum sibi se ipsum videri cum recordaretur Antonii: id ego ex quo te, Parisius Senex vidi, frequenter usurpo. Et vero si qui Beatus est, cum Divino conspectu frui & summâ voluptate perfundi necesse est: oportebat Athanasium cum recordaretur Antonij, Divinam quandam sibi imaginem proponere, in quam*  
A 2 *cum*

## Epistola Dedicatoria.

cum intueretur, incredibilem capere animo voluptatem. Utrumque mihi cum te, Eminentissime Domine, in memoriam revoco, oportet contingere: ut & Divina quædam species menti occurrat, & illius aspectus magnopere me delectet.

Debeo, Eminentissime Cardinalis, virtutibus tuis, ut cum nemo de fide Athanasij dubitet, de mea quoque nemo possit ambigere. Tot enim tamque præclaræ dotes sunt tuæ, ut qui eas probè cognitas perspectasque habeat, verum me dixisse comperiat. Nam si non aliis in animo nostro coloribus Dei imago quàm dotium virtutumque exprimitur, his tu eam ad vivum non exprimis in te solum, sed intus etiam expressam per signa foras prodeuntia oculis nostris repræsentas. Quam tibi acre, acutumque ingenium! Vis quanta & subtilitas mentis! Quod pondus, maturitasque judicij? Quàm gravia excocta que consilia! Quàm exacta profunda que prudentia! Quàm celsa & in specula mentis constituta providentia! Quanta perspicacia! Quæ circumspectio! Quæ & quàm accurata consideratio! Quàm sublimes, quàm puræ, quàm defæcatæ cogitationes! Annon hæc sunt & suprema illa ac immortalis Luce lumina decisa?

quæ



## Epistola Dedicatoria.

quæ oculis nostris objecta mentes erudiunt, Divinum esse Solem, à quo hi clarissimi radij profiscantur? Quid? Indoles generosa, & præstans: rursum que cerea & mitis? Quid animus excelsus & constans: ac rursum moderatus & facilis? Quid Humanitas cum dignitate: quid dignitas cum humanitate conjuncta? Quid benignitas cum severitate: quid severitas cum benignitate copulata? Quid cum magnanimitate temperatio: quid cum temperatione magnanimitas connexa? Quid distantes dissitæq; virtutes in te tam arctæ necessitudinis vinculo colligatæ? Nonne ostendunt Harmoniam illam, non nisi ab eo qui in Orbis molitione dissimiles discordesque naturas inter se mirabili nexu vinxit, esse perfectam?

Et quidem hæc cum supra Humanum habitum fuerint, oportuit ut in altissimo loco extra mortales limites posita eminere. Divino consilio providit Deus, ut Summi Pontificis Sanctissimi P. N. Urbani VIII. Patru tui, Dei in terris Vicarij vicem tu Eminentissime Cardinalis gereres: ac ejus nomine Ecclesiastica administrares: ac Romanæ Ecclesiæ Capitis Collum esses collatis humeris, quibus illa, tanquam Atlantæis, niteretur. Tam propo Numen fuisti, ut cum Urbano sæpe intra

## Epistola Dedicatoria.

*sacrarium fores, ac quæ ille instar mentis à Spiritu Sancto acciperet, tu instar Brachij præstares: ac Divina sæpe oracula Sibyllinis veluti Foliis inscripta nobis tradères, & voce aliquando dictares. Magni certè Consilij Angelum agebas, ac leges hominibus sacras imperatas à Dei Vicario injungebas. Imo unus Trium illorum Principum Spirituum munera obiisti: Michaelis Ecclesiam propugnanda, Gabrielis Dei monita præceptaque nuntiando, Raphaelis Charitatis opera exercendo. Vigilantiâ, industriâ, fortitudine tutam à vi, ab incurso hostium Ecclesiam reddidisti. Legibus, statutis, consiliis, documentis Fidelium mores ad virtutem formasti. Misericordiâ, largitate, donis, eleemosynis miseros recreasti: In tuenda Ecclesia Magnanimus: in erudienda Sapiens: in fovenda Pius. Omne tu solus Theatrum virtutis implebas: & omnes dotium rationes explicabas. Qui unius à te specimen virtutis editum videret, ad illam te natum existimaret, sed cùm alterius par exemplum cerneret, putaret ad te illas natas fuisse, ac per omnes iterum oculos circumferens & omnium à te exempla profecta intuens natas tecum omnes arbitraretur. Religionis æque Assertor: ac juris vindex.*

*Sacro.*



## Epistola Dedicatoria.

*Sacrorum Observator: Injuriarum Depulsor: Calumniarum extirpator: Miseriarum Sublevator. In quo habitabant virtutes, is propè quidem à vitis esse non potuit. Ac ne illa quidem nosti, nisi cum sensisti, in aliis legibus esse frenanda. Inter te ultorem & miser cordem intererat, quòd scelera vix præter publica noveras: miser as privatas, & occultas sciebas. Sontes oblatos puniebas: Miseros investigabas ipse, & latentem eruebas. Nemo te scelestus vicinum: Nemo te miser remotum habebat. Quis Pupillus vix dum amisso Patre, substitutum te sibi Patris loco non credidit? Quæ virguncula inops, pudicitie timuit suæ, cui tu largitate tuâ periculum metum que non ademeris. Quæ vidua pauper Marito amisso, non tuo est solatio, opibusque sublevata? Quis egenus tecto exclusus sub dio jacuit, quem tuæ Purpuræ sinus non texerit? Quis saucijs, ac ex vulnere agra membra vix colligens, non te sibi porrigentem manum, fomenta adhibentem, hiantia vulnera claudentem osculis, & infuso spiritu inhalantem animum, non est expertus? Quis egenus morbo affectus in angulo gemit, ad cujus tu gemitum præteriens currum in medio ferventem cursu non detorseris, & cum ardentibus præ-*

## Epistola Dedicatoria.

*præ celeritate vehementioris impetûs rotis : non accensum modo charitate pectus, sed & igneum ex rapido motu currum fumantibus equis ad decumbentem attulisses, non eum sublevari foverique jusservis ; ac sæpè exceptum brachiis mollioribus pluma in currum acceperis, domumque diligentius curandum tuam deportaris ? Quoties tu moribundis astare : solari, recreare eos, & expirantibus incubare, & effuso pectore cor impendere, ac velle incitatis pulsibus vitales iis spiritus præbere, & admoto ore halitum tuum infundere, & cum reddita anima vitam inspirare ? Una & privata tibi erat vita, sed communem Charitas fecerat. Suffecitque omnibus una. Uti omnes te amabant, & amando animos tibi suos tradiderant, ita tu acceptos in eosdem quodam quasi jure refundebas. Auream ferrcis temporibus Romam reddidisti, non marmoream, quemadmodum Augustus, sed ceream ad omnium exempla virtutum, ad concipiendum Divinæ Charitatis ignem reliquisti. Debet hoc tibi Roma Christiana, ut veteris illius miracula ficta virtutum, vacua laudis, fuci non succi plena, inani specie commendata, vera & solida in te per Fidem & Charitatem expressa videret : adeo ut cum impleres meriti ad*  
*fructum*

## Epistola Dedicatoria.

*fructum, nihil magnitudinis deesset ad miraculum. Ita in Ecclesia quæ Scala Jacob est versabare, ut per eam ad Deum ascenderes, ac per eandem ad Homines descenderes: nunc in summo cum Deo consisteres, nunc in imo Pauperi adhæreres: nec tamen unquam Angelum exueres.*

*Urbano Sanctissimo Patre, in Cælum recepto, qui Apis inter Flores fueras, inter spinas versari cepisti. Paulum conflictatus adversis: sed intra lilia spinæ fuerunt. Nempè in Gallia ubi lilia florent, inter quæ Pascitur Cœlestis Agnus. Hæc te unientem totâ expansâ Regiâ veste in florem suum recepit: Barberinis jam Apibus assuetum. Levissimè te adversa pupugerunt: sed pupugerunt tamen. Nam si ea tanquam Ignēs probant: & spectatur in ignibus Aurum. Iis tu cùm Barberinæ Domus Barbaricum Aurum esses, spectari ignibus debuisti. Non qui te, cùm fæces non essent, purgarent, sed probarent. Si apud Hieronymum disertus ad virg. in Exil. rectè dixit: Diu esse felicem, & sine morbo animi transire vitam, est ignorare naturæ rerum alteram partē; æquū non erat, ut tu qui integer vitæ eras vitæ partem alterā ignorares: ac nobis solidæ virtutis tuæ speculo indi-*

B

*gentibus*

Epistola Dedicatoria.

gentibus dimidiã Virtutis faciem exhiberes. Sed non diu Roma carere te potuit. Innocentij Summi Pontificis Dom. Nostri Columba Apim vocavit, ad favos in Olivæ trunco fabricandos. Altius celsissimæ illius mentis in superum confinio versantis consilium erat. Te adhibito, Pamphyliam Domum cum Barberina copulare sacro & puro, quod Ecclesiæ cum Christo Unionis symbolum est, vinculo Matrimonij. Felices Nuptiæ oleo ab oliva Innocentij expresso ritè consecratæ: & melle à Barberinis Apibus confecto aptè conditæ! Quarum Fructus novellæ Olivarum in circuitu Mensæ Domini. Ecce in Petra Romana sub Innocentio Mel de Petra Oleumque de Saxo. Erit profecto, erit Hic Lapis in testimonium Concordiæ inter Pamphyliam & Barberinam Domum ad perpetuam Firmitatem. Hoc nexu Pamphylia Familia, adscitã Barberinã, omnes Amore complexa, Amorem omnium collegit. Hoc modo omnes secum, se cum omnibus nodo strinxit. Hujus Sacri Hymenæi Innocentius Author: Tu Franciscæ Eminentissime Paranympheus extitisti. Vidit Roma Hymenæos serros citra nubes: splendidos ultra tædas: & intra stellas.



Epistola Dedicatoria.

*stellas. Tanta Hujus lux fuit, ut ad Turpuram præluxerit. En aliud in Barberina Domo cum ipsa Romana Ecclesia Conjugium Purpuratum. Duo Adolescentes Barberini duas Romæ duxere Virgines : Alter virginem Pamphyliam Innocentij Neptim : Alter Virginem Christi Ecclesiam Pamphylij Innocentij Filiam. Ut norint Fideles primum illud Matrimonium, non è re modo privata, sed è publica etiam & Romana fore : & quicquid à te Eminentissime Cardinalis instituitur, suscipitur, administratur ad Ecclesiæ utilitatem pertinere. Erit cum illa tibi sponsa, jam hodiè, opinor, omnium, vel occultis etiam destinata votis, obtingat : & non susceptos solum Filios conservet, sed novos quoque suscipiat, & in Christo gignat, & tuis, suisque fœcunda virtutibus ita adolescat, ut per totam hanc Orbis universitatem quàm longissimè propagetur.*

*Hæc mihi cogitanti, & vetera quædam mea in Barberinam Domum obsequia repetenti, cum Anno MDCXLI. Apes & Lyram Barberinam carmine, Elogium & Panegyricum prosâ Summo Pontifici Urbano composui, ac tuam in me benevolentiam, Eminentissime Cardinalis,*

## Epistola Dedicatoria.

Parisijs exhibitam recolenti, visum est hoc opus super Constitutione Sanctissimi Patris Nostri Innocentij recens editâ adversus quinque Propositiones in libro Jansenij contentas à me piè ac opportunè susceptum nomini tuo consecrare. Quæ sanè Constitutio Divinitus Innocentio dictata videtur: eo ipso quo de necessitudine cum Domo Barberina cogitabat tempore: ut non minus sanguine cum Urbani VIII. cognatione jungeretur, quam sententiâ cum ejus mente consentiret. Quam enim Censuram de Jansenij Doctrina Urbanus inchoaverat, Innocentius Pontifex absolvit. Decebat vero, ut qui Primi Decreti particeps & assertor fueras, hujus quoque consors ac defensor, Eminentissime Cardinalis, existeres. Et quidem illa Domus Pamphyliae cum Barberina (vinculo sanguinis) conjunctio, hujus cum Arbitrij libertate Gratiae (Constitutionis interventu) concordiae symbolum fuit. Sic enim libertas Arbitrij nostri stabilita contra Lutheranos & Calvinianos, ut Efficacia Gratiae adversus Socinianos, & Arminianos & Remonstrantes, omnino tradita & confirmata sit. Ac utrunq; secundum Apostolicum & Augustinianum sensum definitum. Ea vero Causa fuit Constitutio-



## Epistola Dedicatoria.

stitutionem istam commendandi ac illustrandi, quod cum in Anglia inter eos Hæreticos verser, qui è diametro, ut aiunt, oppositi sunt, & quidam doleant, quod, libertas statuatur: quidam exultent quasi Gratia dejiciatur, necesse fuit utrosque in officio continere, monstrando hac Censura nec augeri plus justo liberi Arbitrij potestatem, nec imminui Gratiae dignitatem, sed suum utriq; tribui: ut neq; Gratia inferat, nec Voluntas patiatur necessitatem. Hujus autem Concordiae quòd Romanus Pontifex Author, ad te Eminentissime Cardinalis, qui cum eo es conjunctissimus, defensio, pertinere Pontificio jure videtur: quòd ego assertor ac celebrator, qui olim Societatis JESU, hodie Seraphici Ordinis, (quarum alteram & amas & colis: alteram foves & tueris) Alumnus sum, Patrocinium Amoris studio & juris officio suscipere debes.

Et quoniam libertas Arbitrij damnatis hisce Jansenij sententiis adversus Lutheranos, & Calvinianos ab Innocentio Domino Nostro Papa Perspicuè asserta, & confirmata: Gratiae autem Efficacia retenta magis & conservata cum Catholicis, quàm contra Arminianos

## Epistola Dedicatoria.

Et Remonstrantibus defensa, Et vindicata ex ipso tenore Pontificiæ Constitutionis ostendo, nec additum quidquam contra Gratiam libertati, nec detractum Gratix propter libertatem: ut nec illi calumniari censuram specie doloris ex injuria Gratix: nec hi insultare Gratix prætextu gaudij ex liberato à necessitate Arbitrio possint. Ac eam ego probandi rationem inij, ut cum me Arminiani (quem putant Gratix dignitati Et virtuti favere) tam libenter amplecti doctrinam de libertate Arbitrij comperissent, sibi persuaderent me nullarum partium esse, sed uni veritati addictum: Et uti de dignitate Et efficacia Gratix sentirem, ita omnino esse sentiendum. Cum præsertim Doctorem habeam Doctrinæ Augustinum, & Protectorem operis Barberinum. Nemo non dicat Felicem

Hoc si me duplex scribentem Nomen obumbret.

Hymen.



# H Y M E N.

P A M P H Y L O - B A R B E R I N U S.



Superis Hymenæe veni : Cæloque  
refuge  
Sidera : non alias capient connubia  
tædas.

Astra decent accensa thoros : ubi fœdera jungunt  
Sancta Fides, & Casta Venus : geminæque ligantur  
Relligione Domus : quas celsa Tiara coronat  
Pontificalis Apex : Par utraq; fulget honore  
Altera Pamphylios hinc jactat in æthera fastos,  
Hinc Barberinæ fert altera stemmata Gentis.  
Vrget in amplexus Deus ignis ab ore Parentis,  
Et Nati productus Amor : communis utrique  
Spiritus : hic suadet thalamos, hic spirat Amores  
Innocuos. Pacisque ferens Insigne, Columbæ  
Vertitur

Hymen Pamphylo-Barberinus.

Vertitur in speciem, Tybrim super evolat undis,  
Incubat, ut quondam Sacri Jordanis ad undas  
Explicuit pennas, caelesti & Numine Lymphas  
Imbuit, & totas distendit nectare ripas.  
Et viridem rostro ramum prætendit Olivæ  
Pacis amans, nexusque gerens, flammæq; jugales.  
Adjiciens niveo candentia lilia Lecto,  
Lilia quæ sponsus flagrat, quæis pascitur Agnus:  
His ternæ junguntur Apes, succosq; ministrant  
Ambrosios, conduntque favos: nec rustica fingunt  
Mella, sed urbanos referentia mella sapores.  
Quæ Barberinus semper tulit Alveus urbi.  
Famque sonant clari Tiberino in flumine bo. i. bi.  
Qui sponsos in jura vocent, in fœdera Lecti:  
Hos Barberinus juvenis prior audit, illum  
Excibat sonitus propior: volat impiger, ardor  
Excitat: in pectus direxit tela Cupido,  
Pura quidem, & casto quæ cuderat igne pudoris.  
Sed tamen urget Amor, quis enim moderetur Amori?  
Fervet cuncta domus: gratus Labor occupat omnes  
Et stimulat: se quisq; acuit: sibi displicet ille  
Qui vacat: ante omnes juvenis se comparat, curo  
Fulgidus & gemmis, gemmas, sed vincit & aurum.  
Momento stetit in tædas, thalamosque paratus.  
Tardiùs



Hymen Pamphylo-Barberinus.

*Tardiùs audiuit sonitum pulcherrima virgo  
Pamphylia, & puduit bombos audire sonantes,  
Et damnavit Apes : tunc primùm visa Parenti  
Difficilis traxisse moras : ac sæpe vocantem  
Sprevit, & iratæ vocem se audisse negavit.  
Debita virgineo fuit hæc mora visa pudori.  
Sed vis major agit: summiq; invicta Parentis  
Religio: subit Alma Fides: sanctiq; recursat  
Cura thori, duplicisque movet concordia gentis,  
Grata vrbi, jucunda Polo: qua nixa Tiaræ  
Majestas superet Romani nominis hostes.*

*Vincitur his animus: fit sponsa è Virgine Ternæ  
Deducunt Charites: pulchræ Venus aurea formæ  
Invidet: hanc melior cuperet pro Matre Cupido:  
Stat capiti crinale decus, nodatur in auro  
Cæsaries, vivax inerat sed crinibus aurum  
Aurea fila nives circumfunduntur in orbem  
Candidulæ Frontis: nitet hæc ceu pumice lævis  
Reddita: & innato superat candore ligustra.  
In que superciliis geminantur Cornua lunæ,  
Cornua crinitos quæ cùm sinuantur in Arcus  
Spicula contorquent, quæ cæcus Amore Cupido  
Expetat in pharetram, quò certius inferat ictum  
Corribus. Ex oculis geminus Sol emicat: unus*

Hymen Pamphylo-Barberinus.

*Haud satis est oculis: minus uni luminis esset,  
Spargere si vellet sua lumina solus in ambos.  
Tantus utroq; nitor: totidem duo lumina sotes  
Deposcunt, mirere unâ quod Virgine Cælum  
Sit minus; huic etenim Sol sufficit unus, & una  
Luna: sed Egregia pro Virgine non satis unus  
Sol; non una satis Luna est; geminantur utriq;  
Et præstare Polo duplicatâ Luce fatentur.  
Partiturque genis formoso limite nasus  
Purpureos campos, ubi germina viva Rosarum  
Primo flore rubent: animantur labra Pyropis,  
Dentibus albet Ebur: Triplex Dea visitur ore  
Pallas, Juno, Venus: queis addita quarta Diana.  
Quatuor una inter certamina tolleret Idæ  
Et totum auferret Paridem: nec Numina contra  
Objicerent formas: quantum Latonia Nymphas  
Exuperat, tantum illa Deas supereminet omnes.  
Hâc specie tectis egreditur: currumque fatigat  
Pondere formoso: vehitur spectanda per urbem  
More triumphali; faciem sensere sedentis  
Alipedes, sic colla levant, sic vertice celsio  
Incedunt, quat. untque júbas, gressusq; superbos  
Agglomerant: flatuq; vomunt. Roma excita fervet  
Curribus innumeris: sese undiq; funderè cernas*

*Et*



Hymen Pamphylo-Barberinus.

*Et complere vias : hærent jamq̃ axibus axes  
Et juga mixta jugis : loris & lora : rotaq̃,  
Impediere rotas : tantoque Auriga tumultu  
Quisq̃ suos vix novit equos : confundit habenas  
Attonitus : nec se ipse regit : jucundus at ille  
Error erat : brevior Roma est sibi visa, plateæ  
Angustæ doluere premi, turbâque gementes  
Sentires majore queri : spectacula vulgus  
Grata putat : crescit populo plaudente tumultus.  
Illo Roma die veteres damnassee Triumphos  
Dicitur, antiquæ repetens insignia Laudis.  
Omnis visa minor tunc est ea gloria, quanquam  
Julius, Æmilius, Fabius, Magnusq̃ recurrat  
Pompeius : reputatq̃ illud mirabile, formam  
Virginis armata de Roma egisse Triumphum.*

*Quâ vehitur rapit illa oculos & corda videntum  
Hinc Amor, hinc livor variis affectibus urgent  
Pectora, femineas est invida flamma medullas:  
Quod niteat stellas velut inter Luna minores  
Inter præstantes facie, formaq̃ superbâs.  
Haud minuit tamen illa decus, quin omnibus auxit  
Invidiâ speciem, nam dum rubuere pudore,  
Incensâ facie, vultûs rubor auxit honorem.  
Iamq̃ adeò subeunt Petri memorabile Templum*

Hymen Pamphylo-Barberinus.

Passibus æquatis Sponsusq; & sponsa: videres  
Ire duos, specieque pares, similesq; decore,  
Vel geminos: errabat Amor, fratresq; putabat  
Naturâ ridente dolum: sed fraude repertâ  
Risit Amor magis, & discrimine sanguinis usus  
Arctius innectens naturæ illusit, Amori,  
Esse docens alias majora in fœdera vires.  
Hic Cœlestis erat sacras Hymenæus ad Aras  
Purpureos inter Patres, rubrumque Senatum  
Vincula tenens: quæ casta Fides & sancta recoxit  
Religio: dant Astra Faces: stant Flammea puris  
Sideribus tontexta: nuces procul, & procul ignis  
Idalius: Cestique dolus: crimen que Thalassî.  
Sanctius hic Numen mollique obnoxia furto  
Fœdera: Ab Innocuo quæ sunt celebranda Parente  
Qui reseat, clauditq; Polum. Venit ecce Columbâ  
Cœlesti stipante Latus, quæ proxima Sedi  
Semper Apostolicæ Divina oracula dictat  
Pamphyliæ Gentis Decus ingens, & Pater Orbis  
Christiadum, Numenque gerens: spirare vigorem  
Arcanum, & celsâ suspendere fronte videres  
Sydera: miscetur vario modulamine Templum:  
Spirat odor, redolent Thuris suffitibus Aræ.  
Fit locus: accedunt Sponsi: pedibusque voluti

Ponti-

Hymen Pamphylo-Barberinus.

Pontificis, primùm sacris dant oscula Plantis  
Testanturque hominis residere in pectore Numen.

Atq; Dei gestare vices : mox erigit ille,  
Componitq; manus æterna in fœdera sancti  
Conjugij. Tum sanctus Amor descendit ab Astris  
Conjunctiq; animos, & pectora concutit. alis.

Injiciens flammæ, & cordibus implicat ignes.

Tollitur in Cælum plausus : vox dissona cantu

Dulcior harmoniam dissolvit, & undiq; clamat

Fortunatus Hymen: repetitaque murmura reddunt

Rursus Hymen : geminatur Hymen, vox omni-  
bus una est

Lætus Hymen. Qui Pamphyliæ felicibus Astris  
Et Barberinæ conjunxit stemmata gentis.

Hos inter fremitusque virum, plaususq; faventum

Evolat in sacrum Divina Altare Columba

Et dextro veniens Cornu consedit, & inde

Vertitur ad sponfos, trahitq; hanc gutture vocem :

Ibitis in thalamos, Romamque augere licebit.



## Purpura Barberina.



Vis Deus in Tyberim Conchyliis de-  
tulit amnem ?

Intulit & Tyrij munera Rubra  
maris ?

*Purpura non aliâs flagrantius arsit in ignes !*

*Muricis haud visus purius ire cruor !*

*Gloria Sarrani minus hîc minus emicat ostri,*

*Sanguine quo tingi Regia vestis amat.*

*Sic Barberinos decuit rubor auctus honores,*

*Purpuret ut flammâ nobiliore color.*

*Purpureis furvenis Patribus rubet additus ille,*

*Qui Barberinae Gloria Prima Domus :*

*Ille Decus Gentis, cui Sancta Ecclesia cordi,*

*Qui Thalami consors Candidioris erit.*

*Proximus Urbano : Patruisque simillimus esse*

*Maluit : atque Patris noluit ire viâ.*

*Fortius*



Purpura Barberina.

*Fortius exemplo stimulabat Avunculus alter*

*Grandior : Insubriæ Pontificalis Honos.*

*Qui Borromæis titulis Decus addidit Aræ,*

*Carolus Italicæ Gloria summa Togæ.*

*Nomine quem reddit juvenis, quem sanguine tan-*

*Exprimat ut vitæ religione decet : (git,*

*Hunc igitur rubro voluit decorare Galero,*

*Qui supra Innocuus fulminat astra Pater.*

*Ille Pater, qui Pamphyliæ de stemmate gentis*

*In Barberinos intulit Arma favos.*

*Ille Pater lenem qui melle perunxit olivam,*

*Inter & Urbanas lilia pavit Apes.*

*Qui sibi delegit puram & sine felle Columbam,*

*Cui pudor & mores cui sine fraude placent.*

*Huic igitur juvenem, cui lilia casta voluptas,*

*Purpureis placuit condecorare Rosis.*

*Non quas Vana Venus maculoso sanguine tinxit,*

*Lascivum doluit cum male puncta pedem*

*Sed quas Purpureus Sancti cruor extulit Agni :*

*Cui Rosa de quino vulnere quina venit.*

*Sanguine quo nascens desponsa Ecclesia Christo ;*

*Hoc pretio Sponso constitit illa suo.*

*Punxit atrox gelidum cum Lancea pectus, & uno*

*Profiliit mixtus flumine sanguis aquæ.*

*Hoc*

Purpura Barberina.

*Hoc dotale Fides Romæ sibi vindicat ostrum :  
Induit hæc sacros Purpura pura Patres.  
Nititur hoc firmo, ceu Cardine, Roma Senatu,  
Eque illo ductum Cardine nomen habet.  
Hæc Barberinæ debetur Gloria genti :  
Quæ fuit Augustæ firma Columna Domus.  
Huic Pater Urbanus Caput addidit, & nova junxit  
Robora : cum gemino cardine vinxit opus.  
Hinc Franciscus agens, Antonius inde Columnas,  
Romanum pariter sustinuere Decus.  
Tyndaridum similes geminarunt sydera Romæ:  
Pulchrior hæc Helenâ candidiorque fuit.  
Ut formosa magis, fato & meliore niteret  
Applicuit Sydus nobilis Anna suum.  
Anna Columnarum dotalia contulit Astra  
Quæ sunt Italici lumina prima Poli,  
Seu niteat splendore Togæ, seu fulminet Armis,  
Palladis illa decus, Martis & illa decus.  
Nata domus Palmis, laurisque assueta, Columnis  
Imposuit victrix digna Trophæa suis.  
Fus sibi Purpurei de sanguine duxit honoris  
Carolus, à duplici nomine venit bonos.  
Quinetiam meruit propriis virtutibus ostrum,  
Pro titulis virtus nam satis una foret.*

*Qui*



Purpura Barberina.

*Qui Candor ? Qualis Pietas ! Quæ cura Tudoris !*

*Quantus inest nivæ Religionis Amor !*

*Ingenio mitis : bonus indole : cereus usu :*

*Perfugium miseris, subsidiumque reis.*

*Juris amans, scelerisq, insons, & cultor honesti:*

*Qui facilis cunctis, qui sciat esse gravis.*

*Hæc sua Mercurij prætenderet Astra Galerus,*

*At non sunt juvenis Sydera digna comis.*

*Traderet huic plexam stellis Ariadna Coronam,*

*Vertice sed tanto visa Corona minor.*

*Quin daret huic Phæbus radios, vel Cynthia crines:*

*Frater at est impar ille, vel illa Soror.*

*Juppiter ipse daret, quis dextera purpurat ignes;*

*Despicit hos, quoniam Fulminis horror inest.*

*Sola placet Christi quæ sanguine tincta rubescit*

*Purpura: quam sancto flamine flammatur Amor.*

*Quæ diffusa sinus gremio complectitur omnes,*

*Donat & effundens Viscera cordis opes.*

*Hæc tegitur Romana Fides, crescitq, sub umbra:*

*Hoc tegitur clypeo Religionis Apex.*

*His summâ Urbanus tenuit Pater artibus Arcem,*

*His Borromæus sydera celsa Pater:*

*His Franciscus agens alta ad Capitolia currus*

*Designat meritis munus utrunque suis.*

D

Scilicet

Purpura Barberina.

*Scilicet ille Orbi charus Franciscus : Olympi  
Deliciæ, Romæ Cura, Tonantis Amor.  
His etiam præstans Antonius Astra subibit :  
Nec Patruo, tanto Fratre nec ille minor.  
Hos sequere, atq; aliâ venientes parte Columnas,  
Nobilis hæc multo purpurat igne Domus.  
Hos tua virtutum referet splendoribus omnes  
Purpura : cui texunt singula fila faces.  
Sydera summa tenet : non te via lactea ducet :  
Purpureâ poteris certiùs ire viâ.  
Auri Barbarici ceu Gloria fulsit in orbe,  
Sic Barberinum Purpurat Urbe Decus  
Dum festivus Hymen fratri modulatur Apollo :  
Barberina tibi Purpura Carmen erit.*

Lectori



## Lectori Benevolo.



Irari sæpe soleo, quid sit, quòd cum veritas unam, eamque certam & constantem faciem habeat, tot tamque diversas apud Scriptores formas induat, ut ne in plures quidem Protheus se verterit. Unde fit, ut dum eam quisque fucatà specie objectam vult apprehendere, eludat manus, ac omninò evanescat. Et vero ea inconstantia & varietas vitio nostro contingit, qui affecto animo ad eam accedimus, et quo quisque occupatur, eum illi affectum affingit : cuius nos culpæ, quæ haud mediocris est, larvâ pro veritate apprehensâ, pænas luimus. Nec profuit veritati, Democriti Pur-

teo, claudini eoque delitescere; nam qui eam ibi  
quæsiere, cum desuper aquam despicerent, red-  
ditas facies suas intuentes, earum imagines, non  
aquas hauserunt. Hinc hæreses, sectæ, dissi-  
dia : & quæ ex iis existunt factiones, odia, ca-  
lumniæ. Illud mirandum: hoc dolendum; ac  
eò magis, quòd vix cuiquam liberum, Verita-  
tem sequi. Postquam enim in factiones studia a-  
bierunt, nemo est, quin ad unam partium con-  
trudatur, adeo ut qui nullarum sit partium, &  
medium se velit gerere, omnium invidiam  
odii,que incurrat. Id mihi certe veritatem  
amanti, Lector, evenit: nam cum ante annos  
quindecim indagandis Prædestinationis Gratiæ  
que Mysteriis seriò me dedissem, ad idque Au-  
gustinum Ducem adhibuissem: acceptà ab eo  
doctrinâ, mentem ejusdem edito libro exposui  
antequam novos Augustinianos, & eorum An-  
tagonistas legissem. Augustinianum me esse  
clamavi: & nullarum partium studiis addi-  
ctum. At nihil sanè profeci. Nam ortis &  
auctis super Augustino Jansenij controversiis,  
exagitari capì ab aliis, quòd in quibusdam ab  
eo dissentiam: ab aliis idest antagonists, quòd  
cum



cum eo in nonnullis consentiam. Unde illi me Molinistam ( sic vocant ) hi me Jansenistam dixere. Summâ utrique injuriâ, nec enim ego tunc Jansenium legeram. Augustini me discipulum, & omnino Augustinianum profitebar. Nam in quibus aut cum Jansenio conveneram, aut à Jansenio discrepaveram, ea fortè, ex diversa Augustini intelligentia contigerant. Postea cum examinari ejus Romæ librum audissem, & de eo, Authoreque damnando agi, rumores quidam essent, timui ne utroque damnato, damnari videretur ex parte ipsa Augustini doctrina. Nam cum non pauca in eo libro Augustini placita essent, si ex integro damnaretur liber, & proscriberetur Author, periculum erat, ne quædam sententiæ Augustini improbari viderentur. Illud meum tum judicium fuit : quæ propositiones in eo libro praviæ essent, eas damnari : libro & personæ parci oportere. Libro : ne evellendo zizania, eradicaretur simul & Triticum. Personæ : ne vir Episcopus Communions Catholicæ, qui Summi Pontificis Romani subditus, & Romanæ Ecclesiæ

Filius fuisset, librumque illum suum ejus judicio censuræque submisisset, Hæreticus declararetur. Id ego non modò officij, sed conscientiaë etiam esse duxi, quòd Hæreticus nisi contumax, esse quisquam non potest: præsertim cùm in mortuum, à quo vivo liber in Lucem emissus non esset, ferenda ea esset sententia. Opiniones aliquas damnari volui, in quibus ab eo me dissentire compereram: omnes quas Antagonistæ proscripserant, nolui, quòd multas Augustini esse probè scirem: & quòd ego eas ei adscripsissem. Hoc illi putant Jansenistam esse. Sed nunquam Dei Patrocinium Innocentiæ defuit. Effecit illud, ut Innocentij Sanctissimi Patris Domini Nostri lata sententia monstraret, innocens & justum meum illud judicium fuisse. Nam ille Divino (qui nunquam Apostolicæ deest Sedi) Spiritu afflatus Propositiones pravæ damnavit, à libro & Persona interim abstinuit. Intuere Lector Divinam Providentiam ubi me Jansenistam putabant, ergo Pontificius eram. Oportet ergo, ut me absolvant, ne Pontificem condemnent. Cujus ego Constitutio-

nem

nem, tanquam è Cælo lapsam, accepi & veneratus sum. Et Fulmina in Jansenium missa, et *Lapsa Ancilia Cælo* video. Fulmina in Propositiones. Ancilia in Personam. Ma-cte ( da lector veniam ) Innocenti Papæ. Romanus es. More Romano optimè nosti

*Parcere subjectis & debellare superbos.*

Quâ superbus erat opinando *Jansenius*, debellatus : intorto Fulmine : quâ subjectus, protectus Clypeo. Unum quod superest Ancile mihi adversus calumniam sumam : et verso carmine

*Natus ego Patris parmâ protectus abibo.*

Cæterum scias Lector me provocari. In aciem prodeo, hâc Tessera : Augustini. Clamo : Augustinianus sum. Dicenti, *Jansenianus* es : respondeo : Augustinianus sum. Si hoc nomine vapulare mereor : Vapulem. Scio veritatem Prædestinationis et Gratiæ secundum Ecclesiam, apud Augustinum esse. In  
co

*Lectori Benevolo.*

eo inquirō. Tam sum amans veritatis, ut propter eam Augustinum amem. Imo ne Deum quidem amarem, nisi veritas esset. *Mundanus Civis sum*, si in mundo me quæras: noris: Ubi veritas sit, ibi me fore. Non ego apud me vera fingo, sed ad ea me effingo, nec veritates accerso, sed vocantibus respondeo. Nihil tam ex dictis Philosophorum placet, quàm illud Aristotelæum *Amicus Plato, magis Amica veritas*. Aliis ornata veritas Amori est, aliis fucata. Mihi inornata & incompta: ne quid in veritate, præter ipsam, amem. Qui me Jansenianum dicit esse, Mentitur. Augustinianus sum. Ante Jansenium idest Anno MDCXXXVIII. doctrinam Augustini in summam redegeram. Errores Jansenij nec tunc admisi, & postea damnavi, & hodie anathematizo: nec Pseudo-Augustinum induco. Si quis erit qui me, quòd libero sim in veritate tuenda proponendaque judicio calumniis velit obruere, sciat is malle me cum veritate in Crucem agi, quàm cum fucò in Solum evehi. Ad rem propiùs venio, Lector Benevole. Scias nullos mihi magis hæreticos esse



esse infensos ex quo in hæc regiones veni,  
quàm Arminianos et Remonstrantes, quòd  
cum acutiores et versutiores cæteris sint, te-  
gi et occultari maximè omnium, specie tu-  
endæ libertatis, cupiunt: cùmque admittant  
communem quandam Gratiam supernatu-  
ralem ad omnes actus, etiam initium Fidei,  
putant se à Semipelagianis abhorrere, atque  
adeo ab hæresi esse alienos. Quos quia  
ego, diligenter inquirendo quam Gratiæ for-  
mam inveherent, comperi notham et adul-  
terinam Gratiam pro vera germanaque ob-  
trudere: nempe subditam et pedisequam  
voluntatis, quæ in eam dominetur, et se-  
cum flectat et trahat instar instrumenti ver-  
satili more rotati: quam *vertibilem* vocant, &  
personâ detracta prodidi, ac effeci, ne quem Ca-  
tholicorum deciperent, imo ut ab omnibus  
noscerentur, ac vitarentur: suis me artibus,  
id est, thècnis & fraudibus circumvenire vo-  
luerunt. Et cùm viderent me Augustini  
studiosissimum; ac ejus se autoritate peti,  
ac, premi, nec quòd in Lusitania ubi pu-

rissima ac nitidissima Fides , natus, et in  
Societate IESU sanctissima institutus es-  
sem, *Lutheranum* , aut *Calvinianum* me pos-  
sent dicere, *Fansenianum* ( quòd maximè  
nunc invidia nomen laborat ) appella-  
runt: non quòd aut sibi persuaderent, ali-  
isvè id persuadere posse existimarent, sed ut  
me eà calumnià deterrerent à suscepto stu-  
dio : suam hæresim impugnandi : quo  
metu magnopere percelluntur. Nacti vero  
hanc dammati *Fansenij* occasionem sustule-  
runt animos, et abusi intelligentià editæ  
Constitutionis, perinde ac illâ Gratia virtus  
et efficacia enervaretur, suaque ipsorum  
hæresis de *vertibili* ad imperium motum-  
que Arbitrij Gratia statueretur, veram de  
Efficaci propriâ virtute Gratia doctrinam  
non solum improbarunt, sed etiam turpis-  
simâ notâ hæreseos affecerunt. Id cum  
et Catholici rectè de dignitate et virtute  
Gratia sententes, et quidam molliores hæ-  
retici ægrè ferrent, iudicium hac in re  
meum magnopere desiderarunt, et cuius  
me

me Gratia Amatores norant, vindicem habere voluerunt. Ac illi quidem incitaverunt currentem; nam id ego animo agitabam meo, qui eos vanâ exultantes lætitiâ compescere cupiebam, & honestam eos impugnandi (quam mihi destinaveram) suscipiendæ Provinciæ occasionem quærebam. Atque ut id exactius præstarem accuratissimè Summi Pontificis Dom. N. Innocentij censuram expendi: ac non modò sententias, sed verba etiam ponderavi, ut monstrarem, quam procul esset à mente Pontificis illa interpretatio Arminianorum: & appareret non minus hac Constitutione *Lutheranorum* & *Calvinianorum* de Servo Arbitrio errorem, quam *Arminianorum* & *Remonstrantium* de serva Gratia hæresim confutari. Et ne cui in mentem venire posset in *Jansenio* ullo modo periclitari Divinam Augustini doctrinam, quam Arminiani tacitè rodunt, & carpunt, ostendi longissimè aberrasse à mente Augustini *Jansenium*, ejusq; Propositiones non magis ab Innocentio Romano

et Summo, quam ab Augustino Hipponensi Pontifice damnatum fuisse: ac id ex Augustini mente disertè exactèque monstravi. Atque ut tota ratio libertatis, & Gratiae Augustiniana constaret (qui totius controversiae cardo est) illius fontes aperire volui: qui duo apud Augustinum sunt, nempe duo Adjutoria Gratiae quæ ille *Sine quo non* & *Quo* appellat, Scholastici *Sufficiens* & *Efficax*, quemadmodum libro de iisdem secundo dilucidè ostendo: nam iis perspectis ac exploratis elucebit utriusque Gratiae distinctio, & Efficacis eximia & excellens virtus, quæ nullâ Arbitrio illatâ necessitate suam exerceat Efficacitatem: ut nec servum faciat Arbitrium, nec ipsa serviat Arbitrio: nec ab eo trusatili modo versetur, uti Arminiani volunt; quos omnino ab Augustinianæ, id est, Catholicæ & Apostolicæ Gratiae sensu abhorrere palam faciam. Ac iis deinceps Romanæ quam maxime oderunt, Ecclesiæ et Augustini quem rodunt, nomine pro vindicanda Gratia bellum indico. Ac ne mirere, Lector

cur



*Lectori Benevolo.*

cur Arminianos, hostes mihi certos propriosque designem, causas breviter, sed extra Prologum, afferre volo. Norit orbis quanto jure cum iis bellum suscipiam.



*Effice Lector.*

Quicumque aut Arminianus, aut Arminiano similis clam mihi allatrat, et ob-  
trectat is

*Augustini armis, Paulo Duce, & Auspi-  
ce Christo*

*Audeat ut mecum claro decernere campo.*

*Et Vale.*

*E 3*

*Classicum*



# Classicum Contra A R M I N I U M.

CAno, & provoco Subtilissimum Hæreticum: Quòd Romani Pontificis. Quòd Augustini: Quòd Gratiae acerrimus hostis sit. Mihi qui maximè Augustinianus, et esse, et videri volo hic debetur: cuperem ipse mihi bellator adesset, ut Par Parem deposcerem, et non Piscem, sed Anguem in eo peterem.

Verum

*Egrediare aliquis gelidis ex ossibus hostis  
Qui tuearis cum, meque experiaris in armis.*

Certè nemo acutior Arminio Hæreticus fuit. Multo Pelagio versutior, Celestio cal-

callidior, Juliano cautior, Fausto subtilior, Cassiano tectior. Omnes Semipelagianos acumine, et astutiâ superavit: ut nisi Romanæ Ecclesiæ et Papæ apertus hostis foret, ægrè dignosci, et prodi ac extrahi è Latebris suis posset. Adeo ut ne ipsum quidem Pontificem aliorum more convitiis impetat, injuriis oneret, diris insectetur: sed captiosis & speciosis quibusdam ratiunculis ejus dignitati & authoritati detrahat, ut subruendô potius quàm impellendo Petram eruat, ac de ea Pontificem dejiciat: uti apparet ex Publica ejus disputatione Thesi 21. & 22. adversus Romanum Pontificem & Romanam Ecclesiam propositis.

Eodem modo erga Augustinum se gerit. Nam cum eum propter contrariam suæ de Prædestinatione et Gratia doctrinam, Cane pejus et Angue oderit, studet nulum odium præ se ferre, sed arte comprimit et tegit: nè quis deprehendat. Itaque ejus **AUTHORITATEM** nunc extol-

extollit, nunc elevat ; nunc firmat , nunc infrigit : modò se illius patrocínio munit, modò nudat , & abjicit ; interdum se cùm eo sentire affirmat, interdum negat. Laudat aliquando, sæpe vituperat, & secum pugnare contendit. His artibus Augustini fidem enervat, ne quis ei credere se ex integro audeat. Afferro quosdam locos. In Respons. ad articul. Art. 32. ex primis : & 8. & 10. ex secundis sequitur Augustinum. Deserit. a. 20. ex primis, & quæst. 5. ex novem : & Propos. 27. Collat. cum Junio. Statuit auctoritatem Augustini in declarat. suæ sent. & in disput. publica non semel. Dejicit sæpe in Exam. Prædest. Perkins. in qua ss. Secunda responsio. inducto loco Pauli, quem aliter ac Augustinus accipit, opponit sibi : *At Augustinus ita explicuit ?* ac responder. *Non stamus illius auctoritate.* Ibi subtiliùs et malevolentius agit, ubi Celestini Pontificis celeberrimum et præclarum de Augustini doctrina judicium, quo maxime ejus existimatio nititur, infirmat extenuando : perinde ac ejus mens non fuerit totam Augustini



stini de Gratia et Prædestinatione doctrinam confirmare, sed paucas tantum sententias, atq; adeo exiguam ejus partem probare : ad idque abutitur his verbis Celestini, *Profundiores vero difficiliioresque partes occurrentium quaestionum, quas latius pertractarunt qui haereticis resistunt: sicut non audemus contemnere, ita non necesse habemus astringere, quia ad confitendam Gratiam Dei cujus operi ac dignationi, nihil subtrahendum est, satis sufficere credimus, quicquid secundum regulas Apostolicae Sedlis nos scripta docuerunt.* Atque id assumit ad probandum : Augustini de Prædestinatione gratuita ante praevisa merita sententiam sequendam non esse, cum ea contraria sit Harmoniae Confessionum Ecclesiarum Protestantium, nec cum Cathecismi Hiedelbergensis & Leydensis Academiae; et Philippi Melancthonis, et Nicolai Hemmingij, et Lutheri melius sentientis doctrina consentiat; quemadmodum late ostendit in Declarat. Sententiae à ff. *Tertio quod hac doctrina.* Fol. 83. usque ad 893. Ac ut nemo sibi suisque Ecclesiis et Academiis Augustini contra docentis auctoritatem opponeret

F

cam

eam hac ratione infringit. Neque vero hæc doctrina in Conciliis Hierosolymitano, Arauscano, quin imò nec in Milevitano Africæ quod contra Pelagium ejusque errores celebratum est, ventilata aut confirmata fuit, prout apparet ex articulis doctrinæ, qui in eo, contra Pelagium ejusque errores decreti sunt. Tantum verò abest, ut doctrina ipsius etiam Augustini de Prædestinatione, in illis Conciliis recepta sit, ut Celestinus Episcopus Romanus, qui illo tempore vivebat, ad Episcopos Galliæ scribens, & Pelagianorum doctrinas condemnans, in fine suarum literarum in hæc verba concludat. Profundiores vero quæstiones, &c. Duæ hic sunt Duplicis hujus hominis, aut Simonis Artes: altera subtrahere perspicuas Augustini laudes, & partem Epistolæ Celestini quæ ejus doctrinam, commendabat omnino præterire: altera convertere in Augustinum, quæ ambigue dicta illius auctoritatem elevare poterant: ac illa de eo interpretari. Nam cur omisit illud secundum Epistolæ caput? Augustinum sanctæ recordationis virum pro vita sua atque meritis in nostra communione semper habuimus: nec unquam hunc sinistræ suspitionis

cionis saltē rumor aspersit; quem tantę scientiæ olim  
fuisse meminimus, ut inter magistros optimos et-  
am à meis decessoribus haberetur. Ac illud Bene  
ergo de eo omnes in commune senserunt, ut pote  
qui ubique cunctis & amori, fuerit & honori:  
unde resistendum talibus, quos malè crescere vi-  
demus? Expressè hîc de Augustino loquitur;  
nec ejus tantum doctrinam probat, verùm &  
obloquentes comprimit, Isque hærese-  
os notâm inurit, etsi Catholicos se mentiren-  
tur. Ut non modo Catholice sentiret, qui  
cum Augustino sentiret, verùm qui ab eo dis-  
sentiret eique oblatraret, eo etiam prætextu,  
quòd id solum amplecti vellet, quod à Rôma-  
nis Pontificibus esset definitum, is ceriè erroris  
suspectus haberetur: quemadmodum ex 3. cap:  
constat. Quia nonnulli, qui Catholico nomine  
gloriantur, damnatis autem hæreticorum sensibus  
seu pravitate seu imperitiâ demerantes, piissimis di-  
sputatoribus obviare præsumunt, & cum Pelagium  
atque Celestium anathematizare non dubitent;  
Magistris tamen nostris tanquam necessarium  
modum exceßerint obloquuntur: eaque tantum-  
modo sequi & probare profitentur, quæ sacratissi-

*ma Beati Apostoli Petri sedes contra inimicos  
Gratiæ Dei per ministerium Præsulum suorum  
sanxit & docuit.* Negare poterit nemo hæc  
pro tuenda Augustini doctrinâ dici, etiam,  
ubi à multis dicitur modum excessisse: nam illud  
*Magistris nostris ad Magistros Optimos* cap.  
2. inter quos habitus fuit à Summis Pontifici-  
bus Augustinus, haud dubiè refertur: ac inde  
constat non bene audire eum qui Augustino,  
etiam in iis quæ exaggeratiùs dixit, obloqua-  
tur. Sed Arminius cum vidisset, se hujus cri-  
minis reum esse, noluit ea commemorare, qui-  
bus damnari appareret: & ad alium obscurum  
& ambiguum locum confugit, ut ejus inte-  
pretationis tenebris se involveret: sed Celesti-  
ni tamen fulmen non vitavit; imo & secun-  
dum meruit; quia non contentus obtre-  
ctare Augustino, abutitur verbis Celestini ad  
ejus auctoritatem elevandam, cum eam Ce-  
lestinus maxime confirmare cupiebat.

Et quidem nec illa, quæ objicit Celestini  
verba de Augustino perspicuè loquuntur,  
cum præsertim *Magistri* nomine non u-  
tatur: nec ut de eo intelligenda sint, ejus  
doctrinæ



doctrinæ de Prædestinatione gratuita & Gratiæ intima efficacique virtute, quicquam efficiunt: cum illæ profundiores quæstiones intercurrentes, longè diversæ sint ab iis quas Arminius designat: nam quæ ad illam rationem Prædestinationis & Efficacis Gratiæ pertinent capitales sunt, non obiter & in transcurso actæ, & sunt ab eodem Celestino in tenore Epistolæ haud dubiè Romanorum, quos ibi citat, Pontificum nomine definitæ. Quemadmodum à nobis latiùs & manifestiùs in nostro Hyperaspiste Augustini monstrabitur: ubi etiam quæ & cujusmodi sunt illæ partes intercurrentium quæstionum expone-  
tur.

Sed id opportunè animadverto: vulpem hanc Arminij suâ se, quam superiniecerat, caudâ prodidisse, cum ad finem libri explicans locum Cap. 7. ad Romanos, contra mentem Augustini, multa ei convitia facit, & larvâ depositâ apertè insectatur. Nam in conclusione. ff. *Tertio ait. Ubi tuum acumen Augustine? Venia dicto. Bonus enim Philosophus, non semper est Philosophus,*

Et quandoque bonus dormitat Homerus. Et paulò post. Hæ mihi justissimæ videntur causæ sententiam Augustini repudiandi, & hic ab Augustino dormiente ad Augustinum vigilantem appellandi. O impudentiam! Sophisticè agis in Augustinum Philosophum, o Armini, Summum illum olim Philosophum, modo Divinum eum Theologum dicere debuisses: at tu non sapis quæ Dei sunt. Somnias, & stertis cum illum dormitantem Homerum fingis, Certe in Augustino Melesiginem non invenias. Apagesis cum Iliade malorum: et Odyssea errorum & fraudum. Illam tu Sinonis, hanc Ulyssis instar renovare potuisti. Dormiebat Arminius cum hæc scriberet de Augustino dormiente: Inter dormientes testes *infelicitis Astutix* numerandus. Credam vigilantem dixisse: si probet Aquilam se dormientem meridie vidisse. Nullo jure ad Augustinum appellat, nec enim unquam legimus noctuas ad Aquilas provocasse.

Gratiæ adversari Arminium supervacaneum est dicere: cum nemo Augustinum insectetur, quin Christi Gratiæ hostis sit. Sed nullus

lus à Christo nato hæreticus subtiliùs hæresim excogitavit, tectiùs proposuit, cautiùs defendit. Nam etsi Prædestinationem ex præviso merito Fidei ponat, ut Fides fuerit ratio eligendi ab eo merito omnem Pelagianismi suspicionem excludit: negatque initium Fidei à natura esse, sed ei Gratiam adjungit, non comitantem solùm, sed & prævenientem; ita ut nec homo quicquam incipiat sine Gratia: nec sine Gratia operetur. Gratiam autem non legem atque doctrinam, quæ erat Pelagiana & falsa Gratia, sed veram illuminationem & inspirationem Spiritus sancti intelligit: quæ antecedit consensum & Gratiam comitantem. Idque tantâ asseveratione, ut nullum suspicioni locum relinquat. Quare dum veram Gratiam admittit ad omnes omnino actus necessariam, ad initium Fidei, Pelagianismum imo & Semi-pelagianismum videtur excludere & ita se ille contra utrumque errorem munit & sepit, ut ullam ægrè rimam admittat, per quam hæresis possit irrepere. Hoc profitetur in Declaration. suæ sent. Fol. 90. & 96. & 98. et 99. et in Respons. ad Articul. Art. 4. Fol. 111. et Art. 8. Fol.

Fol. 116. & iter. Respons. ad posteriores Articulos. Art. 7. Fol. 140. et in disput. privat. Thesi 42. Fol. 311. et in Exam. Prædest. Perkinsianæ Fol. 523. et Fol. 591. et 593. et 606. Quin imo ut in tuto ponat suam sententiam, testatur se amplecti utranque Gratiam Sufficientem & Efficacem alteram ab altera distinctam: Sufficientem cum qua quis possit; Efficacem cum qua quis efficiat: ut illa sit que careat effectu, cum possit efficere si voluntas concurrat: hæc efficiat cooperante voluntate. Efficaciam vero collocat in quadam suasionem morali certâ et opportuna, atque adeo à Deo prævisa tanquam ratione discernente Prædestinatos à Reprobis: à qua omnem vim necessitatis excludit: negat enim Gratiæ Efficaci vim necessitatem, & uti vocat *Irresistibilem* inesse, ne libertas evertatur. Eam quippe Efficaciam ponere se dicit, cum qua libertas possit consistere: & idcirco illam irresistibilem & necessitantem impressionem Gratiæ remove. Id perspicue tradit in Declarat. sent. Fol. 87. et Fol. 89. et in repons. ad Art. poster. Art. 7. Fol.



7. Fol. 141. et in Exam. Prædest. Perkins Fol. 604. 605. et 606. et 609. Do locos duos expressos. Unus in Declar. sent. Fol. 98. *Liquidò apparet me in Gratiam injurium non esse, atque qui libero hominis, sicuti de me spargitur, arbitrio nimium tribuam.* Tota enim controversia in eo solum est posita: *Utrum Gratia Dei sit irresistibilis quædam vis?* Hoc est: *controversia non est de actionibus, aut operationibus quæ Gratiæ adscribi possunt, cujusmodi tam multas ego confiteor, atque inculco, quam quisquam unquam fecit alius, sed de modo solum operationis, utrum irresistibilis ea sit, necne?* Quantum enim ad hoc juxta scripturas credo, quòd multi spiritui sancto resistunt & Gratiam oblatam repellunt: Qua certè sententia nihil magis est Catholicum nec Romanum. Alter in Exam. Prædest. Perkins fol. 523. *Interna Spiritus Sancti suasio duplex est. Una sufficiens: Altera Efficax.* Illa qua potest velle credere & converti cui adhibetur. Ista qua vult, credit, & convertitur cui accommodatur. Illa adhibetur Decreto Providentiæ cum certâ præscientiâ fore ut rejiciatur à libero arbitrio hominis: ista ex decreto Prædestinationis ad-

ministratur cum certa præscientia fore, ut re ipsâ velit credat, & convertatur ille cui accommodatur et adhibetur: propterea quod ita accommodatur, prout Deus novit congruum esse persuadendo & convertendo illum cui adhibetur. Hujus sententiæ authorem Augustinum facit. ibi. & fol. 604. ubi sic. loca Augustini docent Gratiam Prædestinatis præparatam certò illorum corda movere, neque ab illis respui: propterea quod Deus ita suadeat, ut aptum illis novit & congruum quo persuadeantur. Et hanc ille vocat Gratiam Efficacem.

Verum cum ista vulpe vulpinandum, ut est in Paræmia. Gratia hujusmodi quam admittit, non est aliâ quam communis in potestate Arbitrij relicta, ac ejus nutui obnoxia, atque adeo ejus instrumentum, qua pro libito utatur: & quæ à voluntate efficaciam sumat: nec à sufficiente nisi effectû distinguatur, et Efficax eb effectû sit: atque adeo vertibilis & versatilis à motu libero dominæ voluntatis appelletur. Huc enim omnia ejus argumenta recidunt: ideo enim negat esse  
Irre-

*Irresistibilem vim, ut vertibile instrumentum faciat. Primum in Exam. Prædest. Perkins. parte altera Fol. 591. vult ut homo Prædestinatus à Reprobo per communem Gratiā discernatur, etsi id conetur involucris distinctionum tegere: et specie libertatis defendere. Ibidem fol. 603. non vult distingui Gratiā Lapsi hominis à Gratiā Integri: quanquam & hoc dissimulanter dicat. Fol. autem 604. ait Arbitrium humanum esse accedente Gratiā in utranque partem flexile et 605. posito concursu Efficacis Gratiæ quinque Donis constantis. Non tollitur flexibilitas Arbitrij nostri aut electio nostra per concursum istorum quinque donorum, sed hoc efficitur per concursum quintuplicis Gratiæ Efficacis, ut Arbitrium quod suā naturā flexibile est in utramque partem & electio quæ inter duo liberè eligere potest, certo & infallibiliter ad id inclinet quò motio quintuplicis Gratiæ impellit. Si autem inquiras unde moveatur aut impellatur? Ad opportunitatem quandam recurrit*

& ad præscientiam Dei. Ita Fol. 604. ut aptum illis novit & congruum idque repetit Fol. 605. ac tandem concludit, *Manet semper in potestate liberi arbitrii Gratiam datam rejicere, & subsequenter repudiare.* Et si enim Catholicè dicatur *posse voluntatem resistere & obtemperare*, non sequitur *Gratiam esse in potestate voluntatis*: nam illud significat non tolli libertatem ad resistendum in voluntate subdita Gratiæ: hoc significat esse dominium voluntati in Gratiam, id enim est *manere in potestate voluntatis* id est, ad ejus arbitrium nutumque circumagi, & versatili more trusatilique moveri, atque adeo voluntati subjici & servire. Quid sibi autem voluerit Arminius hanc astutia, & fuco, patuit in examine Thesium Gomari, ubi aperte affirmat Deum propter fidem prævisam homines elegisse, ita ut non eos eligeret ut credentes essent, sed eos non nisi credentes eligeret, atque adeo Fides prævisa fuerit Deo ratio eligendi: unde concludit Deum elegisse dignos, et quia dignierant. Multi inquit *vocati: pauci electi. Vocati indigni erant,*



*erant, ergo electi digni : At indigni quia rejiciebant vocantem, ergo digni non rejicientes, sed credentes & in fide venientes ad nuptias paratas.*

Quod autem subdolè Arminius, ingenuè fatentur Remonstrantes qui omninò Gratiae Adversarii in Thesib. et Apologia. Præterea illa forma Gratiae Arminianæ non potest cum doctrina Divi Pauli consistere. Primum : quia positâ illâ Gratiâ in potestate voluntatis indifferente ex se, necessarius est impulsus illius ut operatio incipiat & Gratia cooperetur voluntati : quod est tribuere initium operandi imo & rationem operandi Arbitrio, sicut Adamo & Angelis contigit, & tunc verum non est dicere illud Pauli Philip. 2. 13. *Deus est qui operatur in nobis velle & operari :* & illud Rom. 9. *Non est volentis, neque currentis, sed miserationis Dei,* cum homo sit, qui arbitrio suo Gratiâ in sua positâ potestate movet, ac cooperantem ex indifferente facit. Secundum : quia illa Gratia cum sit communis non habet, nec donat rationem discernendi, quæ est particularis & deter-

minata, unde illud *Pauli* 1 Corinth. 4. omnino deficit. *Quis enim te discernit? nam à Gratia non est discretio, quod communis sit, atque hâc ratione discretiva esse non potest. Confirmatur quia datâ æquali Gratiâ duobus hominibus, uno operante, & altero non operante, sequitur operantem discerni à non operante per voluntatem propriam non per Gratiâ Dei: atque adeo se ipso discerni. Tertium; quia si illa voluntas operans, non accipit vim operandi à Gratia discernente, & movente antecederet relinquitur homini ratio gloriandi in eo quod à Deo non accepit & non relinquitur locus illi sententiæ Pauli. Ibidem. Quid autem habes quod non accepisti? Si autem accepisti quid gloriaris quasi non acceperis? Quæ certè satis sunt ad Arminianam illam Gratiæ formam repudiandam. Quam omnino Semipelagianam esse & ab Augustino impugnatam, imo & ab Innocentio hac ipsâ quam exponimus Constitutione rejectam monstrabimus. Unum superest ut quando jam libertas voluntatis contra Lutheranos & Calvi-*

Calvinianos , adde si velis & Jansenianos à vi necessitantis Gratiae vindicata est : ita deinceps Gratiae dignitas adversus Socinianos, Arminianos, & Remonstrantes à servitute dominantis arbitrij liberetur. Nam, uti summus vir Maldonatus , de hæresibus sibi extreme oppositis : *Recte inquit , Tertullianus dixit semper Christum inter duos Hæreticos crucifigi*, in Matth. c. 3. n. 6.

Et quoniam ( uti ostendo ) vindex libertatis Arbitrij Augustinus est : oportet ut idem dignitatis Gratiae sit assertor : ac ei utriusque concordia, cujus præcipuus Author extitit debeatur. Faxit Deus ut Sanctissimus Dominus Noster Papa Innocentius X. Provinciam hanc suscipiat, & quemadmodum nunc istà Constitutione hostes libertatis oppressit, ita deinde alterà adversarios Gratiae profliget. Quanti autem ad id momenti futura sit Divina sancti Augustini auctoritas doceat Summi Pontificis  
C L E M E N T I S VIII. in  
Causa

Causa Gratiæ coram seagitanda ad Congregationem de Auxiliis missum decretum. Cujus hic formulam, uti à *Domino Le Bossu* relata, et à *P. Guilielmo Gibieuf* Congregationis Oratorij doctore Sorbonico in Lucem edita tomo de libertate Dei et Creaturæ subijcio.

Est autem hujusmodi,



**Q**UAMVIS nemini nisi Deo, rationem reddere debeam mearum actionum; dicam tamen impræsentiarum; rationes propter quas adstringere statui, totam hanc disputationem; ad normam doctrinæ sancti Augustini de Gratiâ.

Prima est: quòd si teste Beato Prospero ferè initio libri contra Collatorem, viginti annorum spatio, acies Ecclesiæ ita dimicavit pro Gratiâ contra Pelagianos, ut tandem Augustinò duce vicerit; oportet etiam ut in causa simili, eundem ducem agnos-



agnoscamus & sequamur. Secunda est: quòd idem Sanctus, nihil videtur prætermisisse, eorum quæ ad præsentēs controversias pertinent: quandoquidem si agitur de necessitate Gratia; eam describit dicens, esse necesse ut nos præveniat, comitetur, & sequatur: si de vi, asserit vires efficacissimas præbere voluntati: si de effectu, testatur facere de nolente volentem. Si de modo, asserit Deum id facere omnipotentissimâ facilitate. Denique sic dissolvit objectiones, ut doceat liberum arbitrium non tantum bene cum illa Gratia quam defendit, cohærere; sed etiam fieri liberius, quando ab illa fuerit liberatum. Tertia tandem ratio est: quòd cum multi Pontifices Prædecessores nostri, doctrinæ S. Augustini de Gratia, tam acres fuerint assertores ac vindices, ut quasi hæreditario jure eam in Ecclesia relinqui voluerint, æquum non est ut patiar illam hac quasi hæreditate privari.

Sæque id nunquam passurum, asseveranter affirmavit: & ita mansit fixus in hac resolutione, ut in omnibus sequentibus di-

*Lectori Benevolo.*

sputationibus , ad singula penè dubia quæ  
proponerentur disputanda , postularet : An  
articuli excerpti ex Molinæ doctrina , essent  
apud sanctum Augustinum , aut secundum  
doctrinam & mentem illius.



Bulla





# Bulla Sanctissimi P.

NOSTRI INNOCENTII PAPÆ  
X.

INNOCENTIVS EPIS-  
COPUS SERVUS SERVO-  
RUM DEI.

*Universis Christi fidelibus salutem, & Apo-  
stolicam benedictionem.*



UM occasione impressionis libri,  
cui titulus, *Augustinus Cornelij  
Jansenij Episcopi Iprensis*, inter  
alias ejus opiniones orta fuerit,  
præsertim in Galliis, controversia super quin-  
que ex illis; complures Galliarum Episcopi

H 2

apud

*Bulla Sanctissimi P. Dom. Nostri*

apud nos institerunt, ut easdem Propositiones nobis oblatas expenderemus, ac de unaquaque earum certam, & perspicuam ferremus sententiam.

*Tenor verò præfatarum Propositionum est  
prout sequitur.*

**P** R I M A : Aliqua Dei præcepta hominibus justis volentibus, & conantibus secundum præsentem, quas habent vires; sunt impossibilia; deest quoque illis gratia, qua possibilia fiant.

*Secunda* : Interiori gratiæ in statu naturæ lapsæ nunquam resistitur.

*Tertia* : Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione.

*Quarta* : Semipelagiani admittebant prævenientis gratiæ interioris necessitatem ad singulos actus, etiam ad initium fidei : in & hoc erant hæretici, quòd vellent etiam gratiam talem esse, cui posset humana voluntas resistere, vel obtemperare.

*Quinta* : Semipelagianum est dicere, Christum



*Innocentij Papæ X.*

stum pro omnibus omnino hominibus mortuum esse, aut sanguinem fudisse.

Nos, quibus inter multiplices curas, quæ animum nostrum assiduè pulsant, illa in primis cordi est, ut Ecclesia Dei nobis ex Alto commissa, purgatis pravarum opinionum erroribus, tutò militare, & tanquam navis in tranquillo mari, sedatis omnium tempestatum fluctibus, ac procellis, securè navigare, & ad optatum salutis portum pervenire possit

Pro rei gravitate, coram aliquibus S. R. E. Cardinalibus ad id specialiter sæpius congregatis, à pluribus in sacra Theologia Magistris, easdem quinque Propositiones, ut suprà nobis oblatas, fecimus singillatim diligenter examinari, eorumq; suffragia, tum voce, tum scripto relata maturè consideravimus, eosdèque Magistros, variis coram nobis actis Congregationibus, prolixè super eisdem, ac super earum qualibet differentes audivimus.

Cùm autem ab initio hujusmodi discussionis ad Divinum implorandum auxilium multorum Christi fidelium preces, tum

*Bulla Sanctissimi P. Dom. Nostri*

privatim, tum publicè ad id indixissemus, post-  
dum iteratis eisdem feruentius, ac per nos sol-  
licitè implorata sancti Spiritus assistentia, tan-  
dem Divino numine favente, ad infra-scrip-  
tam devenimus Declarationem, & Defini-  
tionem.

Primam prædictarum Propositionum :  
Aliqua Dei præcepta hominibus justis vo-  
lentibus, & conantibus, secundùm præsentem,  
quas habent vires, sunt impossibilia; deest  
quoque illis gratia, qua possibilia fiant: *teme-  
rariam, impiam, blasphemam, anathemate damna-  
tam, & hæreticam declaramus, & uti talem  
damnamus.*

Secundam: Interiори gratiæ in statu natu-  
ræ lapsæ nunquam resistitur: *hæreticam de-  
claramus, & uti talem damnamus.*

Tertiam: Ad merendum, & demerendum  
in statu naturæ lapsæ non requiritur in ho-  
mine libertas à necessitate, sed sufficit libertas  
à coactione: *hæreticam declaramus, & uti ta-  
lem damnamus.*

Quartam: Semipelagiani admittebant præ-  
venientis gratiæ interioris necessitatem ad sin-  
gulos

*Innocentij Papæ X.*

gulos actus, etiam ad initium Fidei : & in hoc erant hæretici, quòd vellent eam gratiam talem esse, cui posset humana voluntas resistere, vel obtemperare : *falsam & hæreticam declaramus, & uti talem damnamus.*

Quintam : Semipelagianum est dicere, Christum pro omnibus omnino hominibus mortuum esse, aut sanguinem fudisse ; *falsam, temerariam, scandalosam* : & intellectam eo sensu, ut Christus pro salute dumtaxat Prædestinatorum mortuus sit ; *impiam, blasphemam, contumeliosam, divinæ pietati derogantem, & hæreticam declaramus, & uti talem damnamus.*

Mandamus igitur omnibus Christi fidelibus utriusque sexus, nè de dictis Propositionibus sentire, prædicare aliter præsumant, quàm in hac præsentì nostra declaratione, & definitione continetur, sub censuris, & poenis contra hæreticos, & eorum fautores in iure expressis.

Præcipimus pariter omnibus Patriarchis, Archiepiscopis, Episcopis, aliisque locorum Ordinariis, nec non hæreticæ pravitatis Inquisitori-

*Bulla Sanctissimi P. Dom. Nostri*

sitoribus, ut contradictores, & rebelles quoscunque per censuras, & poenas prædictas, cæteraque juris, & facti remedia opportuna, invocato etiam ad hoc ( si opus fuerit ) auxilio brachij sæcularis, omnino coerceant, & compescant.

Non intendentes tamen per hanc declarationem, & definitionem super prædictis quinque Propositionibus factam, approbare ullatenus alias opiniones, quæ continentur in prædicto libero *Cornelij Jansenij*. Datum Romæ apud S. Mariam Majorem, anno Incarnationis Dominicæ 1653. pridie Kal. Junij, Pontificatus nostri anno nono.

HI. DATARIUS.

G. GUALTERIUS.

P. CLYMPINUS.

Anno



Innocentij Papæ X.

Anno à Nativitate D. N. J E S U Chri-  
sti millesimo sexcentesimo quinquagesimo tertio, in-  
dictione sexta Pontificatus sanctissimi in Christo  
Patris, & D. N. D. INNOCENTII divina  
Providentia Papæ X. anno nono, die verò nona  
mensis Junij, supradiçta constitutio affixa, &  
publicata fuit in Ecclesiæ Lateranen. ac Basili-  
cæ Principis Apostolorum de Urbe, nec non Can-  
cellariæ Apostolicæ valvis, ac in acie Campi  
Floræ, per me Hieronymum Macellam, san-  
tissimi D. N. Papæ Cursorem.

Pro D. Mag. Cursorum P. P A U L U S  
D E S I D E R I U S Cursor.



**E**T quoniam hujus Bullæ Sacrosanctæ, Apostolicæ, Infallibili definitionibus, adjungimus Testimonia Augustini, cujus doctrina de Gratia Apostolica dicitur à Prospero Epist. ad August. volo eam Summorum Pontificum Elogiis nobilitare.

Innocentius I. Epist. XC VI.

*Fraternitatis Vestræ Litteras pergrato suscepimus animo, quòd earum tenor, ejusque contextio est in consideratione quotidianæ Gratiæ Dei; & in eorum correctione qui contra sentiunt, integra ratione consistit, ut & illis omnem tollere possit errorem, & idoneum dato cuiusvis nostræ legis exemplo, quem sequi debeat, dignum possint præbere doctorem.*

Cælestinus I. Epist. ad quosdam Gal-  
liarum Episcopos.

*Augustinum sanctæ recordationis virum pro  
vita sua, atque meritis in nostra communione sem-  
per habuimus, nec unquam hunc sinistræ saltem  
suspicionis rumor aspersit: quem tantæ scientiæ  
olim fuisse meminimus, ut inter Magistros op-  
timos etiam à meis semper decessoribus habe-  
retur.*

Hormisdas Epist. ad Possess. 70.

*De libero tamen Arbitrio & Gratia Dei,  
quid Romana, hoc est, Catholica sequatur, & asse-  
veret Ecclesia, licet in variis libris B. Augusti-  
ni, & maximè ad Hilarium & Prosperum  
possit cognosci: tamen in scriniis Ecclesi-  
asticis expressa capitula continentur.*

Joannes II. Epist. ad quosd. Senat.

*Augustinus cujus doctrinam secundum Prede-  
cessorum meorum statuta Romana sequitur &  
servat Ecclesia.*

Clemens

Clemens VIII. Supra.

*Augustini doctrinam Hæreditatem Ecclesiæ  
appellavit.*

Bonifacius I. teste Prospero libro contra  
Collat. in fine.

*Sanctæ memoriæ Papa, cùm esset Doctissimus,  
adversus libros tamen Pelagianorum Beati Au-  
gustini Episcopi responsa poscebat.*







# Quæstio Unica,

De mente Summi Pontificis Innocentij circa  
Propositiones *JANSENII*.

---

## ARTICULUS I.

*Causa & Ratio Quæstionis pro-*  
*ponitur.*



ARò aliàs in Ecclesia Catholica nobilior  
& gravior quàm his temporibus de  
doctrina *Jansenij* controversia existi-  
tit; tum propter argumenti difficul-  
tatem, tum propter Autoris dignita-  
tatem, tum propter ardentia studia factionum, in  
quas non modò viri docti discordibus sententiis, sed  
disciplinarum quoque rudes dissentientibus animis  
abierunt: ut spectatâ causæ ac contentionis simili-

B

tudine

tudine celebris illa noni seculi orta ex Gottschalci & Joannis Erigenæ sententiis controversia renovata videatur. Sed in illa paribus prope armis certatū; imò quæ pars oppugnabatur majoribus munita præfidiis longiùs à periculo fuit: ac in Carolo Calvo Rege & Nicolao Primo Asylum invenit. At hæc *Janseniana* à fortissimis & peritissimis oppugnata hostibus, defensoribus penè nudata, ad extremum propè adducta discrimen foret, nisi ipsi hostes eam ad Pontificium Tribunal debilitatam afflictamque damnandi studio impegissent. Et verò cum in illo Spiritus Sancti Numen resideat, quod igneum est; ab eo sic excocta sunt utriusque partis argumenta, ut quod in iis puræ ac putæ veritatis erat integrum, probatumque maneret; quicquid verò fæcis ac sordium inerat, rejiceretur. Ac primùm Sanctissimus Pater Urbanus VIII Anno MDCXLI lato diplomate *Jansenii* leviter præstrictâ doctrinâ, ac libri usu interdicto compescuit potiùs late serpentem controversiam, quàm sustulit. Ea tamen, instar vulneris, tractatione refricati, acerbius recruduit: studentibus *Jansenii* patronis eum ab hæreseôs notâ vindicare; nitentibus contrà adversariis illum hæreseôs prorsus damnare. Duxerant hi è re suâ & Christianâ librum illum Autorémque proscribi; ac, uti multùm & existimatione & gratiâ valent, sùntque de totâ Christianâ Republicâ optimè meriti tantam *Jansenio* invidiam conciarunt, ut totum penè adversus eum Orbem Catholicum commoverent. Injuncta divini-

divinitus mens est sanctissimo Domino nostro Papæ Innocetio X ea de causa penitus cognoscendi. Idoneū, quod è re erat, Concilium Eminentissimorum Cardinalium, gravissimorumque virorum instituit : à quo cum esset perspecta & explorata ad se deduceretur, ut suo illam judicio definiret. Variè hujusmodi Consilium hominum animos affecit ; prout quisque aut amore, aut odio doctrinæ, aut studio aut malevolentia, invidiæve Autoris laborabat. Fateor eo me nuntio magnopere fuisse commotum ; non tam vicem *Jansenij*, quàm *Augustini*, cujus ille mentem in eo libro proposuerat, sollicitus, nè fortè per corpus Autoris Mens peteretur. Et quanquam mihi persuasissimum esset *Augustini* doctrinam extra omne periculum esse, tamen cum eum tenerri- mè amarem, ac Amor, quod nimis afficiat, mollem ad timores & suspiciones mali animum reddat, cæpi pro *Augustino* timere, & anxie suspicari. Et quò illa longiùs agebantur, eò propior metus erat : Curis, molestiis, angoribus confectus, didici nemi- nem Amore immaniore in animos tyrannidem exercere. Mirabar me, cum nihil unquam de *Augustini* doctrina malè suspicarer, ubi me occupasset timor, suspiciones quoque invexisse, & unde me avocaret veritas, eò amorem contrudere. Causas suspicandi non in *Augustino*, sed in me invenie- bam ; & quo ardentius amabam, eò vehementius timebam. Hoc profecit dolor, ut nimis à me *Au- gustinum* amari cognossem.

Cum me diu timor anxium, expectatio erectum

tenuisset, accepi, Diploma à D. N. Beatissimo Innocentio expeditum Romæ adversus Jansenium fulmini simile fuisse. Et cum hic rumor magnos animorum motus fecisset, minùs (est enim *pejor bello timor ipse belli*) me certè quàm antea timor perculsit : fortè, quòd callum dolendo vulneri obduseram. Non dubito quòd intentus eram lectioni Augustini, à qua vix unquam avellor, sub lauru adversus id fulminis me fuisse. Obfirmavi animum, & quamvis multa severa in eo asperaque in Jansenium jacta inaudissem, quæ narrantes datâ operâ exaggerabant altiùs, nihilo magis sum commotus, quàm qui ad Nili ostia, Catadupas, habitant, præcipitantis se è prærupto fluminis sonitu commoventur. Et quidem mirum non erat me non Augustino timere : nam quî posset in divinis Spiritûs sancti fornacibus cuscum fulmen Augustinum eodem igne flagrantem vel leviter perstringere ? & quo illa eadem tunduntur ac formantur malleo, is ab illis feriri : cum contrà siquod intorquendum sit ab Ecclesia in hostes suos vehementius fulmen, ab ipsis sit Augustini armamentariis petendum. Illud quis jure miretur, nè Jansenio quidem magnopere timuisse ? Persuaseram mihi non posse nimis errare eum, qui tam addictus Augustino, tam ejus lectioni deditus fuisset. Quòd si in nonnullis errâsset (nam humanum id est) ea pauca fore : ac in ea tantùm fulmen intorquendum : Personam in tutum receptum iri : quòd Apostolica sedes à Deo edocta, non homines, sed vitia infectetur : nec librum dammandum putabam, qui cum plurimum haberet



beret frumenti, non erat propter adnata quædam zizania comburendus; nè simul periret & triticum. Cùm præsertim Jansenius Episcopus Romanæ Catholicæ communionis esset, seque ac librum suum Romani Pontificis judicio subjecisset; idque testamento, cujus summa & sancta fides est, omninò confirmasset. His cogitationibus munitus, ac omnino Constitutioni Pontificiæ obedire paratus, integrum me ad illius inspicendam formulam conservabam. Incidit illam videndi occasio: Deus immortalis! Obstupui cùm vidi tam ejus notam curis & votis meis respondisse. Agnovi in tantâ tempestate, diluvio quodam in Jansenium effuso, quo penè obrutus depressusque videbatur, Innocentii X Columbam apparuisse, & Ramum Olivæ virentibus foliis, Pacis futuræ signum in ore prætulisse. Cùmque in Jansenii pratis sedisset, unguibus ac rostro spinas quinque evulsisse, ipsæque abjectis innocuam constituisse: nec in ejus personam quicquam durius statuisse. Tum verè Columbam agnovi, cùm vidi à mortuo abstinuisse: nec enim decebat, ut cadavere pasceretur, cùm id corvis tantùm licuisset. Et verò ex illa Arca Aræve Romana, non uti ex Arca Noë corvus, qui reperto cadaveri insideret, illudque discerperet, sed Columba suavis ac mitis Spiritûs sancti symbolum prodire debebat, quæ citra cadaveris injuriam, vicinum pratum, spinis, in quas inciderat, repurgaret.

Cùm verò ad Propositiones quinque mentem & cogitationem convertissem, inveni summo illas jure proscriptas damnatasque fuisse: idque eâ formulâ

verborum, ut non aliter, nisi uti concepta erant, censerì damnariq̃ue debuissent. Adeò non modò sententia; sed ipsa, quibus constabat verbis nota censoria, à Spiritu sancto dictata videbatur. Illud apud me statui, si nullum aliud argumentum esset credendi, Sedem Apostolicam Divini spiritûs Cortinam esse: ac summi Pontificis os ejusdem vocale organum existere: quòd certissima fidei fundat oracula: hanc sanè Constitutionem sanctissimi Patris Nostri Innocentii satis mihi ad faciendam fidem fore à spiritu sancto regi & illuminari. Nam cùm considerabam quanto studio impugnata fuisset doctrina penè tota Jansenii, ac omnes ejus Propositiones capitales improbatae & proscriptae; atque adeò, uti hæreticae, Romanæ sedi, ut damnarentur, ab adversariis oblatae, idque tantâ vi, tantis argumentis, tantis precibus, tantâ gratiâ, tantâ potentiâ, tot artibus, tot minis, ut non modò liber, sed Auctor quoque ad damnationem, ad infamiam, ad ignem postularetur: sed ejus etiam sectatores & vindices dignitatibus spoliarentur, arcerentur; imò & qui in eum pii & misericordes esse volebant, eo nomine quòd in eum mitius statuerent, in invidiam vocarentur: ac videbam eò tot machinas, tot strepitus, tot motus accidisse, ut solæ quinque Propositiones innocuo (ex vi diplomatis) Autore, libròque damnatae fuissent, non poteram non mihi persuadere apud Catholicam & Romanam sedem solius ac nudæ veritatis studium jurisque valere. Et quidem comperi quanti Augustini doctrina facienda esset, & quàm ea  
Sedi

fedi Apostolicæ probaretur: nam in eo libro, cui Augustinus erat nomen, solæ illæ Propositiones proscriptæ fuerant, quas Augustinus ipse proscripsisset. Itaque Augustino istud summi Pontificis Innocentij X. tam sum gratulatus judicium, ut illud æquipararem commendationi Innocentij I. Augustini, cum viveret, doctrinam probantis; cum Innocentij nostri X. judicio sit Augustinus à calumnia impositi sibi erroris liberatus: nec minus beneficium sit protegere doctrinam, quàm approbare. Necessesse est igitur, ut Augustini doctrina pura & innocens haberi debeat, quam duo Innocentij Papæ asseruerunt & vindicârunt. sed quoniam extrema pars diplomatis, quo profitetur Pontifex non intendere se per hanc Declarationem & Definitionem approbare alias opiniones eo libro contentas, videtur aliquam de ijs suspicionem injicere, operæ pretium fuerit, ad calcem illa verba expendere, & germanum eorum sensum elicere, ac ex eo meam confirmare sententiam: In hac constitutione & Formula Divini spiritûs in animos mentesque Pontificum certissimos afflatus apparere.


Eò hæc veriùs ac incorruptiùs dico, quòd non solùm Româ procul, sed *Londini* in Anglia inter hostes Romanæ Ecclesiæ & Romani Pontificis verfor: nec à Sede Romana quicquam aut habeo, aut habiturum me spero: tantùm studio veritatis & Augustini, qui eam & amavit & coluit amore ductus, judicium de hujusmodi constitutione fero. Ad ferendum autem illud in Anglia, multorum me Ca-

tholicorum

tholicorum preces, & quorundam etiam hæreticorum studia moverunt. Ex quibus Catholici edocendi de veritate hujusce constitutionis fuerunt, quòd rumor erat quosdam *Jansenio* nimis addictos ei oblatrare, alios nimis alienos damnationem extendere & exaggerare: Hæretici autem, cum partim *Lutherani* & *Calviniani* essent, qui propositiones illas damnatas sustinebant; partim *Arminiani* & *Sociniani*, qui, quòd *Semipelagiani* sunt, plures damnari volebant, Omnes verò Censuram Sedis Apostolicæ irridebant: Primi, quòd dicerent errasse, illas damnando; secundi, errasse, paucas damnando; monendi fuerunt de autoritate & veritate Pontificis, qui divino consilio & illas quinque rectè damnasset, & nunc à reliquis prudenter abstinuisset.

ARTIC.





## ARTIC. II.

*Producitur Prima Propositio; & nota illius  
Censoria expenditur.*

**A**liqua Dei Præcepta Hominibus justis, volentibus & conantibus, secundum præsentem quam habent vires, sunt impossibilia: deest quoque illis Gratia quâ possibilia fiant.

Hanc tradit & affirmat *Jansenius* lib. 3. de Gratia Christi salvatoris. cap. 13. §. Hæc igitur. De illa ita censet Innocentius; *Temerariam, impiam, blasphemam, Anathemate damnatam, hæreticam declaramus, & uti talem, damnamus.* Optimè Innocentius. De Fide Censura est: nec opus est Fidei, rationibus: sed propter non credentes utar argumentis: & quia *Jansenius* illam propositionem Augustino tribuit, non esse Augustini monstrabo, idque Augustini principiis. Deinde aliis idem argumentis conficiam.

Primum. Autore Augustino, præcepta non sunt impossibilia, si adsit Gratia, quâ possibilia fiant. Augustino Autore justis volentibus & conantibus secundum præsentem quam habent vires, adest Gratia

quâ possibilia fiant: ergò Autore Augustino: justis  
volentibus & conantibus, secundùm præsentes quas  
habent vires non sunt præcepta impossibilia. Justa  
demonstratio est, si major minorque probentur.  
Majorem concedit *Jansenius*, & probat esse Augu-  
stini hoc eodem locò: nec de illa dubitari potest:  
Minorem negat *Iansenius*: sed ea sic ostenditur  
adversus eundem ex Augustino. Hic docet: servari  
posse præcepta petita & obtenta gratiâ, & ex ea ac-  
ceptis viribus à Deo: sed justis volentes & conantes  
possunt eam gratiam & vires à Deo petere & obtine-  
re, igitur possunt servare præcepta.

Quod est in Propositione tradit Augustinus dis-  
putans contra Pelagianos de modo quò mandata fi-  
ant possibilia: nam Pelagiani naturâ fieri volebant,  
& affirmabant Augustinum inducere impossibilita-  
tem mandatorum: quibus ita respondet, non esse  
per solam naturam, & sine gratiâ possibilia; sed esse  
per gratiam à Deo petitam & obtentam ad movendam  
& juvandam naturam. Ita lib. de nat. & grat. c.  
15. *I. aque præcepto facere commovemur, quod co-  
nantes & nostris viribus non valentes adjutorium divi-  
num precemur &c. c. 17. Admonemur à Domino pete-  
re sapientiam, qui dat omnibus affluenter, utique his om-  
nibus qui sic petunt, & tantum petunt, quomodo, & quan-  
tum res tanta petenda est. & c. 43. Non Deus impossi-  
bilia jubet, sed jubendo admonet, & facere quod possis,  
& petere quod non possis & c. 69. Eo quippe ipso, quo  
firmissime creditur Deum justum & bonum impossibilia  
non potuisse precipere, hinc admonemur, & in facilibus  
quid*

quid agamus, & in difficilibus quid petamus. Eandem doctrinam tradit lib. de Grat. & lib. Arbit. c. 10. Magnum aliquid Pelagiani se scire putant, quando dicunt: non juberet deus, quod sciret non posse ab homine fieri. Quis hoc nesciat? sed ideo jubet aliqua quæ non possumus, ut noverimus quid ab illo petere debeamus. Et lib. de perfect. just. Cœlestio interroganti & ingrenti; Nam cur præciperetur, inquit, quod fieri omnino non posset? Respondet Augustinus inducâ appositâ similitudine: Consultissimè homini præcipi, ut rectis passibus ambulet, ut cum se non posse perspexerit, medicinam requirat. Et lib. de spir. & lit. Ideo Lex jubet, ut admoneat quid faciat Fides, ut cui jubetur se nondum potest, sciat quid petat. Eandem perpetuò doctrinam tradit epist. 89. lib. 1. Retract. c. 13. in Psalm. 106. Serm. 3. de verb. Apost. c. 8. & Serm. 191. Et lib. 1. ad Simpl. q. 2. & aliis sexcentis locis, in quibus docet, rationem servandi præcepta sitam esse in Adjutorio Gratix, eamque petendam, & petendo impetrandam; impetratâ præcepta omnia servare posse. Quam doctrinam Augustini Concilium Tridentinum, cum ab eodem spiritu, à quo Augustinus hauserat, accepisset, voluit eam iisdem omnino verbis quibus eam Augustinus conceperat tradere, & in dogma Fidei autoritate suâ vertere. Itaque Sess. 6. c. 11. Deus, inquit, impossibilia non jubet, sed jubendo monet & facere, quod possis; & petere quod non possis, & adjuvat ut possis. Non potest ergo negari à Jansenio propositio illa; Authorem esse Augustinum. Præcepta petitâ & impetratâ Gra-

*tiâ posse seruari; nec tantum hanc esse Augustini sententiam; sed etiam doctrinam Catholicam Concilii Tridentini. Itaque jam illa de Fide est Propositio.*

Pergo ad Assumptionem: *Iusti volentes & conantes possunt eam Gratiam à Deo petere & obtinere.* Hæc est certissima: ac etiam Catholica: nam Fideles iusti, de quibus sermo est, non noverunt solum Gratiam & necessitatem ejus, sed eam quoque acceperunt, imo & in Gratia esse dicuntur, cum iusti appellantur. Præterea cum volentes & conantes dicuntur, non nisi per Gratiam volunt, & conantur, uti definit Concil. Arausican. II. c. 5. & 6. Nam oppositum Semipelagianum est, ut contra ipsos demonstrat ipse Jansenius lib. 8. de hæresi Pelagiana c. 5. docens ex Hilario & Augustino, & Prospero propriam illorum hæresin esse: *Non ita extinctam naturam ut non debeat, vel possit se Velle sanari.* Et Proprium Arbitrium ad hoc tantum esse liberum, ut velit, vel nolit admittere medicinam. Quæ duo ibi convincit Jansenius Semipelagiana & hæretica esse: & ex Augustino confutat. Et quidem latè ac luculenter. c. 6. & 7. imo & toto pene libro multis ac præclaris locis ex Augustino Prosperoque adductis, quæ non est opus repetere, cum ipsemet fateatur Semipelagianum errorem esse, affirmare primos illos motus conatusque iustorum ad Bonum, non esse ex Gratia, quod ostendit de Massiliensibus Vasquez 1. p. d. 91. c. 8. & 12. Vnde datâ assumptione manet utraque præmissa de Fide, atque adeo Veritas quæ est in conclusione



one de Fide est, non quatenus conclusio, sed uti veritas simplex, uti nunc est ad credendum ab Innocentio X. proposita.

Animadverto autem Jansenium sibi in eadem propositione contradicere, dum ait: *Justis volentibus & conantibus non esse præcepta possibilia*: cum justi conando & volendo jam ex Gratia velint & conentur, atque adeò volendo & conando per Gratiam, ulteriorem gratiam petere ac impetrare possint.

Id verò quod apponit: ex impotentia orta ex maximâ infirmitate nostra & necessitate majoris Auxilii, certè non quadrat in homines justos, sed in Peccatores obstinatos; inter quos & justos magna est differentia: cum justi sint in Gratia & per Gratiam liberati, & minus graventur, & faciliùs operentur. Quare maxima pars locorum quos adducit c. 13. & 14. aliisque sequentibus, de Peccatoribus loquuntur, imò de obduratis, & obstinatis loquuntur, uti apparet in loco de serm. 97. & lib. Retract. c. 15. & de lib. arbitr. c. 18. & lib. de perfect. Just. & Psalm. 106. & Tract. 34. in Joannem. Et patet ex eo quia sæpe mentio fit de peccatis quæ sunt pænæ peccati. Quare non rectè Jansenius hominibus justis attribuit, cum conantur & volunt ex Gratia, illud pondus difficultatum, quo penitus obruantur, nec possint petere & impetrare quo possint.

Imo & illud observo demiratus modestiam Censuræ Pontificiæ, quod cum posset, meo judicio, ulterius definiendo tendere, atque addere: *Omnibus Fi-*

*delibus, non tantum justis, sed etiam Peccatoribus injustis, & malis, imò & obstinatis non esse impossibilia præcepta, noluit nisi de justis tantum mentionem facere. Nam etsi constet Peccatores malos & obstinatos, Fideles tamen, Gratiâ ad volendum & petendum non destitui; atque adeo per eam, maior gratiam quâ implere præcepta possint, obtinere: tamen quia vidit aliquos Authores Catholicos sentire Peccatores obstinatos & induratos sufficienti auxilio carere, ac ejus sententiæ Augustinum authorem facere, qui videri possunt apud Vasquium. 1. p. d. 97. c. 2. & 6. & Suar. 1. p. d. 4. d. Prædest. c. 1. & 3. & 2. p. de Grat. lib. 4. c. 8. noluit ulterius progredi, sed ibi terminos, ubi error erat figere: notamque Censoriam Propositioni de Hominibus justis loquenti inurere.*

Ego vero affirmo hominibus fidelibus induratis & obstinatis universim non deesse Gratiâ sufficientem, & nego oppositæ sententiæ Augustinum Authorem esse: quemadmodum in mea Cortina ostendi, & in Hyperaspiste Augustini monstrabo. Habeo vero magnum mei judicii patronum D. Thomam 3. p. 9. 62. a. 6. ad 3. *Homines, inquit, quamdiu vivunt, possunt ad fidem & caritatem converti: quia in hac vita non sunt homines confirmati in bono, vel malo, sicut post exitum ex hac vita.* Quo nihil pro induratis aptius dici potuit: nam quamvis obstinatissimi sint adhuc in via sunt, nec cum damnatis numerandi sunt. Duo hic maximè observanda. Primum Hanc propositionem Jansenii nunc damnatam à Sanctissimo Papa

Papa Innocentio X. jam à concilio Tridentino fu-  
 iſſe directè condemnatam: & multo olim antea à  
 Concilio Arauſicano, aſſertâ ejus contradicторiâ  
 indirecтè proſcriptam. Nam ita Arauſicanum Can.  
 25. *Hoc ſecundum Fidem Catholicam credimus, quod*  
*acceptâ per baptiſmum Gratiâ omnes baptizati Chriſto*  
*auxiliante & cooperante quæ ad ſalutem pertinent poſ-*  
*ſent ac debeant ſiſdeliter laborare voluerint adimplere.*  
 Tridentinum ſic, Seſſ. 6. cap. 11. *Nemo temerariâ*  
*illâ & à ſanctis Patribus ſub Anathemate prohibità*  
*voce uti debet: Dei præcepta homini juſtificato ad ob-*  
*ſervandum eſſe impoſſibilia: nam jubet, ſed jubendo*  
*monet facere quod poſſis, & petere quod non poſſis: &*  
*adjuvat ut poſſis. Cujus mandata gravia non ſunt*  
*cujus jugum ſuave eſt, & onus leve: qui enim ſunt Fi-*  
*lij Dei Chriſtum diligunt: qui autem diligunt eum, ut*  
*ipſemet ſtatutur, ſervant ſermones ejus quod utique cum*  
*Divino auxilio præſtare poſſunt.*

Quæ duo Concilia ex mente Auguſtini dogma  
 illud Catholicum formarunt; nam Tridentinum iſſe-  
 dem met Auguſtini verbis uſum eſt, Arauſicanum  
 conſtat compendium Auguſtinae doctrinae eſſe, u i  
 egregiè tradi: Vaſquez 1. p. d. 91. c. 11. n. 76. & Suer.  
 rem. 2. de Crat. l. 5. c. 42. n. 3. Secundum: Formulam  
 ab Innocentio Papa & Domino noſtro ſervatam; in  
 concipiendâ illius Propoſitionis Cenſura, parim ex  
 verbis Patrum, partim Tridentini Concilii conſta-  
 e. Igitur *Temerariam* dixit Pontifex juxta Tridentinum,  
 à quo *Temeraria* dicitur. Deinde *Impiam* vocat cum  
 Baſilio Magro: qui ſerm. ſuper *attende tibi*, ſic ait:  
*Impium eſt dicere Impoſſibilia obſervatu eſſe ſpiritus*  
*præcepta.*

*præcepta.* Postea *Blasphemam* appellat : quâ eam notâ affecerat Augustinus serm. 192. de Tempore. *Execramur, inquit, eorum blasphemiam, qui dicunt impossibile aliquid homini à Deo esse præceptum.* Præterea censet *Anathemate damnatam*, uti censuerat Tridentinum : quod suprà ci avimus.

Ex dictis constat propositionem illam *Hæreticam* esse, & omnino adversam doctrinæ Augustini. Et quamvis hoc secundum Innocentium non dixerit, satis significavit, cum eam ex Tridentini sensu damnavit ; à quo est ea verbis Augustini damnata, sed quod non expresse de Augustino Innocentius, respiciuè dictum est à Pio. v. & Gregorio xiii. cum illam Baii propositionem damnarunt ita conceptam. *Definitiva hæc sententia : Deum homini nihil impossibile præcepisse falsò tribuitur Augustino : cum Pelagij sit : quam damnando statuerunt, Augustinum ejus sententiæ, quæ affirmat Deum nihil homini impossibile statuisse, authorem esse.*

Tandem notandum Pontificem tantum damnare hanc *Propositionem* circumscriptam & limitatam ad hominis justos : quare ex vi illius non damnantur adhuc aliæ dux, quæ in eadem materia restant. Altera : *Hominibus Fidelibus malis induratis, & obstinatis impossibilia sunt præcepta* : quæ quanquam falsa omnino meo judicio sit, non est tamen per hanc Censuram condemnata. Altera : *Hominibus infidelibus, quæ tales sunt, impossibilia sunt præcepta.* Quid autem fuerit quòd eas Pontifex nunc examinare ac censere noluerit, id in incerto est. Mihi illud



illud videtur : cùm earum definitio ex ea quaestione pendeat : *Detúrne omnibus Auxilium sufficiens ? An non ?* Quæ adhuc inter Catholicos ventilatur : & licet pars affirmans Scholasticis communiter probetur, negans tamen sit Augustini & Fulgentij ac discipulorum, & gravissimorum quorundam Authorum teste Vasquez 1. p. c. 96. & 97. imo et juxta Ruardum Tapper a. 7. contr. *Luther. Doctrinæ Patrûm* magis conformis : ac primam magno consensu probent, sequantúrque *Arminiani, Sociniani Remonstrantes* : secundam *Lutherani et Calviniani*, nè alterutrâ damnâtâ hæreticis morem gerere videretur, judicium suum circa eas duas Propositiones voluit Pontifex sustinere.

D

ARTIC.



## ARTIC. III.

*Secunda Propositio adducitur, ejusque Censura  
inspicitur.*

**H**Æc hujusmodi est: *Interiori Gratia in statu natura lapsæ nunquam resistitur.* Tradit eam *Jansenius* multis in locis. Præcipuè Tomo. 3. l. 2. c. 4. & 5. & c. 9. De illa censet Sanctissimus Dom. Nost. Papa Innocentius. X. *Hæreticam declaramus, & uti talem damnamus.* Erravit manifestè *Jansenius*: Inde autem ortus est error, quòd putavit nullum esse Auxilium Gratia sufficiens: & omnem prorsus Gratiam esse Efficacem. Ex quo sequitur nunquam Gratia resisti: quia Efficax semper habet effectum. Ea præsertim, quam ipse inducit, cui non modo non resistitur, sed nè resisti quidem potest. Unde qui putent *Jansenium* in hac propositione ponere vim *irresistibilis*, ut aiunt *Gratia*, et hoc sensu damnari hîc à Pontifice minus certè videbûr. Nā hic non negat *posse resisti, sed actu resisti*. Itaque affirmat actum; non negat potentiam præcisè: ut enim hanc præcisè negaret dicere debuerat; nunquam potest resisti. Dum ergo ait, *Nunquam resistitur actu*  
inducto

inducto affirmavit; omnem Gratiam esse *Efficacem*, et negavit *sufficientem* et *inefficacem*. Si enim ejus mens esset dicere: Gratiam necessitare voluntatem, diceret *non potest resisti*, et tunc error esset contra libertatem. At afirmando *numquam resisti*, non contra libertatem præcisè. et directè dixit; imo dixisset verum, si dixisset: *Gratie Efficaci numquam resistitur*: nam hæc propositio in omni sententia vera est, cum omnes affirmant Gratiam Efficacem semper habere actum et effectum: undecunque tandem Efficaci proveniat. Eo enim distinguitur in scholis Gratia Efficax à sufficiente, quòd illa nunquam, hæc semper caret effectu. Quare non damnaretur Propositio.

Verum idèò damnatur, quia Omnem prorsus Gratiam Efficacem fecit, dum dixit absolute *Interiori Gratie in statu naturæ lapsæ numquam resistitur*. Quo exclusit Gratiam *sufficientem* et *Inefficacem*. Atque id est contra Concilium Tridentinum Canone 22. Sess. 6. ubi statuit Gratiam *sufficientem* et *inefficacem* et quæ careat effectu, atque adèò Cui resistatur. Ejus verba sunt; *Si justificati à Deo non deferantur, nisi prius eum ipsi deseruerunt: si omnes in acceptà justitia perseverare possint, & in Dei auxilio firmissimam spem reponere Omnes debeant*; habent ergo gratiam ad hoc sufficientem: et cum non perseverarent omnes, multique Deum deferant, non efficacem. Efficacissimum hinc argumentum contra Iansenij Sententiam ducitur. Nam certum est homines justificados peccare mortaliter, et à justitia

Gratiaque deficere, cum tamen non peccare ac permanere possint ; igitur hi *cum potuerunt*, Gratiam habuerunt sufficientem ; cùm ceciderunt, *Inefficacem*. Si autem Jansenij propositio vera esset, nemo unquam justus posset deficere ; nam semel in Gratia constituto, quæcunque Gratia daretur secum affèret actum, cum Efficax esset futura, quòd ei non resistatur. Atque adeò nunquam peccaret, nec Deum desereret. Sed omninò perseveraret ; imò et se perseveraturum semel acceptâ Gratiâ sciret. Quod Tridentino adversatur Sess. 6. c. 11. dicenti ex Augustino ; *Deus sua Gratia semel justificatos non deserit, nisi ab eis prius deseratur*. Ubi docet et supponit justos *deseri à Deo*, cum ab ipsis *deseritur Deus*. Id vero Augustinus lib. de Corrept. et Grat. manifestè docuit. c. 13. cum dixit de quibusdam justificatis ; *Gratiam Dei suscipiunt, sed Temporales sunt ; deserunt & deseruntur*. Qui non perseverant in acceptâ Gratiâ, atque adeo Deū deseruerunt peccando ; quod fieri non posset, si Gratia ab iis accepta Efficax esset ; nam huic minimè resisterent, quia talis supponebatur. De quibus etiam loquitur Augustinus c. 9. ad locum 1. Joannis 2. *Ex nobis exierunt, sed non erant ex nobis. Quod si fuissent ex nobis, permansissent utique nobiscum*. Ubi multa præclarè in hanc sententiam dicta.

Loqui autem Tridentinum de Gratia actuali constat, quia sufficientem & efficacem vocavit. & cap. 13. sess. 6. *In Dei auxilio*, inquit, *firmissimam spem collocare & reponere omnes debent ; Deus enim nisi ipsius Gratiæ defuerint, sicut capit opus bonum, ita perficiet*.  
Quod



Quod quadrat in Auxilium Gratiae actualis. Certum est item Augustinum agere de eodem genere actualis Auxilii, cum agat de Adjutorio quod ad Perseverandum datur, ipsius confessione Jansenii, impugnantis opinionem eorum, qui de habituali Gratia locum intelligi volebant. Contra quos contentiosissime pugnat pro Auxilio Gratiae actualis. Ita tomo 2. lib. singul. de Grat. Primi hominis. c. 12. & 13. & tomo. 3. lib. 2. c. 2. & 6. et lib. 8. c. 2. et 3. et nos infra in libro de iisdem Adjutoriis late ostendemus.

Adversatur quoque illa Propositio Jansenii, Concilio Arausicano 2. can. 25. *Hoc secundum Fidem Catholicam credimus, quod accepta per baptismum Gratia, omnes baptizati Christo auxiliante & cooperante, quae ad salutem pertinent, possint, & debeant, si fideliter laborare voluerint, adimplere. Ubi videmus Auxilium, quo possint, & debeant si voluerint, quod omnino sufficiens est, adimplere: Unde sequitur, qui non adimplent, eos nolle cum possint adimplere, atque adeo dari Gratiam cui resistatur. Eadem doctrina est Concilij Senonensis, Decreto Fidei 15. & Valentini. III. An. 855. et Enchiridij Concilij Colonienensis. cap. de sacramento Pœnit. Ex quorum testimoniis unum tantum Senonensis afferre volo, quod rem contineat: Non est huiusmodi trahentis Dei auxilium, cui resisti non possit. Quoties enim Dominus voluit congregare filios Ierusalem sicut gallina congregat pullos suos sub alas, & noluit? Frustrâ certè Stephanus Iudæos duræ cervicis & incircumcisi cordis*

argueret qui semper spiritui Sancto resisterent. Frustra Paulus Thessalonicenses admoneret spiritum nè extingu-  
erent, si divinis inspirationibus homines inevitabiliter  
raperentur. Qui locus natus videri potest ad illam  
propositionem refellendam.

Inspiciamus tamen penitus originem istius erro-  
ris Jansenij. Erit quippe operæpretium scire, Unde  
hæc illi mali labes. Igitur Jansenius sumpto Au-  
gustini principio: Gratiam Primi hominis distinctam  
esse à Gratia hominis Secundi, quod statuit expressè  
lib. de Corrept. & Grat. a. c. 10. ad 13. de qua  
nos distinctione 2. parte dicemus. Existimavit illam  
primam Gratiam, quam Augustinus nomine Adju-  
torij *sine quo non* appellavit, & ad modum *Sufficientis*  
formavit, quia dabat posse, eratque in potestate Ar-  
bitrij indifferētis ad operandum cum ea vel non ope-  
randum, ità esse propriam illius status, ut intra ejus  
limites omninò contenta nemini extra illum obti-  
gerit. Itaque homini secundo instatu ruinæ eam  
nunquam dari: ac tantum dari aliam significatam  
nomine Adjutorij *Quo*, quæ rursus ita propria esset  
status hujus, ut soli homini lapso conferatur: ut  
neutra alterius status fines transiret. Et quidem di-  
versa illa Adjutoria esse: ac primum instar *sufficientis*  
*Auxilij dare posse non velle* ac semper operari certissi-  
mum est, quemadmodum docent duo Principes  
Jesuiticæ Theologix, Vasquez & Suarez. Ille 1. p.  
d. 98. c. 2. a. n. 7. & c. 4. a. n. 22. & c. 6. n. 42.  
Hic 2. tomo. de Grat. l. 4. c. 1. n. 2. & n. 5. & c. 28.  
n. 1. ac nos suo infrà loco probabimus.

Itaque

Itaque in hoc minimè erravit Jansenius. In co-lapsus est, quòd negavit Gratiam hominis primi nunquam dari homini secundo: cum manifestum sit sæpe homines justos peccare, ac deficere, ut suprà ostendimus: quibus cum non detur Gratia Efficax & Adjutorium *Quo*, necesse est conferri aliam sufficientem & inefficacem sive Adjutorium *sine quo non*. Quod nos docuit Tridentinum suprà-citatum.

Sed quoniam Augustinum Jansenius sequi se putat: an sit, & quatenus assecutus illius mentem accuratè pendamus. Et quidem Augustinus Adjutorium illud *Quo*, id est, Efficax hominibus in statu naturæ lapsæ tanquam proprium assignavit: ac ex meritis Christi ac ex proposito Dei Prædestinantis *Efficax* induxit: uti nos proximo tractatu latè ac perspicuè trademus. Alterius nullam distinctè mentionem fecit, sed sæpe significavit, ac si semel positum non sustulisset. Ratio verò fuit, quia Augustinus loquebatur de Gratia propria Prædestinatorum data iis ex Proposito Prædestinantis Dei, et cum Perseverantia continenti quasi filo connexa, et ad salutem æternam terminata, quemadmodum postea dicemus. Nihilominus tamen aliud Gratiæ Adjutorium præter istud Augustinus agnovit. An vero fuerit illud *sine quo non* primi hominis, An aliud, jam aperio. Et quidè difficilis quæstio est, quam agitavi antea in mea Certissima quæstione ad id singulari institutâ. Nunc satis erit monstrare Augustinum aliud Adjutorium præter illud *Quo* et efficax cui non resistitur admisisse. Primum argumentum esto. Augustinus author est;

*justum:*

*justum non deserit à Deo, nisi cum à justo Deus deseritur, imo ex eo videtur desumpsisse Tridentinum illam sententiam cap. 11. Sess. 6. Deus neminem deserit, nisi deseratur. Quam tradit Augustinus lib. de natura et Grat. c. 26. et lib. 17. de Corrept. c. 15. et lib. 18. de verbis Apost. c. 6. Sed justus peccando Deum deserit adhuc non desertus, ergo Gratiam aliquam habens deserit, quæ non est Efficax quandoquidem deficit, et effectui caret. Unde conficitur: hanc esse diversam aliam ab ea cui resistitur. Confirmatur loco proximè adducto lib. de Corrept et Grat. c. 13. ubi justos quosdam Augustinus Temporales appellavit quia deserunt et deseruntur.*

Secundum argumentum ac evidens est. Augustinus admittit, et statuit, quædam auxilia Gratix parvæ & remissæ, quæ parvas, & infirmas in nobis faciunt voluntates, quæ non sunt efficaces, nec robustæ: sed hæc Auxilia non sunt Adjutoria Quo, & Efficacia, ergo Augustinus aliud genus Gratix agnovit, præter Efficax, & cui non resistitur. Hoc argumento usus sum in mea Cortina. p. 3. in probatione conclus. 51. idque multis ex Augustino adductis locis confirmavi: cujusmodi sunt. lib. de Spir. & Litt. c. 36. & l. 2. de Peccat. merit. & remiss. c. 3. & lib. de Grat. & lib. arbit. c. 15. & 16. sermone. 3. de verb. Apost. c. 10. lib. de Perfect. just. c. 7. & 10. & l. 8. Confess. c. 5. & 10. & serm. 44. & 97. de divers. & serm. 102. Do aliquos selectos. serm. 3. de verb. Apost. Sufficit tibi Gratia mea. Volo ut velis, & Adjuvandus es ut plenè velis, & impleas quod velis.



velis. & lib. de Grat. & lib. arb. c. 17. *Qui vult  
facere Dei mandatum, & non potest, jam quidem habet  
voluntatem bonam, sed adhuc parvam & invalidam.  
Poterit autem, cum magnam habuerit & robustam.* Mitto  
alios & colligo. Illa gratia quæ illas parvas volun-  
tates efficit, non est adhuc efficax ad servanda præ-  
cepta, ergo est inefficax, ac ei resistitur. Dein-  
de voluntas mota ab illa Gratia deficit, & cadit cum  
sit Adjuta à Gratia, cum qua tamen cadit, ergo  
non habet Gratiam Efficacem. Tandem illa volun-  
tas si amplius juvetur per Gratiam, non deficiet, ac  
implebit præceptum: ergo illa Gratia per quam non  
deficiet, & implebit præceptum, sola Efficax erit: atq;  
adeo prima non erat efficax.

Opponet tamen Jansenius: in doctrina Augustini,  
illam primam Gratiam esse efficacem respectu illius  
parvæ voluntatis; cum omnis gratia parva suum, id  
est parvum, efficiat effectum: quod probat Janse-  
nius ex Augustino. lib. 3. de Grat. Christi. c. 27. Atque  
adeo nunquam ei resistere. Respondeo verum esse  
in Augustinio omne Auxilium Gratiæ esse reipsa  
exhibitum, non tantum oblatum & paratum: nam  
hac ratione quomodo erit auxilium, si non exeat à  
Deo, nec reapse detur? verum id non satis esse ut sit Effi-  
cax, cum per velleitatem non impleatur præceptum,  
imo & ipsa velleitas deficiat à fine, nec excuset à  
Peccato. Unde & cum ea voluntas resistit motui  
parvo Gratiæ, & resistens illam inefficacem reddit.  
Unde quanquam respectu motus quem excitat vide-  
atur Efficax, quod ipsum efficiat; tamen respectu

E

operationis

operationis & actûs in quem tendit ulteriùs, & propter quem datur, est omnino inefficax, ac ei omnino resistitur.


Opponet iterum Gratias illas tenues & remissas ab Augustino positas non esse in ejus doctrina *sufficientes*, cùm tantum efficiant parvas, & invalidas voluntates. Unde eas vocat Augustinus *non idoneas* lib. 8. Confess. c. 5. & non *sufficientes* l. de Grat. & lib. arbitr. c. 15. ac sermone 3. de verb. Apost. de hujusmodi Gratia dixit *sufficit tibi Gratia mea. Volo ut velis, sed non sufficit ut velis.* Unde addit *Adjuvandus es ut plenè velis.* Respondeo primum hoc ab re esse, nec enim hic quæritur *Utrum & quomodo Gratia sufficiens sit?* sed *utrum nulli Gratia in statu lapsæ naturæ resistatur?* Cui jam satis fecimus monstrando esse Grâias Inefficaces quibus sapientissimè resistitur. Deinde respondeo: Et si doctrina Augustini *de sufficienti Auxilio* non parum à Recentiorum quorundam sententia sit diversa, uti notat etiam Cæsar Vaninus, & Paulus Bennius in libello de Auxil. suffic. & Effic. & nos suo loco monstrabimus, tamen non tolli per istas Gratias inefficaces illâ sufficientiâ Auxilii, cum per illas petere et impetrare quis majus atq; adeo Efficax Auxilium possit. Unde quamvis per se ac præcisè non sint sufficientes completè, sunt tamen media & viæ obtinendi Auxilii Efficacis, atque adeò simpliciter sufficientia: quâ ratione superiori capite diximus *justos iis gratiis volendo & conando posse Gratiâ adservanda præcepta obtinere, ac perinde habere Gratiâ*

tiam quâ hæc Possibilia fiant : Unde ex definitione ipsa Pontificis deduco hunc modum satis esse ad constituendum Auxilium sufficiens.

Omitto hîc communem rationem arguendi contra hanc propositionem Jansenii, petitam ex doctrina Augustini de Gratia non necessitante, & cui voluntas possit resistere : tum quia hîc non quæritur de potentia, sed de actu : tum quia à negatione actus non colligitur negatio Potentiæ : quemadmodum ex affirmatione potentiæ non deducitur affirmatio actus : nam non valet : *Non resistitur, ergo non potest resisti. Nec rursum : Potest resisti, ergo resistitur.*

## E 2

## ARTIC.



## ARTIC. IV.

*Affertur Tertia Propositio: ac quid de illâ  
constitutum sit, ponderatur.*

**E**A sic concepta: *Ad merendum & demerendum in statu naturæ lapsæ non requiritur in homine libertas à necessitate, sed solum à coactione, statuitur Hereticam esse, & uti talem damnari.* In hujusmodi censura manifestè apparet Spiritus Sancti Aflatus: nam non nisi eo Arbitro inter duas de libertate absolutâ Catholicorum sententias, tam certum innocumque judicium ferripotuit. Nulla me Authore, difficilior cum in rebus Philosophicis, tum Theologicis, quàm de libertate quæstio est. Dux sunt de libertate in genere extremæ sententiæ. Una libertatem in potestate indifferenti ad appositam constituit: imo nec eam ab indifferentia distinguit. Duplicem autem inducunt differentiam: alteram ad actus oppositos, quæ libertas est contrarietatis: alteram ad actum & negationem ejus quæ est contradictionis: ac illam quoad speciem; hanc quoad exercitium libertatem appellant; & omnem ab ea remouent necessitatem: nam quod uni tantum



tum partē sit additum, liberum negant; quòd indifferens non sit: ità ut pari passu libertas & indifferentia illa procedat. Hæc est Authorum Societatis Jesu communis sententia: quos quia citare longissimum esset, adducam tantum eos qui contra *Jansenium* scripserunt, & accuratissimè hujusmodi questionem tractarunt. *Antonius* Richard. sive à Campo. lib. 2. *Martinonius* Tom. 1. d. 6. & Tom. 4. *Annal.* 1. 4. c. 8. *Thomas Augustinus*, variè in suo opere defens. & *Antonius Moraines* à disp. 30.

Altera ponit libertatem in Amplitudine & Eminentia cum Dominio & potestate libera in suos actus præscindendo ab illa indifferentia, & necessitate. Hæc sine dubio est *Augustini*, quemadmodum nos latè ac dilucidè ostendimus illà questione de libertate & necessitate art. 12. adductis locis lib. 3. de lib. arbitr. c. 3. & lib. de nat. & grat. c. 45. & 47. & lib. 1. ad Simplic. q. 1. & lib. de Spir. & Lit. c. 31. & in Enchir. c. 105. & lib. de Corrept. & grat. c. 11. & lib. 3. contra Maxim. c. 14. & lib. 1. de nupt. & concup. c. 6. & l. 5. de Civit. c. 10. & l. 1. Retract. c. 1. & aliis addita disputatione contra *Julianum* operis imperfecti in qua bifrontem Indifferentiæ potestatem quam *Julianus* in totam libertatem inducebat acerrimè impugnat. *Augustinum* sequitur *Anselmus* l. 2. cur Deus homo. c. 10. & 17. & 18. & l. de lib. arb. c. 2. & 5. & 6. *Bernard.* lib. de Grat. & lib. arb. *Richard* de S. Victore de stat. inter. hom. & l. de erudit. inter. hom. c. 3. *D. Thom.* in 2. d. 21. & q. 22. de verit. a. 1. ad 7. & 24. a. 10. & q. 10. de potent.

& in 3. d. 12. q. 2. a. 1. & d. 18. a. 2. & 1. p. 62. a. 8. Scotus in 1. d. 10. q. 5. & quod l. 16. quos suæ scholæ sequuntur, & ex aliis Cardinal. Contaren. apud *Gnilielmum Gibienfum*. Doctorem Sorbon. à quo hæc sententia traditur & illustratur Tom. de libert. Dei & Creat. l. 1. c. 6. & aliis. Consentit Cæsar Vanin. in suis exercitat.

Inter has sententias Pontifex constitutus nihil de ratione illâ generica libertatis definivit, ut neutri sententiæ detraheret ( quanquam ista secunda ita suumptâ in genere libertate, ne ab ipsis quidem defensoribus indifferentiæ improbetur, uti fatetur Morain. c. 1. d. 3. s. 7. a. n. 40. ) sed ad illam speciem libertatis in eo statu descendit qui omnino potestatem ad opposita requirat, quæ ipsa humana libertas ad merendum & demerendum est. In hoc quippe omnes Catholici consentiunt. Et quoniam primâ sententiâ indifferentis libertatis arreptâ, Sociniani, Remonstrantes, & Arminiani Gratia detraxerunt; Acceptâ verò secundâ *Lutherani* & *Calviniani* libertatem arbitrij ad merendum & demerendum sustulerunt, *visum est Spiritui Sancto & Papæ*: id solum statuere, quod cum certissimum esset, neminem Catholicum offenderet neminem Hæreticum confirmaret. Nam si absolutè definitum esset: Necessitatem repugnare libertati, non expresso quæ libertas esset, improbaretur communis *Augustini* & doctorum sententia: & daretur ansa *Semipelagianis*, quos *Arminiani* & *Sociniani* Remonstrantésque suscitarent, indifferentiam illam suam æquè in utram-

vis partem potentem quam bilanci appellem cum Pelagio exerendi; sin vero permetteretur illa in tota suâ latitudine sententia; Nullâ necessitate auferri libertatem, taxaretur alia Clarissimæ Societatis de libertate indifferentiæ opinio, triumpharéntque Lutherani & Calviniani, qui eam in nobis extinctam contendunt.

Descendit itaque Pontifex ab illo summo statu & genere libertatis ad formam & speciem libertatis humanæ viatorum in statu naturæ lapsæ: statuitq; ad merendum & demerendum requiri Arbitrium liberum *non solum à coactione, sed etiam à necessitate.* Quod omnino Catholicum est. Ac ita definiuit Tridentinum. Sess. 6. can. 6. *Siquis dixerit non esse in potestate hominis vias suas malas facere, Anathema sit.* Et meritò à Pio. v. & Gregorio xiii damnatæ sunt illæ Propositiones Baii. *Quod voluntariè fit, etiamsi necessitate fiat, liberè tamen fit:* quæ erat ejus 39. Propositio. *Et sola violentia repugnat libertati hominis naturali:* quæ erat 66. Et quidem asserente Tridentino. Sess. 6. can. 4, *liberum hominis arbitrium excitatum à Deo posse dissentire si velit.* Non est ferenda illa sententia quam Divus Thomas manifestè damnaverat qu. 6. de malo hisce verbis: *Hæc opinio est hæretica. Tollit enim rationem meriti & demeriti in humanis actibus. Non enim videtur esse meritorium, vel demeritorium quod aliquis sic ex necessitate agit, quod vitari non potest.* Ac ita de illa censuit Univerſa Acadèmia Parisiensis in Collegio Sorbonæ Anno 1560. 27. Junij in Censura  
so-

solenni & quidem nemo Authorum pro secunda sententia citatus negat hanc ad merendum homini libertatem.

Hanc esse Augustini doctrinam circa libertatem hominis operantis in hoc statu ruinæ, quæ à Summo Pontifice in censura ponitur, aliàs ego antea in mea Cortina, Quæstione de libertate & necessitate Peccandi latè ac enucleatè ostendi: Et in articulo de libertate Dei & Creaturarum, cum libertatis species formasque numerarem, necessitatem à merito demeritoque exclusi: cum tamen certam quandam in aliis actibus liberis Angelorum & hominum Beatorum necessitatem cum Augustino, Scoto, aliisque Summis Authoribus admissem prorsus. Itaque brevius hinc agam, & locos tantum Augustini perspicuos & idoneos ad necessitatem ab actibus meritoriiis removendam adduco. Primus esto lib. 3. de lib. arbitr. c. 18. approbatus ab Augustino lib. de Nat. & Grat. c. 67. *Quæcunque ista est causa voluntatis si non potest ei resisti, sine peccato ei ceditur; si autem potest, non ei cedatur, & non peccabitur. At fortè fallit incantum? Ergo caveat ne fallatur. An tanta fallacia est, ut caveri non possit? Si ita est, nulla, ergo peccata sunt. Quis enim peccat in eo quod vitari nullo modo potest? Peccatur autem. Caveri igitur potest. Hoc loco abutebatur Pelagius excludendo gratiæ necessitatem ad vitandum peccatum. Cui ita respondet Augustinus, ut admittat vitabile omnino esse peccatum, atque adeo non necessitate committi; sed non solius naturæ viribus, sed cum adiutorio Gratia.*



tia. *Agnosco, inquit, Verba mea sunt, sed etiam ipse dignetur agnoscere superius cuncta quæ dicta sunt. De gratia quippe Dei agitur, quæ nobis per Mediatorem medicina opitulatur non de impossibilitate justitiæ. Potest ergo ei causæ, quæcunque illa est, resisti; potest planè; & mox. Potest peccatum caveri, sed opitulante illo. Et postea: sive ergo immincat, sive insit, caveri potest. Ex quo manifestè deducitur: Peccatum esse non posse in eo, quod vitari non possit: atque adeo cum necessitate stare demeritum non posse, idque verè lib. de vera Relig. c. 14. dixerat. Peccatum nisi voluntarium sit, non fore peccatum. Et lib. de duabus Animab. Peccati reum teneri aliquem quia non fecit, quod facere non potuit, summæ iniquitatis esse & insanix, ac idem sæpe in eodem lib. repetit c. 11. & 12. jam verò illud celeberrimum dictum ab Augustino lib. 3. de libero arbitr. & relatum lib. de Nat. & Grat. c. 67. rem continet. Non tibi imputatur ad culpam, quod invitus ignoras, sed quod negligis quærere quod ignoras. Et verò id observo Augustinum Manichæis semper negâsse necessitatem peccandi, asserendo Peccatum vitari posse, ac docendo neminem in eo quod vitare non posset, peccare posse: Pelagianis autem id solum negâsse Peccatum nudis naturæ viribus vitari posse: ac ita nunquam de potestate vitandi dubitâsse, eam semper asseruisse, tantum rationem vitandi non in natura vitiata esse voluisse: id nos latè & accuratè illâ quæst. de libert. & necessit. peccandi ostendimus. Ubi etiam tres rationes vitandi peccati ex Augu-*

gustino adduximus, & veram à peccando necessitatem removimus. Itaque in demerendo libertas non solum à coactione, sed etiam à necessitate juxta Augustinum statuitur. De merendo autem eandem esse rationem quis dubitet? verum & id quoque ex Augustino monstramus. Is vero ejusdem rationis utrumque esse sensit, cum lib. de Nat. & Grat. c. 63. dixit *se toto corde suscipere illam Hieronymi sententiam.* Nos neque ad virtutem, neque ad vitia necessitate trahi. Servandæ meritum legis, potestati nostræ assignat Augustinus lib. de actis cum Felice Manichæo c. 5. nam cum hic dixisset *Multos servare legem voluisse* vocem hanc tripuit Pater Augustinus & pressit. *Qui enim, inquit, legem servare non vult, impotestate ejus est, si velit.* Et in Psal. 34. ad illud. *Noluit intelligere ut benè ageret.* Non quia non possunt, ai, sed quia nolunt, & lib. 1. Retract. c. 22. *Est in nostrâ potestate, inquit vel inferi bonitati Dei, vel excidi ejus severitate.* Et lib. 50. Homil. 50. *Cum per Dei Adjutorium in potestate tuâ sit utrum consentias Diabolo, quare non magis Deo, quàm ipsi obtemperare desideras?* Et rursum: *Rogo ergo vos fratres Charissimi quare Satanas seducit ad peccandum? cum Deus pateret homini in potestate, non consentire Satana.* Itaque Augustinus cum dixit toties *Consentire & dissentire propriæ voluntatis esse*, quod semel non dixit, toties necessitatem exclusit: quemadmodum nos citatis ejus locis lib. de Spiritu & Littera in quæstione de libert: et necessit. Peccandi observavimus: in quâ certè quæstione quicquid desiderari

rari poteſt, ad hanc Auguſtinianam doctrinam ſtatuendam & illuſtrandam cumulatiffimè præſtitimus Remotâ à merito ac demerito neceſſitate: Tria manent Definita in Cenfura. Unum repugnare merito coactionem: alterum repugnare merito neceſſitatem. Tertium diſtingui coactionem à neceſſitate: & quidem aptiſſimè: nam poſſet quis excipere: ſi ſolam neceſſitatē removeret Pontifex, illum de neceſſitate coactionis locutum: idcirco inter utranque diſtinxit: ambasque à merito demeritoque excluſit.

Duo tamen obſervanda, imò & obijcienda ſuperſunt. Alterum circa mentem Auguſtini: alterum circa mentem Pontificis. Primum Auguſtinum admiſſiſſe neceſſitatem peccandi: imò eam ex Pſalmis aliisque ſacræ ſcripturæ locis deduxiſſe. Ita lib. 3. de lib. arbitr. c. 18. & d. 2. contra Secundin. & lib. de Perſect. Juſt. c. 4. & l. 1. Retract. c. 1. lib. 8. Confef. c. 5. & Serm. 45. de temp. & lib. 1. oper. Imperf. contr. Julian. & lib. de nat. & Grat. pene totos; eamque ortam ex innata concupiſcentia & inolita conſuetudine affirmare. Cui facilè reſpondimus in noſtra Cortina quæſt. de libertate: ac modò eadem facilitate reſpondemus. Auguſtinum neceſſitatem quandam moralem induxiſſe, quæ cum Peccato componitur: uti nos ibidem plurimis ab aare. 3. collatis testimoniis probavimus.

Ibique perſpicuè diſtinximus inter neceſſitatem moralem, & ſecundum quid, cum qua ſtat Peccatum, & neceſſitatem ſimpliciter & Phyſicam, quam

omninò excludit. Itaque Authorem Augustinum esse: ubi sit *necessitas inevitabilis* peccatū non esse; ut hoc sit oportere vitari aliqua ratione possit: Loci duo in Augustino sunt id probantes: Primus quo docet, Angelios & hominem in statu integro non omninò peccaturos, si Adjutorium ad vitandum Peccatū defuisset. Ita c. 11. lib. de Corrept. & Grat. Si autem hoc Adjutorium vel Angelo vel homini quàm primum facti sunt defuisset; quoniam non talis natura facta erat, ut sine divino Adjutorio posset manere si vellet, non utique suâ culpâ cecidissent. Quod etiam observavit Suarez, in cuius locum postea incidi Tom. 2. de Grat. l. 4. c. 18. n. 19. & 20. Alter locus est de Induratione Pharaonis li. Expositiō. Epist. ad Romā. n. 62. celebris ob difficultatem: in quo Augustinus excusare à Peccato Pharaonem Auxilij sufficientis defectū videtur atque adeo Peccatum omnino excludere. Non ergo hoc illi imputabatur inquit, quod tunc non obtemperavit, quandoquidem obdurato corde obtemperare non poterat: sed quia dignum se præbuit, cui cor obduraretur præcedenti infidelitate. Et sanè ex hoc loco colligunt multi negationem Auxilij sufficientis: uti notat Vasquez. 1. p. d. 97. c. 2. & Suarez. Tom. 2. de Grat. lib. 4. c. 18. & Moraines disp. 25. S. 2. qui videtur assentire: sed hoc aliās. Nunc ad quæstionem propriè. Fateor neminem mihi hætenus ex iis quos legi, interpretando hunc locum satisfacisse: ne Suarez quidem, qui eum versat & copiosissimè more suo explicat. Vasquez doleo tam levi cum brachio attigisse; nec enim dubito, quin si vellet,



vellet, fatisfaceret Itaque neceffe est dicam quid sentio. Primum quod quidem fatentur : quemadmodum in aliis locis illius Expositionis Augustinus quòd adhuc tyrocinium in scientia scripturum poneret, non rectè sentit; minus hoc loci quoque rectè sensisse; id ego negarim, cùm videam in Retractionibus & aliis cum jam peritior esset editis à se libris, alia correxisse, istud non emendasse : quo apparet rectè sensisse. Sed rursus dubitatio existit ; quòd ipse aliis in locis significat Pharaonem vel induratum peccasse, & omninò author est cum correptum & punitum à Deo : quod monstrat auxilium sufficiens fuisse. Uti liquet ex quæ. 18. in Exod. & serm. 88. de Temp. & lib. 83. quæst. 68.

Ego triplici modo nodum solvo. Primum aio : Pharaonem Authore Augustino peccasse & Auxilio suffi-  
cienti saltem remoto non caruisse : atque inde duco argumentum ad probandum Augustinum necessitatem à peccato removisse. id hac ratione conficitur. Aliud est committi, aliud est imputari peccatum : Augustinus non negat committi, negat imputari. Incommittendo est quid occultum, in imputando est quid apertum. Igitur in induratione Pharaonis erat occultè peccatum, sed quia erat peccatum indurationis nec apparebat peccatum, quia videbatur necessarium peccatum : in causa & erat & apparebat peccatum. Ait ergo Augustinus. Tam longè est à Peccato necessitas, ut ubi non est apparens necessitas non appareat damnatio : unde peccatum in quo non deprehenditur clarè libertas, non palam damne-

tur, hoc est, non imputetur; sit interius damnatum quod interius tantum commissum: non prodeat foras damnatio, ubi non apparet libertas. Itaque imputetur peccatum primo peccato in quo apparet peccatum & causa peccati: nam ubi apparet libertas, ibi opus est appareat & damnatio. Non ergo hoc illi imputatur, qui tunc non *obtemperavit, quandoquidem obdurato corde obtemperare non poterat. Noluit dixit q. 68.* erat tamen ejusmodi *nolle* ut videretur *non posse*, non igitur imputetur quod non videtur *nolle*. Redeat imputatio ad causam: *sed quia dignum se præbuit cui cor obduraretur priori infidelitate.* Nè quis autem dicat hoc acutum esse magis quam solidum: ex sequentibus apparet peccasse Pharaonem: nam ait ex hac doctrina sequi *obduratum deferendo relinqui ut malè operetur.* Male autem operari est peccare. Docet deinde *Peccatum esse penam peccati, & per ipsam penam malè operari* & constans ejus doctrina est Dari peccata, quæ cum aliorum sint pænæ, peccata tamen sint. lib. de Nat. & Grat. c. 22. & lib. 5. contra Julian. c. 2. ca. 3. & in Joannem tract 53. Dato autem quòd peccavit, congruè locum explicari existimo. Si hæc interpretatio minùs solida videatur. Dico secundò solidius: peccatum, non imputari Pharaoni, nisi in causa: in qua cum tota esset libertas, erat potius peccatum: præ qua cum esset minor libertas in sequentibus, non imputabantur sequentia, quæ erant ex morali necessitate peccata. Unde etiam deducitur nobilis divinæ hujus doctrinæ confirmatio, tam obtundi necessitate peccata, ut

eorum

eorum malitia extenuetur, atque adeo ubi ſola libertas eminet ibi ratio peccati dominetur. Maneat illud: non petiſſe illa parte Pharaonem gladio Divinæ ſententiæ, ubi neceſſitas clypeum objeciſſet.

Tertio verè pronuntio: Pharaonem Induratum, Auguſtino Authore, non peccâſſe poſtquam induerat, nec contra unquam Auguſtinum ſenſiſſe: atque adeo in ſola cauſa peccâſſe; unde deducitur quantum à neceſſitate Auguſtinus abhorreat: qui à Pharaone indurato, quòd aliter agere non poſſet, Peccatum removerit. Et quidem conferens locos invenio iſtum tam clarum, tamque expreſſum, ut explicari non poſſit, alios obſcuros qui ex hoc intelligi debeant: alios haud obſcurè indicantes Pharaonis neceſſitatem, quæ cum Peccato non conſiſtit. Percurro breviter ſingula. Quæſtione. 68. & ſi dicat Pharaonem *noluiſſe*, non ideo affirmat liberè *noluiſſe*. Potuit enim *nolle ex neceſſitate*. Serm. 88. cum dicit Eum *afflictum pœnituiſſe*. Jam non loquitur de *indurato*: nam cum pœnituit deſiit obdureſcere. Deinde potuit ea Pœnitentia mala eſſe, uti Judæ Pœnitentia. Quæſtione 18. in Exodum favet noſtræ interpretationi: cum dicit Pharaonem *inflexibiliter non flexibiliter reſiſtere*. An vero Pharaon habuerit Auxiliũ *ſufficiens*? alia dux ratio eſt, cui obiter reſpondeo: non deſuiſſe ei quosdã impuſſus & motus, ſed tã tenues & remiſſos, ut pro ejus induratione ſufficientes non eſſent, imo ad quos ille induratus, aut non adverteret, aut certè pertinacia & protervia opprimeret: nec in hac ratione dicendi quicquã periculi

periculi esse potest : nam non peccasse Pharaonem, dato quod Peccatum vitare non potuit, doctrina est quam accipimus & probamus : & dari effectus tantum in causa culpabiles Suarez hac loco insinuat, & Moraines perspicue docet Pharaonem induratum non peccasse. d. 25. S. 2. n. 22. imo fatetur alios induratos ex mente Augustini subtracto Auxilio sufficienti minimè peccare. Id verò ego non dixerim de induratis communiter, nec id Augustinus docet : de Pharaone dixerim, quod Augustinus affirmet, cum præsertim non eadem ratio sit de Fidelibus qui indurantur, quos nunquam *sufficienti* auxilio destitui ex Augustino in ejus, quem adorno, Hyperaspiste monstrabo. Hinc apparet quacunque tandem ratione locus exponatur, illud constans indubitatumque relinqui, ubi sit necessitas, Peccatum esse non posse.

Gravior & difficilior circa mentem Pontificis quæstio. Cum enim removeat necessitatem à merito, videtur potestatem agendi & non agendi ad rationem merendi exigere ; quæ certè in Christo Domino aut ægrè, aut minimè reperitur. Primum Observo Dei providentiam in hac censura. Damnavit Pontifex necessitatem, eamque in statu naturæ lapsæ. Itaque nil de indifferentia, nil de necessitate ad meritum absolutè voluit determinare. Tantum meritum humanum in statu naturæ lapsæ voluit liberum à necessitate. Ab illa de Christi libertate, & merito, aliisque de libertate, & merito absolutis quæstionibus abstinuit. Nam certè Christus non meruit, uti nos in natura lapsa meremur ; itaque non manet  
ejus



ejus meritum nostris legibus definitum. Quod si Pontifex removendo necessitatem indifferentiam exigeret, laborarent Theologi in merito Christi sustinendo. Ideo Pontifex divinitus humanum meritum in statu ruinæ liberum à necessitate declaravit, quæ necessitas tollat potestatem opposita agendi : quam certè postulat libertas humana. Hoc enim fateor : remotâ necessitate assertam fuisse liberam agendi & non agendi, vel agendi opposita potestatem : quæ sanè pertinet ad nostram libertatem. In Christo alia erat ratio merendi, quæ non erat nostris angustiis circumscribenda. Non eò hæc dico, quòd negem Christum in merendo liberum non fuisse, cum maximè liber fuerit, sed quòd negem illum eo modo quo nos liberi sumus liberum fuisse. Nec temerè quæstionem istam excito, sed consilio : ut appareat Pontificem Spiritu Sancto afflatum hoc tantummodo rem definire voluisse. Video enim quid paraverint quidem Jansenii adversarii, qui conabantur damnatione opinionû Jansenii suas stabilire : atque ita in suis operibus censuram adornabant, ut ea in approbationem eorum quæ sentiebant, verteretur. Sed Pontifex eo tantum, quòd licuit progressus substitit, nè approbando damnaret plurima quæ certè iis approbatis necesse erat labefactari : Itaque ad eos termino veritatis nixus Romana voce : *Huc cives huc usq; licet.*

Id ut constet Affirmo : Multum inter Christi nostrumque meritum interesse : nec posse eandem rationem utrique merito accommodari : patet ; quia

in nobis est potestas peccandi: quæ in Christo esse non potuit. Cum præsertim illa potestas peccandi neque libertas, neque pars libertatis, sed defectus & imperfectio libertatis sit (contra quam sentit Vasquez 1. p. q. 19. a. 10. & 1. 2. q. 129. c. 10. Et Benius in Apologia.) Authore Augustino multis in locis, quos adduxi in mea Cortina. quæstione de libertate & necessitate peccandi, quibus nunc addo locum lib. de vera Religione c. 19. & Fulgentio lib. de Fide ad Petr. c. 3. & D. Gregorio lib. 5. Moral. c. 25. & Anselmo: cujus est illud celebre effatum: *Nec libertas est, nec pars libertatis potestas peccandi:* & ita plures loqui patres fatetur Vasquez 1. p. q. 19. a. 10. in solut. ad 1. Idem tradit Divus Thomas. 1. p. q. 62. a. 8. ad 3. & Bonavent. in 2. d. 7. & 25. q. 3. & alii apud Guilielmum Gibiensum Doctorem Sorbonicum in 1. tomo de libertate Dei & Creaturarum l. 1. c. 31. à quo hæc veritas luculenter probatur. Quare illa cum in Christo non esset, longè alia ratio libertatis esset: nempe altior & præstantior, & à concretione terrena liberior. Deinde urgeo illam, quam quidam inducunt in exercitium actuum indifferentiam, quâ sartam tectamque putant Christi libertatem, imo necessariam ad eam retinendam existimant, solenni illo, cui nunquam satis facient, argumento. *Opera Christi à patre fuisse præcepta, & licet non forent, teneri eum perfectissimè operari:* Hoc dato, quomodo indifferentiam illam sustinebunt? Aiunt: Motiva libera esse. Contra: Esto motivum certum; in actu Amoris Dei; Quî tandem stabit

stabit libertas in amando? Confugiunt ad circumstantias. Certè hic actus circumstantiis caret. Præterea in aliis qui eas habere possunt, ineptum est ab iis libertatem ad substantiam actus emendicare: & nobilissimum actum, nisi circumstantiis sit vestitus, libertate nudare. Quid si præcipiantur circumstantiæ? negent id potentiæ Dei, ut suam illam potestatem sustineant. Redeunt ad actus reflexos. Hoc absurdius: nam actum directum libertate privant, & reflexis donant: ego vero volo ut actus ille directus liber sit. Quin si imperetur reflexus, & alius atque alius imperetur, jam erit in infinitum processio, & fugiente libertate manebit illusio. Præterea Christus actu suo perfectissimo omnes illos actus reflexos virtute suâ continebat: cum enim Deum amaret perfectissimè, erant in eo amore omnes illæ, in quas reflectere rationes poterat, involutæ. Provocant ad actus individuos; aiunt potuisse hoc aut illo actu mereri. Cui id Theologo, imo & Philosopho veniat in mentem? cum determinatio illa ad individuum extra rationem libertatis sit, atque adeo à Deo fieri dicatur? An hi actus individui antequam existant, perspecti cognitique & in potestate quasi in numerato sunt? Quod si in numerato sunt & tanquam nummi solvendi, quid refert hic an ille numero eligatur ad satisfactionis libertatem, cum si quis debeat unum numum & decem habeat, nil omnino intersit, quòd illum potius eligat, quàm alium ad solvendum. Unum superest effugium, dicere; Christum Dominum in primo suæ conceptionis instanti in


libertate sua relictum accepisse à Patre eligendi potestatem quid vellet agere p. o salute hominum, atque adeo tum liberè elegisse, cum posset non eligere. At hoc unde probant? & ut probent, unde deducunt Christo liberum fuisse non eligere modum perfectissimum redimendi? nec esse certum de voluntate & Decreto Divino? An volunt ut tota nostra Redemptio ab arbitrio pendeat humano? & obedientiam tollunt, cui Paulus Redemptionem adscripsit *Factus obediens usque ad mortem?* An Æquius erat leges à Christo Homine dari, non accipi ad redimendum? Certè illa voluntas Christi ex obedientia, ex lege fuit. *Deus meus volui, & legem tuam in medio cordis mei.* Præterea in unico illo tantum actu Christus meruisset, & in aliis non meruisset, quòd omnia ageret jam determinatus. Quid si omnia devorent? illud certè objiciam, quod deglutire non possint: nempe. Actum Amandi, quem in eo instanti Christus elicere debuit. Quid tum? An Amare Deum, ita in ejus fuit potestate, ut non Amare posset? De isto igitur actu contendo liberum & meritorem fuisse, nec tamen ullam circa eum indifferentiam ejus, quam ponunt generis, exerceri potuisse. Nisi posse repugnent intensione & remissione objectâ. At ego refutem, urgendo Christum perfectissimo modo Deum amare debuisse, ac in eo incendio nullum frigori locum fuisse: ac non minus eum ardorem remitti, quam ignem gelare posse confirmem. Appellent D. Thomam 3. p. q. 18. a. 4. ad. 3. ubi ait; *Christum fuisse determinatum ad bonum*



*bonum, sed non ad hoc, vel illud bonum.* Verum non est sensus is quem putant: sed alius longè diversus: scilicet Christum determinatum fuisse ad bonum summum, id est, Deum, non ad bona particularia quæ non curabat in particulari, nisi in quantum Deus in illis erat; ut in iis non sisteret, sed ad Deum referret, ac in Deo tandem summo bono consisteret. Unde ad illa erat Eminenter ac Excellenter indifferens, quod omnibus illis bonis superior nulli addictus erat, sed soli Deo in illis ac per illa inhærebat. Quod aliud est libertatis & indifferentiæ nobilius genus citra defectum & potestatem peccandi; excludens necessitatem à servitute. Quod genus libertatis docuit D. Thom. 1. p. q. 62. a. 8. ad 2. & 3; *Servato ordine Finis, & sine potestate peccandi*: ut explicant interpretes, ac inter eos Philippus Gamaheus Doctor Sorbonicus 3. p. q. 18. ac ejus discipulus *Gulielmus Gibienus*. Tomo de libert. Dei & Creaturæ lib. 1. c. 33. qui hujusmodi libertatem Christo assignant, positam in Amplitudine et Eminentia circa bona creatâ cum indifferentiâ, id est Dominio super omnia, ut nulli sit addictum in singulari, nisi quatenus summum in eo bonum relucet: cui tantum intentum, ad reliqua indifferenter se habet: habens omnia tanquam minora: quæ certè Eminentia & Amplitudo indicat libertatem excellentem, quæ necessitatem servitutis excludat conjunctam cum limitatione ac defectu, affe-

Atque ad Peccatum. Ex hac igitur cum Dominio & potestate in suos actus proprii Christi libertas constat, estque longè à nostra imperfecta mortali-que diversa. Certè nisi hanc Adversarij amplectantur in Christo, nunquam aliam ei accommodare poterunt. Versent se, ac vexent; vertant omnes sese in facies; contrahant quicquid ingenio & doctrinâ valent, nihil profecto, quod satisfacere possit, invenient. Tandem adverto Pontificem Divinitus, quòd sciret non requiri absolutè ad libertatem meriti illam bifrontem cum potestate ad oppositâ libertatem, Præscindendo ab illa, removisse necessitatem, eam scilicet quæ cum sit alia à coactione, auferat tamen meriti & demeriti libertatem.

ARTIC.



## ARTIC. V.

*Quarta Propositio cum Censura super ea  
lata perpenditur.*

## PROPOSITIO.

**S**Emipelagiani admittebant, Prævenientis Gratiæ  
necessitatem ad singulos actus, etiam ad initium Fi-  
dei. Et in hoc erant hæretici; quòd vellent eam  
gratiam talem esse, cui posset voluntas humana resiste-  
re, vel obtemperare.

## CENSURA.

*Falsam & hæreticam declaramus, et uti talem dam-  
namus.*

Propositio ex duabus composita est, quæ con-  
junctione copulantur. Inspiciendum est: Utrum  
ambæ? An una tantum damnetur? Et, An sit sa-  
tis: Alteram damnari ad Censuræ veritatem susti-  
nendam? Et dato: damnari unam, & hoc satis  
ad Censuram esse; Utra illarum damnetur?

Ac

interim retento : ſemper illam ſecundam partem Propositionis complexæ, quæ hærefin in ea re *Semipelagianis* impingit hæreticam eſſe : nam hæc abſolvi non poteſt. Tantùm de prima eſt controverſia : Nec ego id tamen prolixè, quod alterius eſt otij, ſed ſyncerè ac pro tempore expendam : nec omnes *Pelagianorum* errores, ſed eos tantùm, qui ad Auxilium Gratix pertinent, examinabo.

Primùm. Omnes ii convenerunt, initium Gratix, & meriti à nobis eſſe : & cum Fides ſit oſtium Gratix, dixerunt Fidei initium eſſe ex nobis. Id tam eſt certum, ut neceſſe non ſit probare. Conſtat ex Epistoſis Proſperi & Hilarij ad Auguſtinum, & ex Auguſtino libro de Prædeſtinat. Sanctorum & lib. de *Dono Perſever.* Qua ratione autem initium Fidei & meriti in natura ponerent ? accuratiùs inquirendum. Et quidem *Janſenius* lib. 8. de Hæreſi Pelagiana ſentit, eos non in ipſa natura, uti deſtitutâ Gratiâ, ſed adjutâ eâ tantùm, quæ daret poſſe, non operari, Initium Fidei, & meriti poſuiſſe : atque adeo eos Gratix adjutorium non negaſſe, ſed quod non ſatis eſſet, induxiſſe. Anti-Janſeniani contrà cenſent : *Semipelagianos* in nuda natura omninò Gratix Auxilio carente, initium Fidei & meriti collocaſſe : neque ad id ullum, qualecunque id foret, Gratix Adjutorium invexiſſe.

Ex alijs Clariffimi Theologi Thomiſtæ, & qui cum iis Prædeterminantis Gratix Authores ſunt, plerunq; ſentiunt : non *Semipelagianos* tantùm, ſed etiâ *Pelagi-*



nos non errasse in Gratia Excitante ponenda, sed in Adjuvante Efficaci. Atque adeo non negasse omnino gratiam, sed talem quæ consensum voluntatis efficaciter eliceret: qualem ponebat Augustinu, ac de hujusmodi Gratia illum contra eos, eos adversus illum contendisse. Ita fatetur Suarez Tomo. 2. de Grat. lib. 5. c. 47. n. 2. Quos Authores, quia ad manum non habeo, verba Suarii afferre volo: ne quis putet me hoc temerè affirmare. *Primam quidem objectionem sumunt ex errore Pelagij contra quem Augustinus disputavit: supponunt; Pelagium non errasse in Gratia Excitante; sed in Adjuvante, qua Deus efficaciter prævenit voluntatem, & efficit ut liberè consentiat. Nam omnem Gratiam Excitantem, quam Divus Augustinus ponit, dicunt admisisse Pelagium: negasse autem prævenientem physicè efficacem; & contra hoc aiunt direxisse Augustinum totam disputationem suam, unde concludunt; in contrario sensu docuisse necessarium esse Auxilium de se efficax ac Physicè prædeterminans. Ita Argumentatur Suarez disput. 99. n. 2. Idem tradit n. 5. Suarez ponendo secundam objectionem, & tradiderat. l. 4. c. 4. n. 4. & quam sentiat eos errasse in ferendo iudicio, affirmat tamen ità iudicasse.*

Contra. Nobilissimi Gratia congruæ Authores negant Semipelagianos Gratiam ullam Excitantem ad initium Fidei, aliósque initiales actus posuisse. Ita duo lumina ejus scholæ Vasquez & Suarez quos ego Theologos majorum gentium appellare soleo. Ille r. p. d. 89. c. 3. & 8. & 9. & 10. & 13. & d. 91. a. c.

8. ac præcipuè c. 17. & d. 92. c. 2. Hic in aliis operibus quibus, nunc cæso; præcipuè lib. 2. de Prædest. ad 1. p. & Tomo de Auxiliis. & Tomo. 1. de Grat. Prologomeno, ni fallor. 5. & Tomo. 2. de Grat. lib. 1. c. 15. & 16. l. 4. c. 4. n. 4. & c. 12. n. 2. & 15. n. 23. & c. 47.

Ego inter hos Authores constitutus, ac neutrius partis, sed Augustini discipulus: ad quem Annis abhinc. 14. cogitationes meas omnes studiaque converti, judicium meum candidè atque syncerè proferam: quemadmodum ex assiduâ Augustini lectione illud apud me formavi: cùm ea, quâ par est, in Pontificem Summum, ejusque constitutionem reverentia: & antequàm illud feram utar verbis Vasquii 1. p. d. 99. c. 4. ad finem. *Quia nec pauci nec indocti nostri temporis Theologi historiâ non bene perspectâ, variè interpretantur hunc Massiliensium errorem, contra quem Augustinus, Prosper, & alii Augustini discipuli pugnarunt: ut quisque quam docet opinionem ab hoc errore tueatur, vel mentem Augustini in suam sententiam sinistrè detorqueat, placuit quâdam annotare, ex quibus non solum Massiliensium sententia perspicua fiet, verumetiam testimonia, mentemque Augustini (ego dicam Pontificis) in præsentî controversia faciliè intelligamus.*

Primum constat: Semipelagianos Initium Fidei, & bonæ voluntatis in natura posuisse: ut quod totum puri ac primi Pelagiani naturæ ad merendum dabant, ii ad initia tantùm salutis restringerent. Id quod nemo sit quin dicat, opus non est probare. Ponere autem in nobis initium salutis duobus

modis esse potuit. Primò ut illud initium fieret per actus naturales ad quos natura ipsa ex se sine adjutorio Gratiæ sufficeret. Qui cum omnino essent à natura ad Gratiā disponerent, quæ ipsorum intuitu daretur. Secundò, ut initiales illi actus cum aliqua Gratia fierent, quæ tamen Gratia talis esset, ut indifferenter se habens in potestate voluntatis maneret; quæ in æquilibrio libertatis naturalis sita, ablatā gratiā pro arbitrio æquè vel uteretur, vel non uteretur. Quæ sanè Gratia similis esset ei, quam Adamus innocens, & Angeli habuerunt, & Augustinus Adjutorium *sine quo non* appellavit.

Hic est controversiæ cardo. In qua Clarissima Jesuitarum schola sequitur primum modum excluso secundo. Nobilissima Thomistarum secundum probat improbato primo. Jesuitæ quòd putent secundo modo admissò hæreticos eos non fore, cum Gratiā non excluderint. Thomistæ quòd existiment accepto secundo Hæreticos fore cum ea Gratia in naturæ potestate, & arbitrio subjecta foret: nec futura esset Gratia præveniens, sed præventa.

Ego sic arbitror: Utrumque modum à Semipelagianis fuisse inventum. Hac ratione: Quidam fuerunt, puris Pelagianis similes, qui initium Fidei & bonæ voluntatis in nuda natura ex integro ponebant. Alii, qui meri Semipelagiani naturæ Gratiā adjungebant, sed eam talem, ut subjecta arbitrio ab eo penderet, ejusque nutui obediret, ac omnino pedisequa voluntatis esset. Nonnulli fuerunt intermedij, qui utrumque modum tenuerunt, &

ambas

ambas actuum differentias admiserunt. Omnes Initium meriti à nobis esse aliquantulum volebant. Omnes libertati favebant. Omnes efficacem Gratiam moventem & trahentem antecederent negabant, eamque tanquam libertatis, quam bifrontem & in æquilibrio sitam putabant, inimicam horrebant.

Primum illud Semipelagianorum genus initium Fidei & bonæ voluntatis in nuda natura ponentium : etsi multis argumentis probetur, quia tamen aliqua de secundo genere, cum aliqua Gratia, explicari possunt, iis tantum probare volo, quæ non patiantur tergiversationem.

Primum ex loco Epist. Prosperi ad August. ostenditur : Semipelagianos quosdam initium meriti in nudâ naturâ sine ullo Adjutorio Gratia posuisse, quos ideo Pelagianis similes dicit. *Quidam vero, inquit, horum in tantum à Semipelagianis semitis non declinant, ut cum ad consistendam eam Christi Gratiam, quæ omnia præveniat merita humana cogantur, nè si meritis redditur, frustra Gratia nominetur.* Hic continetur mens Augustini & Prosperi : volebant nempe, ut ipsi faterentur Gratiam, quæ præveniret merita humana, id est cum qua merita humana non consistèrent. Cum autem duplex esset Adjutorium Gratia, unum *sine quo* relictum arbitrio voluntatis : alterum, *Quo* movens & trahens voluntatem : volebant Augustinus & Prosper ut istud faterentur, quia existimabant cum alio Adjutorio stare merita humana ; ut nos latè primo libro de his Adjutoriis probabimus. Igitur cum illi possent duobus modis errare,



re, vel in nuda natura meritum ponendo, vel admittendo genus Adjutorii *sine quo*, quod non satis erat ex mente Augustini quanquam Gratiâ esset, & hoc modo errando esse tantum puri Semi-pelagiani; tantum accedebant ad Pelagianos, ut primum modum eligerent, ac illo etiam Adjutorio *sine quo* repudiato solam naturam ad meritum illud initiale introducerent. Patet ex sequentibus. *Ad conditionem hanc velint uniuscujusque hominis pertinere, in qua cum nihil prius merentem, quia nec existentem liberi arbitrii, & rationalis Gratia instituat, ut per discretionem boni & mali & ad cognitionem Dei, & ad obedientiam mendatorum ejus posset suam dirigere voluntatem, atque ad hanc Gratiam, quâ in Christo renasceretur pervenire: per naturalem scilicet facultatem petendo, quærendo, pulsando; ut ideo accipiat, ideo inveniat, ideo introcat, quia bono naturæ bene usus; ut ad istam salvantem Gratiam initialis Gratiæ ope meruerit pervenire.* Certè hoc loco perspicuè naturæ vis inchoans meritum, à Gratia distinguitur; ut si quis vellet exactiùs id tradere, vix quidem posset. Quid enim est *ad conditionem hominis pertinere*? nisi quâ homo creatus est? quid est *nihil prius merentem, quia nec existentem liberi arbitrii*? quàm ipsam intimè penetrare, ac in ejus sinubus innatam vim naturalis facultatis quærere? *Quid rationalis Gratia & discretio boni & mali*, nisi lumen illud rationis insitum mentibus, quo à brutis separamur, bonumque & malum morale naturâ duce discernimus, significat? quod autem illud Gratia dicatur, mirum non est, cum

cùm i à loqueretur Pelagius: Gratiam Creationis intelligens, quæ suo modo Gratia est, ut damnationem subterfugeret: Jam vero hîc ista Creationis Gratia à Gratia Christi distinguitur: dum dicitur: per illam *ad hanc Gratiam qua in Christo renascimur pervenire.* Jam vero illa explicatio sententiæ hæcenus propositæ nullum relinquit locum dubitandi: *Pernaturalem scilicet facultatem.* Nam quo alio vocabulo, nisi suo & proprio diceremus; ac ita proprio, ut ad Gratiam transferri nullâ ratione possit: nec enim licet Gratiam Christi *naturalis facultatis* nomine afficere. Initia autem indita naturæ ea proponuntur, quæ minima, quæ videntur esse in ejus potestate: *Petere, pulsare, querere,* in quibus sit ratio quædam merendi aditum ad Gratiam supernaturalem, sed initialem tantum, & qua renasci incipimus, ut hac accepta, per eam jam supernaturaliter operando ad salvantem detur accessus. Tres hic sunt gradus ad salutem: primus, naturæ: secundus, Gratia: id est *natura, Gratia Fidei, & Perseverantia.* Tanta est vis hujus loci, ut ego in eo Achillem invenirem: nec opus sit in brevi opusculo alios quærare. Fidem mihi habeat Lector, plures alios esse, qui Ajaces, ac Diomedes, & Antilochi vocari possint: quibus abstinco. Ratum maneat Semipelagianos principium meriti in nuda natura posuisse. Hoc meum esto judicium, qui plura desideret, consulat Vasquez & Suarez suprâ citatos, & Anti-Jansenistas qui hoc accuratissimè egerunt, Id tamen observo. 3. esse locos in epistola Prosperi, quinque in Hilarii litteris

litteris quibus id, me authore, evidenter probatur, in Epist. Hilarii clarissimi sunt; habentur vero paulò post initium epistolæ usque ad medium.

Cassiani & Fausti & Vincentii; & aliorum nobiliū Semipelagianorū in locos, qui certè plures sunt, & aptè ab illis quos commemoravi citantur Authoribus, prætereo: nec video què de hoc dubitari possit, qui sciam non paucos nec ignobiles Catholicos doctores in ipsa natura & actibus naturalibus quiddam vel congruitatis, vel dispositionis, vel conditionis ante gratiam, & quodammodo initium meriti posuisse. De quibus videri potest, Vasquez. 1. p. d. 91. multis capitibus, sed præcipuè c. 10. & Suarez. lib. 2. de Prædest. c. 17. & Tom. 2. de Grat. l. 4. c. 12.

Tandem id mihi omnino persuasi, postquam in has regiones septentrionales veni: comperi enim Socinianos, & Remonstrantes, qui hodiè Semipelagiani sunt, admittere hujusmodi actus naturales, imò & exigere ante Gratiam: & initia in iis meriti, & salutis constituere: idque iisdem Semipelagianorum argumentis antiquorum probare. Ita Socinus prælectione Theologica c. 12. 5. 12. 2. & Remonstrantes in articulis a. 1. de Elect. & aliis locis quos citat & impugnat Amestius in Antisynodali-bus; dum iis hoc nomine Pelagianismum impingit.

Venio ad alterum Semipelagianorum genus, qui puri & posteriores Semipelagiani erant, & subtiliùs errabant. Hi actus omninò naturales non inducebant,

cabant, dabant tamen in iis (quos admittebant supernaturales) initium operandi arbitrio, ut in eodem actu Arbitrium, non Gratiâ inciperet, itâ ut Gratiâ esset ducta à voluntate, ejusque flexum expectaret, & venientem tanquam pedisequa comitaretur. Hic error distinctus erat à priori: nam prior naturam Gratiæ tollebat, reddendo eam meritis naturæ: hic posterior auferebat virtutem, & minuebat dignitatem Gratiæ, eam subjiciendo voluntati. Hoc exactiùs est & accuratiùs probandum.

Primum esto ex Epistola Prosperi meo judicio efficax argumentum. Post eum quem proximè adduxi locum, in quo de Semipelagianis mixtis loquitur: redit ad puros Semipelagianos, uti constat, nam resumit omnes eorum propositiones, quas initio Epistolæ produxerat, quæ ad Prædestinationem ex proposito Dei, & Gratiâ ex illo Efficacè ac discernentem homines alios ab aliis pertinebât. Et ad has redeûdo incipit: *Propositum autem vocantis Gratiæ in hoc omnino definiunt*, ac proponit quatuor celeberrima Semipelagianorum principia. *Universalis erga omnes salvandus voluntatis. Oblati omnibus sufficientis auxilii. Libertatis ex balance cum æqua ad virtutem & vitium potestate. Præscientiæ meritorum.* Quibus perspicuè omnino inductis, ait: *Nec considerant se Gratiâ Dei, quâ comitem non præviâ humanorû volunt esse meritorû, etiâ illis voluntatibus subdere, quas ab ea secundum suam phantasiâ non regant esse præventas.* Quo refutat somnium Semipelagianorum dicentium, Parvulos in peccato originali decedentes, ex malis, quæ facturi si viverent,



rent, fuissent, conditionatè prævisis, esse damnan-  
dis. Sed non ad eos tantum pertinet tota senten-  
tia: nam illa pars: *Quam comitem non præviam hu-  
manorum volunt esse meritorum*, ad adultos pertinet,  
uti paulò post demonstrat aiens, *Hanc sanè de humanis  
meritis præscientiam Dei, secundum quam gratia volen-  
tis operetur*: quod non nisi de adultis intelligi potest.  
His datis à Prospero: sic argumentor. Hic admit-  
titur à Semipelagianis, *Gratia comes, non prævia  
qua humana merita fiant*: quæ ex præscientia coopera-  
tionis destinata est à Deo, ut patet ex illis verbis, *Hanc  
sanè de humanis meritis præscientiam Dei*. Atqui hæc  
Gratia quæ admittitur à Semipelagianis est Gratia,  
quæ sanè prima est, & Fidei Gratia; nam adjicit *secun-  
dum quam Gratia vocantis operetur*. Ergo ad initium  
Fidei Semipelagiani Gratiam admittebant. *Comi-  
tem non præviam* quia ex arbitrio pendentem, & vo-  
luntati subjectam faciebant. Et in hoc argumento  
Alterum Achillem invenisse me puto, non illum  
in Lycomedis Regia fractum, sed in Troico pulvere  
inviçtum.

Nè quàm tamen ille vulnere pateat, objectioni oc-  
curram. Contra enim videtur stare, quod infra sta-  
tuit ex eorum sententia Prosper. *Itaque quantum ad  
Deum pertinet: Omnibus paratam vitam æternam: quan-  
tum autem ad arbitrii libertatem ab his eam apprehendi  
qui Deo sponte crediderint, & auxilium Gratiæ merito  
credulitatis acceperint. Ecce sponte crediderint* signifi-  
cat omnino propriam voluntatem, uti natura est,  
non adjura gratiâ, quo argumento: ceu sagittâ Pari-  
dis

dis manu ab Apolline directâ, Achilles ille noster vulneratus cadit. Nam illa *vocantis Gratia* Fidei applicata evanuit, cùm Fides naturæ tribuatur: id enim est *sponte crediderint*. Cùm præsertim sequatur *Auxilium Gratiæ merito credulitatis acceperint*: ubi credulitatis meritum naturale Gratiam antecedit, mereturque eâ ratione quo antea Semipelagiani mixti dicebant, per naturale initium meriti Gratiam mereri.

At ego respondendo efficiam, ut sit *telum imbelles & sine ictu*; duas hic & Capitales Grantias proponunt: alteram *vocationis ad Fidem*: alteram *Perseverantiæ*: illam vocant *meritum credulitatis* quo Deo Sponte creditur, hanc *Auxilium Gratiæ* appellant: induxerant enim *vitam æternam paratam*, quam dicunt apprehendi ab iis, qui & credunt & *Auxilio Gratiæ* perseverant: nam vita æterna non nisi à credentibus & perseverantibus apprehenditur: quo fit ut istud Auxilium Gratiæ non possit ad primam Gratiam, sed ad secundam & perseverantem pertinere; cum ea sit illud *Auxilium Gratiæ* quo vita æterna proximè acquiritur. Illud autem *Sponte credunt Deo* non excludit *Gratiæ concomitantis* adjutorium: nam cum ea quis voluntariè credit. Adeo ut ea phrasi utatur Augustinus, cùm loquitur de voluntate per Gratiam Efficacem mota contra Pelagium, sic enim lib. 2. de Peccat. mer. & remis. c. 5. *Adjutor enim noster Deus dicitur, nec adjuvari potest nisi qui aliquid Sponte conatur*. Itaque non inde colligitur nuda natura voluntatis exclusâ omnino Gratiâ concomi-

tante. Præterea Semipelagiani volebant, ut in eo concursu voluntas inciperet, & traheret ad se Gratiā, sibi que subjiceret, ideo eo termino utebantur. Quod sinè rem meam continet: nam ij putabunt tam parvas esse ejus Gratiæ vires, ut etiam si adesset, voluntati tamen operatio tribuatur: atq, adeò sponte fieri diceretur, quod cum illa tantum Gratiā fieret. Ita *credulitatis* illud *meritum* potiùs quàm *Fidei* vocant, quia & si Fides esset, erat ex libero arbitrio magis quàm ex Gratiā, sicut merita erant Angelorum & Adami Innocentis esse ex libero Arbitrio, quia cum ea tantum Gratiā, quàm vocat Adjutorium *sine quo non*, cujusmodi erat Semipelagiana, dominante Arbitrio fiebant. Quare nil est ab hac objectione Achilli nostro timendum: nec ab aliis quæ ex eadem epistola peti possint: nam hoc responso seu clypeo opposito repelluntur, imo & retorquentur.

Secundum argumentum sumitur ex particula Epistolæ Hilarii, ubi proponitur querela Semipelagianorum de divisione Gratiæ sufficientis & Efficacis sub nomine adjutoriorū *sine quo* & *Quo* tradita ab Augustino lib. de Corrupt. & Gratiā c. 11, & 12. nam accepta divisione ad Perseverantiam primùm, mox ad Initium etiam conversionis accedunt, & de utroque queruntur: nempe quod tale Auxilium Augustinus ponat, ut eo efficiatur, & *Perseverantia* & *initium*: nolitque ut Adjutorio *sine quo* Adami integri utrinque sit: In quo manifestè apparet, hos querulos non excludere omnem Gratiā à Perseverantia, & ab initio conversionis: sed eam tantum quæ effi-

tax esset quam contrariam suo sensui putabant. Qui, ejusmodi erat, ut sicuti Adamus cum illo Adjutorio *sine quo* pro suo arbitrio operaretur, ita & homines eodem pro libertate sua operarentur. Hoc autem Adjutoriū cum esset Gratia, eo retento Gratiam admitterebant, ac proinde sentiebant, & qui perseveraret & qui inciperet Gratiā juvari, sed ea quæ in potestate voluntatis esset, & ejus nūtui obediret: nam & cum hac stare putabant initium illud meriti naturale.

Probemus assumptū: audiendo eos, si enim ajunt ita Adam adjutus est, ut & stare posset in justitia, & à justitia declinare: & nunc Sancti ita juvantur ut declinare non possint, si quidē eam acceperunt volendi perseverantiā ut aliud velle non possint. Hæc pars spectat ad Perseverantiam. Pergunt. Vel sic quidam deseruntur, ut aut nec accedant, aut qui accesserunt & recedant. Hic continetur initium conversionis, & accessus per Fidem: quid enim est aut nec accedant: nisi non recipiant illam Gratiam Efficacem qua credant, quā fiant credentes: atque ut nulla tergiversatio esse possit, addit: aut si accesserint & recedant. Ut illud Accedant intelligi omnino debeat per vocationem ad Fidem: à quo recedere possent non perseverando, quod recedere supponit, accessisse & credidisse: cum dicat, Aut si accesserint & recedant. Unde patet illud initium Accessus nomine nuncupari, quod cum Adami Gratia fieri Semipelagiani optabant: cum solam Efficacem Augustini Gratiam excludebant.

Deinde ex sequentibus apparet, admisisse illos illud



genus Gratiæ, quia eodem argumento utuntur ad defendendam suam sententiã de initio meriti naturalis, quo utebantur Pelagiani ad suam de suo in nuda natura fundato. Ex quo liquet putasse illos illum modum operandi arbitrii cum eã Gratiã subdita voluntati satis esse ad sustinendum meritum naturale, cùm prima motio futura esset à voluntate trahente Gratiã, atque adeo semper initium ab arbitrio esset sumendum, in cujus potestate erat Gratiã ad ejus obsequium flexumque parata. Unum igitur ex præcipuis argumentis, quo Pelagiani Gratiã Augustinianam impugnabant illud erat, necessitari per eam voluntatem, & tolli exhortationes & comminationes. Id Pelagius lib. de Grat. Christi. c. 7. Id Celest. lib. de gest. Pelag. c. 18. Id Julianus l. 4. contra Julian. c. 8. Id Episcopi Pelagiani lib. 2. ad Bonifac. Id alij Pelagiani Epist. 2. ad Valentin' & sparsim libri imperfecti oper. contra Julianum, Augustino objicere. Eodem utuntur nunc argumento Semipelagiani contra Augustinianam Gratiã retento illo Adjutorio Gratiæ *sine quo non* dato ad arbitrium voluntatis: perinde ac eadem esset ratio & operandi ex arbitrio & impugnandi meritum ex Gratiã. Ad illam autem voluntatem, id est ad illam quæ juvetur auxilio *sine quo non* sicut Adami pertinuisse dicunt exhortationis, vel comminationis civilitatem, quæ persistendi & desistendi obtinebat liberam potestatem, non ad hanc cui nolle justitiã inevitabili necessitate conjunctum est præter illos qui sic concreati sunt his, qui cum universa massa damnati sunt

sunt, ut exciperentur per gratiam liberandi. Ex quo liquet Semipelagianos istos in ea sententia fuisse, ut initium Fidei ad quod concurreret voluntas cum Gratia, quæ esset in potestate voluntatis, accujus nutui flexuique subiecta, ad naturam pertineret. Qua de re postea late dicemus.

Tertium ex Augustino ipso petitur, & quidem idoneum argumentum; ac meo judicio efficacissimum. Nam Augustinus acceptâ per literas Prosperi & Hilarii sententiâ Semipelagianorum, intellexit eos sive ponerent initium Fidei, & Bonæ voluntatis in nuda natura seclusâ Gratiâ: sive in ipsâ natura adjuncta tantum Gratiâ *sine quo non* propria Adami, & Angelorum, quæ in arbitrii potestate esset, omnino errare, et merendi initium ad naturam revocare: ac utrumque modum improbavit, inductâ Gratiâ *qua* voluntas antecederet efficaci virtute ageretur, quæque sibi voluntatem agendo subijceret. Judicavit enim nisi hujusmodi Gratia poneretur naturam meriti principium fore. Id verò certissimè constat ex tenore responsionis ad litteras Prosperi & Hilarii refutando illum errorem de initio Fidei à natura.

Primus ac perspicuus locus est. lib. de Dono perseverantiæ. cap. 7. ubi monstrato ex Dominica oratione *nihil nobis* authore Cypriano relinqui, *in quo tanquam in nostro gloriemur*: ait, id fieri non posse eo modo merendi, quem primus homo & Angeli habuerunt: Quia ille relinquebat materiem gloriandi ex merito naturæ: itaque omnino esse inducendum alium per Gratiam Efficacem appellam Adjutorium

*Quo*

*Quo* libro de Corrept. & Grat. Si quidem inquit ut non discedamus à Deo, ostendit dandum non esse nisi à Deo, Qui enim non infertur in tentationem non discedit à Deo. Non est hoc omnino in viribus liberi arbitrii, quales nunc sunt: fuerat in homine antequam caderet. Distinguit inter utrumq; statum, & ait permanere in statu ruinæ non esse nisi à Deo: at verò in statu integritatis esse à nobis: atq; nunc opus esse Dei & Gratiæ: tunc fuisse naturæ & adeo arbitrii, cum tamē & tunc juvaretur Gratiâ. Pergit igitur, *Quæ tamen libertas voluntatis in illius primæ conditionis præstantia apparuit in Angelis, qui Diabolo cum suis cadente in veritate steterunt, & ad securitatem perpetuam non cadendi, in qua nunc eos esse certissimè scimus pervenire meruerunt.* Ecce Angelorum perseverantiam libertati attribuit, cum tamen ea non esset Gratiâ destituta. Videamus modo opponentem huic libertati Gratiam in hoc statu. \* Post casum autē hominis nisi ad Gratiam suam Deus voluit pertinere, ut homo accedat ad eum: neque nisi ad Gratiam suam voluit pertinere ut homo non recedat ab eo. Nota illud *non nisi* bis repetitum & oppositum illi Angelicæ libertati: & observa loqui Augustinum de initio Fidei & de perseverantia, atque adeo de omni merito. Fides enim ibi est: *ut homo accedat ad eum.* Perseverantia ibi: *ut homo non recedat ab eo.* Rem inculcat vehementiùs. *Hanc Gratiam posuit in illo in quo sortem consecuti sumus prædestinati secundum propositum ejus quæ universa operatur.* Ecce Gratia Christi ex proposito Dei prædestinantis qua solâ fit ut cooperante liberè voluntate meritum Deo non nobis

bis tribuatur. *Ac per hoc sicut operatur ut accedamus, sic operatur ne discedamus.* En rursus Fides in accedendo, & Perseverantia in non discedendo. Idem eadem ratione docet Augustinus toto hoc libro de dono Perseverantiæ, semper inducens istum modum merendi ex Gratia Christi trahente voluntatem, & excludens alium ex voluntate determinante & trahente Gratiâ : quia hic merita natura relinquit, ille merita Gratia tribuit. Ita cap. 12. & 13. & 14. præclare. & cap. 16. & 17. & cap. 21. & 22. in quibus fere omnibus de initio Fidei & Perseverantia loquitur. Eadem ratio disputandi est in libro de prædestinatione Sanctorum : in quo evidenter ostendit vocationem prædestinatorum esse ex illo proposito, à quo est Gratia Efficax : & omne meritum nostrum esse Donum Dei, & opponit hanc rationem merendi, alteri quàm meruit\* Adamus integer cum Adjutorio Gratia sine quo id est Gratia posita in potestate Arbitrij operantis. Id autem clarissimè proponit c. 15. adducto exemplo Gratia Christi. *Eâ Gratia inquit, fit ab initio Fidei suæ homo quicumque Christianus, quâ Gratia homo ille ab initio factus est Christus : de ipso spiritu est hic renatus, de quo ille est natus.* Et post luculentam hujusce rei amplificationem ait : *Humana hic merita conticescant, quæ perierunt per Adam, & regnet quæ regnat Dei gratia per Jesum Christum Dominum Nostrum.* Duo dicit : Merita Adami cum illa Gratia ad arbitrium temperata humana esse : atque adeo homini tribuenda ; & merita hominis regenerati esse Dona Dei : eique pro-



inde non homini tribuenda. Et quidem Augustini ea mens est : ut nisi Gratia sit Efficax, & trahat voluntatem, omne aliud cum alia quacunque Gratiâ naturale sit, & arbitriotribuendum; quemadmodum ex tractatu sequenti de Duplici Adjutorio dicemus. Hac mente Augustinus repudiat illum modum operandi status integri cum Gratia inefficaci ex se & arbitrio voluntatis relicta, quia vidit actionem à voluntate incepturam, & primum flexum & motum ab arbitrio futurum. Itaque removet istum modum ut Gratiæ priores partēs det, quas aliter habere non poterat : id nos hîc latè probare non posumus : quare tractatui proximo reservemus. Unum tamen et alterum omittere nequo locum, qui rem maximè continent.

Unus esto ex libro de Prædest. Sanct. c. 2. ubi ait. *Porro si operatur Deus Fidem nostram miris modis agens in cordibus nostris ut credamus, nunquid metendum est ne totum facere non possit ; & ideo homo sibi primas vendicat partes, ut novissimas ab illo accipere mereatur.* Expressam vides illius primi modi ex arbitrio flectente se ad gratiam inefficacem ex se, & indifferenter, & eam trahente ad cooperandum cum victoria libertatis imaginem. Si negas audi. *Videte si aliud agitur isto modo, nisi ut Gratia Dei secundum merita nostra detur quolibet modo ? ac sic Gratia, jam non sit Gratia.* Quid est illud isto modo ? nisi hoc modo qui non in nuda natura ponatur ? nam de hoc constabat, omnino esse contrarium Gratiæ, & meritum naturæ sine ope Gratiæ assignare : atque adeo  
non

non erat de eo quicquam monendus. Igitur *istomodo* innuit subtilem quendam alium modum, qui admittens aliquatenus gratiam sub eo prætextu meritum vendicet. Quorsum item illud *quolibet modo*? id est cum respectu ad alios, quos ille terminus indicat, quemadmodum *quivis*. Et si enim aliquando indefinitè sumatur, semper tamen retinet quiddam divisum, & significans alia. Itaque illud *Quolibet modo* involuit respectum ad alios modos, qui esse possunt auferendi Gratiam, & quicunque tandem sint ijs omnibus Gratiam tolli. Loqui autem Augustinum de uno & eodem actu Fidei, in quo cum voluntas, Gratiaque concurrant sit in eo primus voluntatis flexus, & secundus Gratia, patet ex adjunctis paulò post. *Volens à se ipso sibi esse quod credidit homo, quasi componat cum Deo, ut partem Fidei sibi vendicet & illi partem relinquat. Et quod est elatius: primam tollit ipse, sequentem dat illi; & in eo quod vult esse amborum, priorem se facit, posteriorem Deum.* Quod de diversis actibus altero naturali, altero supernaturali intelligi non potest.

Hos ego duos locos idoneos, & perspicuos esse existimo: nam ille primus indicat subtilitatem modi, quo admissa Gratiâ teneatur virtus Arbitrij, & discretio fiat à voluntate: dicendo acutè, & vafre actum esse amborum operantium, vitatâ hæresi & retentâ discretionem: & iste secundus significat eodem incipere Fidem ab arbitrio non à Gratiâ: atque adeo Gratiam in eadem operatione posteriorem esse, cum ductum arbitrij sequatur, & cum accedit jam

Arbitrium incepisse : atque adeo Fidem non omnino esse donum Dei. Et quidem Augustinus hîc de sola Fide agit, & de uno Fidii actu : aitque non solum augeri à Deo, sed etiam incipere : unde apparet de eodem Fidei actu loqui, qui cùm inchoetur à voluntate augeatur à Gratia accedente & concomitante. Confirmatur : quia Augustinus vult ut omnino Fides sit *Donum Dei*, non *meritum humanum*, id est arbitrio tributum. Ille autem modus operandi, Authore Augustino, primas humano merito dabat, secundas Gratix relinquebat. Quare semper hic Augustinus removet ab arbitrio initium discretivum & assignat Gratix, quam ponit moventem et discernentem, trahentemque voluntatem. Omnem verò sensum huic merito & discretioni contrarium excludit. Est autem sensus contrarius, quicunque non ponit Gratiâ efficacem & particularem non quæ communis sit omnibus, & discreta ab aliis per arbitrium, sed quæ cum ex se sit Efficax merita faciat, & discernat aliquos ex omnibus. Perspicuè Augustinus : *Nibil huic sensui tam contrarium est quàm de suis meritis sic quenquam gloriari, tanquam sibi ipse ea fecerit non Gratia Dei.* Si hic sisteret Augustinus à me minus stare videretur, nam illa particula *Gratia Dei*, quadrare posset in quamcunque Gratiâ, quæ naturæ adveniret. Sed pergit ponere aliam Gratiâ propriam, & discretivam & ab illa communi indifferentique distinctam : dixerat : *Non Gratiâ Dei* addit : *Sed Gratiâ quæ bonos discernit à malis.* Non quæ communis est bonis & malis. En opponit

ponit Gratiā Gratiæ, dum aliam Gratiā requirit, quæ sit à prima diversa tanquam singularis à communi. Igitur vult Augustinus, ut non sufficiat quæcunque Gratia ad salvandam rationem meriti, sed ut omnino certa & determinata Gratia id est Efficax inducatur.

Nec objicias sequentia verba : in quibus Augustinus videtur nomine illo Gratiæ communis naturam rationalem intelligere, quia ait \* sit ergo Gratia naturæ attributa, qua sumus animalia rationalia, discernimurque à pecoribus : sit etiam Gratia naturæ attributa, qua in ipsis hominibus à deformibus pulchri, vel ingeniosi discernuntur à tardis, ac si quid ejusmodi est. Fateor enim Augustinum eo hic sensu Gratiā accipere, qui aliquod donum naturæ seu prærogativam indicat : sed hoc dicit admittendo modum loquendi Pelagianorum, qui gratiam in natura ponebant, & admittendo refutat, adjiciens non de illa se Gratia naturali loqui cum communem dicit, sed de alia, quæ cum sit supra naturam, naturæ tamen in agendo, subjecta sit : uti constat ex sequentibus. *Sed non se ille quem coarcebat Apostolus adversus pecus inflabat, nec adversus hominem alterum de aliquo naturali munere quod inesse posset & pessimo : sed aliquod bonum quod pertineret ad vitam bonam sibi non Deo tribuens inflabatur, quando audire meruit. Quis enim te discernit? quid autem habes quod non accepisti? Viden? ut admissâ proximâ superiore periodo Gratiâ in*  
K 3 sensu



sensu Pelagiano pro natura rationali & prerogativa hujus naturæ, modò accipiat eum sensum, & pergat ad Gratiā, additam huic naturæ & præstantiæ in naturâ, eaque accepta dicat : Adhuc eā positâ locum esse cuiquam merendi modo humano, sequede eo gloriandi : ac ita ratio cinatur. Non solùm facit contra Paulum, qui nudæ naturæ etsi præstanti meritum assignat, sed etiam qui & bonum aliquod supra naturam habet, ac cum eo operans, putat meritum sui esse arbitrij, & à se ipso discerni, quod bonum est illa Gratia communis, quæ arbitrio commissa sequitur flexum ductumque voluntatis. Nam qui hoc modo operatur, non à gratia ducitur & trahitur, sed ab eo ducitur & trahitur Gratia. Et quamvis postea loquatur de Possibilitate putandus non est excludere Gratiā cum possibilitate conjunctā, cum sine hac non detur posse ; imò quia illa datur ad posse facit possibilitatem, quæ non est satis ad excludendum meritum naturæ. Nam quæcunque sit possibilitas si ea communis est omnibus, nec est discretiva hominum, semper manet inter limites meriti naturalis, & discretionem arbitrio committit. Unde Augustinus hîc exigit actum operandi, non possibilitatem, quia actus semper involuit Gratiā Efficacem à qua incipit, & efficitur principaliter operatio. Audiamus Augustinum. *Posse habere Fidem sicut posse habere Charitatem naturæ est hominum : habere autem Fidem quemadmodum habere Charitatem Gratiæ est fidelium. Illa itaque natura in qua nobis data est possibilitas habendi*

*habet Fidem non discernit ab homine hominem: ipsa vero Fides discernit ab infideli fidelem.* Et ne cum audires possibilitatem, putares esse solius naturæ dixit in qua natura: quasi naturæ adveniret per illud auxilium commune, quod naturæ dat posse; & ideo non dixit *Possibilitas habendi Gratiam*: sed *Possibilitas habendi Fidem*. Nam si diceret *Possibilitas habendi Gratiam* nudam naturam induceret: cum autem dixit *Possibilitas habendi Fidem*, supposuit possibilitatem cum aliqua gratia communi quæ daret *Posse*: & hanc negavit sufficere ad meritum illud supernaturale de quo loquebatur, ad quod necessaria erat actualis & efficax Gratia, quæ daret operari: quam cum Pelagiani tollerent solam communem ad possibilitatem datam relinquebant. De qua judicat Augustinus, satis non esse ad tribuendum meritum Deo, & auferendam rationem glorificandi homini, cum initium operationis & discretionis sit à voluntate quæ flectat & moveat Gratiam, quam ita habet in sua potestate Arbitrium, ut eam subiciat, ac pedisequam suam faciat: atque hoc esse Augustini de illa Gratia quæ tantum sit *Adjutorium sine quo non* data ad posse, & in libera indifferentis Arbitrij potestate constituta judicium, infra libris de utroque Adjutorio patebit.

Quartum. sit ab exemplo sumptum. Qui hodie Semipelagianismum profitentur: partim cum Pelagianis in nudis naturæ actibus, cujusmodi sunt Sociniani & Remonstrantes: partim in natura adjuncta solâ illâ communi & indifferenti gratiâ, quales sunt Arminiani,

miniani, initium meriti ponunt : ac utrique suam  
iisdem rationibus tuentur sententiam, quibus olim  
Semipelagiani mixti & puri suam tuebantur : nam  
mixti Electionem Dei Prædestinantis in quadam  
naturali probitate, quæ in ipsis Electis ad creden-  
dum erat, adjutâ naturæ præsiidiis & prævisâ fuerat à  
Deo fundant, ac eâ tradunt discerni à Reprobis  
Prædestinatos. Ita docent Remonstrantes in Ar-  
ticulis Synodalibus : Art. 1. de Prædestinat. ubi  
cum Socino Fidei semen in natura locant, quam  
naturalem vocant probitatem, quæ est ratio eligen-  
di. Id autem & in Cathe. & in Prælect. Theolo-  
gica docet Socinus : & quanquam Remonstrantes  
tergiversari interpretando velint, se admittere gra-  
tiam saltem communem, certè reapse excludunt, cum  
alibi negent : ac id exprimant Grevinchovius, &  
Episcopus : alii in lege atque doctrina cum Pela-  
gio eam gratiam ponant, quemadmodum ex eo-  
rum thesibus, & argumentis probat Amesius in  
Antisynodalibus Scriptis : tum Tomo de Animad-  
vers. tum Tomo. de Argument. Puri autem admis-  
sâ omnino Gratiâ quadam communi, quæ sit in po-  
testate voluntatis & ab ejus flexu motuque tra-  
hatur, credendi initium, quod à Deo prævisum Ele-  
ctionis fundamentum esse volunt, non sine ea fieri  
contendunt. Sic Arminius in Declarat. Sentent.  
& in Exam Prædest. Perkins. ac præcipue respon-  
sione ad articulos sibi & Adriano Borraeo falsò im-  
positos : nam respons. ad posteriores xi. articulos. a.  
7. cum illi adversarii impegissent hujusmodi propo-  
sitiones :

fitiones : *Fidem non esse purum Donum Dei : partim pendere à Gratia, partim à viribus liberi arbitrij, ut si homo velit possit credere, aut non credere.* Negat primam suam esse. Secundam ita admittit ut secundum verborum vigorem falsam dicat, & mentem suam explicat : nolle se communem Gratiam excludere : sed eam tantum quæ singularis est, & Efficax, & ut ait *Irresistibilis*; unde duo colligo : *Alterum non negari ab Arminio Adjutorium Gratiae ad initium Fidei : Alterum intellexisse adversarios satis esse ad Semipelagianismum : solam illam Gratiam voluntati applicare & cum ea meritum efficere : nec id visus est Arminius ignorare cum timuit concedere illa duo, Fidem non esse purum Dei Donum.* Et *Partim pendere à Gratia, partim à viribus liberi arbitrij* : atque adeo uti erat acutus, eo se textit, ut necessitantem, & cogentem vim ab eo merito removeret, quo item se munire clypeo Semipelagiani solebant cum Augustinianam Gratiam refutabant, suamque inducebant. Et quidem diligentissimè Lecto Arminio comperimus ipsum in nuda natura initium illud Fidei quod omnino ad Electionem requirit, collocare : imo semper gratiâ communi, & quam veram vult esse ac supernaturalem Gratiam illud suum initiale meritum communire. Doceant nos ergo novi Semipelagiani, quid de antiquis illis sentiendum sit, nimirum aliquos omnem prorsus Gratiam ab initio Fidei, & meriti removisse : alios talem admisisse, quæ cum communis esset, locum adhuc natura-



li merito reliquisse: illos à Socino & Remonstrantibus, hos ab Arminio suscitatos.

Itaque statuo: Rectè sentire Jesuitas Theologos, dum aiunt Semipelagianos initium meriti in nuda natura posuisse. Rectè Thomistas, dum affirmant Semipelagianos ad initium meriti aliquam, sed non idoneam Gratiā adjunxisse: si Jesuitæ de primis ac mixtis: Thomistæ de secundis ac primis loqui se dicant: ac omnes hoc modo convenire posse invenio: si neutri negent, quod alterutri affirmant: nam negando, excludi omnes Semipelagianos ab altera parte sententiæ necesse est; affirmando oportet omnes unâ tantum sententiâ contineri: cum tamen quidam alterius partis, quidam alterius, idest, duarum partium constet fuisse.

Nunc ad Censuram accedamus. Et quidem de hac prima Propositione censeo, illam jure damnatam, quia universim affirmat Semipelagianos ad omnes & singulos actus, etiam ad initium fidei Prævenientem Gratiā admisisse: cum certissimum sit Semipelagianos primos & mixtos in nuda natura citra omne Adjutorium Gratiæ initium Fidei & Meriti posuisse: & ratione termini indefiniti qui universali æquipollet (nā hic nihil Impedit) omnino Falsā & temerariā habendam & prorsus damnandam: cum præsertim insinuet eos, cum ita sentirent, Semipelagiano more errasse: nam si ea erat Semipelagiana Gratiā suspecta profecto erat: & qui eam ita ponat cum Pelagianis sentiet: & forte hoc ipsum voluit Author quemadmodum postea in Paralello ostendit. Sed hoc

hoc interim omisso dico: peccare Propositionem in subjecto colectivo quoddam omnes Semipelagianos ait ita sentire. Deinde etiam in Prædicato peccare: quum ait *Prævenientem* eos Gratiam admisisse: nam illa Gratia quam Semipelagiani admittebant non erat verè *Præveniens* Gratia: sed *Comitans* tantum, uti vocat Prosper, *Quam Comittem* inquit, non *Prævia* volunt esse humanorum actuum. Et quidem illa Gratia sine quo non versatilis ad flexum motumque voluntatis *Præveniens* rectè dici non potest, sed comitans imo & subsequens tanquam Pedisequa voluntatis, atque hoc ipsum fatetur Jansenius, & nos proximis libris monstrabimus.

Pergo ire ad nexum cum secunda Propositione. Et in hoc erant hæretici, quoddam vellent eam Gratiam talem esse, cui posset humana voluntas resistere vel obtemperare. Hæc sine dubio continet hæresim, dum hæresim censet esse, eam quæ haud dubiè Catholica veritas est. Nam dicere Gratiam interiorem prævenientem quæcunque illa & quomodocunque Efficax sit, non necessitare voluntatem, sed eam liberam ad resistendum & obtemperandum relinquere doctrina Catholica est. Quare illam hæreticam censere hæreticum est. Ponere enim Gratiam necessitantem & irresistibilem, ut aiunt Lutheranam & Calvinianam hæresim esse constat. Nec ea res indiget novis probationibus, cum satis superius sit in tertie Propositionis Censura probata: id quæ omnes Catholici, etsi de ratione Efficacitatis Gratiæ dissentiant unanimi consensu affirmant: adeo ut

L 2

ipismet

ipsimet Physicæ Prædeterminationis Authores necessitatem ab ea removeant, ac posse illi resistere voluntatem affirmant, & idcirco celebrem illam distinctionem sensus compositi, & divisi aptè excogitarint: qua vis omnis antecedenter necessitans tolleretur, quemadmodum videre est apud *Alvarez* disput. 3. de Auxiliis n. 18. & disp. 98. n. 10. aliosque ejusdem nobilissimæ scholæ Authores. Duce Divo Thoma. 1. p. q. 62. a. 3. ad 2. ubi: *Inclinatio, inquit, Gratiæ non imponit necessitatem: sed habens Gratiā potest eā non uti, & peccare.* Et quodlib. 1. a. 7. ad 2. Sic *Deus movet mentem humanam ad bonum, quòd tamen potest huic motioni resistere.* Id vero definitum est à Concilio Senonensi contra Lutherum in Præfatione. Et Decreto Fidei 16. Ubi sic: *Non est tale Dei trahentis auxilium cui resisti non possit.* Et à Tridentino adversus eundem & Calvinum. Sess. 6. Can. 4. quo loco inter alia. *Liberum arbitrium à Deo motum & excitatum, ita cooperari assentiendo Deo excitanti atque vocanti, ut possit dissentire si velit.* Et cap. 3. ejusdem Sess. *Ita ut tangente Deo cor hominis per Spiritus Sancti illuminationem, neque homo ipse nihil omnino agat inspirationem illam recipiens: quippe qui illam & abjicere potest.* Eandem esse Augustini doctrinam constat quemadmodum nos in Cortina nostra Thesi 70. ad 76. & in earum probatione ostendimus: & latissime & accuratissime Lib. de Adjutoriis a. c. 3. ad 6. monstrabimus. Non tamen ut alij solent Gratiæ Congruæ Authores, qui Efficaciam Gratiæ Augustinianæ ita minuunt, ut eam sufficientē tantum,

&amp;

et indifferentem ac ex se nec efficacem, nec Inefficacem, & solum ex præscientia opportunitatis congruæ, et consensu in ea conditionatè præviso, atque adeo ex effectu Efficacem faciant : quo certè nihil ab Augustini doctrina alienius : sed retentâ omnino intrinsecâ & propriâ Efficacitate antecedenter movente, trahente, inclinante, discernente cum summa quadam virtute ac potentia voluntatem, illæsa tamen ejus libertate, nullâ inductâ necessitate. Ubi item ostendemus Augustinum maximam vim Gratiæ Efficaci dedisse; nec voluisse, ut illa motui ac flexui Arbitrii obnoxia esset, ut ab eo versatili imo & trusitili more ageretur. Sed contrâ ipsa moveret agereturque Arbitrium supernaturali impressâ virtute, cui etsi posset resistere, non resisteret tamen, sed cederet, nullâ tamen injuriâ, vulnere vè libertatis.

Et quidem animadverto Spiritum Divinum ita mentem Pontificis gubernasse in hac propositione censenda, ut quemadmodum in tertia observavi, cum libertatem statueret, Gratiâ non deiceret, sed huic integram virtutem dignitatemque reservaret. Itaque divinitus Pontifex usus est verbis *Resistere & Obtemperare* docendo Gratiâ eam esse cui *Resisti possit & Obtemperari* : id enim censuit damnando Jansenium dicentem Semipelagianorû hæresim in eo esse quod affirmarent Gratiæ non posse *Resisti* nec, Non *Obtemperari*. Ex quo apparet Pontificem negando eam hæresim esse, docuisse *Gratiæ resisti posse*. Eique liberè *Obtemperari*. Quod ipsum ante Concilia definierant. Qui certè modus dicendi locum relinquit



virtuti & efficacitati Gratia<sup>e</sup> propriae asper se Efficacis, efficacissimè moventi citra necessitatem. Nam quis non videt illud *Posse Resisti*. Supponere vim antecedentem moventis & trahentis Gratia<sup>e</sup> tantam, ut necesse sit dicere *Posse ei resisti*. Hoc est contra ejus virtutem, & impulsu vehementem conari. Nemo enim dicit *Posse Resisti*, nisi ei qui impetu et vi utatur, in eum, de quo dicitur *Posse Resistere*. Nam nemo dicitur *Resistere* qui indifferenter se habet, vel certè tam remissè, ut non trahatur. Quare illo modo dicendi potius statuitur virtus Gratia<sup>e</sup> ex se intrinsecus Efficacis, quàm congruæ & opportuna<sup>e</sup> indifferentia & remissio. Itaque eà phrasi significatur potestas quidem *Resistendi* supponendo ex vi verbi in eadem voluntate motum & impressionem vehementem Gratia<sup>e</sup> Efficacis, eamque tantam, ut oporteat advertere adhuc eà positâ *Posse Resistere* voluntatem: & si a<sup>u</sup> non resistat. Unde deducitur: si mota est, si tracta est, si non resistit: ideo flecti, ideo venire, ideo vinci, quia Efficax est Gratia: cui cum possit resistere, liberè quidem cedit, sed cedit quòd ab ea vincitur. Cui potest quidem *Resistere* sed non *Resistit*. Et si enim potest *Resistere* tanta tamen virtus Gratia<sup>e</sup> est, ut non exercitâ adversus eam potentia cedat ab eaque vincatur, volendo quidem libere, sed ideo volendo quia movetur ad volendum: adeò ut ipsamet non resistendi actu voluntas, potentis ad *Resistendum arbitrij*, à Gratia proficiscatur, ut hæc omnino sit *victrix*, uti eam Augustinus lib. 2. de peccat. mer. & remis, c. 19. et sæpe

sæpe alias Gratia voluntatis. Itaque sub eo modo dicendi *Potest Resistere* latet virtus & vis Efficacis agentis Gratia in voluntatem. Transco ad aliud verbum *Obtemperare*. Hoc enim Divino item Consilio positum. Nam qui obtemperare potest & non obtemperare, & tamen obtemperat, habet Dominum qui jubeat, cujus vim imperantis sentiat: et cum obtemperat, jubenti, & quia jubet obtemperat: et obedientia, imperij voluntarius quidem ac liber, sed expressus imperio effectus est: Ita voluntas instar Ancilla, sed libera: cui imperatur; Gratia Dominæ, quæ imperat instar est. Quod contrà se habet in opinione ponente Gratiam indifferentem ac relativam arbitrio voluntatis: & ab ea efficaciam mutuam. Observet autem diligenter, quæso, lector, quòd id quod est *Potentia ad Resistendum* vel *non Obtemperandum* non est res quæ exeat à Potentia: et ponatur in actum, sed maneat intra potentiam: quod verò est actus operandi sit vera & realis entitas, quæ efficitur à Gratia & à voluntate: ut quod non est, in voluntate sit: quod est à Gratia movēte ac trahente voluntatem, hanc tamē liberā volentē que, procedat.

Porro animadverto inter hæc duo verba: *Resistere*, & *Obtemperare* id interesse quòd *Resistere* supponit vim & impressionem physicam agentem in eum qui *Resistit*, potestque *Resistere*. At *Obtemperare* supponit moralem quandam potestatem jubentem ei: qui obtemperat & potest Non Obtemperare. Usus autem utroque verbo Pontificem, non sine Numine fuisse existimo. Nam cū duplex sit Catholicorum

rum de motione Prævenientis Gratiæ sententia : altera quæ docet Physicè præmovere : altera quæ Moraliter, utranque voluit Pontifex sustinere, significans neutram se aut rejicere, aut improbare, sed inter utramque positum solam hæresim damnare. Nam illud *Resistere* primæ sententiæ favet : illud *Obtemperare* secundæ. Nisi forte voluit judicare, (quod ego in doctrinâ Augustini certum existimo) Gratiâ utroque modo præmovere, Moraliter & Physicè : quemadmodum lib. 2. de Adjutoriis exponam. Non dico Gratiâ Prædeterminare sed *Præmovere*, Quorsum autem & quo jure dicam tunc apparebit, omni exclusâ necessitate, sed summâ tamen inducâ efficacitate.

Consideratione digna sunt hæc. Verum illud accuratiùs expendendum. Cum duo sint Errores extremi circa Gratiâ. Unus qui eam necessitantem, & irresistibilem, ut aiunt, facit : in quo est Lutherus & Calvinus & Asectæ, qui Manichæismum invexerunt : Alter qui eam facit pedisequam et servam voluntatis, Vertibilem appellant, qui est Socini, Armihij, & Remonstrantium à quibus est Semipelagianismus restitutus, quorum ille tollit Arbitrium, hic aufert Gratiâ, ita se Pontifex censendo gessit, ut eos, in medio, hoc est, in loco virtutis positus jugularit. Nam cum dixit Gratiæ *posse Resistere* & *Obtemperari*, docuit non esse eam *Necessitantem* nec *Irresistibilem* contra Lutherum & Calvinum : et cum utendo his verbis supposuit Præmotionem Gratiæ sive trahentis physicè, sive allicientis moraliter, docuit

docuit non esse servam nec p. disequam voluntatis ; atque adeo *Vertibilem Versatilemque* negavit. Primum errorem quòd crassior est & apertior perspicuè refutavit : Secundum quòd est subtilior, & occultior acutiùs & occultiùs refellit. Ita removet necessitatem à Gratia & liberam fecit voluntatem adversus primos, & exclusit dominium & potestatem in Gratiam voluntatis, efficacitate inductâ adversus secundos : Nam nec cum illa necessitate libertas Arbitrij, nec cum ista indifferente domini potestate Efficax Gratia potest consistere. Etenim necessitatâ per Irresistibilem Gratiam voluntate quis, tandem locus esset libertati ? Et indifferente omnino, & expectante flexum motumque Arbitrij Gratiâ, quid efficietur ab ea in voluntatem ? Itaque Pontifex medius statuit acceptâ Gratiâ voluntatem manere cum libertate *Resistentiæ* : non tamen idcirco asseruit libertatem *Indifferentiæ* : nam libertas *Resistentiæ* est inter necessitatem & indifferentiam, cum supponat voluntatem motam & tractam, quo in statu non manet indifferens in puncto æquilibrij, cum æqua in utranvis partem potestate : sed inclinata & prona, non tamen necessitata. Unde manet libera adhuc ad Resistendum Gratiæ trahenti, sed non manet indifferens & pendula, cum jam à Gratia tracta inclinetur. Aliud est enim profectò, aliud Indifferentia Arbitrij, aliud libertas voluntatis. Nam Indifferentia est quiddam *Adiaphoron* in æquilibrio constitutum in neutram partem præponderans, cœu bilanx æquamento rectâ singulâ temperato,



rato, quæ in puncto indivisibili consistit. Libertas verò est *Potestas* dominij in suos actus, ac per illos in objecta quæ latitudinem habet, & recipit magis & minus, & admittit inclinationes & motus in utranque partem & cum iis optimè consistit. Itaque potest voluntas manere libera & inclinata: non potest autem indifferens & inclinata manere: atque adeo potest libertatem *Resistentiæ* amissa libertate *Indifferentiæ* retinere. Et vero hanc distinctionem Indifferentiæ & libertatis ex duorum Conciliorum Sacrosancta doctrina deduco. Etenim Concilium Arausicanum ii. c. i. ait. *Animi libertatem illam, post peccatum Adæ non durare: quo constat in aliquo læsam illā hodie esse: non in nobis certè quoad libertatem, ergo quoad Indifferentiam.* Cap. 8. Vult Arbitrium esse *Vitiatum & Infirmatum, Læsum, non quatenus liberum, ergo quatenus Indifferens.* Cap. 13. rursum assignat Arbitrium *Infirmatum*. Nimirum quòd minus ad bonum, quàm ad malum propensum: imo ad malum ex se pronum: quod est non esse *Adiaphorou* nec *Indifferens*. Cap. 25. docet *Inclinatum & Attenuatum fuisse liberum Arbitrium, ut nullus possit aut diligere Deum sicut oportet, aut credere in Deum, aut operari propter Deum, quod bonum esse possit nisi Gratia eum, & Misericordia Divina prævenierit.* Ubi *Inclinatum* tollit æquilibriū *Indifferentiæ*. *Attenuatum* vim illius in utranque partē æquivalenti potestatis extenuat. Sanè ex his omnibus locis constat Aliquid ex eo primo Arbitrio diminutum, amissumque fuisse: nec voluntatem nostram in statu ruinæ ejusdem omnino potestatis esse. Ex alia verò parte

Concilium

Concilium Tridentinum Sess. 6. Can. 6. Anathema jacit in eum qui dicat *liberum hominis Arbitrium* post peccatum Adæ *Amissum & Extinctum* esse. Hoc assumpto ex Tridentino, & illo ex Arausicano accepto, & inter se ambobus collatis constat liberum Arbitrium in nobis non esse *amissum* nec *extinctum*: esse tamen *attenuatum, infirmatum & lesum*. Quâ ratione nisi quod liberum ex integro est quoad libertatem; non est indifferens cum æquali potestate? Mansit libertas, sed inclinata, sed prona in malum, id est non indifferens in æquilibrio ad bonum & malum. Hujusmodi enim potestas & indifferentia ad utrumque bonum & malum, quæ erat in Adamo *attenuata, infirmata, & lesa* est, cum ad Peccatum ex se voluntas prona ruat; ad virtutem non nisi adjuta Gratiâ conetur, uti ex Augustino summus Theologus Maldonatus in *Joannem* comment. in Cap. 6. n. 44. A quo ibi tota hæc de attenuato, & infirmato, Arbitrio doctrina explicata. Inter alia exponens illam celebrem Christi sententiam. *Nemo potest venire ad me, nisi Pater qui misit me traxerit eum.* Verbum, inquit, *Potest* notarunt quidam interpretes non remotam, ut Philosophi vocant, sed proximam ætæni potentiam significare. Nam etiam qui à Patre non trahuntur potentiam habere naturalem, ut si à Patre trahantur, veniant, sed eam potentiam remotam esse, nec in actum reduci posse, nisi Gratia trahentis Patris adjuvetur. Quemadmodum antequam lumen ad videndum habeamus, naturalem habemus videndi facultatem, sed nisi ea facultas lumine juvetur, videre re ipsa non possumus.

*sumus. Sic se prorsus habet liberum arbitrium: quæ naturalis in bonum & malum facultas est. Sed in malum perse solum valet, in bonum non nisi Gratia juvetur. Vera hæc sunt. Venire, &c. Et paulò pòst manifeste magna vi Gratia interdum opus esse ad erigendam & juvandam voluntatem pronam in peccatum affirmat. Locum infrà commodiùs dabimus l. 2.*

Hanc esse ipsam puram putam Augustini doctrinam, & nos antea in nostra Cortina ostendimus, & postea lib. 2. de adiutoriis ostendemus. Nunc tantum dicimus: Augustinum cum Concilio Tridentino docere inesse nostris liberum arbitrium, illudque semper asserere, vel ubi maximè Efficaciam Gratia commendat, uti lib. de Grat. & lib. arbitr. & libris ad Bonifac. & lib. de Corrupt. & Grat. ac illius libertatem adversus Manichæos defendere: rursusque tradere cum Concilio Arausicano: hoc ipsum Arbitrium infirmatum, læsum, captivatum, inclinatum, vitiatum esse: ita lib. de Nat. & Grat. c. 43. & 48. & in Psal. 136. & Epist. 107. & lib. de Perfect. iust. c. 4. & lib. 1. ad Bonif. c. 2. & sæpe aliàs, atque adeo amississe illam in utranvis partem liberam cum æquali indifferentia potestatem, quam habebat Adamus, & magnam ille solet libertatem appellare, & quam periisse dicit. l. 1. ad Bonif. c. 2. *per peccatum* qua de re nos latè in quæst. de necessitate & libertate peccandi ac enucleatius egimus. Itaque secundum hanc Augustini & Conciliorum doctrinam judicandum *libertatem indifferentie* omnino in illo puncto æquamenti

menti in utranvis partem æque liberam consistere : quod Adæ proprium fuit : sed post peccatum ex eo statu inclinatum, & pronam in malum propendisse : non tamen idcirco libertatem amissam extinctamque : sed manere ac constare, & suas habere inclinationes in utranvis partem : naturâ in malum ruente, Gratiâ in bonum trahente : quibus tamen potest resistere liberè quidem, sed non indifferenter; proinde que possè dari libertatem *Resistentiæ*, sine libertate *Indifferentiæ*. Inter quas si distinguamus, apparebit modus operandi tum Gratiæ Efficacis, tum Concupiscentiæ vehementis : quarum motus in nobis sæpe contrarios experimur cum diversis inclinationibus, & quidem non exiguis voluntatis. De quo Augustinus lib. 1. ad Bonifac. a. c. 9. ad 12. c. 18. & 19. & in Epist. ad Galat. & Sermon. 6. & 17. de verb. Apost. & lib. de Contin. c. 3. & lib. de Spir. & Lit. c. 18. & tract. 26. & 41. in Joannem. & Mal. 106. & 137. & alibi sæpiùs. Positâ enim Gratia Efficaci in voluntate manet hæc ad bonum propensa & inclinata, non uti ante gratiam erat ad malum aut prona, aut indifferens æquè ad bonum & malum : atque adeo amitter, illud vel primum ad Peccatum, vel adiaphoron ad utrumque, Peccatum & virtutem, si quod est in natura lapsa, nam acceptâ Gratia aliquid quod non habebat recipit, et aliquid ex eo statu in quo erat amittit ; non desinet tamen libera esse voluntas ad resistendum : contra vero voluntas stimulante concupiscentiâ, vehementi accensa libidine sæpè ex statu Gratiæ ad peccadû dejecta trahitur, & in homine peccatore manet ad libidnè



prona & inclinata, amissâ illâ æquali ex bilanci trutinâ potestate; retentâ nihilominus in peccando libertate. Ecquis verò non videt secundùm motus Gratia & Concupiscentia existere in nobis magnas inclinationes vel ad virtutem, vel ad vitium: alioqui si voluntas ad illos pulsus vehementes maneret Indifferens, quid in ea concupiscentia accenderet, quid Gratia restingueret minimè appareret.

Et verò si voluntas, ut sit libera, indifferens esse debet naturâ suâ: ubicunque sit voluntas libera, indifferens quoque erit: cum naturam suam non possit amittere. Hinc autem sequitur in duobus hominibus altero sumâ vi Gratia excitato, altero maximâ flammâ cupiditatis accenso, eodem modo esse liberam & indifferentem voluntatem: cum ille liberè mereatur, hic liberè peccet. Quod tamen nullâ dici ratione potest. Igitur et distinguendum est Indifferens à libero: & in libero admittendâ latitudo secundum magis & minus, ut ita in duobus hominibus in diversas partes penitus inclinatâ, sit libertas sine æquali ex bilance indifferentia potestate.

Id porro ego inducto Sanctissimi patris Ignatij exemplo demonstro. Constat cum ut ardentem ad motus libidinis facibus juvenem à cupiditate revocaret, majori accensum Divini Amoris flammâ detraxis vestibibus in concretam gelu paludem nudum se fervente hyeme coniecisse. An erit quisquam qui sibi persuadeat eandem fuisse in ambobus voluntatis, & indifferentiam & libertatem, cum Ignatius Divino Amore arderet, juvenis furiali cupiditate astuaret?

Hic

Hic penè impos sui, à concupiscentia stimulatus rueret in libidinem: ille Charitatis stimulis incitatus alienam flammam suscepto, in se frigore vellet restinguere? Certe si utrumque secum comparemus: multò minus ad libidinem quàm ad Pudicitiam propensus Ignatius. Multo magis ad libidinem pronus juvenis quam ad Castitatem: ergo non erant indifferentes. Si alterum cum altero conferamus, Ignatius libertatem cum maxima ad virtutem inclinatione servabat: juvenis libertatem cum summa ad peccatum pronitate retinebat. Ac cum uterque liber esset, Diversa tamen alter ab altero libertate diffidebat: & in tanta libertatis differentiâ utrique tamen sua libertas constabat. Indifferentes ego eos nullo modo, liberos quidem, sed longe dispari gradu, modoque liberos fuisse existimo: nisi forte velimus tam propè esse à Castitate Ignatij juvenem, quàm Ignatium à juvenis libidine, quod, qui velit indifferentem utrumque, necesse est affirmare.

Liberum ego fuisse existimo Divinum illum, quem maxime mirari soleo, virum *Xaverium* cum Divina passus superante cordis angustias infulsâ suavitatē: apprehensâ utrâque manu veste, totos pectoris pandebat sinus, & fixis in cœlo oculis vix sui potens exclamabat, *Satis est Domine: Satis est*: indifferentem tamen cum tunc ad peccandum fuisse non puto, qui ne de peccato quidem cogitare tunc poterat: quomodo autem esset indifferens, qui non erat in proxima potestate; imo nec cum expedita Liber-  
tate,


tate, cùm advertentia ad Peccatum deesset, & Divinitus illa infusa suavitas mentem absorberet. Quòd si recurrant ad physicam potentiam, nemo certè negabit integram eam & inviolatam manere; sed non de hac opinor, sed de morali libertate ut aiunt, & potestate ad operandum in actu primo constitutà loquuntur: nam illa physica & remota etiam cum Prædeterminatione physica, imo & cum necessitate stare potest. Quomodo autem voluntas posita in actu primo ad agendum, possit eo momento esse indifferens, & adiaphora ad agendum oppositum, cum non possit esse in actu primo ad duos actus oppositos, nec duo proxima ex adverso judicia practica contrarios actus distantia habere, intelligi certè non potest: nec quomodo ad negationem & suspensionem actus, ad quem est expedita & proposito aptè objecto prona, & iudicio practico inclinata, sit æquè indifferens, cum ad suspendendum cum nihil proximè concurrat, nec pro tunc possit concurrere, nisi fortè in eodem momento est capax actus & contradictionis ejus. Adde sæpe nos ita unum agere, ut non advertamus ad alterum, imo nec ad continendum actum advertimus, & nulla, opinor, sine advertentia libertas sit. Unde apparet voluntatem cum est in actu primo liberam quidem esse, sed dum in eo est indifferentem ad oppositum, vel negationem illius esse non posse.

Et quidem consideranti mihi hanc distinctionem Indifferentiæ, & libertatis, & latitudinem liberi secundum magis & minus, inclinationesque & mo-  
menta

menta in utramque partem voluntatis intra libertatem, persuasissimum est hac ratione conciliari posse Efficaciam Gratiae cum libertate Arbitrij : eamque ejus concordiae *Clavim* esse existimo. Nam, si semel distinguatur Indifferens à libero, poterit Gratia Efficax in voluntate eos motus & inclinationes efficere, quæ indifferentiam tollant, & relinquant libertatem: maneatque ista inclinata non necessitata; ac in ea inclinatione appareat, quid in ea Gratia operetur, & quid ea operatura sit virtute Gratiae moventis & inclinantis, non necessitantis; retentâ semper libertate *Resistentiae*, non *Indifferentiae*. Et hanc distinctionem ex Augustino, summo meo studio curaque depromptam, longè meliorem esse puto quàm *Scientiae Conditionatae* ad consensionem Arbitrij cum Gratia componendam, rationem. Imo nec ipsam existimo *Conditionatam Scientiam* cum indifferentia voluntatis & Gratiae posse consistere; & hunc ei modum prorsus necessarium esse credo, ut certa & infallibilis evadat, cum ex illis inclinationibus pronæ voluntatis possit, quò sit ventura cognoscere: nam certè durante illâ & Gratiae & libertatis indifferentiâ, non poterit Scientia certa & determinata existere: etenim de objecto indifferenti & indeterminato constans & definita notitia haberi non potest. Qua de re ego aliàs ex processo disputabo, nunc tantum indico & propono, occasione usus, quam præbuit Censura Pontificis, in qua observatis terminis video illam innuisse distinctionem libertatis *Resistentiae* & *Indifferentiae*.



Summam conficio. Pontificem censere, Hanc Propositionem quoad utramque partem esse Falsam, & Hæreticam. Nam prima pars universim negat Semipelagianos meritum in nuda natura posuisse, cum quidam posuerint : & affirmat eos cum Gratiam admitterent, *Prævenientem* admisisse, cum Comitans ea tantum non *Prævia* vel *Præveniens*, imo & pedisequa voluntatis fuisset. Secunda vero affirmat in eo *Hæreticos* esse, quod dicerent *Gratiæ* posse *Resisti* & *Obtemperari*, cum id dicere, Catholicum sit.



## ARTIC. VI.

*Quinta Propositio : Gillius Censoria nota  
consideratur.*

**H**Æc ita concepta : Semipelagianum est dicere,  
Christum pro omnibus hominibus mortuum esse,  
aut sanguinem fudisse. Ita censetur : Falsam  
Temerariam, & Scandalosam : & intellectam eo sensu, ut  
Christus pro salute tantum Prædestinatorum, mortuus  
sit : Impiam, Blasphemam, Contumeliosam, Divinæ Pi-  
etati derogantem & Hæreticam declaramus, & uti ta-  
lem damnamus.

Divino Consilio de hac propositione hujusmodi  
judicium Pontifex tulit, omnino necessarium & ap-  
positum ad componendam gravissimam super ea to-  
ties excitatam controversiam. Ea cum Semipelagi-  
anorum errore orta est : deinde cum quiesset, reno-  
vata est Seculo nono à Gottschalco, & Erigena.  
Tandem nostris temporibus à Lutheranis & Calvi-  
nianis suscitato Manichæismo, & ab Arminianis, & So-  
cinianis & Remonstrantibus invecro Semipelagia-  
nismo recrudit. Prædestinatianos interim omitto,

dum de illis certissimè inquiri, etsi propè sim ut nullos usquam eos fuisse existimem.

Occasio Controversiæ fuit Prædestinationis ratio, quam uti quisque ponebat vel gratuitam, & à meritis independentem, vel debitam & meritis addictam, ita de Redemptione Christi sentire videbatur: ac ex alterius sententia errorem formabat, quem alteri impingebat. Primi omnium Semipelagiani, male intellectâ & improbatâ Augustinianâ Prædestinatione, objecerunt ex ea sequi Christum non esse universorum hominum Redemptorem: uti patet ex Epist. Prosperi ad Augustinum & ex libro Object. Gallor. & Vincent. Nec tantum Semipelagiani olim id Augustino & discipulis objecere, sed Catholici etiam hodie Doctores Augustinianæ doctrinæ Sectatoribus idem objiciunt. Contra vero hi ut par pari reddant quod mordeat, oppositæ sententiæ authoribus expobrant errorem Semipelagianorum; quòd Gratiam & sanguinem Christi dum communem inducunt, ex æquitate debitum faciunt. Quanquam paucissimi Catholicorum negent Christum pro omnibus mortuum esse; Hæretici id omnino negant. *Lutherani Calviniani* & Sequaces: imo contrarium tanquam errorem Adversariis impingunt, *Socinianis, Arminianis, Remonstrantibus*, qui omnino pro Redemptione universali pugnant, & *Lutheranos & Calvinianos* quòd eam tollant exhibant & proscribunt. Patet ex Disput. Arminij contra *Perkinsium*, & Synodalib. Remonstr. & Mose Amiraldo Tom. de Grat. Univers. & ex Præfat. ad illum.

In hac ergo Controversia *Jansenius* negavit Christum mortuum esse pro omnibus: imo & addidit affirmantem Propositionem Semipelagianorum errorem esse. Ita lib. 3. de. Grat. Christi. c. 21. & lib. 7. de Hæresi Semipelag. c. 15. & in Paral. nota. 14. Quam Censuram miserabilis Synodus Dordracena *Calviniana* impio Decreto antea tulerat c. 2. a. 6. Eamque probant Principes illius Sectæ *Molinæus*, *Sarisburiens*, *Kimedoncius*, *Amesius* cum aliis plurimis quos citat in Coron. ad Collat. Hagiens. & in Animadvers. Synodal. adversus Remonstrantes Universalem Christi Redemptionem asserentes.

Censuram hanc *Jansenij* damnantis hujusmodi Propositionem *Christus mortuus est pro omnibus*, ac dicentis eam esse Semipelagianam, Innocentius summâ ratione & justissimâ exaggeratione proscribit. Sed videndum quis sit proscribentis damnantisque sensus. Nam constat Semipelagianos dixisse, *Christum pro omnibus mortuum esse*. Imo & tam id sensisse, ut vellent, qui id Catholici verum esse negarent eos prorsus errare; atque ex eo errore eorum de Prædestinatione sententiam reprehenderent. Patet id ex verbis Prosperi in Epist. ad Augustinum. *Pro universo autem hominum genere mortuum esse Dominum Jesum Christum, & neminem prorsus à Redemptione sanguinis ejus exceptum: etiamsi omnem hanc vitam alienissima ab eo mente pertranseat, quia ad omnes homines pertinet. Divine Misericordie Sacramentum.* & ex Object. 9. Gallor. & 1. Vincent.



Igitur Semipelagianum fuit dicere *Christum pro omnibus mortuum esse*. Quâ ergo ratione à Pontifice istud damnatur?

Verùm non damnat Pontifex *Jansenium* quòd dicat Semipelagianos ita sensisse, sed quòd dicat Semipelagianum esse errorem affirmare Christum pro omnibus mortuum esse. Nam is non error est Semipelagianus, sed communis Ecclesiæ sensus: imo nec in eo Semipelagiani errârunt: non enim cuncta Semipelagiana placita errores sunt: cum in multis rectè sentirent, vel ipso Augustino teste, lib. de Prædest. Sanctor. c. 1. nam & agnoscebant Peccatum Originale & maculâ eo inustam, & necessitatem Gratiæ Prævenientis quæ ibi Augustinus recenset. Prætereà non errabant sentiendo Deum habere voluntatem generalem omnes homines salvandi. Etsi enim contra Augustinus sentiret, tamen ille sensus tutus erat, & multorum antea & postea Patrum, Scholasticorumque hodie communis, qui ita sentiunt, imò & ita sentire Augustinum volunt. Itaque minimè errabant affirmando Christum pro omnibus mortuum esse. Quare, quod ne in illis quidem error erat, in aliis certè Catholicis error esse non potuit. Imo nec in Remonstrantibus & *Arminianis* damnavi is articulus debet qui in eo cum Catholicis consentiunt. Quid enim magis receptum magisque celebratum in Ecclesiis & Academiis, quam Christum pro omnibus mortuum esse? quid firmatius locis Scripturæ, præsertim Novi Testamenti.

*Pauli*

Pauli & Joannis. Quid à Conciliis expressius definitum? Quid munitius auctoritatibus Patrum? Quid validius probatum argumentis Scholasticorum? Quid sæpius, & ardentius inculcatum in concionibus? Quid tritius domesticis & forensibus sermonibus, ut nemo sit cui contraria sententia horrorem non incutiat? Nec opus est Authores citare; satis sit videre Antijansenistas qui plures suppeditabunt. Ego unum locupletem ex aliis dabo qui thesauri instar esse possit. Isaac. Habert. 2. p. Defens. Fid. a. c. 9. Itaque summo jure Jansenij censura taxatur & exploditur.

Veniamus ad aliam partem quæ plus doctrinæ & aliquantum difficultatis continet. Ait Pontifex, *Et intellectu eo sensu Ut Christus pro salute duntaxat Prædestinatorum mortuus sit, impiam, blasphemam, contumeliosam, Divinæ Pietati derogantem & hæreticam declaramus, & uti talem damnamus.*

Magnus sit error oportet, qui tot notis afficitur. Error vero is est, Dicere Christum pro Prædestinatis tantum, non pro ullis alijs mortuum esse. Et quidem nollem tam in hac re turpiter lapsus esset Jansenius, qui durissimo ore lapides loquitur; adeo ut caput illud 20. lib. 3. concludat asserendo *Christum non magis Patrem pro salute eorum qui non sunt Prædestinati, etiam Fidelium orasse, quam pro diaboli liberatione.* Quod horribile dictu est: cum præsertim antea dixisset Christum Fidelibus non perseverantibus Fidem, & multa beneficia Gratiæ meruisse: quæ meruit, ac certè ex animo salvandi eos ea procuravit te sanguinem

sanguinem pro ijs suum fudit. Nam videmus plurimos eorum in Chariate diu mansisse, & multa præclara virtutum documenta dedisse, ac in Fide usque ad mortem perseverasse: quæ sanè à Christo acceperunt, ac nisi per eos staret, profecto ejus sanguinis fructum cepissent. Pro his ergo Fidelibus ad Ecclesiam vocatis, imo & in Ecclesia sed in peccato lethali mortuis mortuum Christum esse, nemo Catholicus dubitabit: idque nunc Pontifex definivit: dum dixit Impium & Blasphemum esse dicere pro salute duntaxat Prædestinatorum mortuum esse; docens etiam pro Reprobis mortuum fuisse. Sanè tam absurda est illa sententia circumscribens sanguinem Christi & addicens solis prædestinatis, ut & ipsos Principes Hæreticos pudeat ita sentire, quemadmodum videre est in præfatione ad librum Mosis Amyraldi in qua numerantur plurimi ab eo sensu alieni, ac inter eos Petrus Martyr, Oecolampadius, Bucerus, Zuinglius Pellicanus, Bullingerus. Quod ergo hi ausi non sunt, quis Catholicus dicere audeat?

Igitur Pontifex divinum ex Cortina Apostolica fundens oraculum, Hæresim illam, & Blasphemiam esse pronuntiavit: ac illud de Fide tenendum declaravit, *Christum non pro salute duntaxat Prædestinatorum mortuum esse.*

Et quidem negari omnino nequit, pro omnibus Fidelibus etiam non Prædestinatis mortuum esse Christum: cum hi ad Ecclesiam pertineant, & in Corpore Christi inter membra ejus Fide animata & aliquandiu Charitate viva, & si demum per Peccatum

tum præcisa, numerentur. Certè Concilium valeninum III. cum Canone IV. dixisset, Christum non pro omnibus sanguinis sui pretium dedisse, sed pro iis tantum de quibus dictum est. *Omnis qui credit in ipsum non pereat: Sed habeat vitam æternam.* Ne videretur ad solos Prædestinatos Redemptionem restrinxisse, exposuit mentem suam de omnibus omnino Fidelibus Can. V. quodd in omnibus Baptizatis fit vera Redemptio, sicuti fit & vera Regeneratio, & ex ipsa multitudine Fidelium & Redemptorum alios salvari æternâ salute quia per Gratiâ Dei in Redemptione sua fideliter permanent: alios quia noluerunt permanere in salute Fidei, quam initio acceperant: Redemptionisque Gratiâ potius irritam facere pravâ doctrinâ vel vitâ quam servare elegerunt ad plenitudinem salutis & ad perceptionem Beatitudinis nullo modo pervenire.

Ac idem fuit sensus Ecclesiæ Lugdunensis in libro de tenenda Scripturæ veritate in Auditorio Bibliothecæ Sanct. Patrum. tomo. 2. ubi ait: *Catholica Fides tenet & Scripturæ Sanctæ veritas docet quod pro omnibus Credentibus, & per Gratiâ Baptismi ex Aqua & Spiritu Sancto regeneratis, & Ecclesiæ incorporatis verè Dominus & salvator noster sit passus.* Et ibidem. *Ostenditur pro omnibus omnino Fidelibus Christi qui fuerunt vel sunt aut erunt factam esse Passionem Christi.* Itaque non ad Prædestinatos duntaxat virtus sanguinis pertinuit sed ad alios etiâ emanavit: nam Omnium Fidelium Redemptorem esse, nemo qui Fidelis sit dubitare queat: cum Paulus dicat 1.



Timoth. 4. *Qui salvator est Omnium hominum maximè Fidelium*: illud *Maximè* nullum finit ambigendi locum, eo enim propria Redemptio significatur cum virtute sanguinis conjuncta quæ Omnes Fideles comprehendat in quibus non soli duntaxat Prædestinati numerantur.

Duæ hîc excitari quæstiones possunt ac debent, pro perfecta mentis Pontificiæ intelligentia. Prima utrum Christus pro omnibus omnino nullo excepto hominibus etiam Infidelibus & Parvulis mortuus sit? Altera pendet ex ista. Cur nunc Pontifex id non definivit sed tantum negavit: *Pro Prædestinatis duntaxat mortuum esse.*

Quoad Primam conclusio sit. *Christum pro Omnibus nemine excepto, hominibus etiam Parvulis & Infidelibus mortuum esse.* Eam probare modo nec oportet, nec decet: ne actum videar agere: cum omnia occuparint clarissimi Jansenij Antagonistæ quorum ego vel gloriæ inviderem, vel scripta compilarem. Satis erit lectorem ad aliquos eorum remittere (nec enim sunt omnes ad manum) & locos unde argumenta petant indicare Antonin. Moranes d. 26. S. 5. a. 7. Francisc. Annat. lib. 2. c. 5. & lib. 4. c. 5. Thom. Augustin. lib. 2. toto cap. 16. per. 19. articulos uberri mē, & accuratissimē. Addo Suar. tom. 2. de Grat. l. 4. c. 10. et Vasq. 1. p. d. 96. c. 1. & 3. Maldon. in Joan. c. 17. n. 9. à quibus ea argumentis à Scriptura, Conciliis, Patribus, Scholasticis veritas probatur. His tamen ego ita subscribo, ut uno testimonio & altero argumento abstineam

nam quod utrunque sit ab Augustini mente alienum. Nam locum celebrem Pauli 1. Timoth. 2. *Dens vult omnes salvos fieri.* Unde colligunt fermè omnes (ut Val'quium excipiam) universalem Dei de salute omnium voluntatem : & argumentum Gratiæ omnibus oblatae non possum aliter exponente & sentiente Augustino ad eam veritatem probandam adhibere : Nec opus iis esse constabit ad Generalem Redemptionem astruendam : nec decet ut quam infra monstrabimus Augustini sententiam esse eam alienis ab illius doctrina rationibus confirmare. Cætera & testimonia & argumenta recipio. Et Christum omnium prorsus hominum Redemptorem esse confiteor.

Nunc ad propriam quæstionem venio. Si Christus pro universis hominibus mortuus est : Cur Pontifex occasione ulus non id absolutè latâ Censurâ pronuntiavit ? Sed tantum censuit non esse id Semipelagianum dicere : & deinde statuit hæreticum & blasphemum esse dicere *Christum pro solis Prædestinatis mortuum esse.* Ut tantum liberasset errore eum qui priorè sententiâ teneret & erroris damnasset eum qui secundæ adhæreret : unde non manet simpliciter de Fide definitum ex vi Bullæ præsentis Christum pro omnibus mortuum esse. Sed tantum esse liberum ab omni nota. Et illud pro blasphemia & hæresi habendum Christum pro salute duntaxat Prædestinatorum mortuum esse. Quare qui dicat Christum non pro salute duntaxat Prædestinatorum. *Sed etiam pro aliorum Fidelium Reproborum*  
O 2
salute

*salute mortuum esse; nec hæreticus, nec blasphemus esse videtur: etsi taceat de infidelibus & paruulis sine baptismo decedentibus. Atque hinc nova controversia existere potest. Utrum qui dicat Christus non pro salute duntaxat Prædestinatorum mortuus est. Sed etiam pro salute aliorum Fidelium Reproborum. At non est pro Infidelibus nec pro Paruulis sine baptismo in uteris matrum & ubi applicari baptismus non potuit decedentibus mortuus. Virtute hujus Bullæ hæreticus & blasphemus futurus sit?*

Quod ad Primum attinet respondeo. Pontificem Divino spiritu afflatum id tantum voluisse definire quod inter Catholicos omnino extra controversiam esset: ne invlueret opinionum quarundam probabilium condemnationem, quæ nexæ sunt cum objecto illius propositionis: de quibus innoxia Fide disceptatur. Quæ autem illæ & cujusmodi sint aperio. Prima est de vniuersali salvandi omnes Dei voluntate: quàm ad affirmandam illam vniuersalem Christi Redemptionem Authores ejus sententiæ communiter afferre solent: ac de ea locum Pauli 1. Timoth. 2. *Deus vult omnes homines salvos fieri.* Intelligi volunt: nec alio modo exponi patiuntur. Secunda est de communi Gratiâ sufficienti omnibus hominibus oblatâ & nemini denegatâ. Quæ quidē voluntas, & de ea loci expositio ac juxta eam vniuersalis Gratia quæmvīs Græcorum primùm Patrum fuerit, fuit deinde à Pelagio & Juliano & post eos à Semipelagianis avidissimè arrepta, & ad suos tuendos fovendos.

fovendosque errores conversa & accommodata : ab Augustino tamen, & Prospero & Fulgentio & aliis Gratiæ Patronis, uti suspecta à Semipelagianis reddita, improbata. Postea à Rabano, Hincmaro, Joanne Scoto Erigena & Assclis adversus Gottschalcum Monachum restituta. Sed nihilominus à Remigio, Prudentio, Floro, Lupo Servato, & Ecclesia Lugdunensi rejecta. Aliquot post seculis cum placuisset Scholasticis florere cepit tranquillis præsertim Ecclesiæ temporibus cum Pelagianæ hæreseos studia refrixissent. Non desuere tamen Augustinianæ doctrinæ amatores qui cum *Richardo, Gabriele, Gregorio Ariminensi* traditam ab Augustino sententiam tuerentur. Superiori seculo *Luthero* & *Calvino* Manichæismum suscitantibus & restituentibus & necessitatem særumque Priscillianistarum sublatâ libertati arbitrij invehentibus majori consensu Scholastici illam generalem Dei voluntatem, & universalem ex ea Auxilij Sufficientis Gratiâ receperunt: quod ea invaluit opinio, ut cum communi Gratia communis fuerit quod eâ maximè adversus hostes Romanæ Ecclesiæ, & humanæ libertatis uterentur. Non tamen est Augustini deserta sententia, sed ea gravissimis Authoribus placuit Abulensi, Caietano *Driedoni*, *Roffensi*, *Ruardo*, *Cælio*, *Vanino*, non sine numine, cum postea Sociniani, Remonstrantes, Arminiani Semipelagianismo inducto illam Generalem Dei voluntatem & Gratiâ adulteratam Semipelagianorum erroribus suscitarent : ac ejus prætextu Prædestinationem ex



et Fulgentium. Maldonatus in *Joannem* c. 1. n. 9. & c. 6. n. 45. & c. 12. n. 32. docens Bedam cum Augustino sentire.

Quos ego duos *Authores Societatis synceri* video esse *judicii*, ac fideliter citare *Authores*, eorumque mentem sine fuco proponere, ac quid omnino sentiant candidè dicere: non ut alij solent, qui inani quadam specie pietatis corrumpunt, & detorquent, ut meliora videantur sensisse, si tamen meliora sunt ea quæ ipsi iis volunt attribuere: & honestius est prætextu pietatis in veritatem peccare. Hos igitur duos *Authores* Vasquium & Maldonatum severos & rigidos Suario qui mollissimus est, & Antijansenianis fortiter opposuerim. Qui ut Augustinum benignè interpretando excusent, & in suas partes trahant negant ejus sententiæ Authorem fuisse. Sed ij sunt potius benignè accipiendi, dum Augustini mentem unius fluxi loci autoritate ducti, detorquent, ne tanti Doctoris patrocinio destituti videantur. Et quanquam (utor verbis Maldonati in *Joannem* c. 6. n. 44.) *is Author sit Augustinus ut ejus sententiâ solâ Personæ reverentiâ magnam auctoritatem mereatur*: volo tamen & socios dare, qui cum eo sentiant; eo duce dignos. Magnum inprimis Gregorium l. 6. *Moral.* c. 2. & l. 37. c. 2. Remigium, Anselmum, Bedam, & D. Thomam in locum Pauli. Prosperum l. de in grat. c. 30. & 31. & in *Epist.* ad Ruffin. & lib. 1. de vocat Gent. c. 16. & 22. & l. 2. c. 20. & 21. Fulgentium lib. de Incarnat. & Grat. c. 21. Prudentium *Episcop.* Tricast. l. 2. de Præ. est. Rhatramnum, & Florum.

Florum & totam Ecclesiam Lugdunensem cum Remigio adversus *Joannem* Scotum Erigenam lib. de tribus Epist. & in lib. de ten. Script. in Au&ar. Bibliothecæ San&torum Patrum Tomo. 2. & ibi Concilium Valentinum: quæ opera ab hinc triennium in Lucem edidit Gilbertus Mauguinus: Lupum Servatum 2. quæst. de Prædestin. Gregorium Ariminensem. in r. d. 46. q. 1. addo

Cælium lib. 2. Justit. c. 8. & lib. 4. c. 24. Cæsarem Vaninum. Exercit. 16. ubi hanc Generalem erga Omnes Dei voluntatem, & commune ex illa Gratiæ Sufficientis Auxilium multis argumentis impugnat: ait que *se Scholasticorum distinctionibus hac super re nec assentiri, nec assensurum, donec sancta Ecclesia Romana Ecclesiarum mater eas confirmarit: nec dissentit Guilielmus Estius in Paulum.* In eadem sententia esse debent omnes quicunque universalem Gratiâ negant, eaque carere aliquot hominum affirmant: nam testè Vasquio 1. p. d. 97. c. 3. n. 17. *Si aliquibus Deus Auxilia Sufficientia negaret sequeretur nullo modo salutem eorum desiderare.* Ij vero sunt Richard. in 1. d. 46. q. 1. a. 7 Gabriel in 4. d. 4. q. 2. a. 3. dub. 2. D. Thom. in 4. d. 6. q. 1. a. 1. q. 1. ad. 1. Driedo de Capt. & redempt. gen. hum. tract. 5. c. 3. indicat domin. Soto de nat. & Grat. c. 10. infine. qui nullum dari sufficiens auxilium infantibus in materno utero morte sublati vel ibi ubi applicari Baptismus non potuit morientibus, affirmant. Cujus sententiæ author est Vasquez: tantus vir ut magnum secum pondus afferat. Nam hic in ea disput. 96. de

de Parvulis quæstionem excitans : *An Deus iis Auxilientia sufficientia providerit ?* cap. 2. cum Authoribus quos proximè adduxi sentit *Quibusdam Parvulis non fuisse ullo modo à modo à Deo concessum posse humanà diligentia applicari sufficientia remedia sive editis in lucem, cum aqua non conceditur, sive in utero Materno vi sola naturæ morientibus.* Atque. n. 5. §. Ratione *Ubi ergo Deus eis providit remedia sufficientia ? quæ aliorum curâ ipsis applicari possent ? Dicunt adversarij : in causis naturalibus quæ ex se sufficientes erant, ut parvuli in lucem ederentur, & baptisma reciperent : at vero quia Deus permisit aliis contrariis causis eas impediri, ideo non potuerunt parvulis remedia prodesse : non quod ex se Deus expresse voluerit applicationem remedij impedire. Cæterum effugium hoc inuile est. Sumum quia licet Deus solum permisisset partum infantium causis naturalibus impediri, hoc satis erat ut diceremus remedia sufficientia quæ humanà diligentia possent, applicari parvulis non concessisse, quanvis expresse ea non negasset. Deinde quis audeat dicere ordinem illum causarum, qui partum infantis impedivit, vel in tali tempore & loco natum interemit, non fuisse speciatim, & minutim à Deo præstitutum, & ordinatum ? Nam si ex duobus passeribus qui assè vaneant, unus ex illis non cadet in terram sine patre vestro ? Matth. 10. Quis asserat aliquos parvulos, aut in utero materno, aut extra sine Dei providentia ita ordinante interire ? Cum enim omnium rerum & eventuum præter peccatum Deus sit author, voluntate & providentiâ suâ negari inquit mortem infantis ne*

*in utero, vel extra tali loco, & tempore ab eo fuisse præfinitam non solum permittente & sinente agere causas, sed etiam ordinante & volente. Quare non dubito manifestè eos falli qui hanc seriem causarum Divinæ permissioni, non voluntati & ordinationi adscribunt. Et paulò pòst n. 8. Censeo, inquit, priorem fuisse in Deo voluntatem, negandi remedia, & ad hoc causas naturales disposuisse: & absolute cum Augustino pronuntiat, Deum non solum non voluisse salvari hos parvulos, sed noluisse: & solvens quem sibi c. 1. opposuerat locum Pauli 1. Timoth. 2. Deus vult omnes homines salvos fieri, cum altero 2. Reg. 14. Ait Duo scripturæ testimonia ex quibus colligimus Deum primaria & antecedenti voluntate desiderare omnium salutem de adultis solum intelligenda sunt. Sunt verò ea quæ nunc adduximus. Non negat tamen Vaf. quez Christum pro iis mortuum esse, imo affirmat n. 11. & rectè: quemadmodum nos infra dicemus.*

*Eò hæc attuli ut pateat quanto jure Pontifex censuram intra illos terminos continuerit: nam si extenderet ad omnes, etsi hanc sententiam negantem univer'salem Dei voluntatem & Gratiâ ex ea communem non dânnaret, occasionem præberet iis qui existimant pro quibus Christus sit mortuus, iis Auxilia illa ex ea voluntati generali præstò esse debere dicendi. contrariam Augustini, & tot Patrum & doctorum sententiam condemnari. Ac id ipsum Arminiani ac Remonstrantes avidissimè arriperent, ut Augustino ejusque discipuli, quorum*  
*jurati*



jurati sunt hostes, exprobrarent. Quod omnino cavendum fuit. Nam *Arminius* quo nullum acriorem Semipelagianum, neque acrociorem Romani Pontificis hostem fuisse lego, dum suam ex meritis prævisis opinionem Prædestinationis tuctur, generalem illam & voluntatem & Gratiam ita asserit, ut *Augustini* utranque negantis, sententiam refutet, dicatque eam esse omnibus Protestantium Ecclesiis contrariam, quemadmodum habet in Declaratione suæ sentent. & in Examine Prædestin. *Perkins.* ubi ait: locum *Pauli: Deus vult omnes homines salvos fieri* universaliter esse accipiendum: & opponens sententiam *Augustini* aliter exponentis *Non stamus*, inquit, *illius Authoritate.* Hanc igitur ille abusus Decreto Pontificio irrideret, ac cum eo Remonstrantes, qui in Synodalibus suis thesibus *Augustini* sententiam impugnant: nec minus *Augustino*, contra Ecclesiam Romanam sentienti, quam Pontifici Summo *Augustinum* in ea sententia proscribenti (sic enim apud se rem fingerent) insultarent.

Præterea noluit Pontifex (cum posset) definire absolutè, & universaliter *Christum pro omnibus mortuum esse*: fortè respiciens ad Ecclesiam Lugdunensem & Concilium Valentinum, & Lupum Servatū ac illius temporis Catholicos Doctores, qui sanè dubitarunt, An mortuus esset pro Infidelibus, iis præsertim qui in profundissima merse barbarie parum certè à pecudibus distant, & ferino more vitam degunt.

Qui non modo nullâ Christi Redemptoris, sed

ne Dei quidem Conditoris sunt luce perfusi: atque adeo idola tantum coluerunt, & plusquam cymmeriis oppressi tenebris perierunt. Quorum certè, multorum judicio, par penè ac infantium quibus applicari baptisma non potuit, habenda est ratio: & sanè ante natum Christum & Apostolorum ad gentes missionem, quot hujusmodi extitisse putandum est? cum post eum tot seculis natum exploratis à Lusitanis Hispanisque Indiis inventi fuerint barbari, qui faterentur nunquã de Fide Christi, imo nec Animæ immortalitate, saluteque æterna, ac ne de Deo quidem uno quicquam inaudisse. Quorum multi adeo à ratione, habituque humano abhorrebant, ut eos Hispani, homines esse negarent, & in pecorum numero haberent, uti ex Historiis constat: nosque in *Philippica* & Propugnaculo Lusitano Gallico narravimus. In quos qui intueatur, eorumque ignorantiam, & cæcitatem attentius consideret, & nobiscum qui in media Fidei Luce versamur, conferat, comperiet, quantum inter nos & eos Deus voluerit interessè: ac inde colliget eos, præ nobis, abjectos quodammodo, & derelictos videri: ita ut ægrè apud eos Auxilia sufficientia inveniri queant. Nam quid quæso Auxilij Gratiæ suppetit iis, quibus nulla unquam lux Fidei irradiavit? qui semper idola coluerunt, qui nihil nisi præsentia & caduca cogitarunt, qui bestiarum more obtuso rationis lumine in sylvis agunt, truncis quàm hominibus propiores? Equidem sæpe ego mecum ista ac seriò agitans, & cogitata cum aliis qui inter

eos vixerunt, & apud eos Evangelium prædicarunt conferens, reperi, multos sine ulla Dei non modo Servatoris, sed etiam Conditoris notitiâ vitam transigendo mortuos fuisse; ad quos certè nescio per quas rimas Lux supernaturalis Fidei, sine qua salus esse non potest, penetrâvit? Sanè si æquitas & misericordia Dei volentis omnes homines salvos fieri causa est dandi omnibus gratiam sufficientem, quomodo in ea danda ut tanta diversitas est, nobis Catholicis tantum, tam parum hæreticis, tantò minus Judæis, & Mauris, tam penè nihil barbaris gentibus concedatur: ut cum hac tanta diversitate vix illa æquitas possit consistere, imo in hac ipsa comparatione judicia potius Divina, quàm misericordiæ locum vendicent. Nam cum omnes pares Naturâ simus, cur tam gratiâ dispares erimus? ut nos Luce uberrimâ perfusi in medio Sole versemur, illi densissimis obruti tenebris in altissima nocte caligent. Quod si nos cum nostris Auxiliis sufficientibus proximis & expeditis à salute deficiamus, quomodo illi cum remotissimis ac impeditissimis ad eandem nitantur? aut quomodo erunt sufficientia, quæ tantum distant à nostris sufficientibus? Certe existimo si nos hæc illis barbaris diceremus, primùm eos non intellecturos; deinde cum intelligerent, nos quodammodo irrisuros, quòd ejusmodi auxilia satis suis majoribus fuisse ad salutem æternam consequendam diceremus: imo & de Deo qui pares eos natura nobis fecisset tamque dispares gratiâ esse voluisset, conquesturos. Satiùs erit ad Peccatum Origin-

nale, quod est privatio totius gratiæ, quod illi contraxerunt, cui alia saltem venialia addiderunt cum Augustino recurrere, ad judicia Divina iusta, sed occulta provocare, & cum Paulo exclamare. *O altitudo divitiarum!* & *O homo tu quis es qui respondeas Deo?* ac exemplo Figuli inspecto obmutescere: & gratias Deo agere quòd tam nos ab iis distare voluerit, quos si eâdem luce perfunderet, eâdem flammâ accenderet, multò nobis melius vocanti Deo responderent.

Non eò hæc dico, quòd aut omnino negem barbaros omni prorsus Auxilio destitui: aut *Christum pro illis mortuum esse*, nam hoc secundum affirmo: primum in medio relinquo: sed ut rationem reddam, cur Ecclesiæ Lugdunensi visum sit difficile concedere: Christum pro infidelibus mortuum fuisse: & cur Summus Pontifex Dominus Noster Innocentius tantum definire voluerit *Christum non pro salute tantum Prædestinatorum mortuum fuisse*: de cæteris iudicium suum sustinuisse. Maneat igitur Authore Pontifice non errare qui dicat *Christum pro omnibus hominibus mortuum esse & sanguinem fudisse*: errare autem, & blasphemare qui dicat *Christum pro salute duntaxat Prædestinatorum mortuum esse*: cum id dicere hæreticum sit. Illud sub iudice adhuc & indecisum manere: Erret ne qui dicat: *Christum pro quibusdam hominibus (puta parvulis, quibus nullo modo potuit applicari baptismus, & infidelibus in media barbarie mortuis) mortuum non fuisse*.

De qua ego propositione ità sentio: cum Vasquez



quez 1. p. d. 96. c. 3. Christum pro omnibus omnino hominibus ne illis quidem exceptis mortuum fuisse: etiam supponendo eos nullum beneficium & auxilium gratiæ accepisse: nec id ad veritatem illius propositionis necessarium esse. Hoc autem verbis Vazquii dictum volo: extendendo ad infideles quod ille ad parvulos tantum restrinxit.

*Caterum tribus de causis dicere possumus Christum pro omnibus mortuum esse, qui tamen pro Dæmonibus mortuus non dicitur; primò quia communis causa erat, horum Parvulorum & Infidelium, & omnium hominum ob quam venerat, & pro qua oravit, extra quam Dæmones omnino erant. Secundò quia justè & piè credimus Christum non expressè denegasse ullis Parvulis & Infidelibus meritum suum, & à fructu sue Passionis apud Patrem eos exclusisse, sicut Dæmones rejecit. Tertiò, quia non minus piè affirmare possumus Christum voluntate simplicis affectus omnibus Parvulis & infidelibus nemine excepto etiam post peccatum primi parentis salutem desiderasse, sicut sibi ipsi vitam concupivit: atque ita pro omnibus orasse ut salutem consequerentur, sicut pro se, ut liberaretur à mortè; sed cum ea conditione, quam orationi pro se facta adjecit, verum tamen non mea voluntas, sed tua fiat.*

Hanc sententiam Vasquij hisce verbis conceptam & propositam paucis mutatis integro sensu in mea ego Cortina antequam in Vasquium inciderem secutus fueram: est que illa ex Augustino & Prospero desumpta: nec mirum est me quoad sensum eorum cum Vasquio convenisse: illud mihi gratulor

Chriſtus in horto mortem uti homo exhortuit, & mori  
 certè ſimplici affectu *voleitatem* putà, noluit; Sed ef-  
 ficaci voluntate ad Patris ſc voluntatem accommodante  
 mori voluit: quæ duplex quodammodo voluntas ſibi  
 ipſi contraria, ſecumque pugnans fuit: adeo ut ipſemet  
 Chriſtus dixerit: *Non mea voluntas, ſed tua fiat. Et*  
*Non ſicut ego volo, ſed ſicut tu.* Quo exemplo indu-  
 cto apparere potuiſſe Chriſtum aliquid velle volunta-  
 te humana quod nolle Divina, opponendo ſe ſibi, &  
 Divinæ: cum tamen Divina ſibi nunquam poſſet op-  
 poni, & pro omnibus mori velle ſimplici quodam af-  
 fectu, quos Pater ne eo quidem modo ſalvos eſſe volu-  
 iſſet: ac poſtea aliâ voluntate efficaci, id tantum quod  
 Patri placeret voluiſſe. Itaque concluſi ſanguinem Chri-  
 ſti pro omnibus oblatum, ſed à Patre non pro omni-  
 bus acceptatum fuiſſe. Atque hoc in Auguſtini do-  
 ctrina, & eorum qui ipſum ſequerentur omnino ſtatu-  
 endum eſſe. Hæc ego tum ante lectum Vaſquium ſen-  
 ſeram: nunc quòd cum eo ſenſerim gaudeo, & tutiorem  
 me à multorum argumentis eo patrono, fore ſpero: nam  
 qui mihi locum Pauli *Deus vult omnes homines ſalvos*  
*fieri* & generalem erga omnes voluntatem objiciat: objici-  
 et & Vaſquio *parvulos* ab ea volūate excludēri. Qui *Aux-*  
*ilium Gratia ſufficientis univerſale* ac nemini proſus  
 negatum opponat, opponet & Vaſquio qui negat ullo  
 modo Parvulis cui baptiſmus applicari non potuit,  
 dari, imo ait à Deum dari noluiſſe. Qui contendat ſub-  
 latâ eâ voluntate ſalvandi, & Auxilio univerſali Chriſti  
 • generalem Redemptionem tolli, is non modo mecum &  
 cum Vaſquio, ſed cum Auguſtino & Proſpero & tota  
 Q Auguſtini

Augustini schola contendet : non enim necesse est ut *Christus pro omnibus mortuus sit* & dicatur, Deum voluisse salvare omnes, & omnibus Gratiā obtulisse sentire, & dicere. In eo ego à Vasquio dissentio, quòd ille Augustinum ex parte sequatur: ex parte deserat, & quidem inurbanè deserat: ego verò integer ex integro Augustinum sequar, cui tam me dedidi, ut ab eo separari nec velim si possim, nec si possim velim.

Quæret hic tamen aliquis opportunè Quæ Augustini mens super hujusmodi quæstione fuerit? & An Censura Pontificis ei omnino respondeat? Egissem nunc de ea pluribus, nisi in mea Cortina id ante exactissimè præstitissem. Breviter tamen dicam & novè quæ in rem sint. Igitur Thesi ultimâ 100. de Augustini doctrina statui: mentem ejus esse Christum pro omnibus nemine excepto hominibus mortuum fuisse: quanquam aliter pro Prædestinatis, aliter pro Fidelibus Reprobis, aliter pro infidelibus & Parvulis mortuus fuerit. Cujus et universalis Redemptionis, et diversæ illius applicationis in probatione Thesīs rationem attuli: quæ similis est omnino ei, quam proximè adduxi, & Vasquij testimonio confirmavi. Et quidem Augustinum Authorem esse, Christum pro omnibus mortuum fuisse multis ibi locis probavi, quibus nunc abstinco: & tantum novè animadverto qui Augustinum legat ab eo plures compertum iri locos in quibus docet Christum pro Prædestinatis mortuum esse, ac pro iis sanguinis sui pretium fudisse, ita ut alios non Prædestinatos videatur excludere. Qui loci & *Jansenium* fefellerunt, & alios fallere item poterunt. Hunc ego nodum solvere statuo, non eā vulgari destinatione Sufficiētiæ

cientiæ, & efficaciæ, nimirum ut pro Prædestinatis quoad Efficaciam tantum sit mortuus: quæ cum ad alios non pervenerit; eo sensu nec mors ad illos visa est pertinere. Quem dicendi modum non improbo: Sed minus video ab Augustino expressum. Eo igitur retento, addo alium ex assidua lectione, & accuratissimâ totius hac de re doctrinæ consideratione depromptum. Augustinum cum restringit Redemptionem ad Prædestinatos agere de secunda illa voluntate Christi jam Efficaci, & supponente voluntatē Patris acceptantis oblatum pro universis Christo sanguinem, pro solis Prædestinatis, cui Christus voluntatem suam accommodavit: Nam iis in locis jam loquitur Augustinus de Prædestinatis ut tales sunt, dati à Patre Christo ut pro iis tanquam Electis à se moreretur. Pro quibus aliter Christus mori non poterat, nisi prout Electi erant, atque adeò Prædestinati: et à cæteris discreti. Et hac quidem ratione fatendum est in Augustini doctrina, Christum suâ secundâ & efficaci voluntate Patri conformi, pro Prædestinatis mortuum esse, quæ se voluntas præcisè ad alios non extenderet. Qui modus eodem videtur cum illo primo et vulgari de efficaci Redemptione recidere; nec id inficior, sed ille rem spectat: hic meus voluntatem, et originem et fontem continet: unde illa Efficacia emanavit. Quod autem Christus habuerit voluntatem salvandi omnes homines, et pro iis omnibus Patri pretium sanguinis sui obtulerit, sæpe docere Augustinum eo Cortinæ loco monstravimus. Unum vel alterum testimonium nunc afferemus perspicuum, ejus universalis Christi erga omnes salvandos homines voluntatis.



Primum esto Celebris illa Augustini in Joannem sententia : *Quantum in Medico est sanare venit egrotum.* Ecce voluntatis Generalis signum : *Quantum in Medico est.* Respondet huic loco de Medico alter de Medicina lib. de Agone Christiano c. 11. *O Medicinam, inquit, Omnibus consulem.* Viden, ut eam voluntatem Remedium Generale sequatur : ut et voluerit Medicus omnes sanare et omnibus medicinam consulere? Alterum esto : Illa inerepatio l. de Symb. ad Cathecum. c. 5. quæ universalitatem continet. *O monde immonde, venit qui te redimat, & turbabis?* Et hanc tu vis perdere quando ille te disposuit liberare? Ad eam mundi partem ista pertinent, quæ Reprobos Universum continet: ac ex iis constat Christum omnes liberare voluisse, ac disposuisse. Qui loci nullam patiuntur expositionem: quam alij qui afferri solent ferre possunt, cum de Reprobis aut Fidelibus, aut qui credere potuerunt exponi possint.

Quod autem Author sit Augustinus Christum pro omnibus omnino excepto nemine hominibus mortuum esse, certum et constans est. Ac omnis aliis quæ ad id probandum adduximus in Cortina testimoniis, unum tantum ex iis afferre volo, quod sole ipso clarius est, quod etiam tunc attuli antequam apud alios Authores invenissem: et postea reperi ab Antagonistis Jansenij maxime celebrari, et ante me invenisse Guilielmum Estium, cum eum multò post editionem Cortinæ legissem, deprehendi. Libro igitur 6. contra Julianum instituit Augustinus densam et accuratam disputationem de

de Peccato Originali. Utrum contrahatur ab omnibus Filiis Adæ, quod negabat cum Magistris suis Pelagio ac Celestio Julianus. \* Præcipua de Parvulis contentio erat, qui quod in ea ætate incapaces et motuum concupiscentiæ, et peccatorum sint ac ipsâ innocentia commendabiles reponerentur à Pelagio et Pelagianis in eodem statu innocentia quem habuit Adamus ante peccatum. Augustinus ut istum errorem confutaret, ac probaret eos quoque illo peccato inquinari, adhibet illum *Pauli* locum *Rom. 5. n. 8.* *Commendat autem Charitatem suam Deus in nobis, quoniam cum adhuc peccatores essemus Christus pro nobis mortuus est.* Sed quia *Julianus* negabat eo loco *Parvulos* comprehendere, quia terminari non erant generales, et *Paulus* tantum dixerat *Pro nobis mortuus est*, scilicet *Adultis* et Peccandi capacibus, advocat Augustinus alium locum ex *Epist. 2. ad Corinth. c. 5. n. 14. et 15.* *Quoniam si unus pro omnibus mortuus est: ergo omnes mortui sunt, & pro omnibus mortuus est Christus, ac ex eo hoc efficit argumentum. Paulus dicit Christum pro omnibus mortuum esse. et istos omnes mortuos esse: id est Peccatores.* Sed inter istos *Omnes parvuli* etiam numerantur; nam terminus *omnes* neminem excipit: ergo si Christus mortuus est pro omnibus: mortuus est etiam pro *Parvulis*: et cum omnes pro quibus mortuus est, *peccatores* sint, sequitur *Parvulos peccatores* esse, non adu, ergo *Origine*. Hæc est argumentatio Augustini tota nixa eo quod *Christus* pro *Omnibus* omnino, nemine excepto, *hominibus* mortuus est. Quod tam certum ac finnum in Fide putavit ut tanquam infallibile.

Principium assumpserit ad probandum illam conclusio-  
nem de Fide *Parvulos* Peccatum originale contrahere.  
Hoc autem argumento utitur Augustinus hoc lib. 6.  
sæpe. cap. 1. et 4. et 5. et 12. et 13. Illud autem volo  
proponere quemadmodū habet lib. 6. c. 1. non 4. quomodo  
citari video à Moraines et *Thoma* Augustino, imo et  
ab Estio, etsi enim c. 4. idem re sit Argumentum, For-  
mula tamen ejus quam afferunt, non est in eo cap. 4.  
sed in 1. ad med. non eo dico quod existimem eos sc-  
ctari rivulos omittere fontes, sed ne quis minus in Au-  
gustino versatus locum inquirens, nec inveniens eo cap. 4.  
dubitet de fide vel Augustini, vel authorum atque adeo  
locum prætermittat.

Igitur Augustinus c. 1. lib. 6. contra Julianum. *Ex*  
*istō*, inquit, capite quod agitur consideremus ubi ait: Com-  
mendat autem suam Charitatem Deus in nobis quoniam  
cum adhuc peccatores essemus Christus pro nobis mortu-  
us est. Hoc tū, dictum exceptis parvulis vis putari.  
Ubi si abs te quæram si non sunt inter peccatores habendi  
quomodo pro eis mortuus est, qui pro peccatoribus  
mortuus est? Respondebis: non pro solis peccatoribus  
mortuum, quanvis sit etiam pro Peccatoribus mor-  
tuum. Quod quidem nusquam legis in Divinis Au-  
thoribus mortuum scilicet esse Christum etiam pro eis  
qui nullum habuerunt omnino peccatum. Sed attende  
quàm validis testimoniis urgearis. Tu dicis etiam pro  
peccatoribus mortuum, ego dico non nisi pro pec-  
catoribus mortuum: ita ut respondere cogaris si nullo  
peccato parvuli obstricti sunt non esse pro Parvulis  
mortuum. Dicit enim ad Corinthios. Quoniam unus  
pro omnibus mortuus est. Ergo omnes mortui sunt: &  
pro

pro omnibus mortuus est. Nullo modo hic negare permitte-  
ris, non nisi pro his qui mortui sunt mortuum fuisse  
JESUM. Quos igitur hoc loco intelligis mortuos ?  
Nunquid eos qui de corpore exierunt ? Quis ita desipi-  
at ut hoc sapiat ? Eo modo itaque intelligimus mortuos  
pro quibus omnibus unus mortuus est Christus : quomo-  
do alibi dicit. Et vos cum essetis mortui in delictis &  
præputio carnis vestræ, vivificavit cum illo. Ac per  
hoc unus, inquit, pro omnibus mortuus est : ergo omnes  
mortui sunt : ostendens fieri non potuisse, ut moreretur nisi  
pro mortuis. Ex hoc enim probavit omnes mortuos esse,  
quia pro omnibus mortuus est unus. Impingo, inculco,  
inferci, recusanti. Accipe, salubre est, nolo moriaris.  
Unus pro omnibus mortuus est, ergo omnes mortui  
sunt Unde quia consequens esse voluit ut intelligantur  
omnes mortui si pro omnibus mortuus est. Quia ergo  
non in corpore, restat, ut in peccato esse mortuos omnes, si  
pro omnibus Christus mortuus, nemo neget, nemo dubi-  
tet, qui se non negat, aut dubitat esse Christianum.

Tam est manifestus hic locus, ut Solem è mundo tol-  
lat, qui neget eo probari Christum pro omnibus pror-  
sus hominibus excepto nemine mortuum esse. Quid  
si Solis instar locus hic est, miror quomodo cum Jan-  
senius non viderit, & toto Sole ac Cælo in Augustino  
aberrarit : cum præsertim toties in hoc libro 6. cum in-  
culcet. et lib. 20. de Civ. Dei. c. 6. inducat; quem admo-  
dum Estius, apud quem illum invenire poterat, com-  
mentariis in Epist. ad Corinth. observavit. Maneat ergo  
Augustino Authore Christum pro universis hominibus  
mortuum fuisse. Eandem esse Prosperi, ac cæterorum  
Augustini



Augustini discipulorum sententiam, et ego in Cortina monstravi, et Antagonistæ *Jansenij* accuratè demonstrant.

Superest Clausula Constitutionis Pontificiæ, quæ hujusmodi est.

*Non intendentes tamen per hanc declarationem & definitionem super prædictis propositionibus factam, approbare ullatenus alias opiniones, quæ continentur in prædicto libro Cornelij Jansenij.*

Adversus *Jansenio* videtur hæc Clausula, nam dum ait, Pontifex *Nolle se approbare* significat aliqua in eo esse improbanda: ac idcirco maluit dicere *nolle approbare*, quàm *nolle Reprobare*. Ego ita sentio, eâ formâ prudentissimè usum Pontificem, quæ rem in medio relinqueret, et suspensionem sustinentis judicium indicaret: nam si aliter Pontifex diceret, videretur *Approbare* reliqua, quod sanè nolebat Pontifex, qui judicium continere suum, ac id significare volebat, ad id autem apta non erat illa phrasis *Non intendentes Reprobare*: nam tunc probare videretur, quod omnino indecisum manere volebat, cum autem dixit, *Non intendentes approbare*, rem in eo statu in quo erat, id est in medio reliquit: inficiari tamen non possum minus favorabiliter egisse Pontificem, ita dicendo cum alio modo posset dicere judicium velle se suum sustinere: cum præsertim alia impingerentur ab Antijansenianis: quæ adhuc examine videntur indigere. Atque id ego existimo innuere Pontificem: Superesse, quæ examinari adhuc et ad trutinam revocari possint: ac idcirco ea nolle approbare: nam iis approbatis, nihil omnino ambiguum superesset.

Quæ

Quæ autem & cujuscumque illa sint non est meum dicere: nec si ad me attineret, dicere possem, qui hætenus (ita me Deus amet) *Jansenij* exactâ lectione abstinui: tantum pauca quædam occasione hujusce controversiæ & judicij Legi: cætera ex aliis, id est, Antagonistis ejus agnovi. A quibus certè improbari video quædam, quæ omnino Augustini sunt: idque sum paratus si liceat, monstrare, non meo solum, sed summorum Societatis J E S U Theologorum judicio; apud quos Augustinus magnum habet pondus autoritatis. Cur autem ego *Jansenium* legere ex professo noluerim, sæpe aliâ dixi: quod cum assiduâ lectione Augustini mentē inquisissem, & in commentarios antequâ *Jansenius* lucem videret, id est Anno MDCXXXVIII retulissem volui eam incorruptam, uti apud me conceperam, conservare, ac ita feci donec eam in lucem edidi. Postea cum ea jam curâ liber essem, pauca quædam *Jansenij* legi, ac iis ex eo et aliis hinc inde collectis, & cum meo Augustino Collatis comperi, in nulla harum quæ à Pontifice damnatæ sunt Propositionum me cum *Jansenio* convenisse: itaque & eas ego antè contrariis assertis in mea Cortina improbaram, & nunc damnatas à Pontifice, ipso etiam Augustino judice, ex animo & verè condemno. Cujus ego Sanctissimi Patris doctrinam, ita opinor tum proposui, & nunc defendo, ut nihil in ea, quemadmodum à me proposita est, ac defenditur esse à mente Augustini alienum, & à Romanæ Ecclesiæ sensu abhorrens adversus quoscunque qui impugnare volente, certissimis argumentis demonstrarem. Itaque Augustinianus sum, id est, omnino Catho-

Icus & Romanus sum: idque non *Romæ*, sed *Londini* tellor profiteorque.

Et quoniam video jam pridem in Ecclesia Dei *Jansenianos* malè auctore, operæ pretium duco, qui sint *Janseniani*, & quatenus, examinare, ne cui innocenti ea nota immeritò inuratur. Quod maxime cavendum est iis, qui Antejanseniani sunt, qui dum *Jansenium* ejusque librum ex integro proscribi & condemnari volunt; si quis paulò mitius agat & moderari sententię velit, cum continuò *Jansenistam* appellanti, & in invidiam vocant, & Ecclesię suspectum reddunt. Quod certè sine ingenti piaculo fieri nequit. Igitur is *Jansenianus* erit, qui totam *Jansenij* doctrinam sequatur, non qui cum eo ex parte consentiat modò, quæ in eo sana sunt & tuta amplectatur. Nam & ipsi adversarij in multis, opinor, cum eo consentiunt. Si quis hodie Quinque has Propositiones à Sanctissimo Domino Nostro Patre Innocentio X. damnatas probet & sectetur, is quidem non modo *Jansenianus*, sed Hæreticus est, atque multò *Jansenianis* & *Jansenio* ipso deterior: cum hic dogmata omnia sua judicio Sedis Apostolicę subjecerit, illi ejus censuræ refragentur. Qui hujusmodi Censuram admiserint, easque Propositiones verè ac ex animo ejurarint, anathematizaverintque, parati, si quid circa reliquas à Pontifice Romano decernatur, accipere, & venerari, ij profecto non *Jansenistæ* sed Catholici Romani sunt.

De aliis qui solà opinione judicij in causa *Jansenij* *Janseniani* existimantur, et quia minus in eum poenę statuunt ejusdem criminis rei fiunt, ego sic judico. Non magis

magis eos culpandos esse, quàm eos iudices, qui in conventu, causâ aliqua capitali ad judicandum propositâ mitius censent, quàm cæteri, qui gravius animadvertunt. Omnes enim judicant puniendum crimen, sed de Poena statuenda dissentiunt. Atque ut mentem meam candidè exponam, quid & ante senserim, & modò sentiam, aperio.

Distingui oportet inter *Jansenium*, librum, & Propositiones. Tum ego ita judico.

Propositiones quæ sint (uti jam esse constat) Hæreticæ Proferibuntor, Damnantor. Zizania sunt. Palmites sunt, in *Christo veritate* non manentes, Evelluntor, Comburentor:

*Liber* expurgator: ac expurgatus permittitor. Ne cum Zizaniis eradicetur simul & Triticum: ne propter arida sarmenta pereat vitis.

Persona *Jansenij* in tuto esto. Nam in gremio Catholicæ Ecclesiæ vixit, & obiit. Communionis Catholicæ Episcopus est. Se & opus suum vivens Romani Pontificis judicio subjecit, idque Testamento Scriptum reliquit. Eo mortuo liber lucem vidit. Contumax vivus non fuit, mortuus esse non potest.

Ita me distinguere ac judicare docuit Deus, & Patres. Deus in Rubo Exodi 3. medius, ita dividebat flammam in innocuo trunco, ut spinas ambureret *Rubus ardebat & non comburebatur*. Ardebat in spinis. In Rubo lucebat. Erat enim ibi vox Domini intercidentis flammam ignis. Psal. 28: ut lux ad truncum, ardor ad spinas pertineret. Perinde ac juxta Clementem Alexandrinum in Protrept. ad Rubum diceret. *Quâ obedieris lucem: Quâ non obedi-*



*eris ignem.* Et quidem cum Ambrosio lib. 1. Spir. Sanct. *Eo mysterio figurabatur, quod Dominus spinas nostri corporis illuminaturus adduxerant: non consumpturus ærumnolos, sed mitigaturus ærumnas.* Durus est & asper in opinando *Jansenius*, Rubus est, sed ita in eum sæviat Pontificius ignis, in Spiritu Sancti Fornacibus accensus, ut amburendo spinas, consumat ærumnas non ærumnosum. Fateor mihi me ingenio esse: & in hac Arena libentiùs dicere *Parce ferro*, quam *Recipe ferrum*. Ita ferire volo, ut servare civem velim. Semperque ea Romani Imperatoris vox ad licetorem elatam altè securim in Rei Prætoris caput vibrantem. *I lector, excide radicem hanc placuit.* Excidentur istæ, extirpentur è *Jansenij* libro: illic Civis Romanus imò & Dux servetur. Si in Amphitheatro Litterario sit qui altius infigat ferrum, & in viscera profundius immergat, is nec me socium, nec spectatorem habebit. Fruatur ille suâ, ego meâ fruar conscientia. Uicunque de me loquantur homines *Mibi*, ut cum Tullio ad Attic. l. 12, loquar: *mea conscientia pluris est, quam omnium sermo.*

Ut autem appareat, quàm ego diversus à *Jansenio* opinando fuerim & quàm Catholicè ante hujusmodi Constitutione & Augustinianæ more senserim volo hisce *Jansenij* Propositionibus damnatis, totidem meas Conclusiones opponere iis omnino contrarias: quas Anno MDCXXXVIII conceperam, & in mea Cortina Anno MDCXLVIII edideram, uti ab Augustino hauseram: antequam *Jansenium* viderem.

Et quoniam de objecto primæ non egi, quia nunquã in *Augustino* inveni, quid *Jansenio* ita opinanti favere posset:  
imo

imo semper mandata esse possibilia cum Gratia Dei ex Augustino judicavi: incipiam à secunda.

Secunda Jansenij.

*Interiori Gratiae in statu naturæ lapsæ nunquam resistitur.*

Damnata.

Huic duæ nostræ Conclusiones contradicunt.

L I.

Gratia Excitans non solum Efficax, sed Inefficax etiam datur. Et hæc est vera & interior Dei vocatio. Inefficax est \* cui resistitur.

Et LXII.

Acceptâ Gratiâ Efficaci, adhuc voluntas potest, aut sustinere actum, aut oppositum efficere, cum inclinata sit non determinata.

Tertia Jansenij.

*Ad merendum & demerendum in statu naturæ lapsæ, non requiritur in homine libertas à necessitate sed solum à coactione.*

Damnata.

XC. Mea contradictoria.

Vis omnis prædestinans reapse voluntatem ad unam

tantum partem inevitabiliter, totam tollit libertatem ad illam partem, & physicam necessitatem inducit. \* Per necessitatem physicam tollitur omnis libertas.

## Et LXXV.

Gratia Efficax non compellit, nec necessitat voluntatem.

Idem habetur Concl. 70. 71. 72. 73. 80. 86. 91.

## Quarta Jansenij.

*Semipelagiani admittebant Prævenientis Gratia necessitatem ad singulos actus etiam ad initium Fidei. Et in hoc erant heretici, quod vellent eam Gratiam talem esse, cui posset humana voluntas resistere, vel obtemperare.*

## Damnata.

De prima parte non egi. Circa secundam sunt meæ contradictoriæ.

## LXVII.

Gratia Efficax non prædeterminat voluntatem; nec tollit potestatem suspendendi, aut revocandi actum: nec eā posita determinatur per illam voluntas ad actum secundum.

## Et LXXII.

Accepta Gratia Efficaci adhuc voluntas potest aut suslinere actum, aut oppositum efficere, cum Inclinata sit, non determinata.

V. Jan-

## V. Jansenij.

*Semipelagianum est dicere: Christum pro omnibus hominibus mortuum esse, aut sanguinem fuisse. Christus pro salute duntaxat Prædestinatorum mortuus est.*

Damnata.

Mea Contradictoria.

C.

Christus, etsi solis, qui sibi à Patre sunt dati, Prædestinatis ad Gloriam & quibusdam Fidelibus ad Gratiâ temporariâ electis morte suâ profuerit, rectè tamen ob alios respectus mortuus pro omnibus & dici potest, & debet. Nec id uspiam ab Augustino negatur.

Meas

Omnes postea tract. 30. probavi ratione, autoritate, testimoniis Augustini: & antequam *Jansenium* vidissem, hos errores ex ipsomet Augustino improbâbam: uti nunc improbo & condemno.

Augustinianus sum. Qui me *Jansenianum* dicit, **MENTITUR**. Meum hoc qualecunque est judicium, & quicquid hic scriptum est, Sedis Apostolicæ Archiepiscopi Censuræque subijcio.

Quoniam verò nuper in Angliâ Arminiani quidam, cum minùs me nossent, viderent à me *vertibilem* illam suam, & trusatilem ad imperium motumque Arbitrij Gratiâ, acerrimè ex D. Paulo & Augustino confutari,

*Jansenij*



*Iansenianismū* mihi summā injuriā, nullā conscientiā im-  
 pegerunt, & nonnulli ei Catholici à sensu Augustini alieni  
 iis temerè crediderunt: ac eo prætèxto sunt usi, quòd in  
 mea Cortina quinquennio antè in lucem, nomine Augu-  
 stini, edita, *Jansenij* opiniones tradiderim, volo hęc totam  
 Augustini doctrinam, eo modo, quo ibi eam per Princi-  
 pia, Conclusionesque proposueram, fideliter repræsenta-  
 re: ut iis accuratè à quoquam & expensis, & cum *Ian-  
 senij* opinionibus collatis appareat, meam doctrinam  
 non meam, sed Augustini esse, id est, puram, sanam, Ca-  
 tholicam, Romanam: & Arminianos, & qui cum iis de  
 me malè & sentiunt & loquuntur, falli mentirique.  
 Poteram ad alterum marginem Authores Theologos,  
 qui singulas conclusiones totidem Augustini sententias  
 esse confirment, referre, sed omitto; tum quòd in mea  
 Cortina Tract. 3. id præstiti. tum quòd temeraria Armini-  
 anorum Cenforum judicia expectanda duco, ut iis prola-  
 tis, ego contra prodeam, & productis Authorum qui  
 mecum sentiunt testimoniis, quot ea fuerint, tot im-  
 pudentibus colaphos impingam.

Oracula

# ORACULA A D. AUGVSTINO EDITA.

## I. PRINCIPIUM.

**I**Ncarnationem Verbi Divini, non nisi in remedium peccati, aut præfinitam, aut institutam.

I.  
Lib. 1. de Peccat. mer. & rem. c 26  
27. & 28. Psal. 36 circa med. serm. 8.  
& 9 de verb. Apost. ep: 45. l de Ago:  
Chr: c 10. & 11. serm. 14. de tem-  
pore.

## II.

Prædestinationem absolutam, esse electionem quorundam efficacem ad Gloriam: ex sola Dei misericordia, præ aliis in communi massa damnata justè derelictis.

## III.

Peccatum Originale universam generis humani massam corrupisse, illamq; omni prorsus jure ad Gloriam, Gratiamq; privasse: ut satis esset illud ad universorum damnationem, nisi Deus liberè, ac misericorditer quos vo-

II.  
Lib. de Prædest. sanct: c 5. & 9. & 2  
lib: de Bono Persev c 8 & 15. ep 805  
l de expos. ep: ad Romam: ep: 142.  
lib 13 de Trin. c 11. In Psal. 30. tract.  
86. in Joan serm: 16. de verb: A1 ost:  
lib de Peccat: mer: & rem. 1. c 22. l  
de nat: & Grat: c 8 lib de Cor & Gra.  
à c 5. ad 9 lib: de Grat. & lib. arb. c  
ult lib. 2. cont. 2 ep. Pelag. c 7.

## III.

Lib. de nat: & Grat: c 5. lib 2. de  
Grat. Chr: c 1. & lib. 2. de nupt. &  
conc: c 9. lib 11. de Gen. ad lit. c 30.  
& lib. 21. de civit. c 12. Psal. 31. lib. de  
Trin. 13 c 16. l 12 ep 4. ad Simpl q 2.  
lib: de præd. sanct c 9. & 14. li: de Bono  
persev. c 8 & 12 In Enchir: c 95 98.  
& 99. Epist 105. 106. & 157 l  
de Cor. & Grat. c 7. & 10.

S

luit

# GERMANÆ THESES

Item: 14 de temp.

luit liberare voluisset.

IV.

Lib. 2 de Peccat. mer. & rem. à c. 22 & l. de Prædest. sanct. c. 3 l. 2. de nupt. & c. 9 & 24. & 29 l. de Fid. & symby. c. 10 & l. 22 cont. Faust. c. 7. & 8 l. 5 cont. Julian. c. 3. & de verb. Apost. serm. 2 l. de nat. & Grat. c. 43. & 67. lib. 12 de Trin. c. 11. & l. 13. c. 12 & l. 14. c. 17. l. de Gr. Chr. à c. 37. Vide concl. 34.

I V.

Naturam in statu ruinæ, non solum in integritate & justitiâ spoliatam, sed pronam, & inclinatam in peccatum mansisse, retentâ libertate, sed æquilibrium arbitrij amisso.

V.

Lib. 1. de Peccat. mer. & rem. c. 18. & perspicue c. 28 & l. de nat. & Grat. l. 4 cont. Julian. c. 3. c. 2 Epist. 28. & 45. & 52 l. 13 de civi. c. 24. & l. 22 c. 1 & 22. l. 3 de peccat. mer. c. 2 l. 2. de nupt. & conc. 8 l. 3. cont. 2. Epist. Pelagian. c. 5 l. 1. Retr. 1. 9. serm. 6. Homil. prædica verbum & serm. 181. de temp. serm. 14. de verb. Apost. lib. de Grat. & lib. arb. c. 3. & perspicue lib. 1. de orig. anim. ad Renat. c. 9.

V.

Non esse post mortem statum æternum in extremo iudicio medium inter Beatitudinem, & damnationem, nec locum inter manum dexteram, & sinistram.

VI.

L. Retr. 1. c. 9. & 23. l. 9. Conf. c. 6. Ep. 105 109. l. 2. de Grat. Chr. c. 22 & 24. l. 4. de Trin. c. 1. & 14. c. 15. & ep. 52. & 59. & 89. tr. 7. in Joan. de spir. & liti. c. 28. lib. 13 de Civit. c. 19. l. de nat. & Grat. c. 4. & lib. 2. de grat. Chr. c. 24. l. de Prædest. sanct. c. 14. in Psal. 10. & 30. & 31. & 49. & 144. tr. 3. in Joan.

VI.

Gratiam Donum omnino Dei liberum, & Gratuitum esse: omni præciso ad naturales actus respectu.

VII.

Fidem esse Ostium ad Gratiam:

VII.

Lib. 4. cont. Jul. c. 3. serm. 13

cui

# DOCTRINÆ AUGUSTINI.

cui adulto nulla prorsus lux, aut irradiatio Fidei detur, ei nullam Gratix copiam fieri.

## VIII.

Gratiam in statu iustitiæ diversam esse à Gratia status ruinæ, atque hanc illâ multo potentior.

## IX.

Gratiam vi suâ efficacem esse, ac verè & physicè in voluntatem influere, delectare, movere, inclinare, atque adeò semper esse victtricem.

## X.

Positâ Gratiâ efficaci, libertatem non auferri, imo donari & stabiliri, & in bonum augeri: tolli quiddam inclinatum, & serviens: tolli item aliquid indifferens in æquilibrio ad bonum, & malum: sed nihil læsâ, imo constitutâ libertate.

de verb. Apost. & Tractat. in Psal. 31. l. 3. contr. 2. epist. Pelag. c. 5. epist. 60. 95 & 107. Enchir. c. 103. 106. & q. 2. ad Simplic. l. de nat. & grat. c. 9. Psal. 98. & 110. & 118. ferm. 38. de tempore, & ferm. 95. & 124. & ferm. 181. l. de prædest. sancti. c. 8. & 10. & 20. Vide conclusiones 35. ad 43.

## VIII.

Lib. de Cor. & Grat. c. 11. & 12. l. de nat. & grat. c. 43. l. de peccat. mer. & rem. c. 13. & l. 2. c. 19. lib. de Dono Persev. c. 8.

## IX.

Lib. de Corrupt. & Grat. c. 1. 11. 12. 14. lib. 6. cont. Jul. c. 7. & 8. & l. 5. c. 9. & l. 1. cont. 2. epist. Pelag. c. 19. & 20. lib. de Grat. & lib. arb. c. 14. 16. & 20. l. de Bono Persev. c. 6. & 22. l. 2. de peccat. mer. & rem. c. 17. & 19. tract. 4. in Epistol. Joan. l. de spir. & lit. c. 34 & tract. 49. in Joannem, Psal. 57. & 118. l. 1. de Grat. Chr. c. 24.

## X.

Ep. 89. ad Hilar. l. 1. Retract. c. 13. & l. 14. de Civit. c. 11. l. 1. contr. 2. ep. Pelag. c. 2. & 3. l. de Grat. & lib. arb. c. 15. l. de Corrupt. & Grat. c. 11. & 12. l. de Fide & symb. c. 10. in Euchir. c. 30. & 105 & 106. l. 2. de peccat. mer. & rem. c. 19. l. 3. de lib. arb. c. 3. l. de spir. & lit. c. 30 & 34. l. 5. de Civit. c. 9. l. 22. cont. Faust. c. 78. l. de nat. & Grat. c. 66.



# GERMANÆ THESES

Hæc sunt certissima & capitalia Augustinianæ doctrinæ principia: ex quibus proximæ theses deducuntur.

## I. CONCLUSIO.

### *Ex Princ. I.*

I.  
Lib. 1. de Peccat. mer. & rem. c. 26.  
27. & 28. ep. 45. l. de Ag. Ch. c. 10. & 11.  
Psal. 36. circa med. serm. 8. & 9. de  
verbis Apost.

**V**erbum Divinum non incarnaret, nisi præcederet peccatum.

### II.

Lib. de nat. & grat. c. 26. & 31. ad  
36. & l. de Eccles. dogm. c. 28. l. de  
Cor. & Grat. c. 1. & lib. de Grat. &  
lib. arb. c. 6 & 13. l. 6. cont. Julian  
c. 23.

### *II. Ex Princ. I.*

Omnis Gratia Christi est medicina peccati commissi, & virtus evitandi futurum.

### III.

In Enchir. c. 61. lib. de Cor. & Grat.  
c. 11. lib. de Bono Pers. c. 7.

### *III. Ex Princ. I.*

Gratia Angelorum & Adami. in statu recto non fuit Gratia Christi.

### IV.

L. de Trin. 13. c. 17. & ep. 44. & 52. & l.  
10. de Gen. ad lit. c. 18. 13. de Peccat.  
mer. c. 2. & l. de nat. & grat. c. 4. l. de Bono  
Persev. c. 12. l. de Cor. & Grat. c. 2. 8. &  
11. l. de Prædest. sancti. c. 15. Epist. 93.  
& 105. Psal. 65.

### *IV. Ex Princ. I.*

Christus causa meritoria & exemplaris nostræ prædestinationis extitit.

### *V. Ex*

# DOCTRINÆ AUGUSTINI.

## V. *Ex Princ. 2. & 3.*

Prædestinatio absoluta nullis omnino prævisis meritis, imò demeritis prævisis facta fuit.

v.  
Lib. de Præd. sanct. c 6. 14. 15 19.  
1 de Bono Persev. à c 9. ad 12. & cult.  
ad Simpl. q 2. Epist. 105. & 106. in  
Enchir. c 98. 11 de Grat Chr. c 12 &  
13. 1 4. de Trin: c 1 & ep: 52 & 120.  
& 105. 113 de Trin c 11 De exposit.  
epist: ad Rom: 113. de Trin c 16 1 de  
Corr. & Grat. per totum. In Psal. 30.  
& 55. & 65. tract: 86. in Joan serm 16  
de verb: Apost.

## VI. *Ex Princ. 2. & 3.*

Prædestinatio Electorum cum discretionem à derelictis conjuncta.

v 1.  
Ep 46. 12 cont: 2. epist. Pelagian.  
c 7. & 14. c 6 ep 143 & 105. lib: 4.  
cont: Jul. c 8. 1 de Correp: & Grat: c  
7 12. 13. 1 de nat: & Grat cont: Pelag:  
c 5. 1 de Correp & Grat: c 7. &  
10.

## VII. *Ex Princ. 2. & 3.*

Prædestinatio actus misericordiæ: derelictio justitiæ fuit.

VII.  
Lib: de Corr: & Grat: c 7. & 10. ep.  
46. & 12. con: 2. ep. Pelag. c 7. ep:  
61. & 105. 1 de Prædest. sanct. Psal. 31.  
lib. 5. cont: Julian: c 4. & 9. lib: de  
Dono Persev. c 8.

## VIII. *Ex Princ. 2. & 3.*

Prædestinatio primo intuitu affectio, & misericordia, deinde dilectio, mox electio ad Gloriam.

VIII.  
Lib. de Cor. & Grat: c 7. & 12. & 13  
1 de Grat: & lib. arb. c. 18. 11 de Pec-  
cat. mer. c 26. 27 epist. 59. & 120.  
tract. 82. in Joan: 1. 1. de Grat. Chr. c.  
26.

## IX. *Ex Princ. 2. 3. & 4.*

Prædestinationis affectum media Gratia consecuta, & ex eo efficacia destinata.

IX.  
Lib. de Cor. & Grat: c 7. & 8. 1 de  
Prædest. sanct. c 3. & 10. ep 59. &  
120. in exposit. ep. ad Roman. 11. de  
Grat. Chri c. 12. & 12. c 24 & 26. 1 de  
Dono Persev.

# GERMANÆ THESÆ

X.

## X. *Ex Princ. 2. & 3.*

Lib. de Præd: sanct: c 10 & 17. & 18. & 1. de Bono Perseu: c. 7. 8. 14. & 17. l. 2. contr: 2. ep: Pelag. c. 6. lib. de corrept: & Grat: c 7. 9. & 12. l. 5. con Jul: c 3. ad Simpl. q 2. epist: 59. in expol: epist. ad Rom.

Prædestinatio, etsi actus scientiæ supponat, & involvat, propriè in actu voluntatis, quod est propositum, consistit.

XI.

## XI. *Ex Princ. 2. & 3.*

In Enchir: c 95. lib: de Bono Perseu: c 8. 12. 14. 22. & l 2 contr: 2. ep. Pelag. c. 7 l. 4. c 6. ep: 46. & l 5. cont: Jul: c 9. ep. 67. & 843. & lil. 1. de Peccat. mer. & rem: c 26 & 27. l de nat: & Grat: c 25. l de Cor: & Grat: c 7. & 13. & l de Prædest sanct: lib. de Gr: & libero arb: c ult: & l 4. contr. 2. epist. Pelag. c. 6.

Quos Deus non elegit, dereliquit in eo statu in quo erant, ac ea derelictio ex permissione iustissima: quæ est illa, quam *reprobationem negativam* appellant.

XII.

## XII. *Ex Princ. 2. & 3.*

Lib. de nat: & Grat. c 5. & 18. l de Corrupt. & Grat: c 13. l 11. de Gen: ad lit. c 30. ep. 105. l 4. contr: Jul. c 8. & l 5. c 4. & 9. l 2. de Gr: Chr: c 37. l. de Dom: Perseu: c 9.

Derelictionis primæ in massa damnata integra, & adæquata causa peccatum Originale.

XIII.

## XIII. *Ex Princ. 3. & 6.*

Lib. de Ecclesi: dogm: c 32. l de Trin: 13. c 15. l 83. quæst. c. 66. ad Simplic: q 2. & ferm: de verb: Dom: secund. Match. c 7. & in comment. epist. ad Roman: & Epist: 52. l 3. contr: Julian: c 18. l de Præd: sanct: c 12. ferm: de verb: Dom: secund: Joan: 59.

Prædestinationis ad certam Gloriam; uti & Reprobationis ad certam poenam, certorum meritorum, et demeritorum prævisio causa extitit.

XIV.

## XIV. *Ex Princ. 3. & 6.*

Agust: ep. 59. de Præd: sanct: c 8. lib. de nat: & Grat: c 41. Enchir: c 103. ep. 107. lib. 4.

Deus non habuit generalem voluntatem antecedentem inefficacem

# DOCTRINÆ AUGUSTINI.

cacem salvandi omnes: nec is  
sensus est loci Pauli, *Deus vult*  
*omnes homines salvos fieri*, sed tres  
alii quos Augustinus et Prosper  
et Fulgentius tradiderunt.

## XV. Ex Princ. 2. & 3. & 6.

Deus circa electos habuit vo-  
luntatem efficacem: circa quos-  
dam quibus aliquot media inef-  
ficacia præparavit habuit inef-  
ficacem: circa plurimos omnino  
negativè, derelinquendo, se ha-  
buit: nullo actu voluntatis usus.

cont. Jul. c 8. lib: 1. de Peccat. mer: &  
rem: & c 25. & 25. l. 2. de nup: &  
concup: c 27. lib. de Cor: & Grat: c 14  
& 15. l. de Dono Perseu: cap. 12. & 13.  
Prosper epist: ad Rufin. Fulgent: lib:  
de incarn: & Grat. c. 29.

### XV.

In expos. Epist. ad Rom. l de Cor-  
rept: & Grat. à c 7. ad 13. & præcipuè  
13. lib: de Dono Perseu. c 9. & 10. l.  
de Cor: & Grat. c 13. l de Dono Per-  
seu. c 9. & 10.

## XVI. Ex Princ. 2. 3. & 9.

Deus novit futura in statu  
conditionato.

### XVI.

Lib. 1. cont. s. ep: Pelag. c 17. & l. 1. de  
orig. an. ad Renat. c 12 l 2. cont. epist. 2.  
Pzla. c 7. & l. 3 de orig. an. ad Vincen. c  
10. & ad Simpl. q 2. & l de Prædest. sanct.  
à c 12. ad 14. & l de Bon. Perseu. c 9.  
& 10. & l de Corrépt: & Grat. c 8. &  
10. & lib. de vera Relig: c 46. & l de  
Peccat. mer. à c 2. ad 6. & l de Grat.  
& lib. arb. c 23. & l 3. cont. Jul. c 18.  
& 25. & l 1 Retract. c 13. & 19. & l de  
Christ. Relig. contr. Porphyrium.

## XVII. Ex Princ. 3. 9. & 10.

Libera ita novit, ut non in seip-  
sis, sed in connexionem efficaci-

### XVII.

Lib. de Præd. sanct. c 17. c 10.  
l de Corrépt: & Grat. c 7. & 9.  
& 12. l. de Dono Perseu. c. 14.

ratis



# GERMANÆ THESÉS

14. ad Simpl. q. 2. & epist. 106. ad Bonif. l. 1. de Grat. Chr. c. 12. lib. 13. de Trin. c. 16. l. de Præd. sanct. c. 10. & 17. l. de Grat. & lib. arb. c. 4. l. de Corrupt. & Grat. c. 8. & 11. & 12.

## XVIII.

Ex proximè adduct. & ex l. de Corrupt. & Grat. c. 12. & l. 6. cont. Jul. c. 7. & 8. & l. 5. c. 5. & l. 1. Retr. c. 10. & l. de Grat. & lib. arb. c. 15. & 11. de Peccat. mer. & rem. c. 29. & l. de Præd. sanct. c. 18. l. de Corrupt. & Grat. c. 11. & 12. ubi perspicuè c. 12.

## XIX.

Lib. 1. de Peccat. mer. & rem. à c. 16. ad fin. ep. 105. 106. lib. 2. de Grat. Chr. c. 31. Ad Simpl. q. 2. in Enchir. c. 94. l. 2. cont. 2. epist. Pelag. c. 7. De verb. Apost. 5. & 7. l. de Cor. & Grat. c. 7. & 8.

## XX.

Ep. 105. 106. & 157. l. de Corrupt. & Grat. c. 7. 9. 13. ad Simpl. q. 2. in Enchir. à c. 94. ad 100. l. 2. cont. 2. epist. Pelag. c. 7. l. de Bono Persev. c. 8. 9. 12. l. 2. de peccat. mer. & rem. c. 4. & omnino c. 28. & lib. 3. cont. 2. epist. Pelag. c. 4. & l. 2. cont. Julian. c. 5. & præclarè lib. 6. contra eundem c. 19.

tatis auxilij, & Decreti antecedentis, & inferentis actum liberum bonum cognorit.

## XVIII. Ex Princ. 4. & 8. & 10.

Si citra hoc cognosceret, peccatum prænosceret: cum ubi non intercederet victrix, & inclinans Gratia ex vi decreti, actus bonus minimè sequeretur.

## XIX. Ex Princ. 2. & 3.

Peccatum Originale est causa adæquata, & proxima damnationis infantium sine baptismo decedentium.

## XX Ex Princ. 2. & 3.

Peccatum Originale causa item est inadæquata & remota reprobationis (quam vocant positivam adultorum, etiam quando remissum post baptismum, etsi jam reatus illius non remaneat; quòd maneat effectus, & affectio concupiscentiæ, quæ admodum in homine ex consuetudine peccante,

# DOCTRINÆ AUGUSTINI.

cante, remisso peccato manet habitudo, quæ tandem illum ad damnationem perducit.

## XXI. *Ex Princ. 1. 2. 3.*

Sicut per generationem carnis re ipsa traducitur ex Adamo Originale peccatum: ita & per regenerationem spiritus infunditur in animam per Christum verè & intimè sanctificans Gratia.

## XXII. *Ex Princ. 4. & 8.*

Adam in Paradiso constitutus à Deo, rectus, justus, integer, sine vitio animi, sine defectu sensus, sine morbo corporis, summâ pace ac felicitate Gratiæ beatus.

## XXIII. *Ex Princ. 4. & 8.*

Status Justitiæ non erat ignorantia, nec erroris.

## XXIV. *Ex Princ. 4. & 8.*

In Adamo dum rectus, et in Originali justitia fuit, non erat rebellio carnis adversus spiritum, non erat dissidium inter partes inferi-

### XXI.

Lib. 1. de pec. mer. & rem: à c 7. ad 20. & præcipue c 9. & 15. & 25. & 31. & 12. c 7. 8. 20. 25. & 13. c 2. & 1 de Grat. & lib. arb. c 8. l de Na: & Grat. c. 64. lib. 2. de Grat: Chr. c 24. & tract. 124. in Joan. & l 1. de Grat. Chr. c 46. & lib. 2. c 5.

### XXII.

Lib. de Cor. & Grat. c 10. & 11. lib. 1. cont: 2. epist: Pelag: c 2. lib: 13. de Trin: c 3. & l 14. c 10. & lib: 1. Retr. c 10. & lib: 2. de Peccat: mer. & rem: à c 21. ad 24. & l 2. de Gen. contr: Manich. serm. 9. de verb. Dom. secundum Matth. & de verb. Apost. Ser. 2.

### XXIII.

Lib: 3. de lib. arb: c 18. l 1. Retr. c 9. in Enchir: c 16. & l 27. de Civit: c 10. & l 11. de Genes: ad lit: c 30.

### XXIV.

Lib. 1. cont: 2. epist. Pelag. c 2. & 13. l 1. de nupt: & Concup: ad valer: & 2. serm: 2. de verb: Apost. Lib: de Peccat: mer: & remiss. à c 21. ad 25. Lib. de corrept: & Grat. sæpe. Lib: 2. de Gen: ad lit: c 21.

T

ores,

ores, & superiores animæ, non erant pravi motus, non effrenati impetus appetitus, non igniculi concupiscentiæ.

XXV. *Ex Princ. 4. & 8.*

XXV.  
Lib. 2. de Gen. cont. Manich. & 11. contr. 2. ep. Pelag. & 2. & lib. de Cor. sept. & Grat. c. 10. serm. 2. de verbis Apost. lib. 2. de Peccat. mer. & remiss. c. 21.

Donum integritatis, & rectitudinis, quod attinet ad pacem, & concordiam partium animi, fuit quiddam proprium, & habituale, instar juris, et dominij, impressum voluntati erga inferiores appetitus.

XXVI. *Ex Princ. 4. & 8.*

XXVI.  
Lib. 14. de Civit. c. 11. & 111. de Gen. ad lit. c. 42.

Adam in Paradiso peccare potuit venialiter; imò et de facto peccavit, antequam peccasset mortaliter.

XXVII. *Ex Princ. 4. & 8.*

XXVII.  
Psalm. 68. & 69. l. 2. de Gen. contr. Manich. c. 22. l. 1. contr. advers. leg. & Prophet. c. 15.

Primum Adami peccatum mortale à superbia fuit.

XXVIII. *Ex Princ. 4. & 8.*

XXVIII.  
Lib. 1. de Peccat. mer. c. 2. l. 13. de Civit. c. 3. & 23. & l. 14. c. 25. & lib. 2. de Nupt. & Concup. c. 5. & lib. 6. cont. Julian. c. 4. & lib. de Hæres. c. 88. l. 6. de Gen. ad lit. c. 24. 25. 26. in Enchir. à c. 25. & Epist. 106.

Adamus in statu justitiæ poterat quidem mori, sed omninò moriturus non erat.

XXIX.

# DOCTRINÆ AUGUSTINI.

## XXIX. *Ex Princ. 4.*

Adami corpus mortale erat ab intrinseco, sed ab extrinseco immortale futurum.

## XXX. *Ex Princ. 3. & 4.*

Status naturæ lapsæ deterior est, quàm foret status puræ naturæ.

## XXXI. *Ex Princ. 3. & 4.*

Homo in statu puræ naturæ aliquantò majores vires ad bene operandum haberet, quàm nunc habet in statu lapsæ naturæ.

## XXXII. *Ex Princ. 3. & 4.*

In statu puræ naturæ multò minor esset dissensio, et pugna inter utrumq; appetitum, et partes animæ, quàm est in statu naturæ lapsæ.

## XXXIII. *Ex Princ. 3. & 4.*

Homo in statu ruinæ deterioris est conditionis, quoad corpus, quàm esset in statu puræ naturæ.

## XXXIV. *Ex Princ. 3. & 4.*

Homo in statu lapsæ naturæ non solum fuit spoliatus gratui-

XIX.

Lib. 1. de Peccat. mer. c. 2. & 3. & 17. de Gen. ad litter. c. 25. & 111. c. 40 & 113. de Civit. c. 20. & 23.

XXX.

Lib. de Nat. & Grat. c. 3. & 67. 12. de Nupt. & Concup. c. 9. 1 de Prædest. sanct. c. 3. Lib. 14. de Trin. c. 17. 1 de Fid. & Symb. c. 10. lib. 22. cont. Faust. c. 7. 8. Lib. 5. cont. Julian. c. 3. de verbis apostol. ferm. 2. lib. 3. cont. Julianum c. 4. 5. & 6. 11 de Peccat. mer. & remiss. c. 12. & 25. & lib. 3. à c. 7. lib. 6. cont. Julian. c. 21.

XXXI.

Lib. de Nat. & Grat. c. 3. & 67. & lib. 2. cont. 2. epist. Pelag. c. 4. 16. cont. Julian. c. 3. ferm. 2. de verb. Apost. 112. de Trin. c. 11. & 14. c. 17. & in libris cont. Julianum, lib. 1. de Peccat. mer. & remiss. à c. 25.

XXXII.

Deducitur ex duabus præcedentibus, & lib. 2. cont. 2. epist. Pelag. c. 4 & 5. 12. cont. Julianum c. 2. & 15. c. 3. ferm. 11. de verb. Apost. 16. cont. Julian. c. 7. lib. 1. de peccat. mer. & rem. c. ult.

XXXIII.

Lib. de Nat. & Grat. à c. 53. Serm. 2. de verb. Apost. lib. 3. cont. Julian. c. 3. & 4. & 5. & 6. & lib. 1. de Peccat. mer. & rem. à c. 35. ad finem. & 12. c. 29. lib. 5. cont. Julian. c. 2. & lib. 6. c. 22.

XXXIV. *Ex Princ. 4.*

Lib. 2. de Peccat. mer. & rem. à c. 22. lib. de Nat. & Grat. à c. 19. 63. 111. de Nupt. & Concup. c. 6. 12. de Gratia Christi. contra Pelag. à c. 37. lib. 12.



# GERMANÆ THESES

de Trin: c 11. & l de Fid: & Symb: c 10. l 2. contr: Julian. c 2. & 7. & 9. & l 3. c 26. & lib. 6. à c 5. serm: 2. de verbis Apost: lib: 3. de lib: arb: c 18. lib: 3. contr: Jul. c 3. & lib: 4. à c 12.

tis, sed etiam vulneratus in naturalibus.

## XXXV. Ex Princ. 7.

Ep. 28. 112. l de Eccl: dogm: c 82. l 12. de Gen. ad lit. c 14. l de Ag: Chr: c 17. & l quæst: sup: Matth: c 14. l 2. contr: 2. ep. Pelag: c 8. Pf. 31. serm. 38. de Temp.

## XXXV. Ex Princ. 5. & 7.

Omnis honesta cogitatio moralis ab aliqua Fidei irradiatione, & Christi aliquali Gratia procedit.

## XXXVI. Ex Princ. 7.

Epist: 28. 119. & quæst: 2. ad Simpl. quæst. 2. Psal: 31. & 91. & 98. serm: 95. de temp: l de Grat: & lib: arb: à c 4. ad 15. & lib. 1. contr: 2. epistol: Pelag: c 2. 3. & 19. & l 2. c 7. & lib: 4. c 6. & 9. & 10. & l 4. contr: Julian. c 3. & 8. l 13. de Trin: c ultimos de Præd: Sanct: c 10.

## XXXVI. Ex Princ. 5. & 7.

Nullus actus moralis bonus sine aliquo lumine Fidei, & inspiratione Gratia fit.

## XXXVII. Ex Princ. 7.

Lib. 4. contr: Jul: c 3. & ep: 57. q 2. & 83. l 11. de Trin: c 7. l de Nat: & Grat: c 4. lib. 3. contra 2. epist: Pelag: c 5. & 98. serm: 11. de verb: Apost: serm: 95. de Temp: Epist: 99. 100. 130. 143. l 2. contra 2. epist: Pel: c 5. l 1. contr: Donat: c 8. & lib: 4. c. 20. lib: de spir: & lit: c 26. & c 28. l de Patient: c 26. & Psal: 31. & 83. & 191. & 98. & 118. l de Bono conjug: c 6. l de Patient: c 27.

## XXXVII. Ex Princ. 5. & 7.

Non omnia opera infidelium sunt peccata: sed illa tantum sunt, quæ sine ulla Fidei luce, & sine aliquo igniculo Gratiaè deliberatè ab infidelibus fiunt.

## XXXVIII. Ex Princ. 7.

Epist: 28. lib: de Prædest. Sanct.

## XXXVIII. Ex Princ. 5. & 7.

Ad actum honestum moraliter bonum.

# DOCTRINÆ AUGUSTINI.

bonum aliquod lumen Fidei,  
& impulsus inchoatus Gratiae  
Christi necessarius est.

c 10. ep: 99. & ep. 130. lib: de Ec-  
clesi dogm: c 27. q 2. ad Simpl: Ps: 91  
& lib: 4. cont: Jul: c 3. lib: de Grat:  
& lib: arb: à c 4. & lib: de Grat: Chf:  
à c 23. l 5 de Civit: c 12. & l 19. c 25.  
& Psal: 31. & 72.

## XXXIX. Ex Princ. 5. et 7.

Omnis actus qui fit sine ul-  
lo Fidei lumine, & sine ullo im-  
pulsu Gratiae peccatum est.

XXXIX. Ex Princ. 7.  
Lib: 4. cont: Julian: c 3. & 8. l 3.  
cont: 2. epist: Pelag: c 5. de verbis  
Apost: ferm: 11. & 13. l 13. de Trin:  
c 7. l de Nat: & Grat: c 23. Psal: 31. &  
52. & 118. ferm: 95. de Temp: & Ser.  
124. lib: 1. de nupt: & Concup: ad Va-  
ler: c 3. lib: 1. cont: 2. epist: Pelag: c  
3. l de Cor: & Gr. c 3. & epist: 89. &  
99. 143.

## XL. Ex Princ. 7.

Non omnia opera, quæ fi-  
unt ante justificationem per  
Gratiam justificantem sunt pec-  
cata, cum sit ante illam alia quæ-  
dam justificatio inchoata.

XL. Ex Princ. 7.  
Lib. de Prad. Sanct. c 2. & 7. epist.  
51. q 2. l 1. Retr. c 9. l 12. de Tr. c 7.  
l 83. quæst. c 76. l 1. c. n. Donat. c 8.  
& l 4. c 20. & lib. de Spir. & lit. c 28.  
& epist. 105 & 130. lib. 2. de Peccat.  
mer. & rem. c 26. perspicue.

## XLI. Ex Princ. 7.

Non omnia Fidelium in pec-  
cato mortali existentium opera,  
peccata sunt.

XLI. Ex Princ.  
Epist. 57. q. 2. lib. de spir. & lit. c  
28. lib. 1. Retr. c 9. l 12. de Trin. c 7  
l 83. quæst. c 76. & lib. 4. de Bapt. contra  
Donatist. c 21. Tract. 44. in Joan. Psal.  
50. advers. 7.

## XLII. Ex Princ. 5.

Nullus est in hoc statu natu-  
ræ lapsæ actus indifferens in in-  
dividuo.

XLII. Ex Princ. 7.  
Lib. 4. contra Julian. c 3. ferm. 13.  
de verb. Apost. ep. 28. 142. l de Nat.  
& Grat. c 4. lib. de Beno Periever. c 2.  
lib. de Gr. & lib. arb. à c 4. ad 15.  
lib. 2.

# GERMANÆ THESÆ

cont. 2. epist. Pelag. c 7. & l 3. c 5. &  
l 4. c 6. 9. 10. lib. de Grat. & lib. arb.  
cap. 14. lib. de Præd. Sanct. c 2. & 7.  
epist. 83.

## XLIII.

Lib: 1. Retract: c 1. & c 8. & 9. &  
l 3. de lib. arb. c 1. & 3. & 18. 22. l de  
ver. Relig. c 2. epist: 28. & 45. & 46.  
52. 89. & 106. l de Ecclesiast. dogm.  
c 32. l de Spir: & lit: c 2. & 3. l de Ca-  
techiz. rud. c 14. & l. de Patient: c 24  
in expos. ep: ad Rom. & Gal: lib: 10.  
de Trin: c 32. & l 11. c 2. & l 2. cont:  
Petil: c 84. l 2. de Peccat: mer: c 5.  
toto lib: de Nat: & Gr. & l 2. cont. ep.  
Pel: c 7. & 8. Pf: 31. de verb. Ap. serm.  
115. de Temp. lib. 4. con. Julian. c 3.

## XLIII. Ex Princ. 5. et 7.

Nulli sunt actus medij inter  
actus moraliter, & supernatu-  
raliter bonos, & moraliter ad  
damnationem malos.

## XLIV.

Lib: 4. contr: Julian: c 3. ep. 28.  
& 45. & 52. & 89. 93. 95. 105. l 8. de  
Gen: ad lit: c 12. l de Ag: Chr: c 17. l  
de Spir: & lit: c 2. & 3. & 4. & c 29 lib:  
de Fid: & oper: c 14. & 23. & quæst.  
sup: Matth. c 14. l 83. quæst. q 66. l  
de Patient. c 22 & 27. lib. de expos.  
epist. ad Rom. lib. 14. de Civit. c 4. l  
15. de Civ. c 19. l 2 de Peccat. mer. c  
5. lib. de Grat. & l arb: c 7. ser. 11. &  
12. de verb. Ap.

## XLIV. Ex Princ. 5. & 7.

Nulli sunt actus ex sola natu-  
ra boni, & naturaliter boni: sed  
boni sunt ab aliquali gratia bo-  
ni.

## XLV.

L. 1. de Orig. an: ad Renat: c 9. ep: 28.  
& 45. & 52. & 59. 89. & 91. l 4. de Civ. c  
2. l 5. de Ci: c 93. & l 7. c 5. & l 10. c 32. &

## XLV. Ex Princ. 5.

Sicut post mortem non est finis  
naturalis Beatitudinis, ita in vita

nulla

# DOCTRINÆ AUGUSTINI.

nulla sunt media, et actus naturalis tantum honestatis.

113. c 24 & lib. 15. de Trin: c 19. 1  
3. de Peccat mer c 2. 12 de Nupt. &  
Conc c 8 13. contra 2 ep. Pelag: c 5.  
& Pf 65. & serm. 181. & omnino l. 4.  
contra Julian. c 3.

## XLVI. *Ex Princ. 8.*

Gratia excitans tum intellectus est, tum voluntatis: illa in supernaturali illustratione: hæc in inspiratione, et delectatione item supernaturali consistit.

XLVI.

Lib. de Spir: & lit. c 3. lib. 2. de Peccat: mer: c 17. & 13. c 2. lib 1. contra 2. epist. Pelag: c 3. Psal 118. lib 4. con. Jul. c 2. l 1. de Grat. Chr. c 3 & 5.

## XLVII. *Ex Princ. 8.*

Licet actus intellectus, & voluntatis indeliberati Gratia excitantes sint, non tamen in iis solis excitans Gratia constituitur.

XLVII.

Lib 2. de Peccat. mer c 17. & 19. & 13. c 2. Psal. 118. & 1 de Cor. & Grat. c 5.

## XLVIII. *Ex Princ. 4. & 7.*

Lex sine adjutorio Gratia stimulus peccati. Doctrina sine intrinseco pulsu. divino Gratia non est.

XLVIII.

Ep 22. & 106. & 107. 144 220. Ench. c 117. epist. 89. & 90. & 92. & 95 lib 10. de Gen. ad lit c 12. tr. 17. in Joan lib. de Eccles. dog c 29. lib. de Spir & lit c 6 & 8 & 9. & 19 183. quant c 66 lib. de expos. ep ad Rom. & Galat. & 121. de Civit. c 15 contr. advers leg c 7. 11. de Gr. Chr. c 3. l 1. de Grat. Chr. c 41. lib. 3. contra 2. epist. Pelag. c 7 lib de Grat. & lib. arb. c 12. & 13. Psal. 70. tr. 3. in Joan.

## XLIX. *Ex Princ. 4. & 8.*

Gratia excitans proprie intellectum & voluntatem est lumen.

XLIX.

Lib 2. de Peccat. me. c 17. & 19. l 3 c. 2. lib. 2. de Gr. Chr.

quod-



# GERMANÆ THESÆ

c 3 Pſal. 118. l 4. cont. Julian. c 2. l 1. de  
Gr. Chr. c 3. & 35. 45.

quoddam, & ſuavitas comitans  
actus indeliberatos, & relictæ ex  
iis, ac inhærens.

L.

Lib. de Grat. & lib. arbit. c 1. 4. 16.  
28. lib. de Bon. Perſev c 6 & 22. &  
20. lib. de Cor. & Grat. c 11. 12. & 14.  
& l 1. contra 2. epiſt. Pelag. 19. & 14.  
c 6. in Enchir. c 64. ep. 107. l de ſpir.  
& liti: c 34. l 1 de Gratia Chr. c 3 &  
85 & 45.

L. *Ex Princ.* 8. & 9.

Motio Gratiæ excitantis non  
eſt ſolùm moralis, ſed etiam phy-  
ſica, re ipſa movens et efficiens  
intellectum, et voluntatem.

LI.

Lib. de Grat. & lib. arbit. c 17. l de  
mer: Eccl. Cathol. c 24. ep. 106. l 83.  
qu c 68. l 2. de Peccator: mer. c. 1. &  
ad Simpl. q 2 & l de Præd: ſanct: c 9. &  
16. & l de Cotr. & Gr. c 5. & 7 9. 11  
12. lib. cont. Jul. 5. c 4. & lib. de Do-  
no Perſev: c 9. & 14.

LI. *Ex Princ.* 7.

Gratia excitans non ſolùm ef-  
ficax, ſed inefficax etiam datur.  
Et hæc eſt vera et interior Dei  
vocatio: cui reſiſtitur.

LII.

Lib. de Cor. & Grat. c 5. & 11. Pl.  
118. tract. 4. in epiſt. Joan: Epiſt. 107.  
lib: de Peccat. mer: & rem: c 17. &  
19. lib: cont. Julian: 5. c 4

LII. *Ex Princ.* 4. 8. et 9.

Efficax Gratia ex ſua intrinſeca  
ratione talis eſt, et reapse major  
et potentior gratia inefficaci.

LIII.

Lib. 2 de Peccat. mer. c 5 & 17 ex  
locis proxime cit: concl. 51. & lib.  
Retr: c 13

LIII. *Ex Princ.* 7.

Gratia inefficax verè excitans  
Gratia eſt, ſed remiſſa, et non  
congrua difficultati vincendæ.

LIV.

Lib: de Fide & ſymb cap: 10.  
& lib: 2. de Peccat. mer. &

LIV. *Ex Princ.* 4.

Cum Gratia inefficaci, et mo-  
rali quadam difficultate, ſtat im-  
pro-

# DOCTRINÆ AUGUSTINI.

potentia moralis ad operandum,  
unde dicitur voluntas non posse  
operari.

rem: c 17. & ducitur ex concl. 51.

## LV. Ex Princ. 9.

Gratia in efficax, si augeatur,  
efficax reddetur, quod sit minor  
quàm Gratia efficax.

LV.  
Lib. de Grat. & lib. arb. c 15. & 17.  
lib. de Corrupt. & Grat. c 5. & 11. tract.  
49. in Joan. ex suprâ cit. concl. 51. &  
53. lege c 17. lib. 2. de Peccat. mer. &  
rem c 17.

## LVI. Ex Princ. 4. & 9.

Fieri potest, ut Gratia quæ in u-  
no in efficax est, in alio efficax sit:  
quod spectata difficultate vincē-  
dâ, minor Gratia in iusto sit vi-  
ctrix, in peccatore non sit: at sem-  
per ex parte Gratiæ erit victoria.

LVI.  
Ad Simplic. q3 2. & 1 de Cor. & Grat.  
c 5 lib. 6. contr. Jul. c 18. lib. 2. de  
Peccat. mer. & rem. c 19. lib. de Grat.  
& lib. arb. c 4. & 15. lib. de Cor. &  
Grat. c 5. & 11. & præcipue c 12.

## LVII. Ex Princ. 9.

Gratia excitat consensum, non  
expectat, ita ut semper Gratia sit  
ratio operandi.

LVII.  
Lib. de Præd. Sanct. c 10. lib. de  
Grat. & Lib. Arb. c 4. 17. & lib. de  
Corrupt. & Grat. c 8. & 11. 12. 12. de  
Peccat. mer. c 19.

## LVIII. Ex Princ. 3 & 6.

Gratia inefficax, & non congrua,  
quæ vulgò sufficiens dicitur, non  
omnibus omnino hominibus da-  
tur.

LVIII.  
Lib. 4. contr. Jul. c 8 lib. de  
Corrupt. & Grat. 3 c 5. ad 8. lib. 1. de  
Peccat. mer. c 21. 22. tr. 25. in Joan.  
lib. de Nat. & Grat. c 8. Ad Symplic.  
q3 2. lib. de Bono Perserv. c 8. In En-  
chir: c 94. & 103.

## LIX. Ex Princ. 3. et 6.

Infantes qui in Peccato Origi-

LIX.  
Epist. 105. & 107. & lib 4. contr. Ju-  
lian. c 8. lib. de Grat. & lib arb. c 22.  
In Enchir. c. 103: 1 de Bon. Perserv. c.  
8. 1 de Nat.

# GERMANÆ THESES

& Grat. c. 8. l. 1. ad Simpl. q. 2. l. de  
Cor: & Grat. a. c. 6. l. 1. de Peccat:  
mer: & rem: a. c. 16. ad fin.

## LX.

L. 4. Cont. Jul: c. 8. ep: 50. &  
105. & 107. ep: 107. l. de Bon: Persev.  
c. 14. lib. 1. de Peccat: mer: & rem. c.  
22. lib. 5. ad Simpl: q. 2. l. 2. cont: 2. ep:  
Pelag: c. 7. in Enchir: c. 94. l. de Præd:  
Sanct: c. 6. 7. 8. 9. l. de Bon: Persev: c.  
8. l. de Cor: & Grat: a. c. 5. ad 8. lib: 14.  
de Civit. c. 11. & lib. de Nat: & Grat: c.  
50. & 55.

## LXI.

Ep: 105. q. 2. ad Simpl: lib: de Præd.  
Sanct: c. 6. in Enchir: c. 85. 103. & in  
locis proximis concl: cit: 58. 59. 60.  
& supra a. 35. ad 40.

## LXII.

Deducitur ex proximis tribus  
concl. 58. 59. 60. & ex l. 4. & ex Prin-  
cipio 3. Habetur clarè lib. de Cor: &  
Grat: c. 13. & lib: de Nat: & Grat: c. 9.  
& 10.

## LXIII.

Lib: 4. cont: Jul: c. 3. l. de spir: &  
lit: c. 36. in expos: epist: ad Ga-  
lat: l. 13. de Civit: c. 2. & l. 14. c. 7. & l.  
17. c. 4. l. de Nat: & Grat: c. 23. con-  
cl: comp: 148.

nali decedunt, omnibus prorsus  
auxiliis sufficientibus destitu-  
untur.

## LX. Ex Princ. 3. & 6, & 7.

Adultorum multis auxilium  
sufficiens denegatur. Nullis  
tamen Fidelibus, etiam indura-  
tis, subtrahitur.

## LXI. Ex Princ. 3. & 6, & 7.

Omnes illi qui omni irradia-  
tione Fidei carent, & auxilio  
sufficienti carere debent.

## LXII. Ex Princ. 3. & 6, & 7.

Non minor est ratio denegan-  
di auxilium sufficiens Infideli-  
bus adultis quàm infantibus:  
cùm illi peccato Originali ad-  
dant venialia peccata, & infantes  
solum habeant Originale.

## LXIII. Ex Princ. 7.

Si detur homo, qui legem  
servet naturalem, is sanè aliqua  
Fidei luce, & inspiratione Gra-  
tiæ præditus erit.

## LXIV.

# DOCTRINÆ AUGUSTINI.

LXIV. *Ex Princ. 3. et 7.*

Admisso dari hominem, qui citra opem Gratiaē legem naturalem servaret, non ideo ei daretur auxilium Gratiaē, cum haberet peccata venialia. Unde falsum est illud, *Facienti quod in se est Deus non denegat auxilium*, si de viribus naturalibus accipiat.

LXV. *Ex Princ. 5. & 7.*

Multi infideles cum peccato Originali et solis Venialibus decedunt, prorsus dampnandi.

LXVI. *Ex Princ. 10.*

Gratia efficax non est illa physica et prædeterminans qualitas, posita: ut voluntas in unam partem determinetur.

LXVII. *Ex Princ. 10.*

Gratia efficax non prædeterminant voluntatem, nec tollit potestatem suspendendi, aut revocandi actum, nec eā posita determinatur per illam voluntas ad actum secundum.

U 2

LXIV.

Lib. 1. de Peccat; mer. & rem; c. 22. l. 3. cont; 2. Epist; Pelag. c. 5. in expos. epist; ad Galatas lib; 3. cont; 2. epist. Pelag. c. 5.

LXV.

Lib; 3. cont; 2. epist; Pelag; c. 5. & lib. 1 de Peccat; mer; & rem; c. 22;

LXVI.

Lib. 1. Retr. c. 9. lib. 3. de lib; arb. c. 3. lib. de spir. & lit. c. 34. l. 5. de Civit. c. 9. & 10. n. 88. l. 2. de Peccat. mer. c. 18. l. 1. cont. 2. epist; Pelag; c. 3. & 9. & 18. ep. 48. & 89. & lib. de Correpr. & Grat. c. 2. lib. de Grat. & lib; arb. c. 9.

LXVII.

Lib. 1. Retr; c. 9. & 12. c. 66. l. 3. de lib; arb; c. 3. ep. 89. lib. 2. de Peccat; mer; c. 18. lib. 1. de Grat; Christi c. 7. & 13. & 25. lib. de Contr. & Grat. c. 2. l. 2. cont. 2. epist. Pelag. c. 9. & lib. de grat; & lib; arb; c. 9.

LXXXVIII.



# GERMANÆ THESES

LXVIII.

Lib. de Cor; & Grat; c 5. & 11. & 12. ep; 48. l 1. contr; 2. epist. Pelag. c 7. & 18 & 19. l de Prædest. Sanct. c 20. l de Grat; & lib. arb; c 15. & 16. 20. & 21. tr. 49. in Joan; & tr; 4. in epist. Joan. Lib; 2. cont; 2. epist. Pelag. c 9. l 2. de Peccat; mer; & fem; c 19. Vide c 17. lib. de Grat. & lib; arb. & locos lib; de Cor; & Grat.

LXVIII. *Ex Princ.* 3. & 4. & 8, 9.

Gratiæ efficacia non in congruitate illa sumpta ex circumstantiis, & respectu ad voluntatem opportunè vocatam consistit.

LXIX. *Ex Princ.* 4, 8, 9.

Efficacia Gratiæ in propria virtute intrinseca ipsius Gratiæ virtutrice sita est, cujus victoria in delectatione; & suavitate consistit; opponitur suggestui, & motui concupiscentiæ, & diaboli delectatione ad malum incitantis.

LXX.

Ep. 48. & 50. & 46. l 1. cont. 2. epist. Pelag; c 37. 18. 19. l de Prædest. Sanct c 20. lib. de Grat; & lib; arb. c 15 & 20. & 21. lib; de Cor. & Grat; c 2 & 11. & 12. tr. 49. in Joan. l 1. de Grat. Chr; c 24.

LXX. *Ex Princ.* 8, & 9.

Hæc antecederet & physicè movet; & inclinatur suaviter in unam partem, quin determinet ad illam.

LXXI.

Lib. 2. de Peccat. mer. c 17. l de Prædest. Sanct c 20. tract. 49. in Joan. Ep. 46. & 89. lib. de Grat; & lib; arb. c 20. & lib. de Cor. & Gratiæ 2:

LXXI. *Ex Princ.* 8, 9, & 10.

Eâ positâ tollitur difficultas, auferitur illa pronitas ad actum malum: tollitur æquilibrium indifferentiæ, & inclinatur voluntas ad actum secundum bonum: ita ut maneant inclinata, non autem

# DOCTRINÆ AUGUSTINI.

autem determinata.

LXXII. *Ex Princ.* 10.

Acceptâ Gratiâ efficaci adhuc  
volūtas potest, aut sustinere actū,  
aut oppositum efficere, cū in-  
clinata sit, non determinata.

LXXII.  
Libr. de spir. & lit. c. 34. lib. de  
Grat. & Lib. arb. c. 9. ep. 46. & 14. &  
lib. de Cor. & Grat. c. 1. & 2.

LXXIII. *Ex Princ.* 4, 8, 9, 10.

Efficacia non est à voluntate,  
nec redditur Gratia efficax ex co-  
operatione illius, sed jam est effi-  
cax cū datur, & movet efficaci-  
ter ad actū, nec expectat, aut co-  
mitatur tātū consensū, sed effi-  
cit cū voluntata inclinât, & li-  
berè consentiente, sed actio præ-  
cipuè est à Gratia vincente, sta-  
tuente, roborante inclinante.

LXXIII.  
Ep. 48. & 50. lib. de Prædesti-  
nati. c. 10. l. de Grat. & lib. arb. c. 15.  
15. 17. & 20. & 21. & lib. de Cor. &  
Grat. c. 2. & 11. & 12. ep. 143. lib. de  
Corrupt. & Grat. c. 12. & 13. & 14. lib.  
de Grat. & lib. arb. c. 20.

LXXIV. *Ex Princ.* 8. 9. 10.

Gratia efficax minùs virtutis ha-  
bet, quàm illa prædeterminans  
physica motio: cū inclinet, non  
determinet; moveat, non neces-  
sit: et multo plus virium, quàm  
illa ex opportunitate cōgrua vo-  
catio, cū ex se habeat vim an-

LXXIV.  
Lib. 2. Peccat. mer. & rem. c. 19. 11.  
Retr. c. 9. lin. expos. ep. ad Rom. ep.  
46. l. 1. contr. 2. epist. Pelag. c. 3. & 7.  
& 19. lib. de Grat. & lib. arb. c. 15. &  
20. lib. de Cor. & Grat. c. 14. 14. cont.  
Jul. c. 3. & 4. lib. de Grat. & lib. arbit.  
c. 15. & 20. lib. de Corrupt. & Grat. c.  
11. tract. 49. in Joan.

receden.

# GERMANÆ THESÆ

tecedenter movendi, & inclinandi voluntatem.

LXXV. *Ex Princ.* 8, 9, 10.

LXXV.  
Lib: de Corrupt: & Grat: c 2. & lib: 2 cont: 2. epist: Pelag: c 9. lib: 4. cont: Jul: c 3. & 4. lib: de Grat: & lib: arb: c 15. & 20. & 11. cont: 2. epist: Pelag: c 19. & 30.

Gratia efficax medium quiddam est inter motionem physicam prædeterminantem, et congruam moralem vocationem, erigens et mox inclinans, non compellens, et necessitans voluntatem.

LXXVI. *Ex Princ.* 8, et 9.

LXXVI.  
In Enchir: c 106. & 1 de Eccl. dog: c 47. 114. de Civit: c 27. 1 de Correp: & Grat: c 11. 12. 13. & 14.

Adiutorium *sine quo* proprium status integræ, ac recti, et necessarium ad honestè operandum: hoc non est satis in statu naturæ lapsæ, sed opus est alio potentiore, quod sit *quo* et *à quo* fiat actus.

LXXVII. *Ex Princ.* 7. 8, et 9.

LXXVII.  
1<sup>a</sup> Enchir: c 106. 1 de Eccl: dogm: c 47. lib: 14. de Civit: c 27. lib: de Cor: & Grat: c 11. & 12.

Auxilium *quo* pro ut concomitans et cooperans est, utrique statui necessarium: illud tamen ut est *d quo* non necessarium naturæ integræ, sed lapsæ omnino necessarium.

LXXVIII. *Ex Princ.* 4. 8. & 9.

LXXVIII.  
Lib: de Eccles. dogm: c 47. lib: de corrupt: & Grat: c 11. & 12. ferm: 156. de verb: Dom.

Si homini lapsæ solum daretur adiutorium *sine quo* et *quo* tantum con-

# DOCTRINÆ AUGUSTINI.

concomitans, non rectè operaretur, quando quidem homo re-  
ctus cum illo peccavit.

*LXXIX. Ex Princ. 3, 6, 7, 8.*

Hominum quidam sunt, quibus  
nulla omninò Gratia datur: qui-  
dam quibus sola inefficax: qui-  
dam quibus & sufficiens, & effi-  
cax temporaria, & sine dono per-  
severantiæ: alij quibus datur Gra-  
tia efficax cum perseverantia.

*LXXX. Ex Princ. 9, et 10.*

Libertas ab indifferentia distin-  
guitur: quod indifferentia est  
punctum indivisibile æquilibrii  
in neutram partem inclinantis:  
libertas verò recipit magis & mi-  
nus, et patitur inclinationes, et  
impulsus in utramque partem,  
quod non patitur indifferentia  
illa indivisibilis.

*LXXXI. Ex Princ. 9, et 10.*

Triplex est genus libertatis. Pri-  
mum, indifferens, et omnino in  
æquilibrio potestatis, rectâ et in

LXXIX.

Lib: 1. Retr: c 15. lib: de Corr: &  
Grat: c 9. & lib: de Bon: Persev: c 9. ad  
Simplic. q 2 lib: de Bono Persev: cap:  
22. perspicue, lib: de Corrept: & Grat.  
c 7. & 8. & 11. & 12. & plac: c 13.

LXXX.

In Enchir. c 105. lib: de bon: Vi-  
dui: c 16. lib: 3. de Peccat: mer: c 8.  
11. de Grat: Chr: c 5. & c 29. & c 47.  
12. de nupt: & Conc. c. 3. & 27.  
ad art: resp: ad 3. lib: de Gest: Pelag:  
c 3. lib: de Grat: & lib: arb: c 29. &  
21. lib: de Cor: & Grat: c 11. vide ca-  
put 15. lib: de Grat: & lib: arb: c 15. &  
20. lib: 2. de Peccat: mer: & rem: c  
18. perspicue omnino 1. cont: 2. e-  
pist. Pelag: c 2.

LXXXI.

Lib: 3. de Peccat: mer: c 8. lib: de Nat: &  
Grat: c 45. 11. de Grat: Chr: c 5. & 47. lib:  
5. despi: & lib: c 4 in Enchir: cap: 105.  
& lib: de Eccl: dogm: c 15. & 21. lib: 2.  
cont: 2. epist. Pelag: c 2. lib: de Grat:  
& lib: arb: c 14. & 20. lib: 2. de Peccat:  
mer: & rem: c 17. & 18.

neutram



\*lib. de Bon. Viduit. c. 16. l. de Grat.  
Chr. c. 47. lib. 3. cont. 2. epist. Pelag.  
c. 8. lib. de Fid. & Symb. c. 10. 11. &  
de lib. arb. c. 11 & c. 20.

neutram partem pendente volū-  
tate. Secundum; deflectens ab  
æquilibrio in bonum, inclinât in  
illud voluntate. Tertium vergens  
ab æquilibrio in malum, pronâ  
in illud voluntate.

LXXXII.

Lib. 1. de ferm. Dom. in mon-  
te lib. 13. de Civit. c. 24. lib. de Cor. &  
Grat. c. 12. l. 2. de Peccat. mer. & rem.  
c. 7. & 8. l. 1. cont. 2. epist. Pelag. c. 11.

LXXXII. *Ex Princ.* 3. et 4.  
Libertas à peccato, & à miseria  
propria est Beatitudinis cælestis.

LXXXIII.

In Enchir. c. 104. & 105. 106. l. de  
spir. & lit. c. 3. l. de Expos. epist. ad  
Rom. l. 3. cont. Gaud. c. 11. Psal. 29. l.  
4. cont. 2. epist. Pelag. c. 12. l. 83. quest.  
c. 4. l. 14. de Civit. c. 11. l. de Cor. &  
Grat. c. 11. l. de Fid. & Symb. c. 10. l. de  
Eccl. dog. c. 39. l. 3. cont. 2. epist. Pe-  
lag. c. 8. ferm. 156.

LXXXIII. *Ex Princ.* 4. & 8.  
Primum genus libertatis indiffe-  
rens & in æquilibrio, fuit fortassè  
in Adamo cum primum conditus  
est. Secundum fuit in Adamo,  
cum in Paradiso collocatus est.  
Tertium fuit in Adamo, cum la-  
psus est.

LXXXIV.

Lib. 1. cont. 2. epist. Pelag. c. 2.  
Epist. 107. ad Viral. Ench. c. 30 &  
105. 106. l. 12. de Trin. c. 11. lib. de  
Fid. & Symb. c. 10. l. 1. de lib. arb. c. 11.  
Eccl. dogm. cap. 49. lib. de Nat. &  
Grat. c. 49. & 55. l. 22. con: Faust. c. 98.  
l. 3. cont. 2. epist. Pelag. c. 8.

LXXXIV. *Ex Princ.* 4. & 10.  
Primum, et secundum genus li-  
bertatis perit per peccatum. Ter-  
tium mansit post peccatum.

LXXXV.

Enchir. c. 30. 32. lib. de Eccl. dogm.  
c. 32. l. de grat. & lib. arb. c. 15. & 20.  
21. ferm. 47. de temp.

LXXXV. *Ex Princ.* 4. & 10.  
Homines ut justi fiant extrahun-  
tur virtute Gratiae ab isto tertio  
statu, et reponuntur in secundo.

# DOCTRINÆ AUGUSTINI.

## LXXXVI. Ex Princ. 4. & 10.

In omnibus tribus statibus servatur libertas: sed in secundo, et tertio cum quadam pronitate et inclinatione.

## LXXXVII. Ex Princ. 4. & 10.

In tertio statu libera est voluntas: sed servit peccato. Vnde quando traducitur ad secundum, liberatur à servitute peccati, et nobilius libera est.

## LXXXVIII. Ex Princ. 4. et 10.

In secundo & tertio statu augeatur, & minuitur liberum, nec enim est libertas in indivisibili.

## LXXXIX. Ex Princ. 4. et 10.

Homini ex consuetudine peccanti inest pronitas ad peccandum; ac difficillimum ei est non peccare: huic, si justificetur, & ex habitudine bene operetur, versâ vice inest propensitas ad virtutem, ac difficillimum ei

LXXXVI.

Ep. 46. l de Gen imp: c 1. Enchir: c 105. l 1. de firm. Dom: in monte l 1. cont. 2. epist: Pelag: c 2. l 22. cont: Faust. c 87. l de Cor: & Grat: c 1.

LXXXVII.

Ep: 89. l de Eccl. dog: c 49. l de spir: & lit: c 3. & 30. serm 6. de verb: Apost: l de Gen: imp: c 1. Enchir: c 30. lib: de Eccl: dogm: c 22. l 1. de Grat: Chr: 41. lib: Retrac: 13: & l 14. de Civit: c 11. l 1. cont: 2. ep: Pelag: c 2. & 3. l de Grat: & lib: arb: c 15. l de Cor: & Grat: c 1. & 8. & 12.

LXXXVIII.

Lib: 1. de Grat: Chr: c 41. & c 47. l 1. cont: 2. epist: Pelag: c 2. & 3. l 1. cont: Fortun: l 1. cont: Julian: l de Grat: & lib: arb: c 15 & 20. & 21. l 2. de Peccat: meri: & remi: c 18.

LXXXIX.

Lib: 1. q. 1. ad Simpl: n: 442. de serm: Dom: in monte l 1. l de Fid: & Symb: c 10. Enchir: c 105. de sp: & lit: c 31. tract. 49. in Joann: serm: 6. de verb: Apost: l 6. cont: Julian: c 18. perspicue l de Cor: & Grat: c 8. lib: de Grat: & lib: arb: perspicue c 20: & 21.

est peccare: ideo quòd in tertio statu erat, cùm peccator, & in secundo, cùm iustus, in utroque liber erat, sed in utroq; inclinatus.

XC. *Ex Princ. 4. et 10.*

XC.  
Lib. con. Felicem Manich. 2. l. de Nat: & Grat. c 66. & 67. & ex l 3 de lib: arb: sæpe c 3 lib: de spir. & lit. c. 31. & l 1. Retr. cap. 15. & c. 22. & lib. de duab. animab. c 12. & contr. Fortun. d. 1. & cont. Secund. c. 12.

Vis omnis prædeterminans reapse voluntatem ad unam tantum partem inevitabiliter, totam tollit libertatem ad illam partem: & physicam necessitatem inducit. Unde non per solam coactionem, sed etiam per necessitatem tollitur libertas.

XCi

Serm. 12. de verb. Apostol. in Ench. c 105. l de Eccl. dogm. c 39. l. l de Nat: & Grat. c 66. & 67. l de Fid. & Symb. c 10. tract. 49. in Joan. in Joannem tract. 53 l 2. de Peccat. mer. & rem: c 5. 6. & 15. l de Nat. & Grat. c 66. perspicue: l de spir: & lit. c 31. l 3. de lib. arb. l 18.

XCi. *Ex Princ. 4. & 10.*

Vis physicè inclinans, non prædeterminans, & necessitas moralis, & moralis impotentia, vel ex ignorantia, vel ex infirmitate orta libertatem minimè tollit, etsi diminuatur, & obtundatur: cumque illis in actu secundo positus stat peccatum.

XCII

L de Grat. & lib. arb. c. 23. l 83. quasi q 68. & in Exod. q 18. & c. 55. fin Joā. & in expol. ep. ad Rō. prop. 62. & li.

XCII. *Ex Princ. 4. & 10.*

Induratio, non est sola simplex permissio peccati, sed amplius, et

# DOCTRINÆ AUGUSTINI.

& poena, & supplicium à Deo  
inflictum pro peccatis.

Retr: c 15. l de Cor: & Grat: c 11. &  
epist 115. & tract: 13. in Joan: serm: 88.  
de temp: l 2. cont: advers. leg: & Pro-  
phet. c 8.

## XCIII. Ex Princ. 4, 9, 10.

Induratio duplex est: altera per  
patientiam, altera per potenti-  
am Dei.

XCIII.

Lib: 5. cont. Julian: c 3. & 4. in  
Exod: q: 18 & lib: de Grat: & lib: arb:  
c 20. in Joan: tra: 53. Epist: 105. &  
& 106: lib: 1. ad Simpl. q 2.

## XCIV. Ex Princ. 4, 9, 10.

Induratio per patientiam est per-  
missiva. Induratio per potenti-  
am positiva, & Augustino teste  
*inexplicabilis.*

XCIV.

Lib: de Grat: & lib: arb: c 20.  
q 18. in Exod. lib: de Nat. & Grat.  
cap 22. perspicue cont. Jul. c 3 & 4.  
l 2. advers. leg. & Prophet. c 8.

## XCV. Ex Princ. 7.

Præter meritum hominis justifi-  
cati, quod vocant de condigno,  
datur aliud meritum ante justi-  
ficationem, quod appellant de  
congruo.

XCV.

Epist. 84. & 105. & 106. lib. de  
Præd. Sanct: c 2 l de Cor. & Grat: c 1.  
Ad Simpl. q 2. l 2. cont. 2. epist. Pe-  
lag c 17. l 1. Retr: c 9. & 23. l 2. de  
Peccat. mer. c 17. l 4. cont. Jul. c 3.

## XCVI. Ex Princ. 3, & 5.

Infantes qui decesserunt in pec-  
cato Originali cum dānatis cen-  
sendi, sed in damnatione tamen  
omnium levissima futuri.

XCVI.

Serm. 14. de verb: Apost. l 4. cont.  
2. epist. Pelag. c 4. l 1. de mer & rem.  
c 16. & c 28. lib. 5. cont. Jul. c 11.

## XCVII. Ex Princ. 4. & 10.

Necessitas non peccandi in pa-

XCVII.

Tractat. 41. in Joan: lib: 2. de  
Peccat: mer: & rem: c 7. & 8.

X 2

tria



# GERMANÆ THESES

tria erit: sed hæc non tollet liberum arbitrium in Beatis.

**XCVIII. Ex Princ. 4, et 10.**

Libertas Beatorum respectu servitutis peccati, summa erit, & perfectissima: cum in eam redigi servitutem non possit.

**LXXXVIII.**

Lib. 22 de Civit. c. 30. ibid. ult. lib. de moribus eccles. c. 11. lib. de Corrept. & Grat. c. 11. & 12.

**XCIX.**

Lib. 1. oper. imperf. cont. Jul. fol. 105. & 153. ferm. 13. de verb. Apost. lib. de spir. & lit. c. 30. lib. de Præd. Sancti. c. 15. lib. 22 de Civit. c. ult. lib. de Nat. & Grat. c. 46.

**XCIX. Ex Princ. 10.**

Non pertinet ad definitionem liberi arbitrii, posse peccare: sed liberi arbitrii, lauciati, et servientis peccato, cum Deus sit liber, et non possit peccare.

**C. Ex Princ. 1.**

**C.**  
Lib. 5. cont. Julian. c. 2 & lib. 6. c. 1. 2. 4. & lib. 20 de Civit. c. 6. & tract. 1. in epist. Joan. 1. 2. de Symb. ad Catechum. c. 5 & 8. 1. de Dono. Persever. c. 12.

Christus, etsi solis, qui sibi Patri sunt dati morte sua Prædestinatis ad Gloriam, et quibusdam ad Gratiam temporariam electi profuerit, rectè tamen ob alios respectus mortuus pro omnibus et dici potest et debet: nec id uspiam ab Augustino negatur.

**CI.**

# DOCTRINÆ AUGUSTINI.

## CI. Ex Princ. 2. & 3.

Quod quis omnino (id est invincibiliter) ignorat, in eo certè peccare non potest. Potest tamen occasione illius ignorantiae in aliò peccare.

CI.  
Lib. 3. de lib. arbitr. c. 19. l de nat. & Grat c. 17. c. 67. Epist. 48. lib. cont. Crescon. 2. c. 26. Epist. 50. r. & 89. in Joan. l 22. contr. Faull. c. 44. l de Grat. Pelag. c. 18. 19. 33. l 1. 6. per. imperf. contr. Julian l 6. contr. Julian. c. 1. l 1 ad Bonif. fac. c. 3. & 9. 183. q. 1. q. 66. l de contr. c. 33. in Enchir. c. 81. epist. 154. l de Grat. & lib. arb. c. 3. l 3. contr. Julian c. 19.

## CII. Ex Princ. 6. et 7.

Lex & monstrabat Peccatum, et necessitatem Gratiae vires ad vitandum peccatum minimè conferebat. Non erat Gratia, sed non ideo Gratiae Auxiliis destituta.

CII.  
Epist. 260. l 1. ad Symp. q. 2 l de ver. Relig. c. 25. l 3 ad Bonif. c. 2. l de Spir. & lit. c. 14. & 32. l de Grat. & lib. arb. c. 4. serm. 4. de verb. Apost. c. 5. l de Pers. Just. c. 6. l 1. Retract. c. 23. l de gestis Pelag. c. 7. l ad Bonif. c. 4. serm. 13. de verb. Apost. c. 3. Epist. 49. q. 2. Epist. 157. Comment. Epist. ad Galat. l 1. post. cont. Julian. 5. 92. de verb. Apost. serm. 11.

## CIII. Ex Princ. 7.

Timor Poenarum etiam Gehennae præciso omni ad Deum respectu: et indirectè volens Peccatum justus non est. Est autem, cum aliquò modo ad Deum tendit et à Peccato prorsus avertit.

CIII.  
L. de Spir. & lit. c. 8. 19. 32. l de Nat. & Grat. c. 57. l 1 ad Bonif. c. 9. & 13. c. 4. epist. 144. Psal. 49. Psal. 77 & 118. serm. 3. In Appen. serm. 15. de verb. Apost. & 19. & Psal. 127. & serm. 214. de temp. & tract. 9. in epist. Joan. lib. de Grat. & lib. arbitr. c. 18. Tract. 9. in epist. Joan. in Psal. 123.

## CIV. Ex Princ. 1.

Nemo unquam ulla in lege sine Fide IESU Christi Mediatoris salutem æternam est consecutus, consequeturvè.

CIV.  
Epist. 49. q. 1. & Epist. 157. Epist. 84. l 1. de Peccat. mort. & remiss. c. 11. & 27. c. 12. c. 39. & l de Nat. & Grat. c. 30. & 44. & 62. & l de Peccat. Origin. c. 21. & l 1. c. 5. ad 33. & l 2. de nupt. & concup. c. 11. l 2. ad Bonif. c. 4. & 5. & l 6. contr. Julian. c. 12. & lib. de Perfect. Just. ad fin.

X 3

Hæc

**H**Æc est vera & genuina Augustini mens: Cujus quot sunt sententiæ: totidem à me conclusiones conceptæ, ac expressæ sunt. Si quis Censor aut ullam Augustini neget esse: aut falsam (cùm ejus sit) esse affirmet: ei recipio, quancunque designet, eam et omnino Augustini esse: & falsam non esse, summorum Theologorum judicio, à me monstratum iri. Unde nullam earum, uti scribitur, vel improbatam fuisse antea, vel deinceps improbandam à Sede Apostolica fore, haud temerè dixero. Scio nonnullas à Socinianis, Arminianis, Remonstrantibus repudiari: sed horum ego calculos non moror. Catholicorum expecto: sed illos prius monitos volo: ut cautè ac prudenter censeant: certè, me si contrà sentiant, in numero habere Authores idoneos, quorum præsidio meam sententiam muniam; & ab iis nominandis consultò interim abstinere, ut lacesitus opportunè ac tempore producam. Liber de Adjutoriis secundus sub Prælo est: totus Scholasticus: in eo Augustinianam Gratiā propono & vindico à calumniis Arminii & sequacium, quibus quòd Crucis Christi virtutem evacuant, Crucem paro. Dum absolvitur: quicquid opponi mihi à quoquam accepero, id actutum refutabo. Ita tamen ut me, meamque doctrinam Sanctæ

# DOCTRINÆ AUGUSTINI.

ta Romanæ Ecclesiæ judicio, censuræ que subji-  
ciam.

ITAQUE

Duo circa hujusmodi Conclusiones dico. Pri-  
mum non meas esse, nec tanquam meas proponi, sed  
Augustini. Utrum veræ sint, necne, meum non esse  
definire. Satis est quod Magni Augustini sint, ne  
improbentur.

Alterum: Qui neget aliquam ex iis Augustini  
esse, eum prorsus falli; & quamcunque quis exci-  
piat, ejus authorem esse Augustinum non meâ so-  
lum me sed gravissimorum Theologorum, inter quos  
multi & nobiles JESUITÆ sint, autoritate mon-  
straturum.

FINIS.



in the year 1711, the first time  
that the name of the  
place was mentioned in the  
records of the town. It was  
then called "the new place"  
and was situated on the  
east side of the river. It was  
the first place where the  
settlers of the town  
settled.

Afterwards, the name of the  
place was changed to "the  
old place" and it was  
the first place where the  
settlers of the town  
settled.



DE

# Duplici Adjutorio.

## LIBER I.

### C A P. I.

*Via ad tractatum munitur & status quæ-  
stionis proponitur.*



*N*imis, ait Augustinus, *perversè seipsum amat, qui alios vult errare, ut error suus lateat.* *Epist. 7.* Hoc vitio nè laborem, initio quæstionis profiteor, decretū mihi esse candidè ac sincerè mentem Augustini, qui disputationis scopus ac finis est, quemadmodum cum assidua lectione sum affecutus, exponere: ac in ea exponenda nihil partium studiis, nihil præjudicatis opinionibus, nihil inolitis affectionibus dare: Sed uni puræ ac putæ veritati,

B

ritati, in quam cogitationes curasque meas omnes  
 vetus Augustini & discipulus & amator conferre so-  
 leo, prorsus servire: itaq; præcis perverſi amoris ra-  
 dicibus, quòd nullarum partium, quòd liberi judicii,  
 quòd integri ac illibati affectus ſim, neceſſe eſt ut ne-  
 minem errare velim, cum nihil perverſi in me inſit  
 amoris, quòd ſolius profitear ſtudio veritatis.

Nec timendum (quod quis forte objecerit) ut aut  
 minus Auguſtinum intelligam, aut intellectum ad  
 ſenſus alienos detorqueam. Cum alterum aſſidua, &  
 annos abhinc duodecim continuata ſcriptorum Au-  
 guſtini lectio reſellat: alterum ingenitus mihi à pu-  
 ero, & cum ætate pariter ad ſenectutem creſcens Au-  
 guſtini amor reſutet. Quod ſi tam eſſet ad Auguſti-  
 ni mentem inſpiciendam ingenii mei acies imbecilla,  
 ut per ſe ad intuendum niti non poſſet, amor certe  
 meus eſſiceret ut conando, laborando, inveſtigando  
 pertinaciâ ſtudii aſſequerer, quod non poſſum inſir-  
 mitate naturæ comparare: quantum enim amor ad  
 diſcendum valeat, docuit Sapientiæ ipſius Pater, qui  
 cum magiſtrum nobis filium daret, amabilem reddi-

Mat. 17. dit: *hic eſt, inquit, filius meus dilectus, in quo mihi  
 bene complacui, ipſum audite.* Dilectum audiri vo-  
 luit, cum dilectio ad cor, diſciplina ad aures pertine-  
 at, quod amare docentem ſit gradus ad doctrinam.

Iſai. 30. Nec ubi præceptor amatur, oculis non diſcitur Iſaia  
 teſte: *Erunt inquit, oculi tui videntes præceptorem  
 tuum:* perinde ac videndo oculi doctrinam hauri-  
 ant. Sanè uti qui doctorem odit, quid is doceat,  
 contemnendo negligit, ac ex neglectu ignorat, ita qui  
 amat,

amat, diligendo inquirat, quid sentiat; ac ex studio comperit. Ut authoris sensus sensui amantis respondeat. Quo spectat illa Augustini sententia: *Agendum prius est ut authores non oderis, sed ut ames, ut legas & judices.* Quod ille certè non diceret nisi quantavis utrius in utramvis partem affectus esset, experienciâ didicisset. Jam vero authoris compertum sensum torquere, & si magis alienum à fide quàm ab amore videatur, non minus amoris detrahit quàm fidei. Et enim qui sensum torquet, & mentē suā authoris adulterat, in amorem juxtā peccat & fidem: nisi forte adulter servat amorem, cum violat fidem. Adde quod mentiri sensum, fucum facit authori, cui persona imponitur, ut fictum in eo pro vero ametur, quod non nisi magnâ fieri injuriâ potest, cum non illius vera forma, sed species fucata placeat. Detur igitur hoc amoris in Augustinum meo, ut mihi illud summam nec ad eum intelligendum, facultatem defuisse: nec ad eundem exponendum fidem defuturam.

Nova nuper in Gallia, ob studia partium exitit controversia, circa mentem Augustini de duplici adjutorio, *sine quo & quo*: dissentientibus ac digladiantibus hinc inde diversarum & scholarum & professionum theologis, doctis hominibus, de mente Augustini, cum utrumque illud adjutorium induxit. Sensere utrique quanti momenti res esset, cum ex ea tota penè gratiæ efficacia & inefficacia, & cum ea arbitrii concordia, pendeat: ut quo sensu sit Augustinus locutus, is quasi filū ad obscuras de prædestinatione & gratia quæstiones expediendas præbeat. Utri-



que fundamentum in eo ponunt opinionis suæ, quodd videant, cuiusmodi illud fuerit, ejus fore gratiæ fabricam construendam. Equidem uti studium laudo, ita miror in dubium vocari Augustini mentem, quam ego ita perspicuam esse existimo, ut nemo qui latinè intelligat ac legat, dubitare de illa possit. Fateor ingenuè me, multo antequam hujusmodi concertationes existerent, in eum Augustini librum, ubi de illis adjutoriis ex professo agit, incidisse, nec ullam tum mihi difficultatem objectam; quo minus eum percepissem; accesseram quippe ad Augustinum animo verè humili ac sincero, ut ex eo discerem, depositâ, qua antea imbutus eram, opinione, eique meum ita accommodans judicium, ut nihil præjudicatum afferrem. Versabam tum animo illud Paulini & Therasiæ, Augustini

*Epist. 31. Os fistulam aquæ vivæ, & venam fontis æterni esse: ut*  
*36. ei mentem pariter, & cor admoverem, quo purius & uberius haurirem. Itaque jam tum judicium scripsi meum, & quod nutare jam lecto Augustino in accepta ab iis, qui me erudierant, magistris de prædestinatione & gratia doctrina cæperam, inspecto & expenso accuratiùs eo loco, illi renuntiavi, & paulò post in melius, opinor, mutavi sententiam. Quemadmodum in mea Cortina Parisiis decennio fermè post typis mandatâ, sum latius prosecutus; in qua quæstionem de his duobus adjutoriis excitavi satis prolixam, & exactam, ut de mente Augustini constaret, nihilque esset quod ad perfectam ejus cognitionem desiderari posset. Quò magis mirari debeo, qui post illud opus meum editum in lucem, adjutoria illa vel negant vel*

vel confundunt, eos aut meum de iis iudicium non vidisse, aut certè negligendo præteriiſſe, aut diſſimulare prætereundo voluiſſe. Tam enim, opinor, adductis, & collatis penè omnibus qui rem continerent, operum Auguſtini locis, perſpicuè oſtendi, quid ille ſentiret, tam accuratè quæ obiici contra poſſent, attuli & dilui, tam validè ſenſum germanum loci munivi, ac firmavi, ut omnem dubitandi occaſionem præcidiffè arbitrarer. Et quidem doleo doctiſſimos aliquot viros velle tergiverſando clariſſimam Auguſtini doctrinam obſcurare, & cùm filii lucis ſint, & Eccleſiæ lumina, anſam præbere *Filiis fumi* (quo nomine hæretici omnes ſunt appellandi) vel ſimiles Patrum locos tenebris involuendi, vel fidem noſtram in aliis quos contra eorum errores producimus, elevandi. Habent hoc ſtudia partium, ut dum cōtraria inter ſe ſentiant, Patrum ſententias ex voluntate interpretando detorqueant, & quos ſequi debuerant, eos ad ſe vel invitos trahant, & cùm ſuis imbuti opinionibus ad eos legendos accedant, magiſtros doctoresq; habere nec velint, nec poſſint : nec enim iudicia requirunt, ſed ſua iis præiudicia affingunt; ita non eorū magiſterio, ſed patrocinio utuntur. Truncare ſententias, locos incidere, ſenſus pervertere, verba intorquere, mentem depravare, ſummâ certe Patrum injuriâ; non modo quòd nihil apud eos certum & conſtans relinquitur, ſed quod ſibi met adverſari & à ſeipſis diſſentire coguntur. Quo fit ut ſit verum illud à Divo Dorotheo uſurpatum : *Regula obliqua etiam quæ recta ſunt, obliquat.* Cum quæ rectè Patres docuerunt, ex perverſo interpretantium

Auguſt.  
de Heret.  
lib. un.

pretantium studio in alienos sensus detorqueantur. Et verò hæc eò licentia processit, ut Patres nobis eripiant, larvas pro Patribus objiciant, adeo, ut ne ipsi quidem, si se in suorum interpretum libris inspiciant, vultus suos norint : ac se ipsos personati prætereant. Unus horum Augustinus est Patrum omnium Coryphæus, in quo cum cardo vertatur Christianæ post Sacras Scripturas doctrinæ : eaque ab ipso tam perspicuè, tamque exactè tradatur, factionum scholasticarum, quæ his exortæ sunt temporibus, dissidiis, & contentionibus, factum est ut pro arbitrio opinantium diversa sentire videatur : non quòd ipse ambiguè loquatur, sed quòd, dum quisque ejus ore vult loqui, suos ei sensus, judiciæque accommodet. Cumque ille multò plura quam alii Patres scripserit, & omnes pene hæreticos refutarit, si quid in tanta mole scriptorum & rerum varietate dicat, quod aut minus sit perspicuum, aut magis in eum quem lectores tenent sensum propendeat, id avidè arripiant & suum faciunt, nec quid aliis in locis, ubi ex professo rem definit, tradat, magnopere curent : imo & dissimulent, subtrahantque. Quemadmodum in hac præsentī controversia accidisse video : in qua tam clara est Augustini mens, ut magna violentia opus sit ad eam pervertendam : sunt tamen qui quod alienam eam à suis opinionibus existimant, industria obscurant, & occultant, ne, si pateat, tenebras opinionum suarum manifesta lux redarguat. Hujusmodi affectatos, ut cum Tertulliano loquar, *duces passivorum discipulorum* studio indagandæ veritatis ipsiusmet Augustini ver-  
bis

bis adducto textu confutare volo. Ac postea iudicium de ejus loci sensu meum antequam istæ inter nuperos theologos controversiæ oriarentur proponere, ut appareat, qui syncero ad Augustinum legendum animo accedat, illum non modo statim ejus sententiam percepturum, sed etiam non posse aliter quam perceperit intelligi, omnino comperturum. Id ego aptissimè ex eodem Augustino ad novarum factorum theologos dixerim, *deponite quæso studia partium, & verum non vincendi, sed inveniendi gratia querite.* Et quamquam locus prolixus sit, integrum oportet adduci. Nam prolixitas ipsa argumento est, voluisse Augustinum mentem suam exponere, ac satis desiderio suo exponendo fecisse. Ac quemadmodum tota de hac re doctrina in tria est capita accommodatè conjecta & divisa, ita non integrè, sed incisè, & per illa capitum membra sectam, distinctamq; proponemus.

*Lib. 2. de  
morib.  
Manich.*

C A P.





## C A P. II.

Textus Augustini capite decimo Libri de correptione & Gratia, qui hujusce de duplici adjutorio doctrinæ fundamenta continet, adducitur.

“**N**emo ergo dicat non esse corripiendum qui exorbi-  
 “tat de via justa, sed ei reatum & perseveranti-  
 “am à domino tantum esse poscendam: nemo pru-  
 “dens & fidelis hoc dicat. Si enim secundum propositum  
 “vocatus est iste, proculdubio ille etiam quod corripitur,  
 “Deus cooperatur in bonum. Vtrum autem sic sit voca-  
 “tus quoniam qui corripit nescit, faciat ipse cum chari-  
 “tate quod scit esse faciendum: scit enim talem corri-  
 “piendum, facturo Deo aut ad misericordiam aut  
 “ad judicium. Misericordiam quidem si à massa per-  
 “ditionis ille qui corripitur, gratiæ largitate discretus  
 “est, & non est inter vasa iræ quæ perfecta sunt in perdi-  
 “tionem: Sed inter vasa misericordiæ quæ præparavit  
 “Deus in gloriam. Judicium vero, si in illis est damnatus,  
 in his non est prædestinatus. Hinc exoritur alia quæstio  
 non sane contemnenda, sed in adjutorio domini in cujus  
 manu sunt & nos & sermones nostri, aggredienda atque  
 solvenda. Quæritur enim à nobis, quantum attinet ad  
 hoc donum Dei, quod est in bono perseverare usque in fi-  
 nem,

nem, qui de ipso primo homine sentiamus, qui certè sine ullo vitio factus est rectus. Nec dico, si perseverantiam non habuit, quomodo sine vitio fuit, cui tam necessarium donum Dei defuit? huic namque interrogationi facilè respondetur, eum perseverantiam non habuisse, quia in eo bono quo sine vitio fuit non perseveraverit: cepit enim habere vitium ex quo cecidit, & si cepit, antequam cepisset utique sine vitio fuit. Aliud est enim non habere vitium, & aliud est in ea bonitate in qua nullum vitium est, non manere. Eo quippe ipso quòd non dicitur nunquam sine vitio fuisse, sed dicitur sine vitio non permansisse, proculdubio demonstratur sine vitio fuisse, in quo bono non permansisse culpatur. Sed illud magis quærendum operosiusque tractandum est, quomodo respondeamus eis, qui dicunt: Si in illa rectitudine in qua sine vitio factus est, habuit perseverantiam, proculdubio perseveravit in ea. Et si perseveravit, utique non peccavit, nec illam suam rectitudinem Deumque deseruit. Eum autem peccasse, & desertorem boni fuisse, veritas clamat. Non ergo habuit in illo bono perseverantiam, & si non habuit, non utique accepit. Quomodo enim & accepisset perseverantiam, & non perseverasset? Porro si propterea non habuit quia non accepit, quid ipse non perseverando peccavit, qui perseverantiam non accepit? Neque enim dici potest ideo non accepisse, quia non est discretus à massa perditionis gratiæ largitate: Nondum quippe erat illa in genere humano perditionis massa antequam peccasset, ex quo tracta est origo vitiosa. Quapropter saluberrimè confitemur, quòd rectissimè credimus, Deum dominumque rerum omnium qui creavit omnia bona val-

de, & mala ex bonis exortura esse præcivit, & scivit magis ad suam omnipotentissimam bonitatem pertinere, etiam de malis benefacere, quàm mala esse non sinere: sic ordinasse Angelorum & hominum vitam, ut in ea prius ostenderet quid posset eorum liberum arbitrium, deinde quid posset sue gratiæ beneficium justitiæque iudicium. Denique Angeli quidam, quorum princeps est qui dicitur diabolus per liberum arbitrium à Domino Deo refuga facti sunt. Refugientes tamen ejus bonitatem qua beati fuerunt, non potuerunt ejus effugere iudicium, per quod miserrimi effecti sunt; Ceteri autem per ipsum liberum arbitrium in veritate steterunt, eamque de suo casu numquam futuro certissimam scire mernerunt. Si enim nos de scripturis sanctis nosse potuimus sanctos Angelos jam nullos esse casuros, quânto magis hoc ipsi revelata sibi sublimius veritate noverunt. Nobis quippe beata sine fine vita promissæ est, & æqualitas Angelorum. Ex qua promissione certi sumus, cùm ad illam vitam post iudicium venerimus, non inde nos esse lapsuros: quod si de seipsis Angeli nesciunt, non æquales, sed beatiores erimus. Veritas autem nobis eorum promisit æqualitatem. Certum est igitur hoc eos nôsse per speciem, quod nos per fidem, nullam scilicet jam ruinam cujusquam sancti Angeli futuram. Diabolus verò & Angeli ejus, etsi beati erant antequàm caderent, & se in miseriam casuros esse nesciebant, erat tamen adhuc quod eorum adderetur beatitudini, si per liberum arbitrium in veritate stetissent, donec istam summæ beatitudinis plenitudinem, tanquàm præmium ipsius permansionis acciperent, id est, ut magna per Spiritum sanctum data abundantia charitatis Dei, cadere ulterius

ulterius omninò non possent, & hoc de se certissimè nòssent: hanc plenitudinem beatitudinis non habebant: sed quia nesciebant suam futuram miseriam, minore quidem, sed tamen beatitudine sine ullo vitio fruebantur. Nam si suum casum futurum nòssent aeternumque supplicium, beati utique esse non possent, quos hujus tanti mali metus jam tunc miseros esse compelleret. Sic & hominem fecit cum libero arbitrio, & quamvis sui futuri casus ignarum, tamen ideo beatum, quia & non mori & non miserum fieri in sua potestate esse sentiebat. In quo statu recto ac sine vitio, si per ipsum liberum arbitrium manerè voluisset, profectò sine ullo mortis & infelicitatis experimento, acciperet illam merito hujusmodi permansionis, beatitudinis plenitudinè, qua & sancti Angeli sunt beati, id est, ut cadere non posset ulterius, & hoc certissimè sciret. Nam neque ipse posset etiam in paradiso beatus esse, imò ibi non esset, ubi esse miserum non deceret, si eum sui casus præscientia timore tanti mali miserum faceret. Quia verò per liberum arbitrium Deum deseruit, justum judicium Dei expertus est ut cum tota sua stirpe quæ in illo adhuc posita, tota cum illo peccaverat, damnaretur. Quotquot enim ex hac stirpe gratia Dei liberantur, à damnatione utique liberantur, quæ jam tenentur obstricti: unde etiam si nullus liberaretur, justum Dei judicium nemo justè reprehenderet. Quòd ergo pauci in comparatione perennantium, in suo vero numero liberantur multi, gratia fit, gratis fit, gratiæ sunt agenda quia fit, ne quis velut de suis meritis extollatur, sed omne os obstruatur, & qui gloriatur, in Domino gloriatur.





## CAP. III.

*Pro explicatione utriusq; Adjutorii sine quo & quo, doctrina decimi capitis expenditur.*

**I**Nitio capitis proponit Augustinus, quod perpetuò observat, duas illas hominum classes, prædestinatorum & reproborum, docétque utroque ad perseverantiam esse & vocandos, & hortandos à nobis : nam etsi jam à Deò sint alii prædestinati, alii derelicti, atque adeo certum sit prædestinatos salvandos, derelictos damnandos; tamen cum nos id ignoremus, non debemus aut non orare pro omnibus, aut non corripere omnes, aut non hortari omnes. Quemadmodum enim nostra non interest scire qui misericordia Dei ex massa in Adamo damnata destinati sint ad salutem, qui in ea ejusdem judicio ad damnationem relictì, ita maximè refert nullos ab orationibus nostris, exhortationibusque excludere, sed omnibus opem & operam nostram impendere. Quibus vero proficiat, aut non proficiat, penes Deum esse scire apud quem jam sunt & discreti & cogniti.

Deinde quærit: supposito, quòd perseverantia sit Donum Dei, prædestinatos omninò ad salutem ducens: an locum habuerit in Adamo ante lapsum, cum sine ullo naturæ vitio conditus est, & in statu innocentiae,

nocentix, ut aiunt, constitutus? Antequam respondeat, objicit sibi, quâ ratione dicat Adamum caruisse vitio in eo statu, cum caruerit perseverantia? ac respondet aliud esse habere bonum, aliud perseverare in bono: Adamum cum sine vitio fuit, in bono fuisse, in quo debuisset perseverare, imo ex eo quod non perseveravit in bono, apparere in bono fuisse, ex quo cecidit non perseverando: nam cujus tantum perseverantia exigitur, is non est in malo, sed in bono: quod si in eo non perseverat, jam incipit habere malum, cum in eo non perseverat. Itaque vitium non habere, pertinet ad principium, perseverare pertinet ad continuationem, & finem; unde qui cœpit bene, bonum habet, in quo cum à bono defecit, in eo non perseveravit, & non perseverando indicavit in bono fuisse quod amisit: cum nemo possit amittere nisi quod habebat: nec nisi in eo, in quo erat, perseverare.

Remotâ objectionem, quæstionem præcipuam movet, quæ sic formatur. Perseverantia Donum Dei est, quod à Deo accipiunt qui perseverant, Adamus non perseveravit, igitur perseverantiam non accepit à Deo: hoc posito non videtur Adamus peccasse non perseverando, atque adeo omnino non peccasse. Nam cum experit peccare non perseverando, si non peccavit non perseverando, prorsus non peccavit. Quod autem non peccaverit, non perseverando apparet, ex eo quod non accepit hoc donum à Deo; nam si perseverantia est à Deo, & Deus non dedit perseverantiam, qui potuit peccare Adamus defectu per-

perseverantiæ quam non accepit.

Hinc gradum facit ad inquirendam causam cur Adamus non perseveraverit : ac primum statuit diversam in eo & in nobis causam fuisse : nam in nobis causæ perseverandi, & non perseverandi supponunt statum ruinæ in massa damnata per lapsum Adami : nam qui in ea per misericordiam discernuntur, & eliguntur à Deo, accipiunt perseverantiam : qui in ea per iudicium derelinquuntur, non accipiunt. At vero causa non perseverandi in Adamo non potuit in hoc statu fundari, cum adhuc non esset ille status quem Adamus cadendo induxit. Nec enim massa damnata nisi per illius peccatum cœpit : quòd peccatum fuit, non perseverare. Itaque ejus posterì, quia non perseverant, causam non perseverandi habent in massa, ex qua non sunt discreti, & possunt dicere non accepisse à Deo, quia sunt relictì in massa perditionis. Adamus vero cum non perseveravit, aliam habere debuit causam, cum ante massam damnationis statu in integro ac crecto fuisset. Unde non poterat dicere non accepisse donum illud à Deo, quia derelictus erat inter damnatos. Perspicuè Augustinus, & breviter : *nec enim dici potest ideo non accepisse, quia non est discretus à massa perditionis gratiæ largitate : nondum quippe erat illa in genere humano perditionis massa antequam peccasset, ex quo tracta est origo vitiosa.* Animadvertendum autem Augustinum non quærere, acceperitne Adamus an non acceperit perseverantiam à Deo, sed tantum rationem, cur non perseveraverit, inquirere, & negare inquirendò in discretionem à mas-

sa damnata fundari: ut longè diversum fuissè affirmet: quod jam incipit & profundius & operosius agere. Ait ergo Deum cum prævidisset casum Angelorum Adamique futurum, non ideo tamen ab iis condendis abstinere voluisse, quod mallet *de malis benefacere, quàm mala esse non finire*: condidit igitur naturam angelicam, & humanam in statu recto citra vitium, puram & sanam, sui compotem, liberam, expeditam, sui arbitrii, & potestatis, ut quocùnque vellet, cò mentem voluntatémq; traduceret. Qua in re duo statuit Augustinus: alterum eandem fuisse angelorum & Adami ante lapsum rationem status & libertatis, utròsq; conditos innocentes, puros, integros erectos, bonos quæ ad statum pertinent. Utròsq; ad virtutem pro libito faciles & promptos, ad vitiũ liberos non inclinatos, ut quidquid vellent agere in sua potestate haberent. Sive benè agerent, sive secus, libero eorum arbitrio assignandum: quod in utràmque se partem prolibito fle&ebat. *Qui steterunt angeli boni per ipsum arbitrium liberum in veritate steterunt. Qui mali per liberum arbitrium à domino Deo refuga facti sunt.* Poterant hi per liberum arbitrium in veritate stare, & illi per idem liberum arbitrium ab ea deficere. Sed alii cadere, quàm stare, alii stare quàm cadere maluerunt. Eadem ratione Adamus poterat *in suo statu recto ac sine vitio manere si per ipsum liberum arbitrium manere voluisset*: poterat per idem liberum arbitrium Deum deserere. Et utrúmque cum posset, *manere noluit, deserere voluit.* Par igitur, imo & similis Angelis Adamus in operando fuit,  
in



in statu innocentiae Authore Augustino. Pergo ex eo audire Deum voluisse hac ratione monstrare primum quid possit in angelis & hominibus liberum arbitrium, deinde quid possit suae gratiae beneficium iustitiaeque iudicium. Nam pravi angeli miserrimi effecti sunt. Boni summa beatitudinis plenitudinem in praemium acceperunt. Adamus vero Deum deserens cum tota sua stirpe damnatus est. Ita in bonis Angelis beneficium gratiae, in malis & Adamo iustitiae iudicium apparuit. Hæc vero duo cujuscumque fuerint Augustinus exponit, docens Angelos bonos ob suam perseverantiam liberam consecutos fuisse æternam sanctitatem, & certam ejus & futurae gloriae suae notitiam quo plenè beati sunt effecti, cum antea inchoatè tantum beati essent, quod de futura in eo statu permanensione certi non erant. Hoc igitur perseverando meruerunt, ut non possent cadere, & omninò casuros non esse se scirent, & beatos æternùm cum Deo in gloria fore. Itaque antequam libero arbitrio stare vellent, qui per liberum arbitrium cadere voluerunt, beatiores non erant, cum nec adhuc meruissent perpetuitatem in gratia, nec securitatem præmii, qua certè ratione omnes antequam eos meritum distingueret, æquales erant. Cum & qui ceciderunt, beati essent ante casum beatitudine inchoata: quod scirent in manu sua esse perseverare, & nescirent se casuros esse, sed intercurrente peccato ab illa pace & beatitate amisso gratiae statu & incisa spe futurae gloriae mali ceciderunt: boni vero addito perseverantiae suae merito firmam & perpetuam gratiam cum futura revelati-

one gloriæ receperunt. Et quidam ita *de Angelorum vita*, ut vocat, Augustinus sentit. Mox de Adamo innocente ac puro docet: factum à Deo cum libero arbitrio, ut quamvis sui futuri casusignarum, tamen ideo beatum, quia & non mori, & non miserum fieri in sua potestate esse sentiebat. Parem angelis in statu beatitudinis inchoatæ. In quo si manere pro arbitrio voluisset, similis bonis angelis evassisset, & beatitatem in qua fuit conditus complevisset, ut cadere non posset ulterius, & hoc certissime sciret. Quia verò perseverare voluntate sua noluit, ac Deum deseruit, justas peccati sui poenas dedit, seque suosque funditus perdidit: cā tamen differentiā, quod angeli mali singuli perierunt, nec quisquam illorum fuit à miseria liberatus; Adam verò cum tota sua stirpe damnatus & in massam perditionis conjectus: sed ex qua tamen multi Dei misericordiā liberandi erant. Pluribus ejusdem Dei judicio in damnatione derelictis. Unde concluditur misericordiā liberari illos, justitiā hos condemnari, nec attendi merita, ubi nemo innocens, rei omnes; sed gratiam Dei, qui voluit quosdam ex illo miserrimo statu eruere, eosque gratis salvare, idque ex eo constare, quod si nullum eorum Deus liberaret, injustus esse non posset, cum omnes justè posset damnare.

Hic est hujus capituli decimi sententia, non melius, nec nitidius, sed latius exposita: nec dubito, quin si Augustinus ipse legatur, facilius intelligatur, quam si ego aut quisquam alius exponat: non eget inter-

prete locus sed, lector. Sanè cùm primùm in hæc incidi, quid ille vellet plane intellexi. Unum tamen in Augustino desiderari animadverto; nimirum, causam cur Adamus non perseveraverit? quod maxime optandum erat; ac ipsi propositum fuerat, nam id præcipuè quæsit. Sed qui accuratè expendat, quæ ille de ratione operandi angelorum, & Adami tradidit, comperiet fundamenta ad responsionem jecisse, ac in iis insinuasse causam non perseverandi. Patet ex illius doctrina de modo operandi in statu integritatis, & innocentie, omninò diverso à modo perseverandi in statu ruinæ: nam in potestate angelorum & Adami erat perseverare in bono, atque adeò perseverantia ipsa eorum meritis tribuenda, cum ipsi pro suo arbitrio perseverarint. Unde qui non perseverarunt, iis nullum fuit impedimentum, imo nec difficultas quidem ad perseverandum, nam non extra eos erat, sed intra, causa non perseverandi. Itaque in arbitrio, causæ perseverandi, & non perseverandi requirendæ. Perseverantia in angelis & Adamo non tam erat donum quam meritum, cùm pro arbitrio possent perseverare, & non perseverare. Unde defectus perseverandi non tam ad difficultatem, aut impedimentum, aut pœnam, quàm ad negligentiam, aut culpam operantium pertinebat. Summa esto: angelos bonos perseverasse quia voluerunt: malos non perseverasse, quia noluerunt, cùm facile possent perseverare.

Qua ratione Adamus noluit omninò perseverare; cum posset ex arbitrio suo perseverare: ex posteris  
autem

autem Adami, ideo electi perseverant in bono, quia iis datur donum perseverandi, quod acceptum Deo tribuere debent, cum gratis, & ex misericordia immerentibus dederit: qui non perseverant, ii iusto Dei iudicio non acceperunt: nec mirandum, cum ipsis gratia non deberetur in massa perditionis derelictis. Hæc quæ in illa ratione operandi ex libero arbitrio, & ex gratia fundantur, Augustinus hoc capite insinuat, clarius & accuratius in proximis tractanda. Quò etiam duo alia non parvi momenti dubia reservavit: An, & quæ gratia necessaria esset Angelis & Adamo ad perseverandum ex libero arbitrio? & utrum esset à gratia hominibus in statu ruinæ perseverantibus collata, & quatenus, diversa? nam hæc attentus lector desiderare posset. Pergamus omnia ex Augustino discere.



## C A P. IV.

*Undecimum ejusdem libri caput affertur.*

**Q**uid ergo? Adam non habuit Dei gratiam? imò verò habuit magnam, sed disparem. Ille in bonis erat, quæ bonitate sui conditoris acceperat. Neque enim ea bona ille suis meritis comparaverat, in quibus prorsus nullum patiebatur malum. Sancti verò in hac vita ad quos pertinet liberationis hæc gratia, in malis sunt,



ex quibus clamant ad Deum : Libera nos à malo. Ille in illis bonis Christi morte non eguit : istos à reatu & hereditario & proprio, illius Agni sanguis absolvit. Ille non opus habebat eo adiutorio, quod implorant isti cùm dicunt : Video aliam legem in membris meis repugnantē legi mentis meae, & captivantem me in lege peccati, quæ est in membris meis : Infelix ego homo, quis me liberabit de corpore mortis huius ? Gratia Dei per Jesum Christum Dominum nostrum : quoniam in eis caro concupiscit adversus spiritum, spiritus adversus carnem, atque in tali certamine laborantes ac periclitantes, dari sibi pugnandi vincendique virtutem per Christi gratiam poscunt. Ille verò nulla tali rixa à seipso adversus seipsum tentatus atque turbatus, in illo beatitudinis loco, sua secum pace fruebatur. Proinde etsi non interim letiore nunc, verumtamen potentiore gratia indigent isti : & quæ potentior quam Dei unigenitus Filius, æqualis Patri & coeternus pro eis homo factus, & sine ullo vel originali vel proprio peccatō ab hominibus peccatoribus crucifixus ? Qui quamvis die tertio resurrexit, nunquam moriturus ulterius, pertulit tamen pro mortalibus mortem, qui mortuis præstitit vitam, ut redempti ejus sanguine, tanto ac tali pignore accepto dicerent : Si Deus pro nobis, quis contra nos ? Qui proprio filio non pepercit, sed pro nobis omnibus tradidit eum, quomodo non & cum illo omnia nobis donavit ? Deus ergo naturam nostram, id est, animam rationalem carnēque hominis Christi suscepit, susceptione singulariter mirabili, vel mirabiliter singulari, ut nullis iustitiæ sue præcedentibus meritis filius Dei sic esset ab initio quo esse homo cepisset, ut ipse & verbum quod quod

quod sine initio est, una persona esset. Nèque enim quisquam tantæ rei hujus & fidei cæcus est ignorantia, ut audeat dicere, quamvis de Spiritu sancto & Virgine Maria filium hominis natum, per liberum tamen arbitrium bene vivendo, & sine peccato bona opera faciendo meruisse, ut esset Dei filius, resistente Evangelio atque dicente: Verbum caro factum est. Nam ubi hoc factum est, nisi in utero virginali, unde fuit initium hominis Christi? Itemq; Virgini requirenti, quomodo fieret quod ei per Angelum nunciabatur, Angelus respondit: Spiritus sanctus superveniet in te, & virtus Altissimi obrumbabit tibi: Propterea quod nasceretur ex te sanctum, vocabitur Filius Dei. Propterea, inquit, non propter opera, quæ nondum nati utique nulla sunt: sed propterea quia Spiritus sanctus superveniet in te, & virtus Altissimi obumbrabit tibi, quod nasceretur ex te sanctum, vocabitur Filius Dei. Ista natiuitas profectò gratuita conjunxit in unitate personæ hominem Deo, carnem Verbo. Istam natiuitatem bona opera secuta sunt, non bona opera meruerunt. Nèque enim metuendum erat, nè isto ineffabili modo in unitatem personæ à verbo Deo natura humana suscepta, per liberum voluntatis peccaret arbitrium, cum ipsa susceptio talis esset, ut natura hominis à Deo ita suscepta, nullum in se motum male voluntatis admitteret. Per hunc mediatorem Deus ostendit eos quos ejus sanguine redemit, facere se ex malis deinceps in æternum bonos, quem sic suscepit, ut nunquam esset malus, nè ex malo factus bonus non semper esset bonus. Istam gratiam non habuit homo primus, quia nunquàm vellet esse malus, sed sanè habuit in qua si permanere vellet, nunquam malus esset, & sine qua

qua etiam cum libero arbitrio bonus esse non posset, sed eam tamen per liberum arbitrium deserere posset. Nec ipsum ergo Deus esse voluit sine sua gratia, quam reliquit in ejus libero arbitrio: quoniam liberum arbitrium ad malum sufficit, ad bonum autem parum est, nisi adjuvetur ab omnipotenti bono: quod adjutorium si homo ill. per liberum non deseruisset arbitrium, semper esset bonus: sed deseruit, & desertus est. Talo quippe erat adjutorium quod desereret cum vellet, & in quo permaneret si vellet, non quo fieret ut vellet. Hac est prima gratia quæ data est primo Adam, sed hæc potentior est in secundo Adam. Prima est enim qua fit. ut habeat homo justitiam si velit, secunda ergo plus potest, qua etiam fit ut velit, & tantum velit, tantæque ardore diligat, ut carnis voluntatem contraria concupiscentem, voluntate spiritus vincat. Nec illa quidem parva erat qua demonstrata est etiam potentia liberi arbitrii, quoniam sic adjuvabatur, ut sine hoc adjutorio in bono non maneret, sed hoc adjutorium si vellet desereret. Hac autem tanto major est, ut parum sit homini per illam reparare perditam libertatem, parum sit denique non posse sine illa, vel apprehendere bonum, vel permanere in bono si velit, nisi etiam efficiatur ut velit. Tunc ergo dederat homini Deus bonam voluntatem: in illa quippe eum fecerat qui fecerat rectum. Dederat & adjutorium, sine quo in ea non posset permanere si vellet: ut autem vellet, in ejus libero reliquit arbitrio. Posset ergo permanere si vellet, quia non deerat adjutorium per quod posset, & sine quo non posset perseveranter bonum tenere quod vellet. Sed quia noluit permanere, profectò ejus culpa est, cujus meritum fuisse,

set,

set, si permanere voluisset: sicut fecerunt Angeli sancti, qui cadentibus aliis per liberum arbitrium steterunt ipsi, & hujus mansionis debitam mercedem recipere meruerunt, tantum scilicet beatitudinis plenitudinem, qua eis certissimum sit semper se in illa esse mansuros. Si autem hoc adjutorium, vel Angelo, vel homini quamprimum facti sunt defuisset, quoniam non talis natura facta erat, ut sine divino adjutorio posset manere si vellet, non utique sua culpa cecidissent. Adjutorium quippe defuisset, sine quo manere non possent. Nunc autem quibus deest tale adjutorium, jam pena peccati est: quibus autem datur, secundum gratiam datur, non secundum debitum: & tanto amplius datur per Jesum Christum Dominum nostrum, quibus id dare Deo placuit, ut non solum assit sine quo permanere non possumus, etiam si velimus, verum etiam tantum ac tale sit, ut velintus. Est quippe in nobis per hanc Dei gratiam in bono recipiendo & perseveranter tenendo, non solum posse quod volumus, verum etiam velle quod possumus. Quod non fuit in homine primo: unum enim horum in illo fuit, alterum non fuit. Namque ut reciperet bonum, gratia non egebat, quia nondum perdidit: ut autem in eo permaneret, egebat adjutorio gratiae, sine quo id omnino non posset: & acceperat posse si vellet, sed non habuit velle quod posset, nam si habuisset, perseverasset. Posset enim perseverare etiam si vellet: quod ut nollet, de libero descendit arbitrio, quod tunc ita liberum erat, ut bene velle posset & male. Quod erit autem liberius libero arbitrio, quando non poterit servire peccato, quae futura erat & homini, sicut facta est & Angelis sanctis merces meritis. Nunc autem per peccatum,

per-



perdito bono, meritò in his qui liberantur, factum est donum gratiæ quæ merces meriti futura erat. Quapropter bina istar quid inter se differant, diligenter & vigilanter intnuendum est: posse non peccare, & non posse peccare: posse non mori, & non posse mori: bonum posse non deserere, & bonum non posse deserere. Potuit enim non peccare primus homo, potuit non mori, potuit bonum non deserere. Nunquid dicturi sumus, non potuit peccare qui tale habebat librum arbitrii? Aut non potuit mori, cui dictum est, Si peccaveris, morte morieris? Aut non potuit bonum deserere, cum hoc peccando deseruerit, & ideo mortuus sit? Prima ergo libertas erat, posse non peccare: novissima erit multò major, non posse peccare. Prima immortalitas erat posse non mori: novissima erit multò major, non posse mori. Prima erat perseverantiæ potestas, bonum posse non deserere: novissima erit felicitas perseverantiæ, bonum non posse deserere.



## CAP. V.

*Exponitur proximè allati capitis doctrina.*

**A**Ptè incipit Augustinus: nam cum in fine capitis decimi dixisset: quòd verò pauci incomparatione pereuntium; in suo vero numero liberantur multi, gratis sit: gratiæ sunt agenda quia sit, nequis velut de suis meritis extollatur, sed omne os obstruatur

*obstruatur & qui gloriatur, in domino gloriatur.* Quibus verbis cum docuisset Adami posteros à massa perditionis discretos ad gratiam pertinere, atque adeò non tàm meritis, quàm Dei beneficio eorum salutem assignandam, ac libero Adami arbitrio gratiam quodam modo opposuisset: Consequens erat dubitare, Utrum Adamus innocens ex gratia operaretur, & cujusmodi ea gratia esset, quæ cum libero arbitrio & proprio merito stare? Cum operari ex arbitrio, & propria habere merita vix cum gratia videatur posse componi. Vel certè ut utrúmque neçtatur. Quomodo Augustinus perseverantiam in statu innocentix arbitrio & meritis tribuat, sine ulla gratix mentione: at vero perseverantiam in statu ruinæ, non meritis & libero arbitrio, sed gratix ex integro assignet. Igitur movet quæstionem Augustinus: *quid ergo inquit? Adam non habuit Dei gratiam?* hoc ipsum quivis lector quæsisset. Cui Augustinus respondet; habuisse. Sed quæ, & cujusmodi fuisset, ulterius investigandum erat. Id exponit dicendo magnam fuisse & disparem quæ data est posteris in statu ruinæ. Affirmat gratiam fuisse in Adamo, quia sine vitio, innocens, in bono creatus est à Deo. Probat eam verè gratiam fuisse, quia suis eam meritis non comparaverat. In quo similiserat Adami innocentis gratia gratix hominis lapsi; quod neutra ex meritis esset; alioqui non esset juxta Paulum gratia. Tum pergit inducere differentias istarum hominis sani, & infirmi gratiarum. Tres affert. Prima: Gratia hominis integri erat sanitatis in bonis: gratia lapsi erat liber-

rationis à malis : nam illa conservabat in bono gratiæ, accepto à Deo : hæc liberabat à malo illato ab homine. Secunda : Gratia hominis Integri non fuit ex meritis Christi, quemadmodum nec gratia Angelorum, cum non fuerit redemptionis gratia ; Lapsi fuit omnino ex meritis Christi, & ab ejus sanguinis fonte defluxit. Quo pretio redempti sunt homines à servitute peccati & Diaboli. Unde Augustinus disertè ait : gratiam primi hominis integri, Dei esse, & Conditoris esse : gratiam lapsi esse Christi, & redemptoris. Idque discrimen accuratè observandum.

Tertia : Gratia hominis *integri* erat *minor & infirmior* quòd valentem naturam ita juvabat, ut *posset* perseverare, non *efficiebat* ut perseveraret : Gratia hominis reparati erat *major & potentior*, tum quòd naturam lapsam erigebat, & confirmabat *ut posset* : tum quod efficiebat, *ut vellet*. Itaque prima erat solum *adjutorium sine quo* non poterat homo perseverare : non quo fiebat ut perseveraret : Secunda non solum est *adjutorium sine quo* non posset, sed etiam quo fiat ut perseveret. Prima dabat posse : secunda dat posse, & velle. Prima dabat potentiam, actum non inferebat : secunda & potentiam dat, & actum inducit.

Summa est : Adam in statu integro habuisse magnam gratiam, sed disparè ab ea quæ fuit in statu ruinæ. Illam communem Angelis, non à Christo redemptore : hanc propriam hominis redempti, à Redemptore Christo. Illam minorem quod esset tantum

tum *adjutorium sine quo* : hanc majorem quòd etiam sit *adjutorium quo*. Tres partes habet hujusmodi doctrina. Omnium causas affert Augustinus. Circa primam docet Adamo necessariam fuisse gratiã, quia cum solo libero arbitrio sine gratia non poterat esse bonus: nam in arbitrio quod est *liberum*, naturæ est: quod *sanctum*, gratiæ est. *Itaque liberum arbitrium ad malum sufficit, ad bonum autem parum est nisi adjuvetur ab omnipotenti bono*. Non igitur Deus voluit esse Adam sine sua gratia, qua fiebat, ut haberet justitiam si vellet: *sine qua in bono non maneret*, quia sine illa manere non poterat per naturam. Addit Augustinus: si hujusmodi gratia carerent Angeli, & Adamus, eos non esse ex defectu auxilii peccaturos. Quî enim peccare possent, qui peccatum vitare non possent? Si autem, inquit, hoc *adjutorium vel Angelo, vel homini, cum primum facti sunt, defuisset, quoniam non talis natura facta erat, ut sine divino adjutorio posset manere, si vellet, non utique sua culpa cecidissent*. *Adjutorium quippe defuisset, sine quo manere non possent*. Cum hoc adjutorio potuit Adamus non peccare, & potuit benè agere & in bono permanere: eo adjutus in potestate habuit perseverare: *sine illo non potuit omnino perseverare: nam ut id posset, egebat adjutorio gratiæ*. Habuit ergo gratiam. & magnam gratiam. Nec enim parva erat quâ demonstrata est potentia liberi arbitrii, quoniam sic adjuvabatur, ut sine hoc adjutorio in bono non maneret.

Quod attinet ad secundum: docet gratiam hominis primi & Angelorum à conditore Deo non à



Redemptore Christo fuisse, quòd redemptionis, & reparationis non fuit. Et verè illa gratia supposebat bona, excludebat mala: conservabat in bonis, non eripiebat à malis. Hæc cum post ruinam daretur homini lapsò, supposebat mala, in quæ inciderat, & ab iis liberabat jacentem. Liberatore, Redemptore, Salvatore opus erat. Adamus, ait Augustinus, *bonis erat: hi in malis sunt. Ille in illis bonis Christi morte non eguit: istos à reatu hæreditario & proprio illius agni sanguis absolvit.* Deinde exposito, & collato utriusque hominis integri & lapsi statu, describere Augustinus Redemptionis beneficium aggreditur, & Incarnationem ipsam verbi, *gratiam* vocat: duplici sensu: tum quòd fons gratiæ reparati hominis fuit; tum quòd ipsa gratis ac nullis præcedentibus meritis ejus hominis facta fuit. *Potentiore gratia indigent isti, & quæ potentior, quàm Dei unigenitus filius pro eis homo factus, & crucifixus?* Hic primus est sensus: tum ad secundum. *Deus inquit, naturam nostram, scilicet, animam rationalem, carnemque hominis Christi suscepit: ut nullis justitiæ suæ præcedentibus meritis filius Dei sic esset ab initio, quo esse homo cœpisset, ut ipse & Verbum quod sine initio est, una persona esset.* Et paulò post: *ista nativitas profecto gratuita conjunxit in unitate personæ hominem Deo, carnem Verbo. Istam nativitatem bona opera secuta sunt, non bona opera meruerunt.* Ex quo apparet, Christum fuisse causam meritoriam gratiæ nostræ, & effectricem; cum nos illius agni sanguis absolverit, qui pro nobis est homo factus & crucifixus, ut redempti ejus sanguine acciperemus

*mus gratiam tanto majorem, ut parum esset homini per illam reparare perditam libertatem, parum non posse sine illa vel apprehendere bonum, vel permanere in bono, si vellet; nisi etiam efficeretur, ut vellet. Hac gratia data est per Jesum Christum dominum nostrum. Hujus adjutorium secundum gratiam datur, non secundum debitum, & tantò amplius datur per Jesum Christum dominum nostrum, ut tantum ac tale sit ut velimus. Itaque certamine carnis & spiritus laborantes, ac periclitantes dari sibi pugnandi, vincendique virtutem per Christi gratiam poscunt. Imo & Exemplarem fuisse significat: cum dicit, nullis præcedentibus meritis, sed gratis eum hominem esse susceptum, ut similis esset electio prædestinatorum per Christum ad gratiam & gloriam, electioni ipsius ad unionem hypostaticam. Idcirco respiciens ad id quod proximo capite dixerat, rationem merendi hominis integri eam esse, ut per liberum arbitriū perseverans præmium beatitatis, seu mercedem acciperet, quòd merito redderetur, non gratis daretur: non autem esse hujusmodi hominis reparati, cui non ex meritis arbitrij, sed ex beneficio gratiæ datur perseverantia, & gloria gratuita: docet Christum non meruisse per liberum arbitrium, ut esset Dei filius, sed id gratuito accepisse; ut in eo Deus exemplar gratiæ nostræ proponeret, quâ ex Dei misericordia prædestinati sumus.*

*Nec enim quisquam, ait, audeat dicere, quoniam de spiritu sancto & virgine Maria filius hominis natus per liberum tamen arbitrium bene vivendo & bona opera faciendo meruisse, ut esset Dei filius, resistente Evangelio atque dicente:*

dicente: *verbum caro factum est, & infra: præterea quia spiritus sanctus superueniet in te, non propter opera quæ nondum nato utique nulla sunt: mox gratuitam appellat natiuitatem quòd gratis facta sit, quemadmodum supra dixerat. electionem prædestinatorum gratis factam, quod ex gratiâ non ex meritis esset, quæ non præcederent gratiam sed sequerentur. Vnde iterum de Christi natiuitate: istam natiuitatem bona opera secuta sunt, non bona opera meruerunt. Ita liquidò constat Christum apud Augustinum gratiæ & gloriæ reparati hominis exemplar & ideam fuisse. Postea confert gratiam Christo datam cum gratia collata Adamo; aitq; Christum extra metum ac periculum peccati esse, semper iustum, & immaculatum: Adamum vero posse, si vellet, esse iustum, sed iniustum etiam esse posse; et aliquando voluisse; quo indicat Christum peccati omninò incapacem esse, ac peccare non potuisse. igitur: *neque enim metuendum erat ne isto ineffabili modo in unitatem personæ à verbo Deo natura humana suscepta per liberum voluntatis peccaret arbitrium, cum ipsa susceptio talis esset, ut natura hominis a Deo ita suscepta nullum in se motum male voluntatis admitteret. Istam gratiam non habuit homo primus: qua nunquam vellet esse malus. Sed sanè habuit in qua si permanere vellet, nunquam malus esset.* Etsi verò non affirmet clarè Augustinus Christum non potuisse peccare, sed nunquam malum esse voluisse, sequitur ex eo quod Adamo tribuit, sensisse Christum non potuisse peccare: nam ad finem capitis circa potestatem peccandi, duo tantum quasi extrema proposu-*

it.

it. *Posse non peccare, & non posse peccare*: aitq; posse non peccare, Adami integri fuisse; non posse peccare Beatorum esse. Quare cum hæc duplex ratio recedendi à peccato sit: si Adamus habuit primam, Christus vendicat secundam, atq; adeo ille *potuit non peccare Christus peccare non potuit*. Tandem id quod caput est, docet Augustinus: diversam fuisse gratiam homini integro datam, ab ea, quæ collata est homini lapsò, reparato per Christum. Ac primum utramque gratiam *adjutorium* vocat: ac in eodem nomine rem distinguit. Primam sic format: ait tale adjutorium fuisse, ut illud Adam in sua potestate haberet, nam eo pro libito, uti, & non uti poterat; poterat oblatum, cum vellet admittere, poterat rejicere; poterat applicare ad agendum, & removere, cum vellet: itaque illius usus ex arbitrio pendebat: nec illud flectebat arbitrium, sed ad nutum arbitrii flectebatur. *Tale quippe erat adjutorium quod defereret, cum vellet, & in quo permaneret si vellet. Quoniam eo sic adjuvabatur potentia liberi arbitrii, ut siue hoc adjutorio in bono non maneret, sed hoc adjutorium si vellet, defereret. Dederat Deus homini bonam voluntatem: dederat & adjutorium, sine quo in ea non posset manere si vellet: ut autem vellet, in ejus libero reliquit arbitrio. Erat adjutorium per quod posset, & sine quo non posset perseveranter bonum facere: illud adjutorium dabat posse, nam sine illo non poterat permanere Adamus, per illud poterat. Posset permanere si vellet, quia non deerat adjutorium per quod posset. Illud non erat ad recipiendam bonam voluntatem.*



tatem necessarium, cum bonam eam homo à Deo accepisset. Ab eo conditus bonus & in bonis constitutus: sed necessarium omninò erat ad permanendum in eo bono, cum sine eo permanere non posset, & cum illo, ac per illud posset. *Namque ut reciperet bonum, gratia non egebat, quia in bona voluntate Deus fecerat rectum, nec dum eam perdiderat. Egebat tamen adjutorio gratiæ sine quo id omnino non posset, & acceperat posse si vellet. Natura opuserat, & adjutorio gratiæ: cum illâ prorsus indigeret: sed usus illius in arbitrii erat potestate: poterat enim Adamus illud deferere per liberum arbitrium, & cum deseruit, per liberum arbitrium deseruit. Poterat cum illo permanere si vellet, nam per illud acceperat posse, si vellet. Quod ut noller, de libero descendit arbitrio, quod tum ita liberum erat ut bene velle posset & malè. Apparet autem magis, cujusmodi hoc adjutorium esset; quod erat ejusdem rationis cum adjutorio Angelorum, qui ad arbitrium illo usi vel steterunt, vel ceciderunt. Sicut inquit, fecerunt Angeli sancti qui cadentibus aliis per liberum arbitrium; per idem liberum arbitrium steterunt & ipsi. Unde de hoc adjutorio ita loquitur, perinde ac utriq; Angelo, & homini commune esset. Si autem hoc adjutorium, inquit, vel Angelo, vel homini cum primum facti sunt, defuisset, quoniam non talis natura facta erat, ut sine divino adjutorio posset manere si vellet, non utique sua culpa cecidissent. Summa esto; illud adjutorium dare solùm vires ad posse, non efficaciam ad velle; cum omninò indifferentem ad utrâque partem actionis voluntatem relinqueret.*

Non

Non hujusmodi erat adjutorium hominis lapsi reperiati per Christum. Nam cum supponeret lapsam, debilitatam, vulneratamque naturam, voluntatem averſam à bono, addictam malo, pronam in vitia, liberum arbitrium imminutum, inclinatum, captivum : debebat naturam erigere, confirmare, sanare : voluntatem convertere, tenere, statuere, arbitrium perficere, erigere liberare, ut bonum quod amiserat culpâ, gratiâ reciperet ; ac deinceps in eo recepto perseveraret : ac ita reciperet ac perseveraret, ut non solum posse acciperet à gratia, sed etiam velle, tanta efficacia, ut non expectaret gratia, quid homo vellet, nec dubia quodammodo ex arbitrii natu penderet, sed ipsa suapte virtute moveret, flecteret, traheret voluntatem, ac omnino consensum eliceret, ac velle ipsum efficeret. Ex his apparet majorem & potentioſiorem eſſe gratiam reparati hominis, quàm integri : id Augustinus perspicuè. Postquam enim exposuit cujusmodi eſſet Adami ex Deo gratia ; & ad gratiam reparationis per Christum explicandam accederet : *Hæc est, inquit, prima gratia, quæ data est primò Adam : sed hæc posterior est in secundo Adam. Prima enim est, quæ fit ut habeat homo justitiam si velit. Secunda ergo plus potest ; quæ etiam fit ut velit, & tantum velit, tantòque ardore diligit ; ut carnis voluntatem contraria concupiscentem, voluntate spiritus vincat.* Procedit & inducendo effectus, causas ipsas diversitatis, quas supra latius proposuit, comparatione attingit. *Nec illa quidem parva erat, quæ demonstrata est etiam potentia liberi arbitrii,*

trii ; quoniam sic adjurabatur, ut sine hoc adjutorio in bono non maneret, sed hoc adjutorium, si vellet, desereret. Hæc autem tantò major est, ut parum sit homini per illam reparare perditam libertatem, parum sit denique non posse sine illa vel apprehendere bonum, vel permanere in bono si velit, nisi etiam efficiatur, ut velit. Itaque in primo statu gratiæ erat in potestate arbitrii, ideo hujus potentia monstrabatur, cum gratia pro libito uteretur. At in secundo arbitrium erat in gratiæ potestate : cujus efficacia apparebat in eo, quòd ipsum velle efficiebat. Tanto amplius datur per Jesum Christum Dominum nostrum, ut non solum adsit sine quo permanere non possumus etiam si velimus ; verum etiam tantum ac tale sit ut velimus. Est quippe in nobis per hanc Dei gratiam in bono recipièdo, & perseveranter tenendo, non solum posse quod volumus, verum etiam velle quod possumus : quod non fuit in homine primo. Nam primum illud adjutorium tantum dabat posse : secundum & posse & velle. Nam potentiam in actum reducebat. Igitur hoc adjutorium gratiæ Christi includebat illud primum adjutorium, cum daret posse : & addebat amplius ipsum velle : continebat potentiam, & actum afferebat. Per primum fiebat voluntas potens ad operandū. Per secundum operans fiebat. Unde sicut actus sine potentia esse non potest, & sine actu potest esse potentia ; ita gratia reparationis gratiā integritatis continebat ; hæc autē illā non conferebat. Acceperat per primā homo posse si vellet : per secundam velle quod posset. Unde major & potentior est secunda gratia, quàm prima : major ; quia illam

continet,

continet, & ab illa non continetur: imo illa altero tanto excedit cum det posse, & velle. Potentior; quòd naturæ debilitatæ ac infirmæ, arbitrio captivo, & impedito tantum virium & libertatis addat, ut non solum possit quod Adam integer & valens potuit, sed etiam agat, & præstet, quod ille nec egit, nec præstitit. Pergit docere Augustinus perseverantiam quæ in primo statu merces futura erat arbitrii, bene utentis gratia, esse in secundo statu gratiæ donum. Quo declaravit in secundo statu perseverantiam ad gratiam pertinere, ac omnino donum esse Dei per Christum, quod meritis acceptum referri non posset, cum perseverantia primi status meritis, & arbitrio esset assignanda. *In his, inquit, qui liberantur factum est donum gratiæ quæ merces meriti futura erat.* Unde quod inter donum gratuitum, & mercedem interfit; id inter perseverantiam secundi status & primi interesse: nam illa gratis & citra meritum datur, hæc verò ex justitia & meritis redditur.

Tandem concludit in fine capitis Augustinus duas libertatis à peccato species esse: alteram propriam status integri in via; alteram beati, post viam. Primam; *posse non peccare*. Secundam: *non posse peccare*. Duas item immortalitatis; primam, *posse non mori*: Secundam; *non posse mori*. Duas etiam perseverantiæ facultates; *posse bonum non deferere*, & *non posse bonum deferere*: Adamum innocuum, & integrum potuisse non peccare, potuisse non mori, potuisse bonum non deferere. Beatum hominem post mor-



tem, non posse peccare, non posse mori, non posse cadere. De medio autem statu naturæ lapsæ hihil interim Augustinus, nec nos de eo quidquam commemorabimus, donec ipsa res moneat, quid de ejus libertate sentiendum. Illud tantum dico Augustinum eo abstinuisse, quod sit potius servitutis & mortis, quàm Libertatis & immortalitatis. Quod vero attinet ad duas illas species libertatis & immortalitatis, multo majorem esse perfectionem secundæ in statu beato, quàm primæ in integro libertatis, & immortalitatis, atque adeo longè præstare fecilitatem beati, qui non potest cadere; facultate hominis integri qui cum posset non cadere, cecidit tamen, nec perseveravit.



## C A P. VI.

*Textus capitis duodecimi ejusdemmet  
libri proponitur.*

**N**Uaquid quia erunt bona novissima priora atque meliora, ideo fuerunt illa primâ vel nulla vel parva? Itêmque ipsa adjutoria distinguenda sunt. Aliud est adjutorium sine quo aliquid non fit, & aliud est adjutorium, quo aliquid fit. Nam sine alimentis non possumus vivere, nec tamen cum affuerint alimenta, eis fit ut vivat qui mori voluerit. Ergo adjutorium alimen-  
torum

torum est, sine quo non fit, non quo fit ut vivamus. At  
verò beatitudo quam non habet homo, cum data fuerit,  
continuò fit beatus. Adjutorium est enim non solum sine  
quo non fit, verumetiam quo fit propter quod datur. Qua-  
propter hoc adjutorium & quo fit est, & sine quo non fit.  
Quia & si data fuerit homini beatitudo, continuò fit bea-  
tus : & si data nunquam fuerat, nunquam erit. Alimen-  
ta verò non consequenter faciunt ut homo vivat, sed ta-  
men sine illis non potest vivere. Primo itaque homini, qui  
in eo bono quo factus fuerit rectus, acceperat posse non  
peccare, posse non mori; posse ipsum bonum non desere-  
re, datum est adjutorium perseverantiæ, non quo fie-  
ret ut perseveraret, sed sine quo per liberum arbitri-  
um perseverare non posset. Nunc verò sanctis in reg-  
num Dei per gratiam Dei prædestinatis, non tantum  
tale adjutorium perseverantiæ datur, sed tale ut eis  
perseverantia ipsa donetur, non solum ut siue isto dono  
perseverantes esse non possint, verumetiam ut per hoc do-  
num non nisi perseverantes sint. Non solum enim dixit,  
Sine me nihil potestis facere: verumetiam dixit: Non  
vos me elegistis, sed ego elegi vos, & posui vos ut ea-  
tis & fructum afferatis, & fructus vester maneat. Qui-  
bus verbis eis non solum justitiam, verum etiam in illa  
perseverantiam se dedisse monstravit. Christo enim sic eos  
ponente ut eant & fructum afferant, & fructus eorum  
maneat, quis audeat dicere, forsitan non manebit? Sine  
pœnitentia sunt enim dona & vocatio Dei, sed vocatio  
eorum qui secundum propositum vocati sunt. Pro his  
ergo interpellante Christo ne deficiat fides eorum, sine du-  
bio non deficiet usq; in finem: ac per hoc perseverabit us-  
que.

que in finem, nec eam nisi manentem vita hujus invenit finis. Major quippe libertas est necessaria adversus tot & tantas tentationes, quæ in paradiso non fuerunt, dono perseverantiæ munita atque firmata, ut cum omnibus amoribus, terroribus, erroribus suis vincatur hic mundus: hoc sanctorum martyria docuerunt. Denique ille Adam & terrente nullo, & insuper contra Dei terrentis imperium libero usus arbitrio, non stetit in tanta felicitate, in tanta non peccandi facilitate. Isti autem non dico terrente mundo, sed scæviente ne starent, steterunt in fide, cum videret ille bona præsentia quæ fuerat relicturus: isti futura quæ accepturi fuerant non viderent. Vnde hoc, nisi donante illo à quo misericordiam consecuti sunt ut fideles essent à quo acceperunt spiritum non timoris, quo persequentibus cederent, sed virtutis & charitatis & continentia, quo cuncta minantia, cuncta invitantia, cuncta cruciantia superarent? Illi ergo sine peccato ullo data est, cum qua conditus est, voluntas libera, & eam fecit servire peccato: horum verò cum fuisset voluntas serva peccati, liberata est per illum, qui dixit: Si vos filius liberavit, tunc verè liberi eritis. Et accipiunt tantam per istam grâtiâ libertatem, ut quamvis quamdiu hic vivunt, pugnent contra concupiscentias peccatorum, eisque nonnulla surrepant, propter quæ dicant quotidie: Dimitte nobis debita nostra: non tamen ultrâ serviant peccato quod est ad mortem, de quo dicit Joannes Apostolus: Est peccatum ad mortem, non pro illo dico ut roget quis. De quo peccato quoniam non expressum est, possunt multa & diversa sentiri: ego autem dico id esse peccatum, fidem quæ per delectionem operatur, deserere usque ad mortem.

Huc


Huic peccato ultra non seruiunt, non prima conditione sicut ille liberi, sed per secundum Adam Dei gratia liberati, & ista liberatione habentes liberū arbitrium quo seruiant Deo, non quo captiuentur à diabolo. Liberati enim à peccato serui facti sunt iustitiæ, in qua stabunt usque in finem, donante sibi illo perseverantiam, qui eos præscivit & prædestinavit, & secundum propositum vocavit & iustificavit & glorificavit: quoniam illa quæ his promissit, etiam futura iam fecit, cui promittenti credidit Abraham, & deputatum est illi ad iustitiam. Dedit enim gloriam Deo plenissimè credens, sicut scriptum est, quia quæ promissit, potens est & facere. Ipse ergo illos bonos facit, ut bona faciant. Neque enim propter eos promissit Abraham, quia præscivit à seipsis bonos futuros. Nam si ita est, non suum, sed eorum est quod promissit. Non autem sic credidit Abraham: sed, non est infirmatus in fide, dans gloriam Deo & plenissimè credens, quia quæ promissit Deus, potens est & facere. Non ait, quæ præscivit potens est promittere: aut quæ prædixit potens est ostendere: aut quæ promissit potens est præscire: sed, quæ promissit potens est facere. Ipse ergo eos facit perseverare in bono qui facit bonos. Qui autem cadunt & pereunt, in prædestinatorum numero non fuerunt. Quamvis ergo de omnibus regeneratis & piè viventibus loqueretur Apostolus, dicens: Tu quis es qui iudicas servum alienum: suo Domino stat aut cadit: continuo tamen respexit ad prædestinatos, & ait: Stabit autem; & ne hoc sibi arrogarent. Potens est enim Deus, inquit, statuere eum. Ipse itaque dat perseverantiam, qui statuere potens est eos qui stant, ut perseverantissimè stent, vel restituere qui ceciderint,



derint, Dominus enim erigit elisos. Vt ergo non acciperet hoc domum Dei, id est, in bono perseverantiam primus homo, sed perseverare vel non perseverare, in ejus relinqueretur arbitrio, tales vires habebat ejus voluntas, quæ sine ullo fuerat instituta peccato, et nihil illi ex se ipsa concupiscentialiter resistebat, ut dignè tantæ bonitati & bene vivendi facilitati, perseverandi committeretur arbitrium: Deo quidem præsciente quid esset facturus injustè, præsciente tamen non ad hoc cogente, sed simul sciente quid de illo ipse faceret justè. Nunc verò postea quàm est illa magna peccati merito amissa libertas, etiam majoribus donis adjuvanda remansit infirmitas. Placuit enim Deo quò maximè humanæ superbiam præsumptionis extingueret, ut non gloriatur omnis caro coram ipso, id est, omnis homo. Unde autem non gloriatur caro coram ipso, nisi de meritis suis? quæ quidem potuit habere, sed perdidit; & per quod habere potuit, per hoc perdidit, hoc est, per liberum arbitrium, propter quod non restat liberandis, nisi gratia liberantis. Ita ergo non gloriatur omnis caro coram ipso. Non enim gloriantur injusti, quia non habent unde; nec justi, quia ex ipso habent unde, nec habent gloriam suam nisi ipsum, cui dicunt; Gloria mea & exaltans caput meum. Ac per hoc ad omnem hominem pertinet quod scriptum est; Vt non gloriatur omnis caro coram ipso. Ad justos autem illud, Qui gloriatur, in Domino gloriatur. Hoc etiam Apostolus apertissimè ostendit, qui cum dixisset, ut non gloriatur omnis caro coram ipso; ne putarent sancti sine gloria se remansisse, mox addidit; Ex ipso autem vos estis in Iesu Christo, qui factus est vobis sapientia à Deo & justitia & sanctificatio & redemptio, ut quemadmodum

dum scriptum est ; *Qui gloriatur, in Domino gloriatur?* Hinc est quod in hoc loco miseriarum, ubi tentatio est vita humana super terram, virtus in infirmitate perficitur: qua virtus, nisi ut qui gloriatur, in Domino gloriatur? ac per hoc nec de ipsa perseverantia boni voluit Deus sanctos suos in viribus suis, sed in ipso gloriari: qui eis non solum dat adjutorium quale primo homini dedit, sine quo non possint perseverare si velint: sed in eis etiam operatur & velle, ut quoniam non perseverabunt, nisi & possint & velint, perseverandi eis possibilitas & voluntas divine gratiae largitate donetur. Tantum quippe Spiritu sancto accenditur voluntas eorum, ut ideo possint, quia sic volunt, ideo sic velint, quia Deus operatur ut velint, nam si in tanta infirmitate vita hujus, in qua tamen infirmitate propter elationem reprimendam perfici virtutem oportebat, ipsis relinqueretur voluntas sua; ut in adjutorio Dei sine quo perseverare non possent, manerent si vellent, nec Deus in eis operaretur ut vellent: inter tot & tantas tentationes infirmitate sua voluntas ipsa succumberet, & ideo perseverare non possent, quia deficientes infirmitate nec vellent, aut non ita vellent infirmitate voluntatis ut possent. Subventum est igitur infirmitati voluntatis humane, ut divina gratia indeclinabiliter & inseparabiliter ageretur, & ideo quamvis infirma, non tamen deficeret, neque adversitate aliqua vinceretur. Ita factum est, ut voluntas hominis invalida & imbecilla, in bono adhuc parvo perseveraret per virtutem Dei, cum & voluntas primi hominis fortis & sana in bono ampliore non perseveraverit, habens virtutem liberi arbitrii, quamvis non de futura adjutoria Dei, sine qua non posset perseve-

*rare si vellet, non tamentali quo in illo Deus operaretur ut vellet. Fortissimo quippe dimisit atque permisit facere quod vellet: infirmis servavit, ut ipso donante invictissime quod bonum est vellent, ut hoc deferere invictissime nollent. Dicente ergo Christo, Rogavi pro te ne deficiat fides tua! intelligamus ei dictum, qui edificatur super petram. Atque ita homo Dei non solum quia misericordiam consecutus est ut fidelis esset, verumetiam quia fides ipsa non deficit, qui gloriatur, in Domino gloriatur.*



## C A P. VII.

*Declaratur propositi capitis  
Sensus.*

**P**Rior illa hujus capitis sententia cum fine alterius connectitur, unde mallet ut ea illius clausula, quàm hujus initium esset. Itaque ab adjutorii incipiendum quæ propria materies est. Duplex igitur adjutorij genus quod antè induxerat, pro ratione duplicis status hominis integri & lapsi exactissime distinguit & format, suamque utrique vim & faciem reddit. Ait primum, quod Philosophi solent, dividenda ac distinguenda esse: ipsa, inquit, adjutoria distinguenda sunt ac genus unum proponit, ut doctrinæ ordinem sequatur, qui à notioribus, qualia solent

solent esse communia, ad minus nota, cujusmodi sunt particularia procedat. *Aliud est adjutorium sine quo aliquid non fit : & aliud est adjutorium quo aliquid fit.* Affert exempla : primi quidem *cibum sine quo non possumus vivere*, nec tamen eo continuo fit, ut vivamus : nam si nolimus cibum sumere, morimur : ille autem non facit ut velimus : sed præsto est tantum ut cum velimus, sumamus, eoque sumpto vivamus ; nam sine eo vivere certe non possumus. *Sine alimentis inquit, non possumus vivere, nec tamen cum adfuerint alimenta eis fit, ut vivat qui mori voluerit.* Ergo adjutorium alimentorum est, sine quo non fit, non quo fit ut vivamus. Exemplum secundi affert *Beatitudinem* quam cum à Deo accipit homo, fit continuo beatus, nec eâ acceptâ beatus esse, non poterit : nam beatitudine fit beatus, itaque sine ea beatus esse non potest, sed eâ ipsa cum adest, fit beatus.

*At vero, inquit, Beatitudo quam non habet homo, cum data fuerit, continuo fit beatus.* Adjutorium enim est non solum sine quo non fit, verum etiam quo fit propter. quod datur ; *Qua propter hoc adjutorium & quo fit est, & sine quo non fit : quia si data fuerit homini Beatitudo continuo fit beatus, et si data nunquam fuerit, nunquam erit.* Tum aliud exemplum respicit & quod beatitudine differat, ostendit. *Alimenta vero non consequenter faciunt ut homo vivat, sed tamen sine illis non potest vivere : hisce duobus exemplis duplicis adjutorij quod proposuerat, natura declaratur ; nam primum alimentorum declarat naturam adjutorij sine quo, secundum beatitudinis adjutorij quo : nam sine*



alimentis non vivimus. Beatitudine sumus beati, datus alimentis non ideo fit homo vivus: data Beatitudine fit homo beatus. Explicatis adjutoriis in genere, descendit ad species Augustinus: nam hoc ipsum volebat agere accommodatque rationem *primi* eo exemplo alimentorum declarati, Adjutorio gratiæ status integri in quo Adamus est conditus. Rationem vero *secundi* exemplo beatitudinis illustrati, Adjutorio gratiæ status ruinæ in quem homo cecidit, & ex quo surgendum erat, accommodat: vocat autem utrumque adjutorium perseverantiæ ob eas causas quas suo loco afferemus: sed cum perseverantia dicat seriem gratiarum singularum cum ultima gratia conjunctarum, nihil refert, quo nomine utatur modo de adjutorij utriusque status: cæ gratia contentis nos doceat. Accedens igitur ad explicanda hæc duo adjutoria gratiæ ad perseverandum data, in utroque statu integritatis & ruinæ, ait primo homini in primo statu datum esse adjutorium *sine quo simile cibo: non quo fieret ut perseveraret, sed sine quo per liberum arbitrium perseverare non posset.* Adjungit vero illud: *Per liberum arbitrium,* quia usus illius adjutorij ex eo pendebat: nam sicuti cibus ad vitam homini dandam pendet ab homine volente sumere & vivere: quia tantum dat posse: ita illud gratiæ adjutorium non conferebat perseverantiam nisi volenti perseverare, unde homo cum eo poterat si vellet, sine eo non poterat etsi vellet, perseverare, quemadmodum potest quis cibo uti ad vivendum & non uti ad moriendum, nam cum eo vivere potest, sine eo non potest.

Deinde

Deinde docet ; adiutorium perseverantiæ datum in statu ruinæ hominibus prædestinatis esse Adjutorium quo simile beatitudini : nam eo dato homo perseverans fit : nec enim cum eo solum potest perseverare, sed de facto etiam perseverat Nunc vero, inquit, Sanctis in regnum Dei prædestinatis non tantum tale adiutorium perseverantiæ datur, sed tale, ut eis perseverantia ipsa donetur ; non solum ut sine illo dono perseverantes esse non possent, verum etiam ut per hoc donum non nisi perseverantes sint. Adducit autem duos locos Evangelii ad utriusque naturam adiutorii explicandam accommodatos : Non solum enim inquit, dixit : sine me nihil potestis facere, verum etiam dixit ; non vos me elegistis, sed ego elegi vos. Et posui vos, ut eatis, et fructum afferatis, & fructus vester maneat. Et postquã id amplificat aliis in cõfirmationẽ infallibilis perseverantiæ adductis locis, rationẽ quærit hujusce differentiæ auxiliorũ, nẽpe causã cur tam forte ac vehemens adiutoriũ detur hominibus in statu ruinæ, ut sit quo omnino perseveret? cum tam infirmũ et debile datũ fuerit Adamo in statu integritatis ut cum eo posset, & sine eo non posset, non tamẽ quo fieret ut perseveraret; adeo ut illud primũ voluntatẽ agat, & ducat, & perseverantem eam faciat : hoc voluntatem expectet, ut agat, & non eam perseverantem efficiat, sed tantũ potentem perseverare, ac proinde Adam integer minus quàm qui vis post ejus lapsum gratiæ perseverantis prædestinatus accepit. Causam vero eam esse docet Augustinus, quam cap. 10. tradiderat differentiam naturæ in utroque statu. Nam in prima

mo natura erat inocens, integra, sana incorrupta, minime vitiata, in suo flore ac robore, sine libidine, sine concupiscentia, sui potens, & in arce libertatis constituta. In secundo autem peccatrix, inclinata, ægrota, corrupta, vitiata, imminutis & infirmis viribus, obnoxia libidini, subjecta concupiscentiæ, serva peccati, & ex illo fastigio libertatis in ergastulum servitutis dejecta. Vnde necessaria esse majora gratiæ præsidia in secundo statu quam in primo, ut natura peccatrix mundaretur, lapsa erigetur, ægrota sanaretur, corrupta reficeretur, vitiata curaretur, infirma roboraretur, serva liberaretur, & dejecta statuere tur: supplente omnino gratiâ quod naturæ defuisset. Nec enim posset hæc sibi relicta cum solo adiutorio *sine quo* undique labans & fatiscens perseverare. Ita acceptura erat à Deo per gratiâ quod per peccatum amisisset. Hoc verò perseverantis adiutorij præsidium majorem libertatem vocat Augustinus, quòd eandem naturam à servitute peccati, & diaboli liberabat, ac liberatâ in statu libero sustinebat. Augustinum audiamus. *Major quippe libertas est necessaria adversus tot et tantas tentationes, quæ in paradiso non fuerunt dono perseverantiæ munita atque firmata, ut cum omnibus amoribus, terroribus, erroribus suis vincatur hic mundus. Hoc sanctorum martyria docuerunt.* Apparet quid Augustinus per libertatem intellexerit; id est, vim quandam arbitrii fortem et constantem ad superandas tentationes, tum intrinsecus ex concupiscentia et ignorantia ortas, tum extrinsecus ab hostibus fidei, & virtutes admotas in quibus commemorandis.

Potiorem

Potio<sup>re</sup>m amorum rationem habuit, quòd ad concupiscentiam, cujus majus est ad peccandum incitamentum, spectant. Deinde terrores adhibet, qui, cum ad intellectum spectent, minus momenti ad peccandum habent: nisi fortè erroneas opiniones falsas bonorum dixit: quæ ad peccatum sanè ducunt, & stimulant. Proponit autem Martyrum exemplum, ad quos deji<sup>ci</sup>endos omnes Machinæ sunt admotæ, & quæ natura affert: & quæ vis infert: imò & arte aucta naturæ tentamenta, cum & ad amandum illecebræ, & ad erand<sup>um</sup> fraudes sint à tyrannis adhibitæ; ut in paradigma libertatis ij omnino adducendi essent, quorum animus omnibus modis oppugnatus, nullo tamen expugnari potuit. Ejus autem gratiæ exemplum voluit proponere, ut in illustri posita monumento cum luceret clariùs, tum moveret fortiùs: adeò ut cum Adami collata gratiâ longo illam post se intervallo relinqueret. Non quòd aliorum prædestinatorum Gratia potentior & fortior Adamicâ non esset, sed quòd Gratia Martyrum cum omnibus colluctata hostibus vim magis suam exercuisset, ac manifestiùs Adamum redarguisset. Hinc est illa velut exprobatio. *Ille Adam, & terrente nullo, & insuper contra Dei terrentis imperium, libero usus arbitrio non stetit in tanta felicitate, in tanta non peccandi facilitate: isti autem non dico terrente mundo, sed scæviente nè starent, steterunt in fide, cum videret ille bona præsentia, quæ fuerat relicturus; illi futura, quæ accepturi fuerant non viderent.* Causam verò hujus discriminis ne quis ad voluntatis arbitrium referret, sed ad Gratia<sup>e</sup> benefici<sup>um</sup>.



cium addidit. Unde hoc nisi donante illo, à quo misericordiam consecuti sunt, ut fideles essent : à quo acciperant spiritum, non timoris, quo persequentibus cederent, sed virtutis & charitatis, & continentiae, quo cuncta minantia, cuncta invitantia, cuncta cruciantia superarent.

Retinet exemplum & pergit. Illi ergò sine peccato ullo data est, cum qua conditus est, voluntas libera, ac eam fecit servire peccato: horum verò cum fuisset voluntas serva peccati, liberata est per illum, qui dixit, si vos Filius liberaverit, tunc verè liberi eritis: & accipiunt tantam per istam gratiam libertatem, ut, quamvis quandin hęc vivunt pugnent contra concupiscentias peccatorum, atque nonnulla surrepant, propter quae dicant quotidie, Dimitte nobis debita nostra, non tamen ultra serviant peccato, quod est ad mortem, de quo dicit Joannes Apostolus, est peccatum ad mortem: non pro illo dico, ut roget quis: Jam nunc ad id, quod est commune omnibus praedestinatiis regreditur, ne de solis martyribus loqui putaretur. Hęc enim & sequentia pertinent ad omnes sanctos, qui etsi non acrius sed minùs pugnent, pugnant tamen, cum nemo sit, quin colluctetur adversus carnem & sanguinem, & cujus vita non sit militia super terram. Omnium horum perfeverantiam ex Deo esse, & à gratia Christi esse: ab ea, inquam, quae statui Ruinae assignata est, patet ex sequentibus. Huic peccato ultra non serviunt non primà conditione sicut illi liberi, sed per secundum. Adam Dei gratia liberati, & istà liberatione habentes liberum arbitrium, quo serviant Deo; non quo captiventur à Diabolo.

*bolo. Qua datione, donante illo sibi perseverantiam, qui eos præscivit & prædestinavit. Hoc commune Martyribus & Confessoribus est: unde addit: Quoniam illa quæ his promisit, etiam futura jam fecit; cui promittenti credidit Abraham, & deputatum est illi ad justitiam: ipse ergò illos bonos facit, ut bona faciant.* Inter eos autem Abraham & inprimis nominat. Id verò maximè observandum, quòd ità distinguit hæc duo genera Gratiarum, ut diversa secundum illa inducat genera meritorum: perinde ac qui cum primâ uti Angeli & Adamus innocens operaretur, merita sua faceret, ac perseverantiam sibi posset tribuere, quòd ex libero arbitrio, cum concomitante tantum gratiâ, operaretur: quâ ratione voluntas gratiam in potestate habens, eâ utebatur, & quia uti volebat, applicabat ad operandum; atque ad eò voluntas erat author præcipua operis boni; gratia verò adiutorium, *sine quo non*, & veluti conditio, non causa. At verò qui gratiâ secundi generis juvabatur, quâ ageretur & moveretur ad operandum, cum voluntati subiecta non esset, nec ejus expectaret consensum, sed eliceret, non poterat sibi merita tribuere, cum à Deo esset principium & ratio operandi, quæ erat gratia liberans, agensque voluntatem, data ex decreto prædestinantis Dei. Ad quem authorem opus redibat. In hac tanta diversitate illa similitudo erat, quòd quemadmodum in primo statu libertas arbitrij agens gratiam non tollebat gratiam; Ità in secundo gratiæ efficacia

movens voluntatem, libertatem non auferbat. Illam verò diversam operandi formam, & quæ indè sequitur, rationem efficiendi suum meritum ex arbitrio: ut hoc Deo totum tribueretur quod esset ex Gratia: reliquum caput continet & exponit: ut hinc pateat quantum intersit inter utrumq; adjutorium, ut qui cum primo operaretur, posset meritum tanquam proprium vendicare, ac sibi tribuere, quòd gratia sequeretur arbitrium; qui cum secundo, non posset, quòd arbitrium à Gratia duceretur. Id verò in Augustino monstremus. *Non propterea eos promisit Abraham, quia præscivit à seipsis bonos futuros; nam si ita est, non suum, sed eorum est quod promisit. Non autem sic credidit Abraham, sed non est infirmatus in fide, dans gloriam Deo, & plenissimè credens, quia quæ promisit Deus potens est & facere. Non aut quæ præscivit potens est promittere, aut quæ prædixit potens est ostendere, aut quæ promisit potens est præstare; sed quæ promisit potens est facere. Ipse ergò eos facit in bono perseverare qui fecit bonos. Adhibito autem loco Pauli, Domino suo stat aut cadit. Continuo, inquit, respexit ad prædestinatos, & ait; stabit autem; & nè hoc sibi arrogarent, Potens est enim Deus statuere eum. Ipse itaque det perseverantiam, qui statuere potens est eos qui stant, ut perseverantissimè stent vel restituere qui ceciderint. Dominus enim erigit elisos. Perspicuè docet Augustinus perseverantem gratiam Prædestinatorum sive inchoatam, cum convertuntur, sive continuatam, cum persistunt; sive reparatam, cum pœnitent, & emendantur;*



tur; sive completam, & ad finem perductam, in quâ moriuntur, esse donum dei, & opus ejus. Sed restat adhuc videre utrûm eodem modo esset Donum Dei, Gratia data Adamo integro, quâ posset perseverare. Negat Augustinus expressè. Sic enim prosequitur. *Ut ergò non acciperet hoc donum Dei, id est, Perseverantiam in bono primus homo, sed perseverare vel non perseverare in ejus relinqueretur arbitrio; tales vires habebat ejus voluntas, quæ sine ullo fuerat instituta peccato, & nihil illi ex se ipsa concupiscentialiter resistebat, ut dignè tantæ bonitati, & bene vivendi facilitati perseverandi committeretur arbitrium.* Duo ait, Adamum non accepisse illud donum perseverantiæ; & ideo non accepisse, quia acceperat voluntatem sanam & idoneam ad habendam perseverantiam utendo gratiâ, cum qua posset perseverare; id est, apprehendendo adjutorium *sine quo non*, quod satis erat ei voluntati ad operandum: alterum, eam Perseverantiam, si daretur in Adamo, non fore donum Dei, sed fructum arbitrij tradidit, cum dixit, *Perseverandi arbitrium*, & antea, *negavit accepisse donum*: idcirco, quia perseverare, & non-perseverare in ejus relinquebatur arbitrio. Unde manifestè constat, Perseverantiam illam si Adamus haberet, ejus arbitrio tribuendam, quòd illud adjutorium *Sine quo non* movebat, nec trahebat arbitrium: sed ab eo tantùm apprehendebatur, & in usum trahebatur, atque adeò non dabat *vèlle* actû, sed *posse* *vèlle*.



Pergamus ire ad effectum, qui indè sequebatur, nempe non esse locum gloriandi Prædestinat. Perseveranti, quòd ex Dei dono perseverat: fore verò locum gloriandi Adamo integro, si perseverâsset. Utrumque habet Augustinus. Nunc verò postea quam est illa magna peccati merito missa libertas, etiam majoribus donis adjuvanda remansit infirmitas. Placuit enim Deo, quo maximè humanæ superbiam præsumptionis extingueret, ut non gloriatur omnis caro coram ipso: id est, omnis homo. Jam liquet, qui ex dono Dei operatur, cum gloriari non posse; posse verò eum, qui ex libero, uti Adamus, arbitrio operetur; constabit ex adjunctis. Unde autem non gloriatur caro coram ipso, nisi de meritis suis. Apparet, qui habet merita sua, cum gloriari posse de iis. Videmus quæ sint ista merita, & quis ea de suo habere possit. Quæ quidem potuit habere, sed perdidit, & per hoc habere potuit per hoc perdidit, hoc est per liberum arbitrium. Quid manifestius? Adamus hic est, habere potuit meritum proprium per arbitrium, ac uti per arbitrium peccando, meritum amisit, faciendo suum peccatum; ità per arbitrium benè operando mereretur faciendo meritum suum. Nam quod arbitrio Autore fit, id ad arbitrium refertur. Erat autem in Adamo, oblatâ sibi gratiâ sine quâ potestas arbitrij inviolata & integra ad usum vel non usum ejus gratiæ; unde admittens & applicans merebatur, rejiciens & excludens peccabat: atque quemadmodum erat author usus, & non usus; ità erat meriti & demeriti author.

Verfat

Verfat idem argumentum Christianæ humilitatis Augustinus, ac omnem tollit homini lapso materiam gloriandi. *Propter quod non restat liberandis nisi gratia liberantis.* Ità ergò non gloriatur omnis caro coram ipso: non enim gloriantur iniusti, quia non habent unde: nec iusti, quia ex ipso habent unde: nec habent gloriam suam, nisi ipsum, cui dicunt, *gloria mea & exaltans caput meum.* Cùmque hoc inculcasset, rursus rediit ad propositum. Ac per hoc, nec de ipsa perseverantia boni voluit Deus sanctos suos in viribus suis, sed in ipso gloriari. Vires suas appellat, cum quis operetur instar Adami cum Adjutorio *sine quo* pro arbitrio suo agente *quo*: possit enim quis interrogare, cur illud esset necessarium, cùm satis esse videretur aliud primum *sine quo*, in arbitrij potestate relictum: nam si cum illo poterat voluntas, satis erat ut cum eo vellet: nam eo certè, dum non peccavit, benè voluit Adamus; imò & cum eo benè angeli boni voluerunt & meruerunt. Quare non esse opus alio Adjutorio, *quo fieret*, ut vellet fortiùs, & potentiùs, quàm illud primum *sine quo*. Hanc igitur prævidens quæstionem respondet: \* Nam si in tanta infirmitate vitæ hujus, in qua tamen infirmitate propter elationem reprimendam, perfici virtutem oportebat, ipsis relinqueretur voluntas sua, ut in Adjutorio Dei *sine quo* perseverare non possent, manerent si vellent, nec Deus in eis operaretur, ut vellent inter tot & tantas tentationes infirmitate suâ voluntas ipsa succumberet, & ideo perseverare non possent,

quia deficientes infirmitate nec vellent, aut non ità vellent infirmitate voluntatis ut possent. Ex necessitate causam astruxit remedij. *Subventum est igitur infirmitati voluntatis humanæ ut divina Gratia indeclinabiliter & insuperabiliter ageretur, & ideo quanvis infirma, non tamen deficeret, neque adversitate aliqua vinceretur. Ita factum est, ut voluntas hominis invalida & imbecilla in bono adhuc parvo perseveraret per virtutem Dei, cum & voluntas primi hominis fortis & sana in bono ampliore non perseveraverit habens virtutem liberi arbitrij, quanvis non defuturo adjutorio Dei, sine quo non posset perseverare si vellet, non tamen tali, quod in illo operaretur ut vellet.* Conturbem hos fontes. si explicare velim. Tam hi nitidè fluunt, ut lucem involvant, & radios corriventur. Muniit undique Augustinus viam, & aditus obstruxit, ne quâ liquidis fontibus Apri. irreperent. Semper hoc Augustino capitale visum: observare differentias illas duorum statuum, quas cum alibi sanè tum his tribus capitibus proponit, quòd ijs perspectis constaret quanta esset in primo sanitas, quanta in secundo infirmitas: quam valens & fortis in primo natura, quam in secundo debilis, & imbecilla; quam liberum in primo à servitute carnis & captivitate peccati arbitrium, quàm in secundo concupiscentiæ carnis obnoxium, & dominant in carne peccatum additum; atque adeo quanta diversitas futura esset Adjutoriorum, quanta differentia gratiarum: ut multo major esset naturæ in secundo statu pro sua necessitate ac

mise-

miseria quàm in primo pro sua abundantia & fortitudine Gratia tribuenda. *Fortissimo* quippe ait dimisit, atque permisit, ut faceret quod vellet, infirmis servavit, ut ipso donante invictissimè quod bonum est vellent. Concludit Augustinus aptissimè. Dicente ergo Christo: rogavi pro te, nè desinat Fides tua, intelligamus ei dictum qui edificatur supra Petram. Atque ita homo Dei non solum, quia misericordiam consecutus est ut fidelis esset: verum etiam quia Fides ipsa non deficit, qui gloriatur in Domino gloriatur.

His verbis quibus caput hoc clauditur, edocemur etiam primam vocationem fieri à Deo per Adjutorium *Quo*: quemadmodum ultimam in vocatione perseverantiam: ac omne in Prædestinatis Adjutorium esse omninò Adjutorium *Quo* datum ex proposito prædestinantis Dei. Quæ doctrina propria & perpetua Augustini est, ab eodem fonte Christianæ humilitatis profecta: cujus maximè assertor, & cultor, uti & Gratiæ, cum Apostolo est Augustinus.





## CAP. VIII.

*Eadem de Duplici Adjutorio Sine Quo &  
 Quo illustribus duobus, altero ex libro  
 de Dono perseverantiæ, altero ex li-  
 bro de Prædestinatione Sancto-  
 rum locis evidenter doctrina  
 probatur.*

**E**TI Augustini sententia hætenus tradita satis per se ipsa splendeat, nec majori luce indigeat; tamen operæ pretium fuerit aliis eam adductis & collatis testimoniis illustrare, ut appareat quanta sit ejus lux, & quomodo sibi Augustinus ubique respondeat, & quàm in ea tradenda perspicuus, in confirmanda assiduus, in retinenda constans fuerit. *A* nobilissimis locis incipiam, in quibus Cygneâ jam ob mortis viciniam voce Augustinus suavissima Gratia canit oracula. Et quanquam pleraque in hujusmodi libris rem continentia inveniantur testimonia nolo ea omnia, nec possum vocare: necesse quippe foret totum mihi librum respondere. Duo quæ clarissima sunt invito ac præsentio. Igitur libro de Dono Perseverantiæ, Cap. 7. postquam præcedenti cap. donari à Deo per-

perseverantiam affirmarat: ac id ex Oratjone Dominica sua & Cypriani sententia confirmarat: ait, *Si ergo alia documenta non essent, hæc Dominica oratio nobis, ad causam Gratia quam defendimus sola sufficeret: quia nihil nobis reliquit, in quo tanquam in nostro gloriamur. Si quidem ut non discedamus à Deo, non ostendit dandum esse nisi à Deo. cum poscendum ostendit à Deo. Qui enim non infertur in tentationem non discedit à Deo. Non hoc est omnino in viribus liberi arbitrij quales nunc sunt, fuerat in homine antequam caderet.* Ecce jam distinguit inter Gratiam utriusque status, dum ait majores in primo vires fuisse ad perseverandum cum posset si vellet oblatâ gratiâ perseverare: non enim loquitur de libero arbitrio gratiâ destituto, sed adjutorio Gratia *Sine quo* non adjuto: quas tamen appellat vires liberi arbitrij, quod pro libito eo Adjutorio utebatur. Ac ne quis exciperet parvam esse ad perseverandum eam arbitrij cum illo Adjutorio potestatem, idque ex casu conjiceret occurrit pergens. Quæ tamén libertas voluntatis in illius primæ conditionis præstantia quantum valuerit, apparuit in angelis, qui Diabolo cum suis cadente in veritate steterunt, & ad securitatem perpetuam non cadendi in qua nunc eos esse certissimè scimus peruenire meruerunt. Patet hinc ejusdem rationis fuisse Adjutorium Adami integri & Angeleorum, id est, *sine quo*. Nunc docet Augustinus diuersæ omnino fuisse Adjutorium lapsi. Post casum autem hominis non nisi ad Gratiam suam Deus voluit pertinere ut homo accedat ad eum, neque

nisi ad Gratiam suam pertinere ut homo non recedat ab eo. Observa illud non nisi perinde est, ac quod Donum Dei est, arbitrio tribuendum non sit humano: ac quemadmodum operante homine cum Gratia non ducente arbitrium, sed ducta ab arbitrio dicebatur operatio liberi arbitrij, cum tamen illud Gratia juvaret, ita operante Gratia in homine ac movente ut vellet cooperante libero arbitrio, Gratia Dei operatio tribuebatur.

Prosequitur docendo Augustinus Adjutorium istud Quo à Christo esse. Hanc gratiam posuit in illo in quo sortem consecuti sumus prædestinati secundum propositum ejus, qui universa operatur nè discedamus. Propter quod ei per prophetam dictum est. Fiat manus tua super virum dexterae tue, & super Filium hominis quem confirmasti tibi, & non discedimus à te. Iste certè non est Adam primus in quo discessimus ab eo: sed Adam novissimus super quem sit manus ejus ut non discedamus ab eo. Christus enim totus cum membris suis est propter Ecclesiam quæ est corpus ejus, plenitudo ejus. Cum ergo sit super eum manus Dei: quo opere Dei fit ut simus in Christo permanentes cum Deo, non sicut in Adam discedentes à Deo. Manus igitur Dei est ista, non nostra, ut non discedamus à Deo. En Adjutorium Quo: nimirum Quo fit opus. Expresfit dicens: Quo opere Dei fit. At nè quis dubitaret retulit ad ipsam Perseverantiam de qua supra. Fit ut simus perseverantes cum Deo, ut perseverantiæ adjungeret Adjutorium Quo perseveratur. Deinde confirmat nostrum id non esse quemadmodum erat nostrum.

nostrum in primo statu, quod in eo arbitrij nostri erat uti pro libito & non uti Gratiâ : sed Dei donantis perseverantiam cooperante ad eam libero arbitrio voluntatis, *Manus igitur Dei est ista, non nostra.* Tandem concludit *Deus ergo convertit ad Fidem. Deus ergo donat Perseverantiam usque in finem.* Et quidem soleo dicere caput hoc septimum de dono Perseverantiæ esse compendium capitum Illorum trium libri de Corrept. & Grat. Uti duo libri de Prædest. Sanct. & Dono Persever. responsum continent ad objecta libro illi de Corrept. & Grat. Cujus doctrinam à Massiliensibus exagitatam rogatu Prosperi & Hilarij Augustinus duobus hisce libellis oblatiis defendit. Nec dubito quin doctrina hujus capitis & proximorum respondeat querelise eorum, qui apud Hilarium hujusmodi differentiam Gratiarum improbabant ; quemadmodum ex ejusdem Epistolæ particula apparet, quam idcirco volo subjicere. *Deinde molestè ferunt ita dividi Gratiam quæ vel tunc primo homini data est, vel nunc omnibus datur, ut ille acceperit Gratiam, non quâ fieret ut perseveraret, sed sine qua per liberum arbitrium perseverare non posset : nunc vero sanctis in Regnum I ei per Gratiam prædestinatis non tale adjutorium perseverantiæ datur, sed tale ut eis, Perseverantia ipsa donetur : non solum ut sine isto Dono Perseverantes esse non possint, verumetiam ut per hoc donum non nisi perseverantes sint.* Cui sanè particulæ, & proximis idem argumentum versantibus & urgentibus ita satisfacit hoc capite, & adjunctis Augustinus, ut propositam



sitam sibi eam partem epistolæ habuisse responsurus omnino videatur. Nolo tamen hic esse longior, quod locum istum Litterarum Hilarij sim. uberius, & accuratius tractaturus.

Est etiam alter locus in libro de Prædestinatione Sanctorum qui rem continet: qui etsi minus distinctè differentias istas proponat, eas tamen & supponit, & involuit. Quem sic asserere volo, ut non perpetuum caput, sed selectas ejus partes & quasi membra poponam. Igitur cap. 15. *Est etiam præclarissimum lumen Prædestinationis & Gratia ipse salvator. Appareat itaque nobis in nostro capite ipse Fons gratiæ unde secundum unius cujusque mensuram se per cuncta ejus membra diffundit. Ea gratia fit ab initio Fidei suæ homo quicumque Christianus, quæ gratiâ homo ille ab initio suo factus est Christus: de ipso spiritu & hic renatus, de quo est ille natus: eodem spiritu fit in nobis remissio peccatorum, quo spiritu factum est, ut nullum haberet ille peccatum.* Satis in hujusmodi exemplo elucet, quid velit Augustinus, nempe Gratiâ secundæ status post lapsum Adami esse omnino *Donum Dei*: & in nobis potenter operantem, ut ex ea sit principium meriti: non ex arbitrio, uti in primo Adami Parentis statu. Itaque addit Augustinus: *Humana hic merita conticescant, quæ perierunt per Adam.* Illa sanè, quæ ex libero & sano arbitrio cum Adjutorio *sine quo* & Adamus & Angeli habuerunt in eo statu integritatis & inchoatæ beatitudinis: quæ supra ex Augustino adduximus, ac expendimus. *Nam tales vires habebat*

habebat Adami voluntas quæ sine ullo fuerat instituta peccato, & nihil illi ex seipsa concupiscentialiter resistebat, ut dignè tantæ bonitati & bene vivendi facilitati perseverandi committeretur arbitrium. Unde si staret ille libero arbitrio, eâ tantum gratiâ adjuto staret: sicut boni Angeli qui steterunt, per liberum arbitrium steterunt. Fortissimo quippe dimisit Deus ut faceret quod vellet. Velle autem ita erat in ejus potestate, ut summâ prohibito facilitate bonum acciperet eo adjutorio, & retineret. Dederat nempe illi Deus bonam voluntatem, & adjutorium sine quo in eâ non posset permanere si vellet: ut autem vellet in ejus libero reliquit arbitrio. Quod arbitrium ita tum liberum erat ut bene velle posset & malè. Hinc illa meriti conditio, quod hic humanum vocat. Humana, inquit, merita conticescant, quia cum à libero arbitrio Gratiâ acceptante, ac trahente ad operandum descenderent ei referebantur, quod humanum cum esset, merita humana reddebat. Faceret enim ille per liberum si perseveraret arbitrium, sicut fecerunt Angeli sancti, qui cadentibus aliis per liberum arbitrium, per idem liberum arbitrium steterunt & ipsi. Quare optimè respondent sibi hi loci tum exemplo Christi Incarnati quo etiam cap. illo 11. lib. de Corrept. & grat. utitur Augustinus, tum ratione merendi ex libero arbitrio: cum adjutorio sine quo.

Jam vero quoad conditionem gratiæ secundi status per Christum datæ, non minus convenit, hujus cum superioribus capitis doctrina. Regnet, inquit,

*quæ regnat Dei Gratia per Jesum Christum l'ominum*  
*Nostrium* Cujusmodi autem ea sit, tradit hic quoad  
 prædestinationem sine prævisione meritorum, &  
 paulò post, cap. 16. quoad vocationem: non quan-  
 cunque *vocationem, sed quâ vocatione sit credens.*  
 Ecce adjutorium quo *Qua fit*, non modo potens  
 credere, sed credens. *Usque adeo ut ipse Deus in*  
*nobis operetur & velle.* Atque ut obiter id ani-  
 madvertam introductâ Pelagij perversâ de præde-  
 stinatione ex meritis liberi arbitrij sententiâ: qua  
 dicebat; *Præsciebat Deus qui futuri erant sancti, &*  
*immaculati per liberæ voluntatis arbitrium.* Docet  
 nisi Gratia in nobis operante & movente, & faci-  
 ente ut velimus, ac mercamur volendo, aliam ra-  
 tionem merendi esse humanam. Nam versans lo-  
 cum Pauli cap. 1. ad Ephesios, & opponens Pela-  
 gianis ait; *Cernitis autem procul dubio, cernitis, quan-*  
*ta manifestatione Apostolici eloquij defendatur hæc*  
*gratia contra quam merita extollantur humana.* En  
 merita quæ Pelagiani inducebant, eodem vocabulo  
 afficit quo illa Adami priora affecerat: nam ubi ar-  
 bitrium Gratix dominabatur, quocunque merere-  
 tur modo, merita ad se trahebat & humana effici-  
 ebat. Nisi fortè Pelagiani isti, quod Massilienses  
 erant, gratiæ aliquod adjutorium immiscebant:  
 quod cum tale non esset quale Augustinus ex Pau-  
 lo volebat, meritum libero arbitrio, ceu Gratiam  
 moderanti relinquebat. Unde liquet solum adju-  
 torium quo efficere merita Dona Dei, atque adeo  
 humana non esse. Hæc verò per Adam periisse: quo-  
 niam

niam ille modus merendi, cum solo adiutorio *sine quo* proprius erat illius integri status, quo amisso esse desiit. Sed de hac re latius postea dicemus.



## C A P. IX.

*Variis libri de natura & Gratia locis eadem  
veritas stabilitur.*

**M**agna pars libri de natura & gratia in hac doctrina versatur. Cum enim ibi de naturæ viribus multa Pelagius jactasset, & Gratiæ extenuando depressisset, ad eum confutandum Augustinus sæpe commemorat differentiam naturæ in primo & secundo statu, docens, Pelagium in eo errore versari, ut crederet easdem vires esse naturæ post lapsum, atque ante ruinam; ac idcirco Gratiæ virtutem deprimere, cum quod huic dandum esset, illi Pelagius merito tribuisset. Incipiamus ergo ab ea sententia cap. 43. *Verum est quod ait Pelagius, quod Deus tam bonus quam justus talem hominem fecerit, qui peccati malo carere sufficeret; sed si voluisset. Quis enim eum nescit sanum & inculpabilem factum; & libero arbitrio atque ad justè vivendum potestate liberà constitutum? Sed nunc de illo agitur quem semper vitium latrones reliquerunt, &c.* Hic novum



novum quiddam apparet : probari ab Augustino dictum Pelagij circa potestatem Adami ad perseverandum in eo statu si vellet. Unde videntur in eo sensu accepisse dictum Pelagij ut non excluderet illud genus Adjutorij *sine quo* ac sub eâ potestate intellexisse cooperantem gratiam cum arbitrio volente agere ; nisi enim hujusmodi Adjutorium supponeret, non consentiret Augustinus. Qui solum in eo dissentit quod eandem potestatem lapsæ naturæ tribuebat, perinde ac majori auxilio non indigeret. Non excludi autem in ea sententiâ Pelagij omne Adjutorium Gratix, apparet ex cap. 48. in quo urgens hæresin Pelagij aliam ejus sententiam expendit. Nempe *Quod non peccare nostrum sit, posse verò non peccare, non nostrum*. Et ait, *Si de integritate, & sana hominis natura loqueretur, quam modo non habemus : nec sic rectè diceret, quod non peccare nostrum tantum modo sit, quanvis peccare nostrum esset : nam & ibi esset Adjutorium Dei & tanquam Lumen sanis oculis, quo adjuti videant se præbere volentibus*. Insignis locus ad utrunque, primo ad ponendum omnino ibi Adjutorium Gratix, & ad explicandum illud non aliud esse quàm *Adjutorium sine quo*. Improbando enim modum loquendi Pelagij, docet admissio eo adiutorio non posse illum sustineri. Deinde adhibendo exemplum lucis ad oculos sanos Adjutorium *sine quo* exprimit, ita enim juvat ad videndum, ut expectet voluntatem videntis. Unde disertè ait *se præbere volentibus*. Quod ipsum signum est Adjutorij *sine quo*. Est enim

enim *lumen simile cibo* quo non continuo sit, ut videamus sed sine eo videre non possumus. In quod quadrat illud cap. 11. de Corrupt. & Grat. *Tale quippe erat Adjutorium, quod defereret, cum vellet, & in quo permaneret si vellet, non quo fieret ut vellet.* Ecquis non videt, lumen ita adesse, ut si quis oculos claudat, non videat, si aperiat videat? Deinde opus est, ut sani sint oculi, nam nisi sani sint, Videre vel ablato lumine non poterit. Esse autem Adjutorium, Sufficiens, pro illo integritatis statu, atque adeo proprium ejus, non vero sufficiens pro statu ruinæ, docet ibidem Augustinus. Adhibito enim alio exemplo. Ait, *Habere nos asserit non peccandi possibilitatem, quam naturæ insitam dicit. Sed de homine sanis pedibus dici potest, velit, nolit, habet ambulandi possibilitatem. Confractis vero etsi velit, non habet. Vitiata est natura de qua loquitur. Eandem incudem tundit: non negat posse non peccare naturæ valenti & integræ, quòd non desit congruum Adjutorium sine quo.* Semper enim hoc supponit; negat tamen eam potestatem lapsæ & vulneratæ naturæ, quæ majore Adjutorio eget, id est quo Cujus necessitatem cum per aliquot capita monstrasset, concludit. *Fateamur Gratiam necessariam clamemus: miser ego homo quis me liberabit de corpore mortis hujus? Et respondetur nobis: Gratia Dei per Jesum Christum Dominum nostrum.* Nondum declarat cujusmodi Gratia sit: sed nè res dubia, obscurave esset, adjungit. *Quando enim istis rectissime dicitur: Quare sine Adutorio Gratiæ Dei dicitis posse hominem esse sine peccato. Non tum de illà Gratia*

*questio est, qua est homo conditus, sed de illa qua fit  
 saluus per Iesum Christum Dominum nostrum: satis  
 est hic locus ad rem conficiendam. Nam ex eo patet:  
 tam infirmum esse illud adjutorium sine quo pro sta-  
 tu lapsæ naturæ, ut perinde esset illud tantummo-  
 do habere, ac non habere. Quod ostendit ratio-  
 cinatio Augustini. Tres ea partes habet: prima con-  
 tinet necessitatem Gratiæ: quæ est perspicua, se-  
 cunda objectionem Catholicorum contra Pelagian-  
 nos, quæ rem maximè continet: ac ejusmodi est.  
 Affirmatis posse naturam omnino non peccare sine Gra-  
 tiæ Adjutorio. Et quia negare poterant illi dicen-  
 tes se non excludere Gratiæ, imo ponere Adju-  
 torium sine quo quemadmodum habuit natura inte-  
 gra & sana. Respondebant Catholici: illud non  
 esse Adjutorium Gratiæ quale necessarium erat in  
 statu ruinæ: satis illud quidem esse pro statu in-  
 tegræ: pro statu ruinæ satis non esse. Itaque  
 quod illud Adjutorium nullius usus erat, pro nul-  
 lo habendū esse. Itaque istis Pelagianis ait, Augustinus,  
 relictissimè dicitur sine Adjutorio Gratiæ Dei  
 dicitis: Posse hominem esse sine peccato: Ac si dicat,  
 Cum inter rogamus, Possitne homo in statu miserie  
 esse sine peccato? non loquimur de illâ Gratiâ in qua  
 homo est conditus: quæ tantum erat Adjutorium sine  
 quo. Nam hoc nec est aptum, nec satis pro secun-  
 do statu ruinæ, sed loquimur de istâ aliâ Gratiâ  
 qua fit quæ est Gratiâ per Iesum Christum Domi-  
 num nostrum. Hæc est enim Adjutorium quo omni-  
 no necessarium, naturæ lapsæ, ac debilitatæ. Quod  
 dum*

dum excluditis nullum relinquitis. Itaque perinde est solum illud *Adjutorium sine quo* proprium primi status integri tribuere, ac omne *Adjutorium* tollere, nam quod satis non est, illud pro nihilo habetur. Quare dum dicitis cum eo posse naturam sine peccato esse, dicitis.

Sine *Adjutorio* *Gratiæ Dei* posse non peccare naturam. Idem urget Cap. 59. aliâ sententiâ aptâ & congruenti. *Cur inquit, illic solam naturam defendere voluit?* Ecce *Gratias* agit, & solam naturam dicit, ubi erat *Adjutorium sine quo*, ut liqueat illud pro *Adjutorio* non haberi. Pergit. *Et quia homo ita creatus est, ut non peccare posset si peccare nolisset, asseruit; ac per hoc quod ita creatus eam possibilitatem ad Gratiâ Dei pertinere definiuit qua possibilitate si potuerit peccare non peccat & noluerit aliquid dicere de eo quod ipsa natura Gratiâ Dei per Jesum Christum Dominum nostrum vel sanatur, quia vitiata est, vel quia sibi non sufficit adjuvatur?* Cavillationes Pelagij in eo esse poterant, ut diceret: Naturam sine peccato esse posse per liberum arbitrium, ac ut damnationem vitaret, subterfugium quærens responderet. Posse id quidem, sed non sine *Gratiæ Adjutorio*, eo nimirum quod habuit natura recte instituta, ac omninò integra, & sana. Hoc cavillandi genus aufert Augustinus, status, & *Adjutoria* distinguendo, ut quid cuique congrueret, demonstraret; & omnem fallendi ansam adimeret. Itaque & ille apud me, & ego apud illum concludo, sententiâ Cap. 43. *Quid tantum de natura posse*



*sibilitate præsumitur? Vulnerata, sauciata, vexata, per-  
dita est, vera confessione non falsa defensione opus habet.  
Gratia ergo Dei, non qua instituitur, sed qua restitu-  
atur quærat, quæ ab isto sola clamatur non esse ne-  
cessaria cum tacetur.*



## CAP. IX.

*Alij Augustini loci rem continentes  
ex Epist. 105. 106. 107.  
afferuntur.*

**S**unt præclara & perspicua in his tribus Augu-  
stini Epistolis testimonia quæ totidem oracula  
dixeris. Ex illis visum est catenam texere  
ordine commutato, virtute retenta: non enim opus  
est seriem linearum attendere; sed sensum inqui-  
rere, ac sententias sibi nexas undecunque advocare,  
& quasi voces consonas in harmoniam revocare.  
Epist. 106. *Adjutorium sine quo primi status integri  
sic proponit. Natura humana etiam si in illa inte-  
gritate, in qua condita est, permaneret, nullo modo se  
ipsam Creatore suo non adjuvante servaret. Ecce  
necessitas Gratiæ, quam pro omni statu Augusti-  
nus exigit: sed ea sine qua non in illo statu: uti  
significant verba illa: Nullo modo se ipsam Creatore  
suo*

*suo non adjuvame servaret.* Id manifestiùs tradit, & addit quod ad differentiam Adjutorij jam facit. *Cum igitur sine Gratia Dei salutem non posset custodire quam accepit, quomodo sine Dei Gratia potest reparare quod perdidit?* Illud *sine Gratia Dei* ostendit *Adjutorium sine quo.* Illud *Quomodo* ad naturam lapsam conversum monstrat, quanto magis difficile est intelligere posse eam sine illo Gratiæ Adjutorio liberari.

Sed objiciet quis: Augustinum hic de necessitate tantum Gratiæ *sine qua non* agere, ac dum ait, utrique statui eâ opus esse significare utrique esse communem, atque adeo inter eas non distinguere: imò unam & eandem esse fateri. Verum faciliè respondetur ibi de ea tantum Gratiâ loqui, quoniam adversus eos disputabat, qui omnino tollebant Gratiâ, & naturam per se satis valentem affirmabant. Quæ fuit prima hæresis, Pelagij. Ibi tamen satis ostendisse majorem Gratiæ necessitatem in statu ruinæ, quàm integritatis, dum ait, *Quomodo*, id est, si in primo non poterât cum erat integra: quomodo posset in secundo cum erat lapsâ? Ac id ego ex eo loco inducto dūtaxat mōstrare volui. Sed ut objectio prorsus repellatur audiamus verba Augustini. Epist. 107. ubi loquens de Fidei vocatione ex proposito ait: *Hoc opus est Gratiæ non naturæ. Opus est inquam Gratiæ, quam nobis attulit secundus Adam: non naturæ, quam totam perdidit in semetipso primus Adam.* Brevis est locus, sed totus fulmen. Viden? ut opponat Gratiâ Gratiæ? adeo ut Gratiâ status

ruinæ, quæ est *Adjutorium Quo* vocet *Gratiam*. Gratiam verò status integri, id est, *Adjutorium sine quo* dicat *naturam*? Quo nullum, majus documentum præberè Augustinus poterat differentia duarum Gratiarum: nam cum prima verè Gratia sit, & Augustinus simpliciter gratiam vocet: si tamen cum secunda comparatur tantò inferior est, ut *natura* appelletur ab Augustino, quam ubique Gratia opponit, ut jam non diversa, sed adversa esse videatur.

Reponamus tamen objectioni alium ex eadem epistola 106. locum æquè manifestum. Loquens enim de fide quæ Donum est Dei, opponit eam merito humano: cujusmodi fuit Adami in statu integritatis: *Non gratiam Dei, inquit, aliquid meriti præcedit humani: sed ipsa Gratia meretur augeri, ut aucta mereatur perfici; comitante: non ducente; pedissequa, non præviâ. Voluptate.* Sane distinguit modum operandi utriusque Gratia & distinguendo monstrat in effectu, quod in causa proximè docuerat. Nempe docuerat, *naturæ* instar esse Gratiam integritatis, nunc ostendit eam per modum naturæ operari, cum merita, quæ ex illa existunt dicit humana: cujus rei ea ratio est, quod non præeat, & ducat, sed ducatur, & sequatur voluntatem. Nec satis esse comitari, ne pedissequa non sit: perinde est enim non præcedere, ac ducere, atque sequi ductum voluntatis: unde qui cum ea meretur humano modo meretur, quòd voluntas, quæ humanum quid est, præcedit trahendo Gratiam: ac primus motus sit voluntatis trahentis; atque ad aliquid meriti

riti præcedit humani, cum inchoetur operatio à voluntate.

Concinit illa sententia Epist. 105. *Ita se fatentur Pelagiani ad habendam seu faciendam justitiam divinitus adjuvari, ut sui præcedat aliquid meriti, quasi priores volentes dare ut retribuatur eis, ab illo de quo dictum est, Quis prior dedit illi & retribuetur ei? & suo putantes præire merito illud de quo audiunt, aut potius audire volunt, Quoniam ex ipso, & per ipsum, & in ipso sunt omnia.* Eâ vero docemur errare Pelagianos in eo, quod naturæ lapsæ illud tribuebant, quod erat proprium integræ & valentis: ac eorum opinatione sequi præcedi, ac præveniri à merito humano, Gratiam Divinam. Quod duobus modis dicere poterant vel excluso omni prorsus Adjutorio Gratiæ, vel admissò tantum Adjutorio *sine quo.* Quare Epist. 106. adducto loco Moyssi & Pauli qui eo utitur: ait, *Quid nos hic docuit? nisi ex illa massa primi hominis, cui merito mors debetur, non ad merita hominum, sed ad Dei misericordiam pertinere quòd quisque liberatur.* Ita loquitur, perinde ac merita humana sint, quæ viribus voluntatis fiunt, & quæ solo illo Adjutorio *sine quo* fiunt. Et quidem Diversitas meriti arguit differentiam Gratiæ: cum status integri ad justitiam: lapsi meritum ad misericordiam pertineret, quod illud ab arbitrio erat, istud à Dono Dei procedebat: Nam *Qui* suis inquit Epist. 105. *meritis præmia tanquam debita expectant, nec ipsa merita Dei Gratia tribuunt: sed viribus propriæ voluntatis.* Annon hi eadem ratione merebant quo meruit in primo statu Adamus? ut  
utro-



accommodet assensum. *Quomodo ergo non Gratia Dei est, non solum credendi voluntas ab initio, verumetiam perseverandi usque in finem, cum finis ipse vitæ hujus non in hominis sed in Dei sit potestate? Facit ad hanc doctrinam quod semper Augustinus cum tradit hujusmodi virtutem Adjutorij quo in statu ruinæ, confirmat arbitrij libertatem removendo objectionem, quæ fieri poterat contra liberam voluntatis facultatem: quasi timendum esset, nè quis putaret eripi ejusmodi Adjutorio libertatem. Cui sanè timori locus non erat in illo statu integritatis, cum ibi partes præcipuæ arbitrij essent. Igitur epist. 107. *Credunt in istum Deum liberâ voluntate. Et non est volentis neque currentis sed miserentis Dei, non quia velle non debemus & currere, sed quia ipse in nobis operatur & velle.* Rursum Scimus eos qui corde proprio credunt in Dominum, sua id facere voluntate ac libero arbitrio: necnon epist. 106. *Neque enim & hoc ita sit de nobis tanquam nihil facientibus nobis.* Hoc ipsum inculcat Epist. 106. primum enim impugnat Pelagium dicentem: Non posse liberum arbitrium, si Dei indiget auxilio. Et victoriam nostram non ex Dei Adjutorio esse, sed ex libero arbitrio. Deinde respondet. *Fateatur esse liberum arbitrium etiamsi Divino indiget Adjutorio, id est, quo: Nam id negabant Pelagiani putantes auferre libertatem. Fateatur quando contra tentationes concupiscentiâsque illicitas dimicamus, quamvis & illic habemus propriam voluntatem, non tamen ex illa, sed ex Adjutorio Dei nostram provenire victoriam.* Eadem*

ratione de meritis loquitur: Nam Epist. 105. Nullane sunt igitur merita iustorum? Sunt sanè, quia iusti sunt; sed ut iusti fierent, merita non fuerunt: iusti enim facti sunt cum iustificati sunt, sed, sicut dicit Apostolus, Iustificati gratis per gratiam ipsius. Et infra. Quod est ergo meritum hominis ante gratiam, quo merito percipiat Gratiam cum omne bonum meritum nostrum non in nobis faciat nisi Gratia? Et cum Deus coronat merita nostra nihil aliud coronet, quam munera sua? Vide quà longè distent huiusmodi merita à meritis Adami, quæ ex arbitrii libertate cum essent, humana appellata, atque adeo alterius rationis. Ex quo patet Causarum unde diversitas provenit, id est Auxiliorum, differentia. Illud præclare Augustinus. Non frustra Deo cantatur, Et misericordia ejus præveniet me, Et misericordia ejus subsequetur me. Unde & ipsa vita æterna, quæ utique sine fine habebitur, & ideo meritis præcedentibus redditur: tamen quia eadem merita, quibus redditur non à nobis parata sunt per nostram sufficientiam, sed in nobis facta per gratiam, etiam ipsa Gratia nuncupatur; non ob aliud, nisi quia gratis datur, nec ideo quia meritis non datur, sed quia data sunt et ipsa merita quibus datur. Ratio autem propter quam Augustinus merita iustorum ad misericordiam revocat, illa est; quoniam, cum sint Dona Dei, humana non sunt; atque adeo ad iustitiam spectare non possunt: cuiusmodi sunt merita primi status, quæ quod erant ab arbitrio, humana, & ex iustitia erant: Quod ibi docet Augustinus: Ne iustitia de humano se extollat merito. Quid enim

enim habes quod non accepisti? Tibi enim tanquam debita redderetur, si ex te tibi esset iustitia cui deberetur. Idem tradit, & quidem fusius Epist. 106. & sæpe aliàs, sed nolo extra Epistolarum terminos vagari. Superest hujus doctrinæ proximè de libertate ac merito traditæ illustris Augustini sententia. Epist. 107. Ita fit, ut neque fideles fiant nisi libero arbitrio, & tamen illius gratiâ fideles fiant, quâ eorum à potestate tenebrarum liberavit arbitrium. Sic & Dei Gratia non negatur, sed sine ullis humanis præcedentibus meritis vera monstratur, & liberum ita defenditur, ut humilitate solidetur non elatione solidetur arbitrium, & qui gloriatur non in homine, vel quolibet alio, vel se ipso, sed in Domino gloriatur. Hic est scopus ad quem semper collimat Augustinus: ut omnem superbiæ ansâ præcidat, ac nihil gloriæ Divinæ homo decerpatur. Propositum quippe est ei loco isto Pauli, ora de viribus se liberi sui arbitrij jaçantibus, obturare.

Jam verò differentias statuum & libertatis cujusque discrimina perspicuè Augustinus tanquam radices diversitatis Auxiliorum proponit: Epist. 106. improbat errorem Pelagij hoc modo. Aliquando ita paribus momentis potestatem voluntatis æqua lance perpendit, ut aliquantum etiam ad non peccandum valere definiat; quod si ita est, nullus locus Adjutorio Gratiæ reservatur sine qua nos dicimus: Ad non peccandum nihil voluntatis arbitrium valere. Aliquando autem quotidiano Gratiæ Dei muniri nos confitetur auxilio, quantumvis habeamus ad non peccandum forte ac firmum liberum arbitrium: quod utique invalidum &


*infirmum debuit confiteri, donec sanentur omnes Linguae animæ nostræ. Ita extollit naturam Pelagius ut deiciat Gratiam. Ita Augustinus contra, ut statuatur Gratiam, in suum locum arbitrium reponit. Et paulo post relato ex erroribus Pelagij dicentis naturam non egere Gratia nisi ad facilius operandum. Ait: Quamquam nec illa possibilitas liberi arbitrij tam in bonum quàm in malum, æquâ lance perpenditione huic facilitati locum relinquit, quam saltem videtur confessus esse dicendo facilius possunt implere per Gratiam. Si enim per Gratiam lex facilius impletur: facillimè autem sine gratia fit malum profecto ista possibilitas non æqua lance perpenditur. Hæc ego adduxi, ut ostenderem semper Augustinum egisse, ut minus valere naturam in statu ruinæ, quàm integritatis, quomodo se cunque opiniones haberent, perspicuè appareret.*

Urgeamus è propinquo rem: ac omnibus indagatis vestigijs Adjutoria distinguamus. Id agit Augustinus Epist. 107. ubi cum Vitali in Pelagianos inclinante disputans, ait venire se ad quæstionem. *Utrum præcedat hæc gratia, an subsequatur voluntatem: hoc est ut planius id eloquar, utrum ideo nobis detur, quia volumus, an per ipsam Deus efficiat ut velimus.* In quâ quæstione proponenda manifestè tradit Augustinus utriusque Auxilij pro utroque statu differentiam: nam ex præcedentibus constat *Adjutorium sine quo subsequi voluntatem: & præstò nobis esse quia volumus, sicuti cibus, & lux. At vero Adjutorium Quo facere ut velimus: nec expectare voluntatem sed agere. Quid? Quòd assumit & proponit*



proponit exemplum lucis quo solet uti ad declarandum *Adjutorium sine quo* : ac illud exponens paulò post applicat ad statum integritatis ; Cujus esse proprium affirmat. Quo nihil dici potuit manifestius. Rem ostendo. Adducta Pelagij de naturæ viribus sibi sufficientis sententiâ. Nè existimemus de illo temerè suspicari, & fortasse quis dicat sic eum sentire fortè ac firmum ad non peccandum liberum arbitrium, quævis sine Dei gratia id efficere atque ad implere non possit, sicut sanos oculos firmos dicimus ad videndum, quod tamen nullo modo facere possunt, si desit lucis auxilium. Patet lucem significare *Adjutorium sine quo* : uti apparet ex superiori capite citato loco de natura & Grat. c. 48. & infra patebit ex testimonio lib. 2. de Peccat. mer & remis. c. 5. & ex his verbis satis constat, *sine gratia*. Si desit lucis Auxilium. Hoc monstrato illud superest ostendere, proprium esse hujusmodi auxilium Paradigmatæ lucis indicatum Integræ naturæ in statu Paradisi beato. Id ago. Ubi Augustinus Pelagij impiam hæresin confutavit, omninò excludentis auxilium Gratix, ait: *Natura enim humana etiam si in illa integritate in qua condita est, permaneret, nullo modo se ipsam Creatore suo non adjuvante servaret. Cum igitur sine Dei gratia salutem non posset custodire quam accepit, &c.* Quod necessario accipiendum est de Gratia *sine qua* : non solum ex modo loquendi non adjuvante : Sine Dei gratia ; sed ex ipsa connexionione locorum : nam in proximo Augustinus inducit modum quo subterfugere posset Pelagius affirmans vires naturæ subintellecto auxilio

Gratiæ; quod sanè esse non poterat nisi *Auxilium*, sine quo, luci simile, nam certè *Adjutorium quo: Pelagius* nullatenus admitteret. Igitur quod auxilium Pelagius admittere posset: illud postea Augustinus integræ naturæ tribuit. Ac illud erat *Adjutorium sine quo*, ergo istud est quod integro statui tribuit Augustinus.



## C A P. X.

*Expenduntur pro eadem sententia præclari  
quidam ex libris de peccatorum  
meritis & remissione  
loci.*

**P**rimus esto ex lib. 2. de Peccat. mer. & remis. c. 5. in quo adducto lucis exemplo proponitur utrumque adjutorium perspicuè, ut appareat unum ab alio esse diversum. Sicut corporis oculus non adjuvatur à luce, ut ab eadem luce clausus avertitur discedat, ut autem videat adjuvatur ab ea, neque hoc omnino nisi illa adjuverit potest, ita Dens qui lux est hominis interioris adjuvat mentis nostræ obtinuit, ut non secundum nostram, sed secundum ejus justitiam boni aliquid operemur. Si autem ab illo averti-

*mur, nostrum est.* Propositum erat Augustino docere Peccatum, nostrum, & à nobis esse. Bonum à Deo nobis provenire. Id demonstravit exemplo lucis illato. Quo uti solet ad explicandum *Adjutorium sine quo.* Itaque habemus hîc adjutorium primi generis. Si hic sisteret Augustinus suam labefactare videretur sententiam de duplici Adjutorio; nam hic videbatur eo solo, id est, *sine quo* esse contentus: quod maximè Adversarij optarent. Sed Augustinus id prævidit, & præcidit conatus: Et enim cum ad institutum aptè intulisset. *Conversos ergo Deus adjuvat; aversos deserit.* Statim addidit. *Sed etiam ut convertamur ipse adjuvat, quod certè oculis lux ista non præstat.* Ut doceret non satis esse Adjutorium primi generis, *sine quo* luci simile, pro hoc statu; nisi etiam aliud secundi; *quo*: primo adderetur. Itaque quod primum præstaret; claresceret exemplo lucis exposuit; quod secundum quia à primo non erat, & hujus paradigma non æquabat, apposuit à Deo conversionem non conversi, imo & avertentis se hominis. Quod Augustinus ibi celebri illa & decantata sua, & Pelagio maximè invisa sententiâ: *Da quod jubes & jube quod vis,* induc̃ta non piè magis, quàm aptè prosequitur. Hujus vero modum conversionis toto ferme hoc libro secundo pergit exponere, nè nobis quicquam in ea sit, unde gloriemur; cum tamen nihil sit, cui non cooperemur: itaque libertatis nostræ nos monet, sed omninò Gratix ancillantis. Ac primum queritur, c. 18. *Quòd laborant homines in-*

*venire :*

invenire in nostra voluntate, quid boni sit nostrum, quod nobis non sit ex Deo: quod quia variis modis fieri potest, ut omnes uno ictu præcidat, ait; *Quomodo invenire possit ignoro.* Et conversus ad arbitrium voluntatis, quo quia rectè agendo utimur eo ad gloriam captandam, interdum abuti volumus, ait: *Nisi obtineamus non solum voluntatis arbitrium, quod huc atque illuc liberum flectitur, atque in eis naturalibus bonis est, quibus & malè uti malus potest: sed etiam voluntatem bonam quæ jam in eis bonis, quorum usus esse non potest malus nisi ex Deo nobis esse non posse, nescio quemadmodum defendamus quod dictum est. Quid autem habes, quod non accepisti?* Priori parte refutat eos qui docebant etiam sine ulla gratia liberum per se bene operari arbitrium: nec idcirco tamen Deo non deberi operationem, quòd ipsum liberum arbitrium à Deo sit. Quæ pars rem non continet. Secundà tamen omninò continet, dum docet voluntatem bonam ex nobis non esse, sed ex Dei dono venire; nam si cum solo *Adiutorio sine quo*, id est, Gratiâ tantum instar lucis oblatâ bona voluntas fieret, jam ea Dei Donum non esset: cum instar Adami ubi illius Gratiæ à voluntate inciperet, atque adeo ille flexus voluntatis ad gratiam arbitrii opus esset: & omnino auctore Augustino merito humanum. Quare non esse ut voluntas bona sit bonæ virtute Gratiæ antecedentis, & trahatur ad bonum nisi Gratiæ tantum concomitans & operans arbitrium, quod adeo in illius potestate sit, ut per se subiectum non sit tunc *Donum Dei*, sed effectus



effectus industriæ humanæ & meritum humanum, quamvis Gratia adjuvet concomitanter. Quin imò multo major erit ratio negandi hunc modum operandi cum solo *Adjutorio sine Quo* in natura lapsa, quæ erat in statu integritatis. Quare Augustinus: *Quod ad Deum nos convertimus nisi ipso excitante, atque adjuvante non possumus: & hæc est voluntas, bona: quid habemus quod non acceperimus? & aliunde convincit: Nam si nobis libera quædam voluntas ex Deo est, quæ adhuc potest esse bona vel mala: bona vero voluntas ex nobis est; melius est id, quod à nobis, quàm quod ab illo est.* Hoc quidem in primo statu dici non poterat, quòd jam erat voluntas bona, & tamen Augustinus in eo propter solum bonum usum Gratiæ meritum negat esse donum Dei, & arbitrio illud attribuit, ut appareat quid dicturus esset in nostro statu in quo prava voluntas est, si cum solo hujusmodi *Adjutorio* recte liberum operaretur arbitrium?

Duo adhuc sunt in doctrina hujus libri præclara ad probandam utriusque differentiam *Adjutorij* & perspicua argumenta. Quæ oportet diligenter attendere. Primum: Rationem bene operandi à Gratia esse, & à Gratia provenire: ut non Gratia sequatur, sed ducat arbitrium: atque ad Gratia operandi à Deo detur, quod ejusmodi Causa detur, quæ faciat voluntatem operari. In *Adjutorio* est virtus Gratiæ efficacis, seu *Adjutorij* unde perspicuè deducitur eum qui bene operatur: ita à Deo Adjuvari, ut illi tanquam autho-

ri bonis operis meritum sit tribuendum. Audiamus Augustinum. Cap. 17. Duo ponit principia Quæ impediunt voluntatem à bono. Ignorantiam & difficultatem. Deinde statuit Adjutoria, quibus illa vincuntur, Hoc modo. *Ignorantia igitur & infirmitas vitia sunt, quæ impediunt voluntatem nè moveatur ad faciendum opus bonum, vel ab opere malo abstinendum. Ut autem innotescat quod latebat, & suave fiat quod non delectabat, Gratia Dei est, quæ hominum adjuvat voluntates.* Ac nè dubia res esset illud addit pro ratione operandi. *Tantò enim quidque vehementius volumus, quantò certius, quod bonum sit novimus, eoque delectamur ardentius.* Quòd autem major hæc illustratio, & inflammatio sit beneficium Dei voluntarium, atque adeo cum authorem esse operis boni, tradit deinde Augustinus egregiâ ratione, quod nempe Deus modò dat, modò subtrahit, modo auget, modò minuit pro sua voluntate semper iusta. *Ideo quisque nostrum bonum opus suscipere, agere, implere, nunc scit, nunc nescit, nunc delectatur, nunc non delectatur, ut noverit, non suæ facultatis, sed Divini muneris esse quod scit, vel quod delectatur: ac sic ab elationis vanitate sanetur, & sciat quàm verè non de terra ista, sed spiritualiter dictum sit l'ominus dabit suavitatem, & terra nostra dabit fructum suum.* Quam hoc est à primi illius Adjutorij sine quo conditio diversum? Idque multò manifestius apparet ex sententia capitis. 19. *Intelligamus si possumus Deum, ideo etiam sanctis suis alienjus operis iusti aliquando non tribuere, vel cer-*  
*tant*

*tam scientiam, vel victricem delectationem: ut cognoscant non à seipsis sed ab illo sibi esse lucem, qua illuminantur tenebræ eorum, & suavitatem quæ det fructum terræ eorum.* Manifestum planè est distinguere inter delectationem *victricem* & aliam quæ non sit *victrix*: nam non ait Deum subtrahere, delectationem, sed *victricem* subtrahere, quod quædam sit tanta quæ vincat & faciat operari, quædam minor sit, & quæ aut ignorantia, aut infirmitate superetur. Cui loco similes sunt alii; Unus lib. de spiritu & Littera, c. 3. Alter lib. de Grat. Christi. c. 3. Tertius lib. 3. de libero arbitrio, c. 18. relatus ab Augustino lib. de natura & Gratia, c. 68. qui quoniam ibi approbatur duorum instat esse poterit. Ex his tamen ego solum illum de Spirit. & Lit. volo afferre. *Nam neque liberum arbitrium quicquam nisi ad peccandum valet, si lateat veritatis via. Et cum id quod agendum, & quo nitendum est, cæperit non valere, nisi etiam deleat, & ametur, non agitur, non suscipitur, non bene vivitur. Ut autem diligatur, Charitas Dei diffunditur in cordibus nostris, non per liberum arbitrium, quod surgit ex nobis, sed per Spiritum Sanctum qui datus est nobis.*

Jam apparet diversitas hujus auxilij ab eo quod erat proprium status Integri, nam hoc non ducebat, nec urgebat, nec trahebat arbitrium, quemadmodum istud ruinæ status ducit, urget, & trahit. Nam ibi voluntas erat libera & auxilium habebat in sua potestate: at verò hîc cum eo indigna reddita sit, opus est, ut auxilio Gratia dirigatur, & moveatur. Itaque tunc erat motus à voluntate

nunc nescire, nunc delectari, nunc non delectari ut no-  
verint non suæ facultatis, sed Divini muneris esse  
quòd sciant, quòd delectentur. Sed id clarissimè dicit  
Cap. 5. ut nec refragari quis adversarius; nec de-  
siderare ampliùs amicus Gratiæ possit. *Salutem,*  
inquit, *nostram Deus operatur in nobis.* Cur autem illum  
tantum, istum non tantum, istum illo, illum isto modo  
penes ipsum est, & æquitatis tam secretæ ratio, & ex-  
cellentia potestatis. Concinit locus alter ejusdem li-  
bri. c. 17. *Gratia Dei hominum adjuvat voluntates,*  
*qua ut non adjuventur in ipsis itidem causa est, non in*  
*Deo, sive damnandi prædestinati sint propter iniquita-*  
*tem superbiæ, sive contra ipsam suam superbiam judican-*  
*di & erudiendi, si sint Filii misericordiæ.* Quo con-  
stat nonnullos homines in hoc statu misero ob pec-  
catum originale, quod nos privavit Gratiâ, ejus  
Auxiliis non adjuvari, vel saltem non æquè, ac alios  
authore Augustino adjuvari: quod de damnandis ju-  
sto Dei judicio vult intelligi: imò & confirmat  
quosdam ex electis, interdum non juvari, seu minus  
juvari ab disciplinam & eruditionem, nè scilicet  
superbiant: & de viribus suis præsumant. Utcun-  
que autem sive minus juventur, sive non juventur,  
certè alius est modus dandi gratiam, ac esset in  
statu integritatis.

Consentit Cap. 19. in quo ejusdem superbiæ il-  
lata mentione ait, *Quod vitium nisi adjuvante gra-*  
*tia superetur injustitiam nemo convertitur: nisi ope-*  
*rante gratia sanetur, justitiæ pace nemo perfruitur.*  
*Cujus autem gratiâ vincitur, & sanatur, nisi illius cui*



*dicatur: Converte nos Deus sanitatum nostrarum, & averte iram tuam à nobis. Quod etsi facit, misericordia facit. Et quibus non facit, judicio non facit. Et quis dicet illi quid fecisti, cui misericordia & judicium pià sanctorum mente cantatur? At in statu integritatis, non erat locus judicio, quod non erat culpa originalis, causa judicij, imò nec misericordiae propriè acceptæ, cum non esset miseria: & Auxilia Gratiae ex æquitate, uti suprà diximus illi naturæ integræ deberetur.*

Nequid autem in hoc libro desiderare Lector in hanc rem possit, conclusit Augustinus cap. 23. *Cum itaque primorum illorum hominum fuerit prima justitia obedire Deo, & hanc in membris adversus legem mentis suæ legem concupiscentiæ non haberent: nunc post eorum peccatum nata ex eis nostra carne peccati pro magno obtinetur ab his qui obediunt Deo, desideriis ejusdem concupiscentiæ non obedire, & crucifigere in se carnem cum passionibus, & concupiscentiis, ut sint Jesu Christi, qui hoc in sua cruce figuravit, quibus per gratiam suam dedit potestatem Filios Dei fieri. Nom enim omnibus hominibus dedit, sed quotquot receperunt eum, ut Deo renascerentur spiritu, qui seculo nati erant carne. Manifestè Augustinus distinxit inter utrumque statum, & asseruit, non omnibus datum esse in statu ruinæ Adjutorium Quo vinceretur concupiscentia, cum illud solis iis sit datum, Qui receperunt eum. At verò in primo illo integro, non esset hæc distinctio, cum non esset, nec peccatum originale, nec caro peccato*

cato vitiata. Atque adeo neque concupiscentia, neque ratio cur huic magis, alii minus Adjutorij donaretur: quod nemo tunc indignus & privatus erat Gratia, qua naturam lapsam peccatum originale privavit. Unde si quibus non detur, iis justè negatur; si quibus donetur, iis misericorditer donatur. Quæ Augustini perpetua & constans sententia est. Ad calcem hujus capitis adjicio. Qui doctrinam in eo contentam ac ex his locis depromptam legat ei omnino mentem Augustini, vel aliis prætermis-  
spectam fore.

CAP.

enim potestis facere boni de corde non bono? Quid mihi obtendis liberum arbitrium, quod ad faciendum bonum liberum non erit, nisi ovis fueris? Ita. c. 6. Non solum enim non habet bonum, sed habet etiam pessimum meritum. Cap. 9. Itaque exclamat Serm. 11. de verbis Apostoli: O malum liberum arbitrium sine Deo! Experti sumus quid valeat sine Deo. Ideo miseri facti sumus, quia sine Deo, quid valeat experti sumus.

Creatus est homo in natura sine vitio, creatus est rectus, non se fecit rectum. Quid autem se ipse fecerit notum est; cadens à manu figuli fractus est. Ecce bonus factus est homo, per liberum arbitrium factus est homo malus. Quando facturus est bonum hominem malus homo per liberum arbitrium deserens Deum? servare se non potuit bonum, & facturus est se malus bonum? Cum bonus esset non se servavit bonum, & cum sit malus dicit; Facio me bonum. Aptè munit viam ad inducendum majus Adjutorium: nam si homo integer & sanus, cum solo Adjutorio sine quo non stetit in eo quod acceperat, quomodo cum eodem tantum surget, & quod non accepit recuperabit? Carnalis venundatus in culpam inquit Serm. 12. Non agit quod vult, cum vult non potest, quia quando poterat, noluit. Per malum velle perdidit bonum posse, & captivus jam loquitur, & dicit captivus. Non quod volo ago, non enim quod volo facio bonum, sed quod odi malum, hoc ago, non quod volo. Et rursum post ejusmodi multa Serm. 13. Dominus

Creato homine sine vitio temperantiam precipere dignatus est, quam si ille servasset, Medicum postea morbo suo non desideraret: sed quia non servavit, languidus factus est, cecidit infirmus, creavit infirmos, id est, infirmus genuit infirmos. Et infra. Ad malè agendum habes sine Adjutorio Dei liberam voluntatem, quanquam non est illa libera. Agis, Deo non adjuvante liberà voluntate, sed malè. Hæc satis pro necessitate, miseriâque naturæ in statu ruinæ. Gradum ad Auxilium Gratia Faciamus. Hæc datur per Jesum Christum Dominum nostrum: quæ Deo gratis miserante donatur. c. ult. lib. 1. Ea cujuscumque sit docet aptissimè in rem nostram imò suam Augustinus lib. 2. c. 9. Benedictio dulcedinis est Gratia Dei, quâ fit in nobis, ut nos delectet, & cupiamus hoc est amemus quod præcipit nobis. Vidēs Adjutorium Quo illo termino quæ sit expressum: ac delineatam rursus Gratia imaginem superioris libri, quam in victrice delectatione posuerat. Fit ut nos delectet & cupiamus, & amemus. In qua si nos non prævenit Deus, non solum non perficitur, sed nec incipitur ex nobis. Si enim sine illo nihil possumus facere, profectò, nec incipere, nec perficere, quia ut incipiamus dictum est, Misericordia ejus subsequetur me. Et eodem capite. Avertat ergo Deus hanc amentiam, ut in donis ejus nos priores faciamus, posteriorem ipsum. Essemus autem priores, si cum Auxilio tantum sine quo operaremur: nam cum voluntas nostra mala ad illud se converterit oblatum tantum, & nihil antecedenter movens,

sed



sed expectans consensum, planè nos inciperemus, & Gratia sequeretur. Et quidem in nobis bonum propositum est, quod consequens adjuvat Gratia, sed esse non potuisset, si non præcederet Gratia. Nam ipsa est bona voluntas quæ præparatur à Deo. lib. 4. c. 6. Faciam, ut ambuletis; faciam, ut obseruetis; postremo faciam, ut faciatis; nos quidem ambulamus, verum est, nos observamus, nos facimus: sed ille facit ut ambulemus, ut observemus, ut faciamus. Hæc est gratia Dei bonos faciens nos. Hæc misericordia ejus præveniens nos; ibidem. Sed quâ id ratione fiat docet Augustinus toto capite 20. Lib. 1. ad Bonifac. variis exemplis scripturarum; ac præcipuè Assueri propter orationem Esther mutati: Ut quid, inquit, in oratione dicit Deo, si non operatur Deus in cordibus hominum voluntatem? Quam Deus in Assuero occultissima & efficacissima potestate convertit, & transulit ab indignatione ad lenitatem: hoc est de voluntate lædendi ad voluntatem favendi secundum illud Apostoli: Deus est enim, qui operatur in nobis & velle. An hic erat modus adjuvandi in statu integro? hæcne vis Adjutorij sine quo? Iterum Augustinum audiamus, cap. 19. exemplo Pauli utentem. Ut credat ipsa voluntas, sicut Pauli desuper excitatur, etiamsi tam sit aversus à fide, ut credentes etiam persequatur? & paulo post. Oramus ut mala mala eorum voluntas in bonum mutetur. Credo non hoc agebat illa Gratiæ Integritatis, nec enim tanta necessitas, tanta vis ejus erat. Huc facit quod tradit contra Pelagianos Augustinus. Deum immittere studium.

*virtutis etiam reluctantis. Id Pelagiani negabant, ita lib. 4. c. 2 & 6. ubi præter alia Augustinus Reluctanti prius aditus Divina vocationis ipsa Dei gratia procuratur, ac deinde in illo jam non reluctante spiritus virtutis accenditur. & cap. 9. Oramus non solum pro nolentibus, verumetiam pro repugnantibus & oppugnantibus. Quid ergo petimus, nisi ut fiant ex nolentibus volentes, ex repugnantibus consentientes, ex oppugnantibus amantes? Patet non hujusmodi esse Adjutorium sine quo status integri, nam nec erat repugnans, oppugnansve voluntas, nec vis potens & efficax ad trahendam, & convertendam voluntatem: Demus lucem aliunde, nempe ex Serm. 13. de verbis Apostoli. Voluntati suæ tantum arrogat, ut sibi liberum arbitrium posse putent ad justitiam sufficere, quæ tunc quando erat integræ libertate, id est in Paradiso ostendit vires suas, ostendit quantum possent ad ruendum, non ad surgendum.*

Insignis prorsus ac illustris locus ad monstrandum operandi voluntatis cum Adjutorio sine quo similem esse ei quem Pelagiani libero arbitrio in statu ruinæ tribuebant, nam cum contra eos hic agat Augustinus, applicat exemplum libertatis in statu integro vires suas exerentis: quod si Augustini mens non est comparare, rectè docet multò minus hodiè posse, quàm tunc poterat, atque adeo arbitrium multò majore virtute Gratiæ juvandum & confirmandum. Deinde, illud constat liberum arbitrium in eo statu cum non esset destitutum Adjutorio sine quo, tamen suis viribus dictum operari: quia Gratia.

Gratia non ducente sed potius sequente voluntatem, vendicabat sibi actionem arbitrium, quod principium erat & radix actionis, & concursus ad illam gratiæ oblata, quæ non veniebat nisi ab arbitrio invitata, & tracta. Quare verissimè & aptissimè Augustinus *Ostendit arbitrium vires suas*: atque ut exponeret, quàm parum in arbitrium illud Adjutorium Gratia *sine quo non valeret*, addidit: *Vires suas ad ruendum, & non surgendum*, perinde illud arbitrium etsi adjutum adjutorio, Gratia, adjutorio careret, nam idem profus effecit, quod gratia effecisset. Idcirco *ad ruendum* valuit *non ad surgendum*. Cum tam parva esset illa vis Adjutorij indifferentis, ut non efficeret consensum, sed expectaret. Unde à consensu ruina secuta; & meritò, nam illud adjutorium erat oblatum tantum, nec ad ruinam vitandam ex se quicquam movebat. Igitur si à voluntate non acceptabatur, nihil operabatur, atque adeo sola voluntas agebat, Gratia præsidia respuendo. Itaque perinde erat operari oblato Adjutorio *sine quo*, ac nullâ movente Gratiâ operari. Hoc voluit Augustinus, hoc tradidit.

Notandum verò est accuratiùs cum vidissè acutè genus istud Adjutorij *sine quo* esse tantum, sicut Lux & cibus, oblatum: nec quicquam in nobis nisi voluntas accedat operari, quare necesse esse, ut voluntati sit tribuendum, utrumlibet sive benè, sive secus agere. Unde tam nostræ potestatis erit peccare, quàm non peccare, cum excludere & admittere Gratiâ in manu sit positum voluntatis: ac

proinde hominis arbitrium esse radicem & principium boni & mali: Et si ad bonum Adjutorio Dei comitante indigeret, non indigeret tamen ad malum. Atque hinc sequi, dari meritum aliquod in voluntate Gratiam antecedens cum ipse flexus ad Gratiam trahendam arbitrij, bonum quiddam sit, atque adeo meritum arbitrij præeuntis Gratiam oblatam.

Atque hæc fortassè causa est, quòd Augustinus & in opinione quorundã Pelagianorum, cum omninò sine gratia meritum ponebant, & in opinione aliorum qui hoc tantum inducto auxilio *sine quo* meritum inducebant, Utitur eadem ratione impugnandi, quòd meritum humanum introduceret, perinde ac penè idem contra Gratiam sentirent, cum tamen hi admitterent Adjutorium Gratiæ *sine quo* & concomitans, illi autem omnino excluderent. Nam videbat quo erat acumine, hos etiam aliquid boni & meriti in arbitrio ante gratiam ponere, nempe illam ipsam inclinationem, & flexum voluntatis ad Gratiam oblatam, & veluti indifferentem, quod sapè non agebat Gratia, cum ante nec inclinaret, nec moveret arbitrium: ac id duntaxat interesse, quod Pelagius interdù totã actionẽ arbitrio dabat, omninò exclusã Gratiã, hi verò principium actionis arbitrio tribuebant, reliquo Gratiam applicabant. Hinc illa Augustini verba sermone 11. *Si aliquid meritum antecedit Gratiam, ea non gratis datur, sed ex debito redditur. Ab illo ergo omnia, & contra hos adducit locum illum Pauli, Quis prior dedit illi?* Quan-



Quanquam mirum sit si Pelagius hoc Auxilium Gratiae sine quo concomitans, & per modum concursus ordinarij excludebat. Sed hac de re latius, Cum ad objecta veniamus, & accomodatius agemus.

Contra hos militat egregius locus. lib. 1, ad Bonifac. c. 19. *Vos autem in bono opere sic putatis adjuvare hominem Gratia Dei, ut in excitanda ejus ad ipsum bonum opus voluntate nibileam credens operari.* Quo traditur Auxilium Gratiae non esse sine quo oblatum tantum & paratum, sed praesens, & agens voluntatem; ac in ea operans excitationem, & inchoans motionem; nec eam indifferentem, uti erat antea relinquens. Nam si ita maneret immota, & indifferens frustra esset ea excitans gratia, cum in eodem statu quo invenisset relinqueret voluntatem. Quid ergo in ea operaretur, quam non moveret, non accenderet, non ageret? Hoc est quod damnat in Pelagianis Augustinus: dicere. *Nibileam in excitanda voluntate operari?* Igitur necesse est cum Augustino fateri: Gratiam istam excitantem esse non tantum Adjutorium sine quo oblatum & paratum: sed Quo movens agensque voluntatem: retentâ libertate, sed tamen inclinâtâ in bonum: ita ut motus ejus jam sit à Gratia vincente, ac nihil sit boni conatus in arbitrio, quod à Gratia non proveniat. Quomodo autem id fiat nostrum fortasse non est comprehendere ob rei difficultatem, sed fieri tamen fateri cum Augustino debemus, nè quid voluntatis præcedat Gratiam, ac sit quiddam in

in nobis de quo gloriemur. Iterum Augustinum eodem capite audiamus. *Quam multi inimici Christi quotidie subito Dei occulta Gratia trahuntur ad Christum? Quod verbum si non ex Evangelio posuisssem, quanta de me propter hoc ipse dixisset, cum etiam obliſcetur non mihi sed illi qui clamat. Nemo potest venire ad me nisi Pater qui misit me traxerit eum. Non enim ait Duxerit, ut illic aliquo modo intelligamus præcedere voluntatem. Scrupulosissime ac minutissime agit, nè quo modo per illum aliquem modum irrepât in locum Gratiæ natura. Nam si hæc locum ulurpet & operetur à se inota ante pulsum Gratiæ, & quòd moveri incipiat, ab illa inchoetur opus, profectò verum non est illud Pauli, *Quis enim te discernit?* docente Augustino Lib. 2. c. 7. *Quis te discernit?* Et tanquam respondisset, *discernit me fides mea, propositum, meritum meum.* (Hoc verbum rem continet, nam meritum humanum vocat Augustinus, meritum quod fit cum Adjutorio *sine quo*) *Quid enim habes inquit, quod non accepisti? Si autem accepisti, quid gloriaris quasi non acceperis? hoc est quasi de tuo sit unde discernaris. Ergo ille discernit, qui unde discernaris impertit. Ecquis negat Adjutorium sine quo non discernere cum indifferens sit. Igitur illud quod discernit, aut est arbitrium, aut Adjutorium Quo. Arbitrium certè nequit esse restat ergo Adjutorium Quo. Quapropter, inquit Augustinus eodem lib. c. 8. Multa Deus facit in homine bona, quæ non facit homo: nulla verò facit homo, quæ non facit Deus, ut faciat homo Vide quid dicat. Quæ non facit Deus ut faciat, ut semper Deus sit author, non comes tantum.**

tum. Quod sane ad Adjutorium *Quo* refertur. Consentit Lib. 4. c. 9. ubi reprehendens adversarios ait opus bonum Patientiæ de quo cum Cypriano agebat. *A Deo caput, ab ipso originevi sumere.* & c. ult. ait *Gratiam Dei super liberum arbitrium omne antecedere meritum.* Itaque c. 6. eos carpit qui volunt priores dare quodlibet ex libero arbitrio: nam tollens quodlibet omnem profecto modum præcedendi Gratiam tollit: ac nihil quod ab ea non sit relinquit, quod nos Filios suos docet sancta Mater Ecclesia orat. Dominicæ vi, post Pentecost, *Deus cujus est totum quod est optimum.*

Nec illud quod idoneum est maximè ad horum differentiam auxiliorum probandum: nempe non dari omnibus Adjutorium istud *Quo*, desideratur in his libris. Sic enim ait c. 6. lib. 4. *Cur autem iste accipiat, ille non accipiat, cum ambo non mereantur accipere, & quisquis eorum acceperat indebitè accipiat? vires suas metiantur, & fortiora se non scrutentur.* Hoc vero quadrare in adjutorium *sine quo*, cum omnibus multorum sententiâ offeratur non posse, omnes, opinor, intelligunt.

Claudamus caput eo quod mentem præcipuè nostram præpedire ratiocinando solet, ignorantiam modi quo Deus operatur in nobis hæcæ motiones Gratiæ efficaces, quibus antecedenter movemur & trahimur illæstâ libertate, sed inclinâtâ voluntate. Huic ergo quæstioni Augustinus respondet. Lib. 1. ad Bonifac. c. 19. *Trahitur ergo miris modis ut velit ab illo, qui novit intus in ipsis*  
O *hominum*

*hominum cordibus operari, non ut homines quod fieri non potest nolentes credant, sed ut volentes ex nolentibus fiant.*



## C A P. XII.

*Adducuntur ex libro de spiritu & Litera, & ex libris de nuptiis & concupiscentia ad Valerium quidam huc facientes loci.*

**L**ibro de spiritu & Litera cap. 2. proponit iustitiam, id est Justificationem, opus esse Divinum. *Quamvis*, inquit, *ad hominem id agere pertineat, hoc quoque esse divinum, atque ideo non dubitare opus esse Divinum.* Deus est. enim qui operatur in nobis ut ait Apostolus. Quo loco et phrasi declarare solet rationem efficacem Adjutorij Quo. Illud hic adhibet, ut eo fieri in homine iustitiam significet; & mox utitur termino genuino hujusce Adjutorij Quo. aiens. *Accipiat Spiritum Sanctum Quo fiat in animo ejus delectatio dilectioque summi boni.* Ac id quomodo fiat, magis explicans addit, quod mirè conducit. *Nam neque liberum arbitrium quicquam nisi*



nisi ad peccandum valet, si lateat veritatis via. Et cum id quod agendum, & quo nitendum est ceperit non latere, nisi etiam deleat & ametur, non agitur, non suscipitur, non bene vivitur. Ut autem diligatur Charitas Dei diffunditur in cordibus nostris. Qua verò ratione id per Spiritum Sanctum agatur, facit in rem. Inspirans pro concupiscentia mala concupiscentiam bonam. Apparet nihil esse antecedens in voluntate boni, atque adeo immittendam esse in eam rationem operandi bonam. Unde adscribit. *Ipsam humanam justitiam claret operationi Dei tribuendam esse, quamvis non fiat sine hominis voluntate.* Accuratè observa præcipuas conversionis & justificationis humanæ partes Gratia esse, quod ex modo loquendi patet: non enim *sine quo* tribuit Auxilio, sed *voluntati*: cui applicat *sine qua*. Inverso planè ordine: nam quod erat Gratia in statu integritatis, voluntati attribuit in statu ruinæ: & quod erat voluntatis in primo statu, refert ad Gratiā in secundo. Nam voluntas tunc operabatur. tanquam domina, sequente gratia, atque ideo *non sine Gratia*: nunc Gratia præcipua operatrix est, & movens voluntatem agit, sed non sine voluntate. Juvat hic locum aliunde vocare & adnectere, Serm. 13 de verbis Apostoli. *Quotquot Spiritu Dei aguntur, hi sunt Filij Dei.* Dicit mihi aliquis: Ergo agimur; non agimus: Respondeo: imo & agis, & ageris: & tunc bene agis, si à bono agaris: Spiritus enim Dei qui te agit agentibus adjutor est: ipsum nomen Adjutori præscribit tibi, quia & tu ipse aliquid agis.

Hic, quòd erat nomen & munus Gratiæ adjuvantis hominem in statu integro adscribit homini in statu cadente, quia hic agit voluntas quod ibi agebat Gratia. Illa tunc Adjutorium erat *sine quo* non operabatur Arbitrium: hîc voluntas veluti Adjutorium, *sine quo* non operatur Gratiâ. Ibi tunc primas habebat Arbitrium, secundas Gratia: Hic nunc primas vendicat Gratia, secundas relinquit arbitrio. Ibi summa erat libertas, sed locum tamen dabat Gratiæ. Hic summa est gratiæ virtus, sed admittit & servat arbitrii libertatem. Illic arbitrium non destruebat Gratiâ. Hîc Gratia non evertit libertatem. Illum jam advocemus locum ex libro de Corrupt. & Gratia. c. 20. *Velle & operari Deus operatur in nobis. Intelligent Spiritu Dei se agi, ut quod agendum agant, & cum egerint illi à quo aguntur gratias agant, aguntur enim ut agant, non ut ipsi nihil agant.* Non potuit melius ac explanatiùs quid ego hic sentirem, ac interpretari molirer Augustinus dicere. Pergo, Ceu hi se loci mutuò & intelligerent, & invitarerent, accurrit ex libro subjecto de spir. & Litera. c. 9. Alius omninò germanus: *Iustificati gratis per gratiam ipsius. Non itaque iustificati per legem: non iustificati per propriam voluntatem, sed iustificati gratis per Gratiâ ipsius: non quod sine voluntate nostra fiat, sed voluntas nostra ostenditur infirma esse.*

Locus non erit interpretandi, ubi alter alterum interpretatur locus. Bellè omnino cecidit illud *Non sine voluntate.* Nec minus bellè aliud causam continens *voluntas infirma.* Prosequitur c. 11. *Iustitia*

*Dei*

Dei dicitur, quòd impertiendo eam Deus justos facit : ac in rem aptissimè repetit. c. 12. Ipsa voluntas nostra sine qua bonum operari non possumus, adjuvatur, & erigitur impertito spiritu Gratiæ. Concinit c. 16. ejusd. lib. Spiritus cujus dono justificamur : quo fit in nobis ut non peccare delectet. Ceu respiceret Adjutorium Quo dixit Quofit. Et infra addit : Spiritus per quem ut effectricem causam indicet. Idem pondus habet illud. c. 27. Qua gratiâ: nec enim dicit sine qua. Sed quâ congruenter ad Adjutorium Quo. Cujusmodi autem sit ista Gratia scribit. c. 28. Inspiratâ Deus Gratiæ suavitate per spiritum sanctum facit plus delectare quod præcipit, quàm delectat, quod impedit. Ut anima sanata operetur bonum. Quæ condelectatio secundum interiorem hominem ait lib. 1. de Nupt & concup. c. 30. de magna nobis venit Gratia Dei. Puto magna Gratia non est illa sine qua. Sed qua. Necessaria est autem magna Gratia ubi illo magno peccato est natura nostra in deterius commutata. Quemadmodum inquit. lib. 2. de Nupt. & concup. c. 3. 4. Quam voluntatem Gratia sanat: quâ justitia liberè diligatur. Ut ait de Spir. & Lit. c. 29. Rursum ingeminat Quâ ex hac igitur sunt opera bona. Quæ dona sunt Dei, tradit. cap. 28. Inde habet quodcunque habet. Quisquis enim inde se habere negat, aut non habet : aut id quod habet auferetur ab eo. Cujusmodi sunt, qui non in se credunt operari Deum.

Quâ ratione autem operatur Deus in nobis istam voluntatem, quæ donum ejus est docet Augustinus. c. 3. Bonis suasionibus agit Deus, ut velimus &

ut credamus, siue extrinsecus per Evangelicas exhortationes, siue intrinsecus ubi nemo habet in potestate quidei veniat in mentem; sed consentire, vel dissentire propria voluntatis est. His ergo modis cum Deus agit cum anima rationali; neque enim potest credere quolibet libero arbitrio, si nulla sit suasio vel vocatio ut credat, profectò et ipsū velle credere Deus operatur in hōine, et in omnibus misericordia ejus prævenit nos: consentire autē vocationi vel dissentire, sicuti dixi, Propria voluntatis est. Aptissimè Augustinus describit modū & operantis Dei & cōsentientis hominis, ut Dei sit vocatio, hominis ad vocationē consensio asserendo Gratia prævenientē, & astruendo libertatē. Ac ne quis putet illā vocationē esse sine qua, dicit eam *Donum Dei* & ne videatur consensio voluntatis plus tribuere quàm Gratia vocanti ait: *Quid habes quod non accepisti? Accipere verò & habere Anima non potest donā, de quibus hoc audit, nisi consentiendo, ac per hoc quod habeat, & quod accipiat Dei est, accipere autem & habere Utique & accipientis & habentis est.* Quo exposuit consensionem ipsam arbitrii esse, sed causam in vocante donante omnia, non tamen tollente libertatem. Quod autem maximè inquirendum est: Unde fiat, ut ex duobus audientibus unus credat, alter non credat? Utrum credens ideocredat, quia ita vocatur; aut quia vult accomodare consensum vocationis indifferenti ac expectanti ut veniat: atque adeo utrum sit ratio credendi in Gratia, vel in arbitrio? ita componit Augustinus. Iam si ad illam profunditatem scrutandam quisquam nos coarctet; cur illi ita suadeatur, ut persuadeatur, illi autem non ita:

duo



duo sola occurrunt interim quæ respondere mihi placeat. O altitudo divitiarum! & Nunquid Est iniquitas apud Deum? Cui responsio ista displicet, quærat doctiores, sed caveat nè inveniat præsumptores. Tacitè dixit, quod à Deo sit causa & ratio cur credat, dum ait: *Cur illi ità suadeatur ut persuadeatur. Illi autem non ità. Quod præcipuè dicit lib. de Prædestinat. sanct. c. 8. Cum igitur Evangelium prædicatur, quidam credunt, quidam non credunt, sed qui credunt Prædicatore forinsecus insonante, intus à Patre audiunt atque discunt; qui autem non credunt, foris audiunt, intus non audiunt, neque discunt. Adhuc obscurius est; & posset aliquis tergiversari: sed addit quo nihil manifestius. Hoc est; illis datur, illis non datur. Quia nemo venit ad me nisi Pater qui misit me traxerit eum. Ergo trahi à Patre ad Christum, & audire ac discere à Patre, ut veniat ad Christum, nihil aliud est, quam domum accipere à Patre quo credat in Christum. Hoc autem nullâ ratione ad Adjuvandum sine quo pertinere posse, ecquis non videt? Alias huiusce rei probationes habet Augustinus, & quidem perspicuas & exploratas, sed in locum obsectorum eas reservamus. Verum ut absolvamus huiusmodi caput, doctrinâ hoc in libro contentâ observo hanc questionem, De voluntate credendi. Unde sit? & an à Deo, & Dei Donum sit; latè ac luculenter tractari ab Augustino. c. 31. 32. & 33. hujus libri de spiritu & Littera. Ac confici voluntatem credendi ex Deo ac Dei esse: nec ob stare, quòd si id dicamus objiciant Infideles atque impji, justè se excusandos; ideo enim non credidisse, quòd dare illis Deus noluit*

hanc

*hanc voluntatem.* Cui objectioni ita Augustinus respondet, ut primùm adducat responsionem faventem arbitrio ac semi-Pelagianam, quam, proponit c. 32. deinde eam oppugnet. c. 33. & confirmat suam, & verè Catholicam responsionem cujus finis est ea, quam suprà retuli *ad illam profunditatem* sententia. Quæ sanè idonea est ad virtutem & diversitatem Adjutorij *Quo* explanandam: cujus munere fit, ut unus ab alio discernatur. Juxta illud Pauli, *Quis est quis te discernit? Quid autem habes quod non accepisti?* Quo se munire solet Augustinus. Sed hæc aliàs sunt opportuniùs ac operosiùs disputanda.



## C A P. XIII.

*Nonnulla ex libris de Gratia Christi, &  
de Peccato Originali testimonia  
proponuntur.*

**M**agna est ac densa libro de Gratiâ Christi Augustino cum Pelagio disputatio circa Adjutorium Gratia. Ajente Pelagio Deum juvare possibilitatem nostram auxilio Gratia: atque hoc ipsum *posse*, Dei donum esse: non autem juvare actionem & effectum. Ita ut *posse* Dei esset: *velle* ac *operari* nostrum. Id incipit proponere Pelagij verbis Augustinus c. 4. & multis deinde capitibus prosequitur & c. 5. concludit. *Ideo non adjuvat, ut agamus, sed tantum adjuvat, ut velle & agere valeamus.* Augustino negante nostrum esse *velle* & *operari* sine Dei agente ac movente gratia, juxta illud Pauli. *Deus enim est qui operatur in nobis & velle & operari.* Unde quia Pelagius in ea possibilitate ponebat Gratiâ, videbatur naturam in eo statu integritatis ponere, ac ei fortè Adjutorium congruum *sine quo* concedere, nec ulterius Gratiâ aliquam moventem & agentem id, est, Adjutorium *Quo* ponere. Quanquam enim alij in hac sententia inessent errores, hic tamen rem continet, quam monstrare

conamur. Tollebat igitur Pelagius Gratiam quâ Dens donat, atque adjuvat, ut agamus: quomodo-  
 cunque Adjutorium aliud inducat, in quo & anceps  
 & vaser, ex hæreticorum ingenio fuit. Quare cum  
 confutans Augustinus: sed nos, inquit, c. 10. eam  
 Gratiam, volumus isti aliquando fateantur: qua futu-  
 re gloriæ magnitudo non solum promittitur, verumeti-  
 am creditur, & speratur: nec solum revelatur sapientia,  
 verumetiam & amatur: nec suadetur solum omne quod  
 bonum est, verum & persuadetur. Rem præstitit  
 Augustinus definiens Adjutorium Quo, ac illud om-  
 nino exigens, nam dicente Pelagio satis esse legem,  
 & doctrinam ad operandum, negavit Augustinus:  
 & cuiusmodi gratia ejus foret, docuit; Atque id ar-  
 gumentando addidit, quod indigitat & confirmat  
 Adjutorium Quo. Non enim, ait Ibid. Omnium est  
 Fides, qui audiunt per Scripturas: aut omnibus per-  
 suadetur quibuscunque suadetur. Quorum autem sit  
 Fides & quibus persuadetur, ut veniant, satis ipse de-  
 monstravit ubi ait: Nemo potest venire ad me nisi Pa-  
 ter, qui misit me, traxerit eum. Eodem argumento,  
 & loco utitur, quo proximis capitibus usum cum  
 diximus ad asserendum Adjutorium Quo, ut videat  
 Lector quam sibi consentiat Pelagius aiens propo-  
 sito Fidei objecto duobus hominibus, causam veni-  
 endi in arbitrio, non in motu intimo Gratiæ esse:  
 atque adeo rationem discernendi non esse à Deo  
 movente, sed ab homine veniente: & quam sibi  
 Augustinus consentiat, docens à Gratia provenire  
 quod ille veniat, sed tamen liber libens que veniat:  
 atque



atque adeo rationem discernendi ad Deum pertinere.

Et quidem id manifestius Augustinus tradit. c. 14. *Omnis qui audivit, & didicit venit ad me. Qui ergo non venerit, non de illo rectè dicitur audivit quidem & didicit, sibi esse veniendum, sed facere non vult, quod didicit. Prorsus non rectè dicitur de isto docendi modo: Per Gratiam docet Deus.* Accuratè observa. Quum Deus vocat per Gratiam suam, *Qua* vocat, ut veniat eum prorsus velle, & venire. Eum verò quem per doctrinam vocat, quam Gratiam non putat Augustinus, & putabat Pelagius: eum quidem *non velle nec venire:* ut constet Gratix virtus, quā semper fit, ut quis discat, & veniat. Pergit: *Quis autem non videat, & venire quinquā & non venire arbitrio voluntatis? Sed hoc arbitrium potest esse solum, si non venit, non autem potest nisi adjutum esse, si venit, Et sic adjutum, ut non solum quod faciendum sit sciat, sed quod scierit, etiam faciat. Ac per hoc quando Deus docet non per Legis Litteram, sed per spiritus gratiam ita docet, ut quicumque didicerit, non tantum cognoscendo videat, sed etiam volendo appetat, agendoque perficiat. Non quid in Pelagio refellat, sed quid statuatur, expendo: nempe: Deum ita audientem intus docere, ut discere docendo faciat, ac proinde veniat, quia sic didicit; ita discat quia sic docetur. Unde cap. 13. *Hæc Gratia, si doctrinam dicenda est certè sic dicatur, ut aliis & interius eam Deus cum ineffabili suavitate dicatur infundere, ut non ostendat tantummodò veritatem, sed etiam impertiat charitatem. Sic enim docet Deus eos, qui secundum**

propositum vocati sunt, simul donans, & quid agant scire, & quod sciunt agere. Et iterum adversus Pelagium. c. 14. concludit. *Omnis qui didicit à Patre non solum potest venire, sed venit: ubi jam & possibilitatis profectus, & voluntatis affectus, & actionis effectus est.* Et cum Pelagius intulisset oculorum exemplum. c. 15. *Quod possumus videre oculis nostrum non est, quod verò benè aut malè videmus hoc nostrum est.* Suscepit Augustinus: *Respondeat illi Psalmus, ubi Deo dicitur: Averte culos meos ne videant vanitatem. Quod etsi de oculis mentis dictum est, unde utique procedit in hos oculos carnis vel benè videre, vel malè: non quemadmodum dicuntur bene videre, sanis oculis intuentes, & malè lippientes: sed benè videre ad subveniendum, malè videre ad concupiscendum. Quamvis enim per hos exteriores oculos videatur, & pauper cui subvenitur, & mulier, quæ concupiscitur, tamen ex interioribus ad malè vel benè videndū misericordia vel libido procedit. Cur ergo dicitur Deo: Averte oculos meos nè videant vanitatem? Cur petitur quod ad nostram pertinet potestatem, si Deus non adjuvat voluntatem? Adjuvat autem Deus eo auxilio quo velle & operari operatur in nobis. Non quia nos non volumus, aut non agimus, sed quia sine ipsius adjutorio, nec volumus aliquid boni, nec agimus. Ex quo liquet genus adjutorij tale esse, ut necesse sit libertatem munire ac tueri, ne quis putet eam illo inducto, cum tam sit efficax, periclitari. Tanta quippe virtus Gratia est, ut per eam Deus Cor nostrum quo voluerit ipse declinet, quod ait c. 23. Hujusce virtutis*

virtutis exemplum affert, c. 24. clarissimum, & à nobis proximè exhibitum loco Assueri Hesterisque inducto. *Convertit, ait, Deus & transtulit indignationem ejus in lenitatem. Qui autem non videat multò majus esse indignationem à contrario in lenitatem convertere atque transferre: quàm cor neutra affectione præoccupatum sed inter utrumque medium in aliquid declinare?* Puto Adjutorium sine quo hac virtute caruisse, cum expectaret voluntatem, & ab ea regeretur, ab eaque penderet.

Cujusmodi Adjutorium induxisse videtur Pelagius c. 6. opponens illud Adjutorio Gratiae Quo quale statuebat Augustinus. *Possibilitatem nostram, inquit Pelagius, Gratiae suae adjuvat semper auxilio: ut scilicet in voluntate & actione non ideo laus sit Dei, & hominis quia sic vult homo, ut tamen ejus voluntati Deus ardorem dilectionis inspiret.* Ex eo quod non vult Pelagius apparet quid velit: non vult ut Adjutorium sit antecedens, & efficax: non ut sit Quo. Nec enim vult ut eo inspiretur ardor dilectionis, ne Deo actio & meritum tribuatur, quod maximè vult Augustinus. Non negat tamen Adjutorium, imò affirmat quod hujusmodi non sit: nec multum putat interesse inter alia Adjutoria, modo istud, Quo excludatur quod horrebat cane pejus & angue. Unde subdit Augustinus. *Non est hic apertum vel quam dicat Gratiam, vel quatenus eà naturam sentiat adjvari.* Perinde ac omne aliud Adjutorium suspectum esset, ni foret hoc quo ita juvatur voluntas ut antecederet & moveatur, & agatur. Cum præsertim illud Adjutorium à Pelagio inductum esset

ad posse non ad esse: atque adeo simile Adjutorio *sine quo*. Nam disertè ait, *Deus adjuvat possibilitatem nostram*. Acidcircò Augustinus c. 8. queritur enim aliam Gratiam introducere. *Non qua donat, atq; adjuvat ut agamus*. Quæ quidem est genuina Gratia Adjutorii *Quo*, & hanc fateri oportebat, nè ad faciendam justitiam de liberi arbitrii quasi propriis viribus præsumeretur. Quare ait c. 5. *Non solum Deus posse nostrum donavit atque adjuvat*: In quo est Adjutorium *sine quo*, sed etiam velle & operari operatur in nobis. Quod Adjutorium *Quo* perspicuè continet. Est autem illud expressum c. 35. *Credat, inquit, aliquod adjutorium bene agendi adjunctum naturæ, atque doctrinæ per inspirationem luminosissimæ & flagrantissimæ Charitatis*. In quem bellè quadrat illa sententia Augustini l. 2. d. Peccato Origin. contra Celestium c. 24. *Charitas est diffusa per spiritum sanctum; qui ubi vult, spirat, non merita sequens, sed merita faciens*. Videntur ut iisdem vestigiis insistat impugnans Pelagium Gratiam prorsus tollentem, quibus institerat asserens Adjutorium *Quo*, ut confutaret eos qui solum Adjutorium *sine quo* astruebant: ac eadem phrasi utatur defendens Gratiam adversus Pelagium, ac utitur opponens Adjutorium *Quo* alteri Adjutorio *sine quo*. Perinde ac idem penè sequeretur merendi modus ex Adjutorio Pelagii, ac ex Adjutorio *sine quo*. Nam hoc merita humana faciebat, quæ collata Gratia Perseverantiæ sequebatur. Illud vero Adjutorium Pelagii similem rationem meriti invehbat, cui ulterior Gratia reddebatur, atque adeo



adeo utrobique Gratia meritorum sequax erat. Quare quorum idem erat affectus, eorum quoque similem naturam esse oportebat. Unde illud Adjutorium integræ naturæ & hoc quod inducit Pelagius germana videntur. Nec mirum cum is negaret naturam humanam esse peccato viciatam: eamque valentem & sanam ac in statu integro affirmaret. Quod impugnat cum alibi sæpè Augustinus tum l. 2. c. 35. *Indeterius quippe mutata natura non invenit primæ illius puritatis exemplum.* Hic fons erroris; nam qui naturam in statu integro ponebat, non aliud postulabat Adjutorium quam *sine quo*. Id quippe statui illi congruum erat. Atque adeò sanantem, roborantem, moventem gratiam, quæ propria Christi erat, prorsus negabat. Unde Augustinus l. 2. c. 29. *Quisquis humanam contendit in qualibet ætate naturam non indigere medico secundo Adam, quia non est vitiata in primo Adam, non est in aliqua quæstione in qua dubitari salva fide potest, sed in ipsa regula Fidei qua Christiani sumus Gratiæ Dei convincitur inimicus.* Itaque ponendum est tale Adjutorium, ut voluntatem ægrotam sanet, languentem excitet, lapsam erigat, resistantem vincat, repugnantem trahat. Ut omninò fateamur, inquit Augustinus, *interna atque occulta mirabili ac ineffabili potestate operari Deum in cordibus hominum non solum veras revelationes, sed etiam bonas voluntates.* Ac nè quis de modo dubitaret, Paradigma illustre proposuit c. 43. assumptâ sententiâ Ambrosii & illustrata: *Respexit, ait, Dominus Petrum. Intus actum est, in mente actum est Misericordiâ*

*cordiâ Dominus latenter subvenit, cor tetigit, memoriam revocavit: interiore Gratia sua visitavit Petrum: interioris hominis usque ad exteriores lacrymas movit, & produxit affectum. Observarat quippe circa conversionem Petri Augustinus. Illud respexit Dominus Petrum intelligendum non esse de aspectu corporali: cum Christus esset intus coram Principe sacerdotum, Petrus vero foris in Atrio cum servis sederet. Inde autem collegit aspectum illum Christi interius quidam fuisse, quo Petrus à Christo tactus doluit & respuit. Quem cum ex Ambrosio respectum adduxisset, ac uti proximè diximus, explicasset: clausulam hujusmodi adhibuit. Ecce quemadmodum Deus adjuvando adest voluntatibus & actionibus nostris. Ecce quemadmodum & velle & operari, operatur in nobis scilicet subveniendo; cor tangendo; memoriam revocando; lacrymas movendo; producendo affectum. Quæ sanè Adjutorii Quo genuinæ ac germanæ notæ.*

## C A P. XIII.

*Eadem ex sex libris contra Julianum  
doctrina confirmatur.*

**P**Auciora hîc sunt, quàm pro mole operis & copia rerum testimonia, quoniam diversum argumentum disputationis, Id est, Peccati Originalis, & ex eo natæ concupiscentiæ veritas erat. Sunt tamen quædam incidentia, quædam vocata, quædam respondentia quæ pondus habeant. Ac primum ipsius Peccati originalis assertio Fons est necessitatis singularis auxilij Gratiæ, quod sublato Peccato Pelagiani auferebant. Deinde ipsius concupiscentiæ affirmatio secum affert multas & graves causas postulandi à Deo Adjutorij validi ac potentis ad resistendum tentationibus quæ ex iis oriuntur. Itaque omnia quæ Augustinus lib. 1. & 2. hac de re congerit rem profectò continent. Nec sunt aliena, quæ libro tertio jam propius & quasi collato cum Juliano pede de concupiscentia & nuptiis disputat.

Q

In

In lib. 4. egregium testimonium de Gratia Christi efficaci, et operatrice habetur. *Bonam* inquit Augustinus, *dicis hominum naturam, quia talis Gratiæ opitulationem meretur. Quod gratanter audirem, si hoc propterea quia rationalis est natura diceres. Neque enim Gratia Dei per Jesum Christum, Dominum nostrum lapidibus aut lignis pecoribusve præstatur; sed quia imago Dei est, meretur hanc gratiam: nontamen ut ejus bona voluntas præcederet gratiam, nè vel ipsam prior det ut retribuatur illi, ac sic gratia jam non sit gratia, dum non datur gratuita, sed redditur debita. Hoc aliùs ductum, illud propiùs. Itane oblitus fu-  
 eras nos cum scriptura diceret contra vos: Preparatur voluntas à Domino, vel quod in nobis Deus operetur & velle. Apparet cujusmodi sit Adjutorium quo præparatur uoluntas planè efficax & operans, atque adeo Quo. Id manifestius patet Cap. 8. ubi hoc nomine calumniantur Augustinum Pelagiani, quod videatur eo Adjutorio ponere necessitatem, & vim afferre voluntati. Dicitis quòd appellatione Gratiæ bonos fieri homines fatali necessitate dicamus. Et quòd inducto eo genere Auxilij nihil omnino voluntas ad salutem præstaret. Nihil studii expectari ab humana voluntate debere. Quæ Augustinus refutans, Vos, inquit, ponere jam cæpistis merita gratiam præcedentia, quod est petere, quærere, pulsare tanquam gratia nulla præcesserit, & cor tetigerit: Quomodo autem tangat, jam subjicit. Frustra nos pro inimicis nostris jubet Deus orare, si non est ejus aversa & adversa convertere. Et inductâ responsione Juliani nixa loco Pauli malè intellecto: Omnes qui non veniunt ad Deum ideo non venire, quia ex arbitrio no-  
 lunt*



lunt: confutans adducit exemplum Infantium qui sine baptismo decedunt: & dicere, inquit, his Deus non potest: Volui & nolulistis, quia si voluisset quis eorum qui nondum habent voluntatis suæ arbitrium voluntati ejus omnipotentissimæ restitisset? Unde patet non esse in salute consequenda, nec in auxiliis ad eam applicandis primas & præcipuas partes humani arbitrij, quemadmodum foret, si solo Adjutorio sine Quo uteretur: Sed Dei Adjutorio Quo ex decreto efficaci præstito voluntatem juvantis, moventis, atque eam ad salutem æternam dirigentis. Huc facit, quòd post prolixam disputationem concludit: Deum quibusdam velle, quibusdam nolle subvenire, quod alienissimum est à doctrina de Adjutorio sine quo: nam hoc ejus est conditionis, ut nemini omninò desit, imò pateat & offeratur omnibus. Id nimirum eo loco volebat Julianus, ut omnibus prorsus Deus æquè præsto esset, & pares vias ad salutem præstaret. Itaque si hoc profundius esse perspicis, quàm ut abs te valeat inveniri ( hoc est de Infantibus aliis sine baptismo, aliis eo suscepto pereuntibus ) utrique nostrum profundum sit, cur & in majoribus & minoribus Deus velit alteri, & nolit alteri subvenire, dum tamen certum & immobile teneamus non esse iniquitatem apud Deum, qua quenquam sine malis meritis damnet: & esse bonitatem apud Deum qua quenquam sine malis meritis damnet, demonstrare in eis quos damnat quid omnibus, debeat: ut hinc discant quos liberat, quæ sibi pæna debita relaxetur, & quæ indebita Gratia condonetur. Hæc omnia quæ Augustinus docet ex sententia ponente Adjutori-

torium *Quo* omnino consequuntur : non ex alia, quæ inducit Adjutorium *sine quo*.

Nam hoc cum det *posse si velit*, & æquum est, & omnibus præstò esse deberet; sed illud *cum det velle* & *operari* multò quam illud majus est, & non omnibus datur, cum non omnes operentur, & quibus datur non æqualiter datur, cum alij multò alij sanctius, & fortius operentur. Quare etsi in statu integro esset *Gratia magna Dei*, inquit eodem Lib. c. ult. Augustinus, *ubi terrenum & animale corpus bestialem libidinem non habebat*, tamen multò in statu ruinæ potentior erat & fortior, *ubi homo eadem gratia spolatus* contra infirmitatem pugnans victoriam reportat, & triumphat.

Huc redit longa illa disceptatio de peccatis quæ sunt pænæ peccatorum contra Julianum id negantem c. 3. lib. 5. nam ex ea doctrina sequitur: Deum non dare omnibus auxilium *quo* operentur, & quibus negat, eos minus habere, quàm quibus datur. Unde apparet quibusdam deesse, quod aliis suppetit; atque adeo distincta duo esse genera auxiliorum, ac multum inter utrumque interesse. Quod satis est ad monstrandum longè diversum quiddam esse *Adjutorium quo* ab *Adjutorio sine quo*. Nam certè qui permittuntur peccare in pœnam peccati, & indurati dicuntur, non habent illud *Adjutorium quo* dum in eo sunt statu; Quod tamen habent iusti cum in gratia sunt & ex gratia operantur: De quo alibi disputabimus. Nam si obstinati illud haberent, profectò operarentur & ab obstinatione recederent: non quod iis inquit Augustinus lib. 1. ad Simpl. 9. 2. *Deus irroget, quo mali*

*mali fiant, sed quòd non det, quo fiant meliores.* Ac in hoc capite est illa præclara sententia. *Exaudit propitius, non exaudit iratus. Et rursus non parcit propitius, parcit iratus.* Ut hinc appareat Auxilium de quo sermo est, esse *Quo*, non illud *sine quo*.

Jam verò lib. 6. quidam ad ipsum Adjutorium spectantes occurrunt loci; nam cap. 5. unus est similis ei qui lib. de Corrept. & Gratiâ non semel invenitur. *Si spiritu, inquit, facta carnis mortificaveritis vivetis: & ut hoc scirent se hoc non facere, nisi gratiâ Dei, continuò subdidit. Quotquot enim spiritu Dei aguntur, hi sunt Filii Dei. Ac per hoc quicumque aguntur Dei spiritu, ipsi facta carnis mortificant spiritu; Nempe, aguntur, ut agant, non ut ipsi nihil agant; & qui eo Adjutorio quo aguntur, ii omninò agunt & operantur.*


Offert autem pulcherrimum principium Augustinus: unde deducamus Adjutorium *Quo* esse validum & forte auxilium, & aliquando ejus vires crescere, prout occasio exigit. Quod certè non quadrat in Adjutorium *sine quo*. *Contra istam concupiscentiam, inquit, vehementiùs vidua, quàm virgo, vehementiùs meretrix quando casta esse voluerit, quàm quæ semper fuit casta confligit, & tantò ampliùs in ea superanda voluntas laboravit, quantò majores ei consuetudo vires dedit.* Ecquis non videt Adjutorium illud *sine quo* non rejicere, sed esse solum oblatum et indifferens: atque adeo ecquis dubitet ubi major sit voluntatis infirmitas & vehementior vis concupiscentiæ, opus esse fortissimo & validissimo Auxilio. Cujusmodi est illud *Quo*; nam certè si voluntas à majore hoste oppugnata cum Adjutorio *sine quo* resistit ac superat,

atque id à Gratia non accipit, necesse est ut ipse vires eliciat, ac sibi tribuat quòd vincat. Sed hoc quàm fieri possit, cum voluntas infirma, & veteri consuetudini obnoxia vix possit se explicare ac expedire: nisi à Gratia moveatur, & roboretur? Quod per Adjutorium *Quo* prorsus fit.

Claudamus hujusmodi caput imagine Adjutorii *sine quo*. Quam Augustinus contra Julianum proponit Cap. 9. ubi comperies ejus notam genuinam quam ubique Author in fecit: & quàm perpetuo ab Adjutorio *Quo* distinguit. *Hos, inquit, Catholica redarguit veritas, consuetus originale peccatum, per quod factum est demonum ludibrium genus humanum, & laboriosè nuseria destinata propago mortalium. Non autem ista esset, si humana natura per liberum arbitrium, ex quo statim primum condita est perstitisset.* Puto hoc audito reminisci oportere quenquam, quod toties Augustinus inculcavit, opera illo Adjutorio cooperante facta libero arbitrio tribuenda: atque ad eò humana merita dicenda, non Dona Dei: quòd istud Adjutorium, cum vires nullas antecedenti voluntati præberet, nec eam priùs traheret, imò ab ea traheretur, impetum voluntatis ductumque sequebatur. Unde fiebat ut in utramque partem, atque diceretur stare per liberum arbitrium, & non stare per liberum arbitrium, cum in manu ejus qui operabatur omninò esset usus, & non usus illius Adjutorii *sine Quo* ad utrūque indifferenter se habentis: Hujus rei lineam duxit Augustinus principio hujusce capitis 9. ut ex integro imaginem exhiberet. Ait igitur de Diabolo:



*Hominem occidit per famina seductionem, & in veritate per liberum arbitrium non stetit. Reponit cito Non stetit per liberum arbitrium: illi per liberum arbitrium steterunt.*



## CAP. XV.

*Ex alijs Epistolarum 46. & 47. & libri de Perfectione justitiæ locus idem ostenditur.*

**D**UOS tantum in his duabus Epistolis, & totidem in libro de Perfect. justitiæ invenio, sed eos aptissimos. Ab his placet initium sumere. Objecta sibi discipulorum Celestii Siciliensis argumentatione pro viribus liberi arbitrii, quam non paucis utriusque Testamenti testimoniis confirmabant, asserendo hominem post ruinam æquè ad bonum ac malum ex libertate voluntatis esse indifferentem, ac potentem, qui erat status Adjutorii *sine quo*; proponit Augustinus suam de infirmitate voluntatis & virtute Adjutorii *Quo* doctrinam, *Nè inducas, inquit, nos in tentationem: sed libera nos à malo. Ut quid enim ista orando tanto gemitu petimus, si volentis hominis*

ut non quasi ex necessitate bonum ejus esset, sed voluntarium: quasi aliter sit voluntarium bonum; nisi cum Deus operatur in nobis & velle & operari pro bona voluntate. Aut quia in Deuteronomio scriptum est; Vitam & mortem dedit ante faciem hominis, bonum & malum, & admonuit ut eligeret vitam, quasi et à ipso admonitio non de misericordia veniat; & paulò post: Positis ante hominem ignem, et aquam, quod vult quidem porriget manum, sed altior est qui vocat altius, quàm omnis humana cogitatio. Hac ratione hos locos refutat, ut Gratia priores det partes, quas certè in statu integro non habebat. Ut Quicquid voluntas boni agat à Gratia fonte proveniat. Unde ad id postea probandum adhibet locum illum celebrem Joannis 6. Nemo, inquit, potest ad me venire, nisi Pater qui misit me traxerit eum. Causam vero veniendi refert ad voluntatem Prædestinantis Dei. Sciebat enim, ait, ab initio Justos qui essent credentes, & quis eum traditurus esset; & dicebat, Propterea dixi vobis, quia nemo potest ad me venire, nisi fuerit ei datum à Patre meo. Quo frequenter utitur ad probandum quanta sit vis, & efficacia Gratia Christi vocantis.

Hinc est ut Epistola 66. doceat, nec nos meritis nostris discerni, nec de discretionem & salutem ipsam consequente gloriari posse. Id exprobrando hæreticis Pelagianis tradit hoc modo; Dicunt Gratiam Dei secundum merita nostra dari, ut qui gloriatur, non in Domino, sed in seipso gloriatur, hoc est, in homine, non in Domino. Quod prohibet Apostolus dicens, nemo gloriatur in homine. Et alio loco. Qui gloriatur, inquit, in Do-


mino gloriatur. Illi verò hæretici ipsos à se ipsis justos fieri putantes, quasi hoc eis non dederit Deus, sed ipsi sibi, non utique in Domino, sed in semetipsis gloriantur. Talibus enim dicit Apostolus. Quis enim te discernit? quod ideo dicit, quia de massa illius perditionis, quæ facta est ex Adam non discernit hominem, nisi ut eum faciat: vas in honorem, non in contumeliam nisi Deus. Et si contra Pelagianos hæc dicta sint, probant tamen Adjutorii Quo virtutem: nam eò fit ut homo non à se ipso discernatur, nec in se ipso gloriatur. Quæ certè duo in Pelagianarum hæresi planissimè constant. Nam utrunque & discerni & gloriari asserbant: & ex opinione tollente Adjutorium sine quo, etsi obscurius & mitius, tamen sequuntur. Cum illud Adjutorium sine quo relictum in potestate voluntatis, non eam moveat & trahat, sed expectet moventem & trahentem sequatur. In quo est major vis voluntatis in Gratiam, quàm Gratia in voluntatem. Unde ratio & discernendi, & ex eo gloriandi in ipsam voluntatem demum refertur; In qua est prima vis determinandi. Quod longè aliter fit in operando cum Adjutorio Quo, uti sæpe antea ex Augustino tradidimus.

Tota Epistola 67. hujus plena doctrinæ reperitur. Incipit enim meritum removendo humanum. Hac ratione in Pelagianorum, inquit, errorem cadit, qui putat aliquo humano merito Gratiam Dei dari. Ubi illud aliquo indicat non Pelagianorum hæresin, quæ omnimodo illud ponebat, sed molliores opiniones aliquod initium meriti ante Gratiam, & aliquam rationem

rationem operandi in ipsam Gratiā constituentēs. Deinde pergens conciliare efficaciam Gratiæ cum libertate voluntatis, docet ipsam bonam voluntatem per Gratiā Dei fieri, non ex se, aut esse, aut haberi, hoc modo. *Ipsam enim bonam voluntatem per Dei gratiam consecuti sunt.* Quod sanè dici nequit, si voluntas accepto tantum Adjutorio *sine quo* operatur: nam cum istud nihil antecederet moveat flectatve voluntatem, non mutat voluntatem. Imò ab ea tanquam jam bona bene accipitur, & ad operandum applicatur. Postea ex Cypriano tradit: *Omnia quæ ad mores nostros pertinent quibus rectè vivimus, à Patre nostro qui in cælis est esse poscenda: nè de libero præsumentes arbitrio à Divina Gratiā decidamus.* Quæ duo argumenta probant, non à nobis esse initium, aut rationem operandi, sed à Deo. Nam si à voluntate nostra esset primus motus in operando, & ea voluntas Gratiā traheret, & efficacem redderet, non esset à nobis rogandus Deus, ut talem nobis Gratiā daret, quā moveretur voluntas, sed nos ipsi orandi & monendi, ut vellemus Gratiā operantem efficere. Præterea gloriari possemus in bonis operibus nostris, si ita ageremus, ut Gratiā non motricem & ductricem, sed sequacem habeamus. Quare manifestum est ex hujus Epistolæ testimoniis Adjutorium *sine quo* non satis esse, ad munia Gratiæ Christi efficacis implenda, sed opus omnino esse Adjutorio *Quo* potentiore & fortiore, à quo voluntas flectatur, & inclinetur. Nam ut optimè ex Augustino hic concluditur. Inaniter orationes ab Ecclesia fierent,



*nisi Ea crederet, etiam malas atque infideles hominum voluntates per Dei gratiam in bonum posse converti. Quod sanè non nisi per Adjutorium Quo effici prorsus liquet.*



## C A P. XVI.

*Plurima & præclara ex Libro de Gratiâ & libero arbitrio in eandem rem. testimonia afferuntur.*

**N**Uſquam fortasse poſt librum de Correptione & Gratiâ illuſtriora ſunt de virtute Adjutorii Quo aptioraque teſtimonia. Aliam partem *Sine Quo* hic ſanè non deſideres cum etſi ſuo nomine non appelletur, ſatis tamen ex modo juvandi ſuo agnoſcatur.

Propoſitâ capite 1. difficillimâ quæſtione de conſenſione Gratiæ cum libero arbitrio, eoque c. 2. & 3. aſſerto & validiſſimè confirmato, agit Auguſtinus de Gratiâ ipſum excitante ac movente: aitque tale Adjutorium ponendum quo liberum ipſum arbitrium, ita moveatur, ut omnino operetur ac velit, ac ita velit & operetur, ut in eo tamen gloriari nequeat,

queat, quòd quicquid boni agit, etsi liberè agat, non libero arbitrio, sed Gratia tribuendum sit. Quod perpetuò hæcenus egerat.

Ac primum jam in ipsa, quam initio expendit difficultate consensionis arbitrij & Gratia, satis ostendit Augustinus Gratiā ipsam cui consentit diversam esse ab Adjutorio *sine quo*: nam in hoc maximè libertas apparet: ac ideo Authores nimium libertatis amantes illud semper inducunt, & solum ingerunt, ut indifferentem voluntatem relinquunt, & cum integra in utramque potestate: atque adeo remouent Adjutorium *Quo*; nam eo, (uti Augustinus ponit) opinantur tolli indifferentiam, atque adeo libertatem, quam cum ea confundunt, voluntatis. Hoc sanè argumentum perspicuum est, cum illud Adjutorium ponitur, quo adhibito difficile intelligitur, quomodo cum eo flet voluntatis libertas; non Adjutorium *sine quo* sed *Quo*: nam cum illo *sine quo* maximè libertas consentit.

Argumento testimonia adjungamus. Illud est primum c. 20. *Oppugnant Gratiā Quā voluntas humana non tollitur, sed ex mala mutatur in bonam: & cum bona fuerit adiuvatur.* Cum dixit *Quā* virtutem Adjutorij *Quo* monstravit: cum reliqua addidit, officia ejus posuit ac distinxit, et supponendo voluntatem malam majus Adjutorium quàm *sine quo* postulavit. Hoc enim agit Omnipotens in cordibus hominum etiam motum voluntatis eorum c. 21. *Per hanc fit ut sit homo voluntatis bonæ, qui prius fuit*

um tribui non potest *Adjutorio sine quo*, tum quòd apud Augustinum, supponit rectam, sanam, & valentem voluntatem: tum quòd eam indifferentem omniò relinquit.

De alio Gratia officio: cum jam bona voluntas est, & ad bonum operandum agitur: tractemus cum Augustino. Et quanquam ad hos actus bonos factos in Gratia ab homine iusto, Gratia tantum *sine qua* ac minor eà quæ est ad convertendum videatur satis esse, cum bonam supponat voluntatem, tamen ejusmodi vult esse Augustinus, ut causa sit operis boni principalis, movens agensque ac ducens voluntatem: quæ semper sequitur Gratiâ ducem, ac præviâ, à qua movetur & trahitur: unde merita quæ existunt non humana sint, sed dona Dei, in quibus ac de quibus homo gloriari non possit, quæ sunt notæ & signa *Adjutorij quo*. Itaque non audeat homo, inquit Augustinus c. 4. quando bene vivit, & bene operatur, vel potius bene vivere ac bene operari sibi videtur in se ipso, sed Domino gloriari; & c. 6. Quando ceperit homo habere merita bona, non debet sibi tribuere illa, sed Deo: Addita causa: Quia si derelictus fuerit, nihil boni valet ipse per se; & paulò post: Dona sua coronat Deus, non merita tua. Hæc enim si talia sunt, mala sunt, & c. 7. Si ergo, infert, Dei Dona sunt merita tua, non Deus coronat merita sua, tanquam merita tua; sed tanquam Dona sua. Et c. 8. Vita nostra bona Charissimi, jam cum bonis & justis loquebatur nihil aliud est quam Dei Gratia.

Causam

Causam & radicem hujusce efficacis ex se & à Deo Gratia motionis, quæ Adjutorium *Quo* dicitur, inquirens Augustinus, etiam in homine jam sanctificato, refert ad necessitatem nostram, quia cum in mortali corpore concupiscentiæ & perturbationibus passionibusque obnoxij simus, & voluntas nostra imbecilla sæpè ac infirma existat, necesse est à Gratia ita moveri, & agi, ut vincat internos illos hostes, à quibus, nisi ea ratione moveatur, planè vincetur. Quare cap. 17. *Qui vult facere Dei mandatum, & non potest, iam quidem habet voluntatem bonam, sed adhuc parvam & invalidam: poterit autem cum magnam habuerit, & robustam. Quando enim Martyres magna illa mandata fecerunt, magna utique voluntate, magna charitate fecerunt. Eant nunc isti solius Auxilii sine quo assertores, ac dicant aut nos semper habere validam voluntatem, aut certè invalidam nunquam habere, cum volumus; & nullam esse differentiam in nobis voluntatis & potestatis, sed cum eadem omninò oblata gratia, imo & parata tantum, semper efficaciter esse volituros. Nullà factâ in auxilio mutatione, aut accessione, cum Augustinus contra sentiat & doceat, & nos manifestò in nobis experiamur voluntates languidas, ac remissas, infirmas, & parvas, quibus tantum conamur, & desideramus, non tamen vincimus, & bene operamur. Multum certè interest inter vellicitates, quas appellant, & imperfectas voluntates, quæ in medio conatu deficiunt: & inter illas quæ efficaces sunt & robustæ, & fortiter agunt ac invictè operantur. Unde apparet differentia gratiæ ad*  
*Gratiam*



ad Gratiā, cum ad illas velleitates sufficiat parva quidem excitatio, & motio, ad istas verò efficaces magno sit opus auxilio, & efficaci: nisi fortè velint ab illo parvo auxilio & efficaces oriri: quod quid est quàm auxilium accipere vires à voluntate? Quod sanè etsi tutum ac Semipelagianum & Arminianum non foret, est omninò impossibile, voluntatem, quæ supponitur infirma & invalida gratiæ vim ac virtutem tribuere. Unde Augustinus c. 15. *Qui voluerit, & non potuerit nondum se plenè velle cognoscat, & oret ut habeat tantam voluntatem quanta sufficit ad implenda mandata: sic quippe adjuvatur, ut faciat, quod jubetur: tunc enim utile est velle cum possumus: & tunc utile est posse cum volumus: nam quid prodest, si quod non possumus volumus, aut si quod possumus nolumus?* Jam apparet quid sit opus, scilicet Adjutorium Dei, quod ideò postulamus, quia non habemus: nam si haberemus, quid opus esset à Deo postulare? Pergit c. 16. *Ideo Deus jubet aliqua quæ non possumus, ut noverimus quid ab illo petere debeamus. & postea. Certum est nos mandata servare, si volumus, sed quia præparatur voluntas à Domino, ab illo petendum est, ut tantum velimus, quantum sufficit ut valendo faciamus; ergo non quævis Gratiā sufficit. Certum est nos velle cum volumus, sed ille facit ut velimus bonum, de quo dictum est quod paulò ante posui, quòd præparatur voluntas à Domino.* Quòd autem de Martyribus adducit Augustinus, convincit virtutem maximam Gratiæ inesse: quæ secundum occasiones ac difficultates crescit,

augeturque, atque pro magnitudine & præstantia actuum, ad quos debet præparare & excitare augetur. Quid est enim illud? *Martyres magna illa mandata fecerunt: magna voluntate, magna charitate fecerunt*, nisi docere iis maiorem gratiam datam fuisse ad Martyrium subeundum: quàm alia, vel iisdem, vel aliis qui Martyres non sunt, ad minora peragenda data esset. Quod omninò consonum est ei quod dixit Lib. de Corrept. & Grat. c. 12. *Hoc sanctorum Martyria docuerunt, & cætera quæ ibi de Gratia Martyribus collata diximus, & infrà dicemus: cum ad objectiones venerimus. Rationem quâ in nobis & nobiscum Deus operatur, tum parvo adiutorio in parva & infirma voluntate, tum magno in magna & robusta apud eundem eodem cap. 17. videamus. Ipsam, inquit, Charitatem Apostolus Petrus nondum habuit, quando timore ter Dominum negavit: Timor enim non est in Charitate, sed perfecta Charitas foras mittit timorem: & tamen quamvis parva & imperfecta, non deerat quando dicebat Domino: Animam meam pro te ponam. Et quis istam, etsi parvam dare cæperat Charitatem, nisi ille qui præparat voluntatem? & cooperando perficit quod operando incipit. Quoniam ipsa ut velimus operatur incipiens, qui volentibus cooperatur perficiens. Propter quod ait Apostolus: Certus sum quoniam qui operatur in vobis opus bonum, perficiet usque in diem Christi Jesu: ut ergo velimus sine nobis operatur: cum autem volumus & sic volumus: ut faciamus nobiscum cooperatur; tamen sine illo vel operante ut velimus, vel cooperante cum volumus, ad hæc pietatis opera nihil valemus.*

valemus. De operante illo ut velimus dictum est: Deus est enim qui operatur in nobis & velle. De cooperante illo cum jam volumus, & volendo facimus, scimus, inquit, quoniam diligentibus Deum omnia cooperantur in bonum. Quid est omnia? nisi & ipsas terribiles sævæque passiones? Ubi non modo apparet Deum concurrere ad actus efficaces, quibus omninò robusti & invicti volumus: sed ad eos etiam quibus ineffaciter ac remissè volumus: ad utrosque juvari nos à Deo: sed diverso sanè modo juvari, atque adedò diversa adjutoria esse: adhuc cum existit operatio voluntatis: quod nos postea ad explicandas Auxiliorum differentias, quæ sufficientia & efficacia appellantur expendemus. Illud præterea ex hoc loco planè constat, Excitari nos gratiâ, & motus qui ab ea sunt fieri in nobis sine nobis. Ac ex ea Gratia provenire operationem liberam nostram, cui Deus cooperatur adjuvando. Ac esse hoc in loco Paradigma utriusque Gratix Excitantis et Adjuvantis præclarum.

Consentit huic de adjutorio Quo doctrinæ, illud quod ei perpetuò adnexum vult Augustinus; victoriam esse à Deo, uti c. 4. docet: *Victoria quâ peccatum vincimus, nihil est aliud, quàm Donum Dei in isto certamine adjuvantis liberum arbitrium.* Quod iterum ac tertium repetit: nec illud aliud desideratur: non omnium hujusmodi Auxilium esse: quemadmodum eodem cap. ait Augustinus *non omnes capiunt: loquitur de Dono Pudicitix verbum hoc, sed quibus datum est: quibus enim non est datum,*

*aut nolunt, aut non implent quod volunt: quibus autem datum est ita volunt, ut impleant quod volunt. Tandem & illud vendicat: ex eo adjutorio fieri, ut homo cum rectè agit, ac vivit, non in se, sed in Domino gloriari debeat. Nam nisi ita motus ac ductus operaretur, aliquid esset in quo jactare se posset: quod profectò non licet. Unde initio Cap. 4. cum multa pro affirmanda humani arbitrij libertate testimonia adduxisset: Sed metuendum, inquit, est, nè ista omnia Divina testimonia & quæcunque alià sunt in defensione liberi arbitrij sic intelligantur, ut ad vitam piam & bonam conversationem cui merces æterna debetur, Adjutorio ei gratiæ Dei locus non relinquatur, & audeat miser homo quando benè vivit & benè operatur, ut potius benè vivere & benè operari sibi videtur, in se ipso, non in Domino gloriari.*





## CAP. XVII.

*Ex aliis locis hinc inde Collectis eadem adjutoriorum diversitas statuitur.*

**B** Reviter ac properantis more locos citabo, & ad traditam doctrinam referendo confirmabo. Primum, & Statum primi hominis intueamur. Lib. 1. de libero arbitrio c. 11. in fine. *Quaquam credamus hominem tam perfectè conditum à Deo, & in beata vita constitutum; ut ad ærumnas mortalis vitæ inde ipse propria voluntate delapsus sit.* Et l. 1. contra Julian. imperf. *Adam Deo suo à quo erat conditus rectus, nullo prorsus vitio depravatus astat.* Idem habet fol. 96. c. 1. 97. & c. 6. libro De Gen. ad Litter. c. 20. *Fecit Deus hominem ad imaginem Dei quia & ipsa natura scilicet vis intellectualis est, sicut & illa lux: & propterea hoc est ei fieri quod est agnoscere verbum Dei; & addit: Ita in ipsa agnitione creatus est antequam delictis veterasceret; unde rursus in eadem agnitione renovatur.* In Enchir. c. 17. *Factus est homo rectus. et c. 104. Etiam primum hominem Deus in ea salute in qua conditus erat. c. 9. Deinde liberum ejus arbitrium cum integra in utramque partem potestate, & in arcè quadâ dominii constitutum consideremus.*

Concione 1. in Psal. 70. *Fecisti hominem, dedisti ei liberum arbitrium, in Paradiso collocasti.* In Enchir. c. 25. *Sic cum munerans libero arbitrio, ut tamen regeret imperio, terreret exitio; & c. 106. Sic oportebat prius hominem fieri, ut & benè velle posset & malè. Et lib. 3. de lib. arbitrio. c. 5. Potestatem utrum velent dedit. lib. 2. oper. imperf. fol. 226. Ad bonum opus liberum Adam condidit. Et in Psal. 17. Quid illi deerat nisi quia sua potestate uti voluit? præceptum rumpere delectavit: ut nullo sibi dominante fieret sicut Deus. Serm. 2. de verbis Apost. Magnas arbitrij liberi vires homo cum conderetur accepit, sed peccando amisit. lib. 3. de lib. arb. c. 19. Ipsam naturam aliter dicimus cum propriè loquimur, naturam hominis, in qua primum in suo genere inculpabilis factus est, aliter vitam in qua ex illius damnati pœna & mortales & ignari & carnis subditi nascimur. lib. 1. Retract. c. 10. Possunt quærere similem latebram, nisi hoc dictum ad naturam talem referatur, qualis sine vitio primitus condita est lib. 11. de Genesi ad Litt. 2. 4. Cum in natura posse, & in potestate haberet velle. Serm. 34. de Divers. c. 2. Ut subderetur Diabolo seductori fuit in ejus libero arbitrio, quo ad inferiora declinando superiora deseruit. Et constitutis inter præceptorem & seductorem, magis seductori, quàm præceptori obtemperare elegit.*

*Deneccessitate Adjutorij Gratix in hoc statu & in hac summa libertate Arbitrij: in Enchir. c. 106. Et si peccatum in solo libero arbitrio erat constitutum, non tamen justitiæ retinendæ sufficiebat liberum arbitrium, nisi*

nisi participatione immutabilis boni divinum adiutorium præberetur. Ac iterum ut ab eo teneretur vita iustitiae, parum erat velle, nisi ille qui eum fecerat adjuvaret; & c. 107. Sic ergo factus est homo rectus, ut & manere in ea rectitudine posset non sine adiutorio Divino, & suo fieri perversus arbitrio: & utrumlibet horum elegisset, Dei voluntas fieret, aut etiam ab illo, aut certe de illo. lib. 11. de Gene. Ad Litter. Cum in natura posse, & in potestate haberet velle, & non consentire suadenti, adjuvante tamen illo, qui superbis resistit, humilibus autem dat gratiam. Et Sermo 34. de divers. c. 3. Deus medicus: opus etiam sanis, ut sanitas ipsa teneatur. Et lib. 14. de Civit. c. 27. Bene vivere sine Adjutorio Dei, etiam in Paradiso non erat in hominis potestate. Et Epist. 106 Natura humana etiam si in illa integritate, in qua condita est permaneret, nullo modo se ipsam Creatore suo non adjuvante servaret. Et tandem in Enchir. Hanc est acceptura per gratiam, quam fuerat, si non peccasset, acceptura per meritum: quamvis sine gratia nec tunc ullum meritum esse potuisset.

Jam verò ad differentiam Adjutorij dati in statu naturæ lapsæ, ejusque virtutem & efficaciam accedamus, ac illud non esse tantum sine quo sed Quo monstremus. Ac primum de eo Generaliter Epist. 202. Deus hac omnia quibus animus humanus divinae societati ad inhabitandam æternam caelestemque civitatem instituitur, & aptatur, non solum jubet aggredienda, verum etiam donat implenda. Hac notâ afficit Augustinus Adjutorium Quo lib. 2. contra Julianum: oper. imperf. fol. 402. Profecto bene vivere apparet:

rebit opus esse *Divinum*. lib. de *Dono Persever.* c. ult. *Satis docuisse me existimo Dona Dei esse & incipere in Dominum credere, et usque in finem in Domino permanere. Cetera verò ad vitam piam qua Deus rectè. Colitur pertinentia etiam ipsi propter quos hæc agimus Dei dona esse concedunt.* Eadem ratione lib. de *gest.* Pelag. c. 25. *Gratiæ tribuit in operando victoriam : Ut vincat iram, tandem aliquando postulat gratiam, ut veram consequatur illo adjuvante victoriam.* Et tract. 85. in *Joan.* *Ab ipso quicquid boni est donatur. Ergo quia hoc bonum est, ab ipso utique donatur : ut sciatur à quo bonum omne donetur, ut omninò de Omnibus bonis qui gloriatur, in Domino gloriatur : Illa etiam ejusdem Adjutorii nota est lib. 2. oper. Imperf. contra Julian. fol. 336. Non ut nolentes credant, quod absurdissimè dicitur, sed ut volentes ex nolentibus fiant : non sicut facit doctor homo docendo & hortando, minando & promittendo in sermone Dei, quod frustra fit nisi Deus intus operetur & velle per investigabiles vias suas. Cum enim verbis doctor plantat & rigat, possumus dicere fortè credit auditor, cum verò dat incrementum Deus, sine dubio credit & profert.* Homilia item. 14. loquens de *Patientia* dicit : *In Patientia vestra, sed unde vestra ? Nostrum est quod à nobis habetur, nostrum est, & quod nobis donatur. Patientia mea ab ipso est. Tuum fecit donando : noli ingratus esse tibi assignando. Ille autem præclarus & illustris est locus, in quo Augustinus formam Adjutorii Quo contra Pelagium disertè proponit lib. de gest. Pelag. c. 3. qui sanè observandus est, Dixerat Pelagius*



Pelagius *Omnes propria voluntate regi.* Eum hoc modo refutat Augustinus. *Procul dubio plus est agi, quàm regi. Qui enim regitur aliquid agit, & à Deo regitur ut rectè agat. Qui autem agitur agere aliquid ipse vix intelligitur. Et tamen tantum præstat voluntatibus nostris Gratia salvatoris, ut non dubitet Apostolus dicere. Quotquot spiritu Dei aguntur hi Filii Dei sunt. Nec aliquid in nobis libera voluntas melius agere potest, quàm ut illi se agenda commendet, qui malè agere non potest: & hoc cùm fecerit ab illo se ut faciat adjutam non dubitet, cui dicitur in Psalmo, Deus meus misericordia ejus præveniet me.* Tria in hoc loco sunt quæ rem continent.

Primum error Pelagij; *Omnes propria voluntate regis aientis, quo Gratiæ Adjutorium omnino excluderat:* secundum: doctrina Augustini de Adjutorio *sine quo* significato per id quod est regi à Deo; et de Adjutorio *Quo* significato per id quod est Agi à Deo. Tertium: germana utriusque natura, et inter utramque differentia. Primum opus non est probare. Secundum monstro. *Quia regi à Deo per gratiam tribuitur ab Augustino Adamo in statu Innocentiæ: in quo erat Adjutorium sine quo.* Patet ex loco Enchir. c. 25. *Sic enim, inquit, munerans libero arbitrio, ut tamen regeret imperio, terreret exitio.* Nam cùm liberum arbitrium posuisset: gratiam ad bene operandum adhibere voluit: eam autem in regendo collocavit: & idè regebat ut rectè ageret: nec enim uti suprà diximus ex Augustino sine Gratia agere rectè quicquam posset. Id verò erat Adjutorium

torium *sine quo*, quod etsi non donabat rectè agere, quòd erat relictum integro arbitrio voluntatis, juvabat tamen ad agendum rectè. Unde serm. 11. de verb. Apostoli. *Regebat eum ipse qui fecerat*; applicat *Adjuvanti Deo* verbum *Regendi*. Esse autè illud *Regimen* *Adjutorium* *Gratiæ* probatur: quia statim Augustinus loquitur de Adamo deferente Deum ac Deo deferente ipsum: quod non nisi ad Gratiam pertinet, & loco, quem adduximus de gestis Pelagij verbum *Regendi*. Augustinus continere regimen *Gratiæ* docuit: nam idcirco exhorruit Phrasin Pelagij. *Omnes propriâ voluntate regi, & statim adjecit: Præstat hoc Deus illis quos subditos regit: non autem illis, qui se idoneos ad regendum putant, & præfidenti cervice propriæ voluntatis ipsum dedignantur habere rectorem, & mox Filij Dei qui hæc noverunt: & se Dei spiritu regi & agi gratulantur. & paulo ante dixerat: Non viribus propriæ voluntatis reguntur & aguntur Filij Dei.* Hâc item ratione dixit in Psal. 44. ad finem, *Protegit nos quia Deus est: nè moriamur: regit nos quia Rex est nè cadamus, regendo autem non frangit nos: nam quos non regit, frangit.* *Adjutorium Quo* manifestè significat per illud *Agì à Deo*, quod opus non est probare, cum & per se notum, & in Augustino obvium sit. Cum præsertim hic non aliud quam *Adjutorium Quo* omninò distinctum ab *Adjutorio sine quo* significet; nam hîc utrunque distinguitur, cum de primo quod *Regendo* datur dicat Augustinus *Aliquid agere eum qui regitur*; quod  
facile

facile sit agnoscere operari cum eo arbitrium, ac illud in opus adducere : de secundo vero affirmat difficillimè cognosci *aliquid agere* cum qui agitur, quod quanquam agat, cum motus et tractus agat à Gratia Efficaci vix deprehendi potest quid arbitrio suo agat. Ac in hoc esse sitam differentiam utriusque Adjutorij cùm suprà diximus ex Augustino, tum infrà ex eodem dicemus. Atque hæc de testimoniis Augustini in aliis libris sint satis. Unum lentius quod luculentissimum est ex variis conflatum locis expendamus, eoque inspecto librum istum absolvamus.



## CAP. XVIII.

*Ex Libris de Civitate Dei variis  
adductis, & collatis locis tota  
hujusmodi de Adjutorio  
exactissimè doctrina  
probatur.*

**T**Am fuscè ac nitidè quicquid, ad hanc rem pertinet, Augustinus tractavit, ut mihi multa dicendi facultatem abstulerit. Quare referam potius, quàm interpretabor Augustini sententiam. Ac primùm quòd Angelorum conditio, statusque conditorum quemadmodum Theologi Scholastici vocant *in via* similis omnino fuit auctore Augustino Adami ante casum conditioni & statui, ut eadem utriusque quoad Adjutorium & meritum habenda sit ratio, uti constat ex superiore capitali ad locorum de Corrept. & Gratia expositione, operæ pretium fuerit ab Angelis incipere. Igitur Augustinus lib. II. c. II. *Angeli simul & facti sunt, Lux facti sunt: non tamen ità tantum creati, ut quoquo modo essent, & quoquo modo viverent, sed etiam illuminati, ut sapienter beatèque viverent.* Quod perinde est



est; ac dicere, quod aiunt Scholastici. *Creatos esse in Gratia*. Idem etsi spinosius tradit lib. 12. c. 9. nam inter quæstionum nodos, quas excitat, statuit Angelos in bona voluntate, & cum bona voluntate conditos fuisse. Itaque disputans de causa bonæ voluntatis Angelorum, ait, *Si dixerimus nullam esse efficientem causam voluntatis bonæ, cavendum est ne voluntas bona bonorum Angelorum non facta, sed Deo coeterna esse videatur*. Cum enim ipsi facti sint, quomodo non illa esse facta dicetur? Porro quia facta est, etiam cum ipsis facta est, an similia fuerunt prius? Sed si cum ipsis, non dubium quod ab illo facta sit, à quo & ipsi: simulque ut facti sunt ei à quo facti sunt, amore quo cum facti sunt adhererunt. Satis hoc sit ad rem nostram: nec ulterius cum Augustino ire argumentando volumus, cum jam hinc pateat Angelos in bona voluntate, imo & Charitate conditos, quam non nisi à Deo accepisse probare contendit Augustinus, cujus ea erat mens monstrare, non naturâ suâ, & ex se ipsis bonos, sed Dei dono fuisse. Unde sic ratiocinationem densissimam concludit. *Si boni Angeli ipsi in se fecerunt voluntatem bonam, utrum aliquâ, eam, an nullâ voluntate fecerunt? Si nullâ; utique nec fecerunt. Si aliquâ; utrum malâ an bonâ? Si malâ, quomodo potuit esse mala voluntas bonæ voluntatis effectrix? Si bona, iam ergo habebant. Et istam quis fecerat, nisi ille, qui eos cum bona voluntate, id est, cum amore casto, quo illi adherent, creavit, simul in illis & condens noturam, & largiens gratiam*. Perspicuè loquitur, & idem vrget usque ad finem capitis: contra Manichæos disputans,

tans, sed & alia contra Pelagianos suppeditans. Nec cap. 13. lib. 11. non eandem sententiam, sed obscurius aliquantò, & brevius inculcat. Cætera colligamus.

Ac deinde : Utrum aliquâ differentiâ sint in ea gratiâ & Charitate conditi videamus. Est enim hîc mens Augustini disputando implicatior. Incipit is. *Antequam peccassent quatenus illius fuerint sapientiæ participes definire quis potest ?* Dubitat ergo Augustinus, & sanè semper ut ambigens loquitur. Duo autem inquit ; alterum utrum omnes Angeli tum qui steterûnt, tum qui ceciderûnt præsciverint, non fore aut fore casuros ? quod ad scientiâ & intellectû pertinet. Alterum : Utrum pares in accepta Gratiâ fuerint : nec unus alio magis acceperit ? Quoad primum & hoc cap. 11. & 13. ejusdem libri ambiguum se ostendit : in eo certum, non accepisse Angelos casuros præscientiam perseverantiæ, quam non habuerunt. Utrum alii acceperint, istis non accipientibus ? de eo est quod dubitat, verum videtur inclinare magis ad sententiam, quæ statuit neutros præscisse quid futurum esset, atque adeo pares hac in re creatos : nec opus est hoc lentius examinare. Tantum dico Augustinû videri propendere eò, ut dicat Angelos stantes bene agendo meruisse, & perseverantiâ & præscientiû perseverantiæ in statu beato : ut ea certitudo fructus fuerit meriti, non prærogativa conditionis. Id cum ex aliis quæ postea afferemus, tum ex eo conjicio, quod c. 13. Augustinus *durum* videri posse ait, si impares in hac præscientia facerint : & certè *durum* non

non dicit credere omnes pares creatos, quod attinet ad præscientiam futuri status, vel casus. Si tamen alios consulamus locos, ille author est: Angelos bonos non præscisse perseverantiam suam cum conditi sint, sed eam pro præmio accepisse: sic enim perspicuè lib. 22. cap. 1. *Qui Deus casum Angelorum voluntarium justissima pœna sempiternæ infelicitatis obstrinxit, atque in eo summo bono permanentibus cæteris, ut de sua sine fine permanensione certi essent, tanquam ipsius præmium permanensionis dedit.*

Quoad alterum: etiam dubium se Augustinus ostendit: nec definit utrum omnes parem Gratiam acceperint? Vult quidem omnes in Gratia conditos; an vero hæc æqualiter omnibus data fuerit? in dubio ponit: nam cum videret quosdam cecidisse, de his quærit: An minorem acceperint gratiam, quam qui steterunt? sic enim lib. 12. c. 8. post longam disputationem, *Isti autem qui cum boni creati essent, tamen mali sunt malâ propriâ voluntatè, quam bona natura non fecit, nisi cum à bono sponte defecit, ut mali causa non sit bonum, sed defectus à bono, aut minorem acceperunt Divini amoris gratiam, quàm illi qui in eadem perstiterunt: aut si utrique boni æqualiter creati sunt istis malâ voluntate cadentibus, &c.* Ecce duos modos ponit; & eos in medio relinquit, ceu alterutrius optionem faceret opinanti. Verum ex his duobus conjecturis apparet Augustinum elegisse posteriorem paris gratiæ, quod exactè præstandum modo, etsi in objectionibus postea secundo libro adducendis latiùs & explicatiùs id tradituri sumus.

Ac primum leviter Probatur ex eo quod illud *Durum* etiam quadret in Gratia inæqualitatem, sicut ex ratiocinatione ibi factâ colligitur. Deinde, quòd semper ait *malos sua voluntate, suâ pravitate cecidisse*, uti c. 13. l. 11. partem Angelorum cadentem *perversam voluntate dicit*, c. 33. ejusd. lib. Et præcipuè lib. 12. c. 9. affirmat: *bonos in bona voluntate manifestasse, malos ab ea deficiendo mutatos, mala scilicet voluntate.* Quod item paulo post repetit bis in sententia proximè à nobis adducta. Ex qua etiam constat Angelos bonos voluntate stetisse. Quòd certè Augustinus non diceret, si boni majorem ad standum Gratiâ accepissent.

Accedit: quòd est modus loquendi de Angelis bonis qui nulla ratione potest eum eo sensu congruere. Nam si boni, inquit, *Angeli ipsi in se fecerunt voluntatem bonam*: modus iste dicendi indicat Angelos per proprium arbitrium cum *Adjutorio sine quo* stetisse. Addit, *Si bona voluntas effeëtrix fuit bonæ voluntatis. Jam ergo habebant. Et istam quis fecerat nisi Deus?* Partitur utramque voluntatem bonam: in qua conditi sunt, & qua cum steterunt. Illam dicit fuisse à Deo: hanc ipsos effecisse; quod argumentum, est sensisse: eos libero arbitrio cum *Adjutorio sine quo* fecisse: atque adeo parem, non majorem quam alios gratiam accepisse.

Alia est item conjectura & quidem idonea. Nam Augustinus ità de casu malorum loquitur ut videatur sentire, eos adjutos æqualiter cum aliis fuisse. Sic enim c. 9. lib. 12. *Eòque sunt ab illorum societate*



tate discreti, quòd hi in eadem bona voluntate manserunt, illi ab ea deficiendo mutati sunt: malà scilicet voluntate, hoc ipso quòd à bono defecerunt, à quo non defecissent, si utique voluissent. Hac ratione solet explicare Augustinus naturam Adjutorij Adami integro dati, atque adèò liberi potestatem arbitrij, æquâ lance in apice libertatis constituti cum Adjutorio *sine quo*. Quod si erat Angelis malis potens ad utrumque, vel ad standum si vellent, vel ad cadendum, certè sufficiens datum erat, nec aliud Angelis bonis, majus unquam eo, Augustinus concessit: An vero intra limites *Adjutorij sine quo* possit dari magis aut minus? suo loco ventilemus. Hujusmodi autem potestatem sufficientem in utramque partem proponit, lib. 22. c. 1. *Qui Deus liberum arbitrium eidem intellectu naturali naturæ tribuit, tale ut si vellet deferere Deum, beatitudinem scilicet suam, continuò miseria esset secutura. Qui cum præsciret Angelos desertores futuros, non eis ademit hanc potestatem.* Et lib. 14. c. 27. *meritum malum pravorum Angelorum malæ voluntati attribuit, & ob eam obstinatos & obduratos Angelos, ut jam bonam voluntatem non haberent.* Verum utcunque hoc loco & cæteris hujus libri Augustinus sentiat, in lib. de Corrept. & Grat. c. 10. perspicuè docet Angelos omnes in prima sua conditione, parem gratiam accepisse, ejusdem rationis cum *Adjutorio Adami*, quemadmodum suprà diximus, & rursus ad objecta (nam quædam ex his locis & aliis nunc prætermittimus) respondentes dicemus.

Sed ad id quod proprium est redeamus, id est ad Primi hominis Adjutorium. Catenam ex variis Augustini sententiis contexamus. Statum Adæ proponit lib 14. cap. 10. & 15. *Hominem Deus in Paradiso constituerat. Res ei facilis imperata: quicquid non poterat, non volebat, & poterat omnia, quæ volebat: magna erat non peccandi facilitas.* Et cap. 26. *Vivebat sicut volebat, quamdiu volebat quod Deus jufferat, vivebat fruens Deo, ex quo bono erat bonus. Summa in carne sanitas, in anima tota tranquillitas. Gaudium verum perpetuabatur ex Deo in quem flagrabat Charitas ex corde puro, & conscientia bona, & fide non ficta.* Idem dixerat eleganter. c. 10. *Amor imperturbatus in Deum, & ex amore gaudium. Erat devotio tranquilla peccati, nullum malum quod contristaret irruebat: nullis agitantur perturbationibus animorum.* Itaque Constat in Gratia & Charitate conditum Adamum, in statu quodam beato instar Angelorum ac, omninò hos locos locis de Corrept. & Grat. respondere. Nunc appareat Adjutorium sine quo proprium hujusce integritatis. Igitur ejusdem libri cap. 27. *Homo rectus, hoc est bonæ voluntatis creatus fuerat, sic institutus, ut si de Adjutorio Dei fideret, bonus homo malum angelum vinceret, si autem Creatorem desereret, vinceretur.* Hactenus status descriptio. Incidere oportet sententias: quoniam hic locus omnia continet, & sc̃ta magis membra ad inspiciendum corpus sententiæ totum juvabunt. Ad meritum transit. *Meritum bonum habens in adjuta divinitus voluntate recta, malum vero in deserente Deum voluntate perversa,*

perversa, quia & ipsum fidere de Adjutorio Dei, non quidem posset sine Adjutorio Dei. Jam de Adjutorio sine quo incipit agere, quod proprium ejus status. Indicat illud eâ particulâ: Non posset sine adjutorio Dei. Pergit: nec tamen ideo ab his Divinæ Gratiæ beneficiis sibi placendo, recedere non habebat in potestate. Proponit ejusdem hominis indifferentem ad utrumque potestatem. Jam exponit naturam Adjutorij sine quo eadem ratione, imo & eodem exemplo, quo libro de Corrupt. & Gratia postea exposuit; Nam sicut in hac carne vivere sine adjumentis alimentorum in potestate non est, non autem in ea vivere in potestate est: quod faciunt, qui seipsos necant, ita bene vivere sine Adjutorio Dei, etiam in Paradiso non erat in potestate, erat autem in potestate malè vivere, sed beatitudine non permansurâ, & penâ justissimâ secuturâ. Ecce Adjutorium sine quo iisdem expressum coloribus, quibus antea ex libro de Corrupt. & Gratia pictum dedimus, ut hoc loco ad alium videatur Augustinus prælusisse: non adjecit Adjutorium Quo. Hic quippe locus non erat, nisi ei quod status erectæ naturæ congruebat: ac extra Paradisum sermo non evagabatur. Sed ex hujus natura Auxilij apparet, quid de alterius virtute Augustinus sentiret. Cùm præsertim addiderit nonnulla quibus mens ejus deprehendatur. Subjicit enim: Nihilominus præsciens Deus, quòd ab ejus semine adjuto sua Gratia idem ipse Diabolus fuerat post casum scilicet sanctorum gloria majore vincendus. Quod Gratiam hic dixerit, quum antea Adjutorium dixisset,

ostendit alterius esse rationis Auxilium. Cum autem adjunxit *Gloria* majore significavit majora Gratia praesidia, quibus major illa gloria deberetur. Et si enim videatur major gloria Diabolum vincere cum solo illo Adjutorio *sine quo*, tamen non credit Augustinus fore, ut eo Diabolus ab homine lapsus vinceretur, qui ab integro victus non fuerat. Quod saepe declarat Augustinus. Unde supra c. 15. exaggerat peccatum Adami, quod in tanta sit pace, ac beatitate commissum ubi *tanta*, inquit, erat non peccandi facilitas. *Quis enim satis explicet quantum malum sit non obedire in re facili & tantæ potestatis imperio, & tanto terrente supplicio?*

Jam vero miseras & difficultates inventas per peccatum in statum ruinæ, nemo melius Augustino hisce libris exposuit. Ex quo necessitas Adjutorii majoris, id est *Quo*, planè colligitur, ut par esse natura posset ad hostes undique oppugnantes vincendos. Hoc enim solet assumere Augustinus fundamentum, ad majus fortiusque auxilium asserendum. *Nam quæ hominis est inquit alia miseria nisi adversus eum ipsum in obedientia ejus ipsius, ut quoniam noluit quod potuit, quod non potest, velit? Quis enumeret quàm multa quæ non potest velit, dum sibi ipsi id est voluntati ejus ipse animus ejus, eoque inferior caro non obtemperet? ipso namque invito & animus plerunque turbatur, & caro dolet, & veterascit, & moritur, & quicquid aliud patimur, quod non pateremur invito, si voluntati nostræ nostra natura omnimodo, atque ex omnibus partibus obediret? Idem prosequitur c. 25. & 26. Sed præclare Lib. 21. c. 15.*



conferens miseriam hominis lapsi, cum integri felicitate. *Hoc autem partium interse animi bellum, nunquam ullum esset, si natura humana per liberum arbitrium in rectitudine, in qua facta est, perstitisset. Nunc verò quæ pacem sælix cum Deo habere noluit secum pugnat infelix.* Huc spectant nonnulla ex l. 14. c. 1. & 10. & 11. & cap. 1. lib. 22. Nusquam tamen latius & luculentius quàm cap. 22. & 23. & 24. ejusdem libri. Ex quibus nihil volo afferre, quòd tot sunt & tam apta, ut necesse sit, integra penè transferre. Quorsum verò ista! nisi ut inferat Augustinus cap. 22. *Ab hujus tam miserae quasi quibusdam inferis vitæ, non liberat nisi Gratia Salvatoris Christi Dei ac Domini nostri? In his malis adjuvat Gratia, ut quanto fidelior, tanto fortiore corde tolerantur.* Et c. 23. *Gratias autem Deo qui dat nobis Victoriæ per Dominum nostrum JESUM CHRISTUM. Ut ea scilicet repararetur, ut ait c. 1. l. 14. in deterius mutata natura.*

Cujusmodi autem ea Gratia fuerit, & quàm ab illa primi status diversa, patet ex modo loquendi Augustini de merito & reparatione hominis lapsi c. 26. lib. 14. ubi usurpat easdem sententias, quas solet adducere ad probandâ differentiâ utriusque Adjutorij. Sic enim: *Non eos jam meritis, quandoquidem universa massa tanquam in vitata radice damnata est, sed Gratiâ discernens, & liberatis non solum de se ipsis, verumetiam de non liberatis, quid eis largiatur ostendens. Meritis discretos appellat qui Adamo integro similes cum solo Adjutorio sine quo operarentur: nam libero eorum arbitrio merita tribuerentur, quod*


sæpe Augustinus repetit. Hujusmodi esset Adamus si perseveraret, & Angeli boni fuerunt prædestinati meritis propriis, ac secundum ea discreti: aliter ac homines in statu ruinæ merentur, & longè alia ratione prædestinati sunt, cum non arbitrio sed gratiâ discreti sint, qua in eis operante merentur, ipsâ & antecedente, & cooperante, ut eâ moti ductique, intra libertatem tamen, operentur. *Quandoquidem in eis*, inquit Augustinus, & *ex eis Deus quid eorum culpa mereretur, & quid sua gratiâ mereretur voluit ostendere.* Ibidem. Unde constat interessè id inter merita cum Adjutorio *sine quo*, & merita cum Adjutorio *quo*, quòd illa humana arbitrio tributa, hæc dona Dei ad eum relata habeantur. Hujus virtutis Gratiæ nota est, quam Augustinus affert c. 6. l. 15. *Si Deus ipse non interiore gratiâ mentem regat, atque agat, nihil prodest homini omnis prædicatio veritatis.* Hæc sanè discernitur Adjutorium *quo* ab Adjutorio *sine quo*, nec enim isto mens agebatur, & regebatur, uti ex illius definitione & Paradigmate constat. Eodem spectat illa ejusdem capitis sententia. *Spiritus sanctus operatur intrinsecus, ut valeat aliquid medicina, quæ operatur extrinsecus.* Unde priorem illam, quam ego præposterè posui, Augustinus deducit. Confirmat alia celebris Augustini phrasis cum Apostoli loco conjuncta c. 1. lib. 22. *Dicitur voluntas Dei quam facit in cordibus obedientium mandatis ejus: de qua dicit Apostolus: Deus est qui operatur in nobis & velle.* Notissimus est hic modus loquendi legentibus Augustinum, cum de Adjutorio *Quo* agit.

Quam


Quam hoc eodem cap. sæpe inculcat.

Jam verò quod tradit c. 23. lib. 22. de victoria, quam justī de peccato consequuntur, eidem doctrinæ suffragantur: *Nec in hoc bello, inquit, vel de viribus nostris speretur facienda victoria, sed de ejus Gratia: de quo ait Apostolus: Gratias autem Deo qui dat nobis victoriam per JESUM CHRISTUM.* Redolet Augustini mentem hujusmodi sententia qua nos docet nihil in nobis esse gloriandum. Quo solet ex Cypriano desumpto hujus modi ratiocinationem claudere. Et nos istam quoque loco Augustini illustri ex c. ult. lib. ultimi petito omnino simili ei, qui extremus est c. 12. lib. de Corrept. & Gratia, coronemus. *Primum liberum arbitrium quod homini datum est, quando primum creatus est rectus, potuerit non peccare, sed potuit & peccare: hoc autem novissimum, id est Beatorum, eo potentius erit, quo peccare non poterit.* Servandi autem gradus erant Divini muneris, ut primum daretur liberum quo non peccare posset homo: novissimum quo peccare non posset: atque illud ad comparandum meritum, hoc ad recipiendum præmium pertineret. Sed quia peccavit ista natura (hoc rem maximè continet) cum peccare potuit, largiore Gratia liberatur, ut ad eam perducatur libertatem, in qua peccare non possit. Sicut enim prima immortalis fuit, quam peccando Adam perdidit, posse non mori: novissima erit, non posse mori, ita primum liberum arbitrium posse non peccare, novissimum non posse peccare. Sic erit inamissibilis voluntas pietatis & æquitatis, quomodo est felicitatis, nam utique peccando, nec pietatem, nec felicitatem tenuimus, voluntatem.

*voluntatem verò felicitatis nec perditā felicitate perdidimus. Hæc Coronis imposita est ab Augustino doctrinæ his libris traditæ. Et sanè ex tot locis eum sensum conflagimus, quem geminum alterius redacti ex capitibus libri de Corrept. & Gratia dixerim, nisi quodd simul editi non sunt: cum hi libri priusquam ille lucem viderint. Cætera germani, imo & gemini sunt, adeò ut quod ille alius de duobus Eloquentiæ Principibus præclare, ego non ineptè de duobus illustribus locis usurpem: hunc de Civitate Dei illi de de Corrept. & Grat. eripuisse, nè esset primus, illum huic nè esset solus. Tam ex integro illi consentiunt: tam se indiscreta similitudine mutuò repræsentant.*



FINIS



Libri II.







5-5-2

